


সিপাহীযুদ্ধের ইতিহাস

ত্রিভুজনীকান্ত গুপ্ত প্রণীত ।

পঞ্চম ভাগ ।




কলিকাতা,

৩০ নং কর্ণওয়ালিস স্ট্রীট, সংস্কৃত প্রেস ডিপার্টমেন্ট কর্তৃক প্রকাশিত ।


১৩০৭ ।

মূল্য ২।। আড়াই টাকা ।



B
954
V5

PRINTED BY H. D. GHOSH AT THE HINDU MACHINE PRESS,
64, AKHIL MISTRY'S LANE, CALCUTTA.



RARE BOOK

বিজ্ঞাপন ।

সিপাহীযুদ্ধের ইতিহাসের পঞ্চম অর্থাৎ শেষ ভাগ প্রকাশিত হইল। চারি ভাগে এই ইতিহাস সমাপ্ত করিবার ইচ্ছা ছিল, কিন্তু তাহা হয় নাই। পঞ্চম ভাগ উহার পূর্ববর্তী অত্যন্ত ভাগ অপেক্ষা বড় হইল। যে সকল ঘটনা স্তরে স্তরে স্তূপীকৃত হইয়া রহিয়াছে, তৎসমুদয়ের যথারীতি বিশ্লেষণ ও বর্ণনা না করিলে, ইতিহাস, পাঠকের আমোদলাভের সহায় হয় না। ১৮৫৭ অঙ্কের সিপাহীযুদ্ধ ঘটনাবৈচিত্র্যে পৃথিবীর প্রধান প্রধান ইতিহাসবর্ণিত ঘটনার সহিত তুলনীয়। এইরূপ ঘটনাবৈচিত্র্যের বর্ণনা গ্রন্থের আয়তনবৃদ্ধির কারণ।

পৃথিবীর এই প্রধান ঘটনার অভিঘাতে ইংরেজ এক সময় একান্ত বিব্রত হইয়া পড়িলেও, উহা অপরের সমক্ষে প্রচ্ছন্নভাবে রাখেন নাই। ইংরেজ লেখকগণ সিপাহীযুদ্ধের বিস্তৃত, সংক্ষিপ্ত ও খণ্ডিত ইতিহাস প্রণয়ন করিয়াছেন। অত্যাধি তাঁহাদের এতদ্বিষয়ক উচ্চমতিরোহিত হয় নাই। প্রতিবর্ষে তাঁহারা এই মহাঘটনার সংস্কৃষ্ট দুই এক পানি গ্রন্থ জগতের সমক্ষে প্রকাশ করিতেছেন। যাহারা গভীরভাবে মানবের মনোগত ভাবের এইরূপ আকস্মিক পরিবর্তনের কারণ পর্যালোচনা করিয়াছেন, এবং ঐ পরিবর্তন-জনিত ভয়াবহ ঘটনাবলীর অনুসন্ধান ব্যাপ্ত হইয়াছেন, তাঁহারা উহার বিস্তৃত ইতিহাসরচনার নিরন্তর থাকেন নাই। যাহারা বিপ্লবের ক্ষেত্রে উপস্থিত ছিলেন, তাঁহারা উহার অসামান্য প্রচণ্ডতাব, উহার অভাবনীয় শক্তি, উহার অচিন্ত্যপূর্ব অতিবিস্তৃতি দর্শনে অতিমাত্র বিস্মিত হইয়া, আপনাদের দুর্গতি, অধিকারচ্যুতি, প্রাধান্য-পুনঃপ্রাপ্তির বিবরণ অপরকে জানাইতে বিমূখ হইয়াছেন নাই। তাঁহাদের কুলমহিলাগণ? যাহারা পৃথিবীতে সর্বাপেক্ষা প্রিয়, সর্বাপেক্ষা স্নেহাস্পদ ধনের সহিত স্নেহ ও শান্তিতে থাকিবার আশা করিয়াছিলেন, তাঁহারাও সেই সকল প্রাণাধিক ধন হইতে জন্মের মত বিচ্ছিন্ন হইয়া, আপনাদের শোচনীয় দ্রবস্থার কথা অপরকে ক্রূরভাবে কল্পনা করিতে ওদাত্ত প্রকাশ করেন নাই। আর এই সময়ে যাহাদের উপর সুবিস্তৃত জনপদের শাসন ও পালনের ভার সমর্পিত ছিল, তাঁহারা এই ঘটনাপ্রসঙ্গে বিবিধ বিজ্ঞাপনী

লিপিবদ্ধ করিয়া, আপনাদের কলনশক্তির পরিচয় দিতেও ক্রটি করেন নাই। এইরূপে সিপাহীযুদ্ধের ইতিহাসের বিস্তৃতি ঘটয়াছে। সিপাহীযুদ্ধ অপেক্ষা ভারতবর্ষসংক্রান্ত আর কোন ঘটনা বোধ হয়, ইংরেজ লেখকদিগের অধিকতর মনোযোগের বিষয়ীভূত হয় নাই।

এই প্রচণ্ড বিপ্লব-বহির নিকাশণে ইংরেজের অসামান্য শক্তির নিদর্শন পরিব্যক্ত হইয়াছে। স্বপ্নের বিষয়, ইংরেজ ঐতিহাসিক এবং ইংরেজ রাজ-পুরুষদিগের অনেকে এই শক্তিতে আশ্চর্য হইয়াছেন নাই। তাঁহারা এবিষয়ে যেরূপ সংযতভাবে আশ্চর্যশক্তির প্রমাণ দেখাইয়াছেন, সেইরূপ উদারভাবে অনিবার্য ঘটনাস্রোতে পরিচালিত বিজিত জাতির প্রতি সমবেদনার পরিচয় দিয়াছেন। প্রধানতঃ ভারতবাসীর সাহায্যে এই ঘোরতর বিপত্তি হইতে ইংরেজের নিক্রান্তিগত ঘটনাছে বলিয়া, সমবেদনাপর ইংরেজ লেখকগণ সাহায্যকারী ভারতবাসীদিগের গুণগৌরবের ঘোষণাতেও বিমুখ হইয়াছেন না।

যে বিষয়ের বর্ণনায় ইংরেজ এরূপ মনোযোগী হইয়াছেন, আমাদের স্বদেশীয় ভাষায় তাহার একখানিও ইতিহাস নাই। আমি বহুকাল হইল, এই ইতিহাস প্রণয়নে ত্রুটি হইয়াছিল। বহুকাল পরে, এখন আমার ত্রুটির উদ্যাপন হইল।

মহামতি কে সাহেব প্রভৃতির ইতিহাস উপস্থিত গ্রন্থের অবলম্বনরূপ। ইংরেজ লেখকগণ যেমন আপনাদের জাতীয় ভাবে আকৃষ্ট হইয়া, সিপাহীযুদ্ধের ইতিহাস লিখিয়াছেন, উপস্থিত ইতিহাসে ইংরেজের সংগৃহীত উপাদানের প্রয়োগকালে, আমিও সেইরূপ আমাদের জাতীয় ভাবের দিকে দৃষ্টি রাখিয়াছি। আমি জানি যে, এবিষয়ে আমার প্রয়াস সর্বাংশে সফল হয় নাই। বিপত্তিঘর, পিচ্ছিল পথে আমাকে অনেক স্থলে অলিতপদ হইতে হইয়াছে। বাহা ইউক, স্বদেশীয়দিগের সংগৃহীত বিবরণে আমি অনেকপরিমাণে উপকৃত হইয়াছি। কুমার সিংহ, লক্ষ্মী বাঈ প্রভৃতির বিষয় প্রধানতঃ ঐ বিবরণের অবলম্বনে লিখিত হইয়াছে। আকাশ অবস্থিতিকালে আমি অনুসন্ধান করিয়া, কুমার সিংহ সর্বদে কোন কোন বিষয় জানিয়াছিল। তৎপরে এক জন প্রচাস্পদ বন্ধু এসম্বন্ধে যাবতীর বিবরণ দিয়া, আমার উপকৃত করিয়াছেন। লক্ষ্মীর মৌলবীর বিবরণ সর্বদে আমি এই রূপে অপর বন্ধুজনের নিকটে উপকৃত

আছি। অত্ৰ এক জন মহারাষ্ট্ৰীয়ভাষাভিজ্ঞ বন্ধু আমার মরাঠাভাষায় লিখিত লক্ষ্মী বাক্সের জীবনীর সারাংশ সংগ্রহ করিয়া দিয়াছেন।

বাঙ্গালাভাষায় “বাই” শব্দ হুস্বইবর্ণান্ত। কিন্তু মরাঠাভাষায় উহা দীর্ঘজীব-
বর্ণান্তরূপে লিখিত হয়। এই ইতিহাসের পূর্ববর্তী খণ্ডে উপস্থিত বিষয়ে
হুস্ব ঠ বর্ণের প্রয়োগ করা হইয়াছে। এবার আমার পুঙ্খানুপুঙ্খ ঐতিভাজন
বন্ধুর অনুরোধে মহারাষ্ট্ৰীয় লিপিপ্রণালীর অনুসরণ করিয়াছি। কিন্তু
এইরূপ বর্ণবিজ্ঞানপ্রণালী অসম্প্রদেশের ভাষায় চলিবে কি না, মনে-
হের বিষয়।

সিপাহীযুদ্ধের ইতিহাসের একটি বর্ণনাক্রমিক সূচী প্রস্তুত করিবার ইচ্ছা
আছে। উহা প্রস্তুত হইলে স্বতন্ত্রভাবে মুদ্রিত ও প্রকাশিত হইবে।

এই ইতিহাসের তৃতীয় ভাগে (২০৬-২০৭ পৃষ্ঠে) কাণপুরের ঘটনায় একটি
ফিরঙ্গী শিশুর প্রাণরক্ষার জন্য একটি দরিদ্র হিন্দু রমণীর আত্মত্যাগের বিষয়
বর্ণিত হইয়াছে। উপস্থিত গ্রন্থের ২১২-২২০ পৃষ্ঠে ফৈজাবাদের ঘটনায় পলাতক
হউরোপীয় কুলকামিনীদিগের প্রতি এতদেশীয় রমণীদিগের অপরিমিত সদয়
বাবহারের কথা উল্লেখ করা গিয়াছে। এই দুইটি বিষয় ডাক্তার নাইট্‌ন্
সাহেবের লিখিত “হিন্দু ললনা” প্রবন্ধ (Journal of the National Indian
Association, August, 1878) হইতে পরিগৃহীত হইয়াছে। যথাস্থলে ইহা
স্বীকার করা হয় নাই।

সিপাহীযুদ্ধের ইতিহাস পরিসমাপ্ত হইল। এত দিন পরে সাহিত্যক্ষেত্রে,
সম্প্রদয় পাঠকের সমক্ষে আমি একটি গুরুতর বন্ধন হস্তে বিমুক্ত হইলাম।

কলিকাতা,
১৮ই জ্যৈষ্ঠ, ১৩০৭ সাল।

}

শ্রীরজনীকান্ত গুপ্ত।

সূচী ।

প্রথম অধ্যায় ।

উত্তরপশ্চিম প্রদেশ ।

উত্তরপশ্চিম প্রদেশ—লেফটেনেন্ট-গবর্নর কলবিন্ সাহেব—আগরা—আলীগড়—
ইটোহা—ভারতবাসীর বিবস্তৃতা ও কন্দকতা—মৈনপুরী—আগরার জীতধর্মাবলম্বীদিগের
আতঙ্ক—কলবিন্ সাহেবের বোম্বাণ্ড—এ বিষয়ে গবর্নর-জেনারেলের অভিমত—মথুরা—
আগরার সিপাহীদিগের নিরস্ত্রীকরণ ১-৪১

দ্বিতীয় অধ্যায় ।

উত্তরপশ্চিম প্রদেশের অবস্থা—মীরট ও রোহিলখণ্ডবিভাগ—মুজফফরনগর ও সাহা-
রাণপুর—মোরাধাবাদ—বেরিলী—শাহজাহানপুর—বদায়ুন ৪২-১০৪

তৃতীয় অধ্যায় ।

গোয়ালির—ইন্দোর—রাজপুতনা ।

উত্তরপশ্চিম প্রদেশের লেফটেনেন্ট-গবর্নরের দৃষ্টিভঙ্গি—মহারাজ জয়াজীরাও শিন্ধে—
তাঁহার সৈন্য—তাঁহার রাজধানীর ঘটনা—তাঁহার সৈনিকদলের উত্তেজনা ও বিক্ষোভ—
ইংরেজদিগের পলায়ন—মহারাজ তুকাজীরাও হোলকর—ইন্দোরের ঘটনা—রাজ-
পুতনা ১০৫-১৫১

চতুর্থ অধ্যায় ।

আগরা ।

আগরার সিপাহী—কলবিন্ সাহেবের অস্থিতা—শাসনকার্যের বন্দো-
বস্ত—আগরার নিকটে যুদ্ধ—ইংরেজসৈন্যের প্রত্যাবর্তন—সৈনিক-
দের খবর—আগরার দুগবাসীদিগের অবস্থা—কলবিন্ সাহেবের দেহত্যাগ ১৫২-১৭২

পঞ্চম অধ্যায় ।

লঙ্কো—অযোধ্যা ।

অযোধ্যার অবস্থা—লঙ্কোর দৃষ্টিভঙ্গি—ভূবাসিন্দার—নবাববংশীয়দিগের দুর্দশা—
সৈনিকদল—জনসাধারণের অবস্থা—লঙ্কোরকার বন্দোবস্ত—সৈনিকনিবাসে সিপাহী-
দিগের বিক্ষোভ ১৮০-২০৫

ষষ্ঠ অধ্যায় ।

অযোধ্যা ।

শিল্পবৈরাগ্য—সীতাপুর—মুলাওন—মোহন—শাহজাহানপুরের পলাতকদিগের
নিধন—কৈফাবাদ—হুলতানপুর—বহরইচবিভাগ—সিক্রোরা—মোদ্রাপুর—দরীয়াবাদ—
পলাতকদিগের দুর্দশা—লক্ষ্মী—স্মার্ত হেনরি লরেলের স্বাস্থ্যহানি—লক্ষ্মীরক্ষার
বন্দোবস্ত—চিনহাটে ইংরেজসৈন্তের পরাজয়—মিচ্ছভবনের কিয়দংশের বিধ্বংস—লক্ষ্মীর
অবরোধ—স্মার্ত হেনরি লরেলের দেহত্যাগ—সেনাপতি হাবেলক ও আউট্রামের
উপস্থিতি ২০৪-২০৮

দ্বিতীয় খণ্ড ।

প্রথম অধ্যায় ।

দিল্লী ।

দিল্লীতে ইংরেজপক্ষের সৈন্তের সমাগম—নগর আক্রমণের বন্দোবস্ত—সেনাপতির
ঘোষণাপত্র—নগর আক্রমণ—সিপাহীদিগের পরাক্রম—ইংরেজসৈন্তের উচ্ছৃঙ্খলতাব—
রাজপ্রাসাদ অধিকার—মোগল ভূপতির হানাস্তরে প্রহর—উহার অবরোধ—শাহজাহা-
দিগের নিধন—কাপ্তেন হুন্সনের কার্যের সমালোচনা—দিল্লীর অধিবাসীদিগের কান্দী—
নিকলসনের দেহত্যাগ ২০৯-২১৬

দ্বিতীয় অধ্যায় ।

ইংরেজসেনাপতির লক্ষ্মীতে যাত্রা ।

সেনাপতি হাবেলকের কাপপুরে উপস্থিতি—উহার লক্ষ্মীতে যাত্রার আয়োজন—
উহার মঙ্গলোয়ারে উপস্থিতি—উনাও এবং বসিরথগঞ্জের যুদ্ধ—হাবেলকের কাপপুরে
প্রত্যাবর্তনের উদ্বেগ—সেনানায়ক নীলের বিরক্তি—হাবেলকের পুনর্বার লক্ষ্মীর দিকে
যাত্রা—বসিরথগঞ্জের দ্বিতীয় যুদ্ধ—হাবেলকের আবার কাপপুরে প্রত্যাবর্তনের উদ্বেগ—
উহার মঙ্গলোয়ারে প্রত্যাবর্তন—লক্ষ্মীর পথে পুনর্বার যাত্রা—বসিরথগঞ্জের তৃতীয়
যুদ্ধ—হাবেলকের কাপপুরে প্রত্যাবর্তন—বটুরের যুদ্ধ—আউট্রামের কাপপুরে উপস্থিতি—
উহার বিজ্ঞাপনপত্র—হাবেলক, আউট্রাম এবং নীলের লক্ষ্মীতে যাত্রা—উহাদের আক্রম-
বাণে উপস্থিতি—চারবাগের সেতুপথে যুদ্ধ—ছত্রমঞ্জিল ও ফরিদ বন্স—খাসবাজার—
নীলের নিধন—হাবেলক ও আউট্রামের রেসিডেন্সিতে উপস্থিতি ২১৭-২২৭

তৃতীয় অধ্যায় ।

উত্তরপশ্চিমপ্রদেশ ও অযোধ্যা ।

সেনাপতি ক্রিখেডের দিল্লী হইতে যাত্রা—গাজীউদ্দীন নগর—মুল্ল নগর—মালব—
পূর্বা—মৌলী সন্ন্যাসী—আলীগড়—আকবরবাদ—আগরা—মৈনপুরী—সেনাপতি আউ-

ট্রামের পথ—কালীনদীর তীরে যুদ্ধ—প্রধান সেনাপতি স্তার কোলিন্স কাম্পবেলের যুদ্ধক্ষেত্রে যাত্রা—কাজেরার যুদ্ধ—প্রধান সেনাপতির অযোধ্যার প্রবেশ—জঙ্গ বাহা-
জুর—প্রধান সেনাপতির লক্ষ্যেতে প্রবেশ—উহার সহিত সেনাপতি হাবেলক ও আউ-
ট্রামের সন্মিলন—সেনাপতি হাবেলকের দেহভাগ—আউট্রামের আলমবাগে অবস্থিতি—
প্রধান সেনাপতির কাণপুরে যাত্রা ... ২২৮-৩২৯

চতুর্থ অধ্যায় ।

তাত্যা টোপে ।

তাত্যা টোপে—উহার যুদ্ধকৌশল—পাণ্ডুনদীর তীরে উহার সহিত ওয়াইওহামের
যুদ্ধ—উহার জয়লাভ—উহার কাণপুরে অবস্থিতি ও বাহরচনা—স্তার কোলিন্স কাম্প-
বেলের কাণপুরে উপস্থিতি—উহার সহিত যুদ্ধে তাত্যা টোপের পরাজয় ... ৩২৬-৩৩২

পঞ্চম অধ্যায় ।

ফতেগড় অধিকার—প্রধান সেনাপতির লক্ষ্যেযাত্রার উদ্বেগ ।

ফতেগড় অধিকার—স্তার কোলিন্স কাম্পবেলের বেরলীতে যাত্রার ইচ্ছা—
গবর্নর জেনারেলের ভিন্নমত—স্তার কোলিন্সের লক্ষ্যেতে যাত্রার উদ্বেগ—উহার
সৈনিকদের উনাওতে অবস্থিতি—ইংরেজসৈন্যের শিবিরে চরের উপস্থিতি—উহার
অবরোধ—উহার বিচিত্র আত্মবিবরণ—উহার কামী ... ৩৪০-৩৬৩

ষষ্ঠ অধ্যায় ।

লক্ষ্যে অধিকার—রোহিলখণ্ড ও অন্তান্ত স্থানে বিপ্লবের শাস্তি ।

লক্ষ্যে অধিকার—ফৈজাবাদের মৌলবী—উহার সহিত যুদ্ধ—উহার মৃত্যু—কইরা
—রোহিলখণ্ড—সাগর ও নন্দদা প্রদেশ—বোম্বাই প্রেসিডেন্সি—দক্ষিণাপথ ... ৩৬৪-৩৮৪

তৃতীয় খণ্ড ।

প্রথম অধ্যায় ।

ঝাঁসী—লক্ষ্মী বাঈ ।

ঝাঁসীর সংস্থান—লক্ষ্মী বাঈ—উহার বাল্য-বিবরণ—উহার বিবাহ—উহার
খামীর দেহভাগ—ঝাঁসীতে ব্রিটিশ গবর্নমেন্টের অধিকারস্থাপন—ঝাঁসীর বিপ্লব—এ
সময়ে লক্ষ্মী বাঈর কাব্য—ইংরেজ সেনাপতির ঝাঁসীতে যাত্রা—উহার সহিত লক্ষ্মী
বাঈর যুদ্ধের উদ্বেগ—ঝাঁসীর দুর্গ আক্রমণ—লক্ষ্মী বাঈর বীরত্ব ও পরাক্রম—উহার
ঝাঁসীপরিভাগ—ঝাঁসীর দুর্গে ইংরেজ সেনাপতির অধিকারস্থাপন—রাও সাহেব ও
তাত্যা টোপের সহিত লক্ষ্মী বাঈর সন্মিলন—কঁচের যুদ্ধ—ইংরেজসৈন্যের কালী
অধিকার—রাও সাহেব প্রভৃতির গোরালিরে গমন—মহারাজ শিন্ধের পলায়ন—

গোয়ালিরের রাও সাহেবের অধিকারস্থাপন—ইংরেজসেনাপতির গোয়ালিরে
যাত্রা—গোয়ালিরের যুদ্ধ—লক্ষী বাঈর যুদ্ধস্থলপরিত্যাগ—উহার পশ্চাৎকাবন—
উহার দেহত্যাগ—গোয়ালিরের মহারাজ শিল্পের পুনর্ব্বার অধিকারস্থাপন—
দামোদর রাও ... ৩৮৫-৪২৬

দ্বিতীয় অধ্যায় ।

১. কাঁশীর পার্শ্ববর্ত্তী স্থান ।

নগরীর সিপাহীদিগের উত্তেজনা—তত্রতা ইউরোপীয়দিগের পলায়ন—উাহাদের সহিত
বিশ্বস্ত সিপাহীদিগের গমন—পথে উাহাদের দুর্দ্দশা—উাহাদের প্রতি ছত্রপুত্রের রাণী
এবং চিরকারির রাজার সম্বাহার—বীদার ঘটনা—নাগোদের বিশ্বস্ত সিপাহী—
পলাতকদিগের নাগোদে উপস্থিতি ... ৪২৭-৪৩০

তৃতীয় অধ্যায় ।

তাত্যা টোপে ।

তাত্যা টোপের পশ্চাৎকাবন—উাহার নানাস্থানে গমন—উাহার অবরোধ—উাহার
ফাসী ... ৪৩১-৪৪২

চতুর্থ অধ্যায় ।

সিপাহীযুদ্ধের শেষভাগের ঘটনা—সম্পূর্ণভাবে যুদ্ধের অবসান—উপসংহার ... ৪৪৩-৪৫০
পরিশিষ্ট ... ৪৫১-৪৫৫

 প্রথম খণ্ড, প্রথম অধ্যায়, ১৮০ পৃষ্ঠের সূচীতে সীতাপুর, মুলাওন প্রভৃতির বিষয়
নির্দিষ্ট হইয়াছে । ঐ বিষয়গুলি উক্ত সূচী হইতে পরিত্যক্ত হইবে । ঐ সকল জনপদের
বিষয়ের বিবরণ পরবর্ত্তী অর্থাৎ দ্বিতীয় অধ্যায়ে বিবৃত হইয়াছে ।

সিপাহীযুদ্ধের ইতিহাস ।

পঞ্চম ভাগ ।

প্রথম অধ্যায় ।



উত্তরপশ্চিম প্রদেশ ।

উত্তরপশ্চিম প্রদেশ—লেফ্টেনেন্ট গবর্নর কলবিন্ সাহেব—আগরা—আলীগড়—ইটোয়া—ভারতবাসীর বিশ্বস্ততা ও কর্মদক্ষতা—মইনপুরী—আগরার ত্রিষ্টম্মাবলীবিগের আতঙ্ক—কলবিন্ সাহেবের ঘোষণাপত্র—এ বিষয়ে গবর্নর-জেনারেলের অভিমত—মথুরা—আগরার সিপাহীবিগের নিরস্ত্রীকরণ ।

গঙ্গা ও যমুনার উৎপত্তিস্থান হইতে দক্ষিণে কর্মনাশা পর্য্যন্ত বিস্তৃত ভূখণ্ড উত্তরপশ্চিম প্রদেশ নামে কথিত হয় । সরকারি কাগজপত্রে উহা এই নামে পরিচিত হইয়া আসিতেছে । ভৌগোলিক বিষয়ের সহিত এই নামের কোন সংস্রব নাই । যেহেতু ভারতের সর্বোত্তরবর্তী ও সর্বপশ্চিমবর্তী ইংরেজাধিকৃত ভূভাগ, উত্তরপশ্চিম প্রদেশ নামে কথিত বিস্তৃত জনপদের অন্তর্ভুক্ত নয় । পঞ্জাবে আধিপত্যস্থাপনের পূর্বে ব্রিটিশ গবর্ণমেন্ট যে প্রদেশকে উত্তরপশ্চিম প্রদেশ বলিয়া নির্দেশ করেন, তাহাই এখন ঐ নামে অভিহিত হইতেছে । যাহা হউক, এই প্রদেশ যেরূপ বিস্তৃত, সেইরূপ ঘন-সন্নিবিষ্ট লোকালয়ে পরিপূর্ণ । বর্ণনীয় বিপ্লবের সময়ে ইহাতে প্রায় ৩০ লক্ষ লোকের বসতি ছিল ।* উত্তর ভারতের যে সকল নগর ইতিহাসে সর্বশেষ

* Raikes, Notes on the Revolt in the North-Western Provinces of India, p. 4. কে সাহেব অধিবাসীর সংখ্যা ৩৩ লক্ষ বলিয়া নির্দেশ করিয়াছেন—Kaye, Sepoy War. Vol. III. p. 194.

প্রসিক্লিলাত করিয়াছে, তৎসমুদয়ের অধিকাংশ এই প্রদেশের অন্তর্ভুক্ত। এক সময়ে মহিমাদিত মোগল এই প্রদেশে সমৃদ্ধি ও প্রতাপের একশেষ দেখাইয়াছিলেন। পরবর্তী সময়ে ইংরেজ এই প্রদেশে আপনাদের রণকৌশল এবং রাজনীতির পরিচয় দিয়া, আয়প্রাধান্যস্থাপনে কৃতকার্য হইয়াছিলেন। যুদ্ধেই ইউক বা রাজনীতির কৌশলেই ইউক, ব্রিটিশ কোম্পানি একটীর পর একটা জনপদ অধিকার করিয়াছিলেন, ক্রমে সমগ্র উত্তরপশ্চিম প্রদেশে তাঁহাদের আধিপত্য অব্যাহত হইয়াছিল। সময়ের পরিবর্তনে এবং ঘটনা-পরম্পরার আবির্ভাবে ও তিরোভাবে এই বিস্তৃত ভূখণ্ডের অধিবাসিগণ পরস্পরবিজ্ঞিম হইয়া পড়ে নাই। অধিকাংশ স্থানের অধিবাসিগণ আচারে, ভাষায়, মুখশ্রীতে, পরিচ্ছদে পরস্পর একতাসম্পন্ন ছিল; সকলেই এক ভাষায় আপনাদের মনোগত ভাব ব্যক্ত করিত, সকলেই একরূপ রীতিনীতির অমুবর্তী হইয়া চলিত এবং সকলেই এক উৎসবে আমোদিত বা একবিধ সামাজিক শাসনে পরিচালিত হইত। ইহারা যেরূপ সাহসী ও তেজস্বী, সেইরূপ রণকৌশল-সম্পন্ন ছিল। ইহাদের উন্নত দেহ, বিশাল স্বক, বিস্তৃত বক্ষঃস্থল, দীর্ঘ বাহু ও দাপ্তিময় মুখমণ্ডল দেখিলে ইহাদিগকে সামরিক কার্যে অভ্যস্ত বলিয়া বোধ হইত। পরস্পর সমবেদনাসূত্রে আবদ্ধ থাকাতে ইহাদের এক শ্রেণীর সহিত আর এক শ্রেণীর সম্ভাব ছিল। এই প্রদেশের ঞায় ভারতবর্ষের আর কোন অংশে যুদ্ধকুশল সৈনিক ও শাস্ত্রপ্রকৃতি কৃষকগণ পরস্পর একতাসম্পন্ন ছিল না; স্মৃতরাং আর কোন অংশে সৈনিকদিগের উত্তেজনাশ্রয়িত কৃষকগণের প্রশাস্ত্যবাবের অন্তর্ধানের অধিকতর সম্ভাবনাও ছিল না। অধিকন্তু এই প্রদেশের ঞায় ভারতবর্ষের আর কোন অংশে লোকবসতি অধিকতর ঘন-সন্নিবিষ্ট ছিল না। এইরূপ সমবেদনাপর, এইরূপ ঘনসন্নিবিষ্ট এবং এক ভাষায়, এক পরিচ্ছদে, এক গঠনভঙ্গীতে, এক আচারে পরস্পর একতাসূত্রে আবদ্ধ হইলেও, উত্তরপশ্চিম প্রদেশের অধিবাসিগণ ব্রিটিশ কোম্পানির অধিকারে এ পর্য্যন্ত কোনরূপ উত্তেজনার পরিচয় দেয় নাই। তাহারা শাস্ত্যভাবে আপনাদের কার্যে ব্যাপ্ত ছিল এবং আপনাদের জীবন ও সম্পত্তি নিরাপদ দেখিয়া, নিরুদ্ধে কালযাপন করিতেছিল। তাহারা কোম্পানির অধিকারে সর্বতোভাবে সন্তুষ্ট হয় নাই। পুলিশের কার্যপ্রণালীতে তাহারা বিরক্ত ছিল।

দেওয়ানি বিভাগের কার্যেও তাহাদের অসন্তোষ জন্মিয়াছিল ।* কিন্তু অসন্তুষ্টি ও বিরক্তিতেও তাহারা প্রশান্তভাব বিসর্জন দেয় নাই । তাহাদের মধ্যে বাণিজ্যের উন্নতি হইতেছিল, জনসংখ্যা বৃদ্ধি পাইতেছিল, সর্বত্র শৃঙ্খলা ও শান্তি অব্যাহত ছিল ।

এই সুবিস্তৃত ও জনবহুল প্রদেশের শাসনের জন্ত এক জন লেফটেনেন্ট-গবর্নর ছিলেন । যে সকল এতদেশীয় সৈন্ত এই প্রদেশে ছিল, তাহারা সরকারী কাগজপত্রে সাধারণতঃ বাঙ্গালার সিপাহী বলিয়া নির্দিষ্ট হইত । সৈনিক-বিভাগের মধ্যে—মীরাত, কাণপুর এবং সাগর বিভাগ এই প্রদেশের অন্তর্ভুক্ত ছিল । মীরাতবিভাগে মীরাত, দিল্লী, রোহিলখণ্ড এবং আগরায় সৈনিক-নিবাস ছিল । কাণপুরবিভাগে এলাহাবাদ, বারাণসী এবং নবাবিকৃত অযোধ্যায় সৈনিকগণ অবস্থিতি করিত । জবলপুর এবং ঝাঁসী সাগরবিভাগের সৈন্তসংক্রান্ত স্টেশন ছিল । এতদ্ব্যতীত বহুসংখ্য স্থানে দেওয়ানি বিভাগের স্টেশন ছিল । কমিশনর, জজ, ম্যাজিস্ট্রেট, কলেটর প্রভৃতি রাজপুরুষগণ বিভিন্ন স্থানের কার্যাসম্পাদনে নিয়োজিত ছিলেন । দিল্লী, মীরাত, রোহিলখণ্ড, আগরা, এলাহাবাদ, জবলপুর, ঝাঁসীতে এক এক জন কমিশনর অবস্থিতি করিতেছিলেন । আগরা সদর স্টেশন ছিল । সমগ্র উত্তরপশ্চিম প্রদেশের লেফটেনেন্ট-গবর্নর এই স্থানে থাকিয়া, শাসনদণ্ডের পরিচালনা করিতেছিলেন ।

এই সময়ে জন কলবিন্ সাহেব উত্তরপশ্চিম প্রদেশের লেফটেনেন্ট-গবর্নর ছিলেন । রাজ্যশাসনবিষয়ে ইঁহার দূরদর্শিতা ও অভিজ্ঞতা ছিল । ইনি যখন গবর্নর-জেনেরল লর্ড অকলণ্ডের খাস মুন্সী ছিলেন, তখন আফগানিস্তানের যুদ্ধে ইংরেজদিগের দুর্গতির একশেষ হয় । কলবিন সাহেব এই দুর্গতিজনক যুদ্ধে গবর্নর-জেনেরলের পক্ষে সমর্থন করিতে সাধারণের বিরাগভাজন হয়েন । একজন্ম ইঁহার প্রতিপত্তি কিয়ৎকাল ভ্রাম্যচ্ছাদিত বহির হ্রায় লুক্কায়িতভাবে থাকে । যাহা হউক, অনতিবিলম্বে ইনি রাজ্যশাসনবিভাগে স্বকীয় কর্মক্ষমতা ও অভিজ্ঞতার জন্ত আবার প্রসিদ্ধিলাভ করেন । ১৮৫৩ অব্দে তমাসন

* *Raikes, Notes on the Revolt in the North-Western Provinces of India. p. 7.*

সাহেবের স্থলে এই প্রতিপত্তিশালী রাজপুরুষ উত্তরপশ্চিম প্রদেশের লেফটেনেন্ট-গবর্নরের পদে প্রতিষ্ঠিত হইলেন। কলবিন সাহেব উপস্থিত সময়ে বিপদের গুরুত্ব বুঝিতে অসমর্থ ছিলেন না। কিন্তু আপনাদের ক্ষমতার উপর তাঁহার দৃঢ়বিশ্বাস ছিল। এই বিশ্বাসপ্রবৃত্তি তিনি কোন বিষয়ে তাদৃশ বিপদের আশঙ্কা করিতেন না। লর্ড কানিংয়ের ছায় তিনিও বুঝিয়াছিলেন যে, ভারতের প্রান্ত-ভাগে যে মেঘখণ্ডের আবির্ভাব হইয়াছে, তাহা ক্রমে বর্দ্ধিত হইয়া প্রচণ্ড ঝড়ের উৎপত্তি করিবে। কিন্তু ইহাতে যে, সহসা তাঁহাদের ক্ষমতা অন্তর্হিত হইবে, তাঁহাদের গৌরবসম্বন্ধ ধূলিসাৎ হইয়া যাইবে, এবং যে যে স্থানে তাঁহাদের প্রাধিকার দীর্ঘকাল অপ্রতিহত ছিল, সেই সেই স্থানেই তাঁহাদের দুর্দশার একশেষ ঘটিবে, ইহা তিনি ভাবেন নাই। স্মরণ্য মে মাসে যখন মৌরাতের সংবাদ সহসা তাঁহার নিকটে উপস্থিত হইল, তখন তিনি উহার ভাবী ফল কিরূপ বিপদজনক হইবে, তাহা বুঝিতে পারিলেন না। মৌরাতের উত্তেজিত সিপাহীরা দিল্লীতে উপস্থিত হইলে যে, তাহার দিল্লীর প্রাসাদ অধিকার করিয়া বৃদ্ধ মোগলের নামে একাধিপত্য করিতে থাকিবে এবং সর্বত্র ইংরেজের ক্ষমতা বিলুপ্ত হইল বলিয়া, জনসাধারণকে অধিকতর বিচলিত, শৃঙ্খলাশূন্য ও ব্রিটিশ গবর্নমেন্টের ক্ষমতার উপর হতশ্রদ্ধ করিয়া তুলিবে, তিনি ইহার অনুধাবন করিলেন না। কিন্তু তাঁহার এই ধারণা দীর্ঘকাল একভাবে থাকিল না। যখন দিল্লীর সংবাদ তাঁহার নিকটে পহুঁছিল, যখন তিনি জানিতে পারিলেন যে, সিপাহীরা বৃদ্ধ বাহাদুর শাহকে সমগ্র হিন্দুস্থানের সম্রাট বলিয়া ঘোষণা করিয়াছে, দিল্লীতে ইংরেজের ক্ষমতা বিলুপ্ত হইয়াছে, দিল্লীস্থিত ইংরেজেরা স্থানান্তরে পলায়ন করিয়াছেন, কেহ কেহ উত্তেজিত সিপাহীদিগের অস্ত্রাঘাতে দেহভাগ করিয়াছেন, তখন তিনি বুঝিতে পারিলেন যে, তাঁহাদের সাম্রাজ্য বিপদাক্রান্ত হইয়াছে। তাঁহার এক শত বৎসর কাল অপ্রতিহতভাবে যে ক্ষমতার পরিচালনা করিতেছিলেন, তাহা সহসা অতিক্রমকারণে অন্তর্হিতপ্রায় হইয়াছে। লেফটেনেন্ট-গবর্নর জন কলবিন এই ঘোরতর বিপদের বিষয় বুঝিতে পারিলেন বটে, কিন্তু ইহাতে তিনি ঐর্ষ্যচ্যুত হইলেন না। এখন রক্ষণীয় স্থান নিরাপদ করিবার জন্য তাঁহার যথোচিত যত্ন ও উত্তম পরিস্ফুট হইতে লাগিল। গঙ্গার উভয় তীরে যে সকল প্রধান নগর ছিল এবং যে সকল স্থান গঙ্গার তটদেশ হইতে দূরে অবস্থিত

ছিল, তৎসমুদয়ে ইউরোপীয় সৈন্ত ছিল না। ইংরেজ রাজপুরুষগণ এই স্থানে থাকিয়া শাস্তি রক্ষা করিতেছিলেন। এখন এইরূপ অশান্তির সময়ে ইহাদের কি দশা ঘটবে, লেফটেনেন্ট-গবর্নর তাহাই ভাবিতে লাগিলেন। তাঁহার বিশ্বাস জন্মিল যে, যে সকল সিপাহী এই সকল স্থান নিরাপদ করিবার জন্ত নিয়োজিত রহিয়াছে, তাহারা ই এখন ইংরেজ রাজপুরুষদিগকে বিপন্ন করিবে। বারাণসী ও এলাহাবাদে ইউরোপীয় সৈনিকবল ছিল না; সিপাহীগণই তত্রত্য রাজপুরুষদিগের বিপত্তিনিবারণের প্রধান অবলম্বনরূপ ছিল। কিন্তু বিপত্তিকালে এই অবলম্বন কিরূপ অবস্থাপন্ন হইয়াছিল, তাহা ইতঃপূর্বে বর্ণিত হইয়াছে। বারাণসী ও এলাহাবাদ ব্যতীত উত্তরপশ্চিম প্রদেশের অনেক জনবহুল ও সমৃদ্ধিপূর্ণ নগরে দেওয়ানি ও সৈনিকবিভাগের কর্মচারিগণ অবস্থিতি করিতেছিলেন, শৃঙ্খলা ও শাস্তিরক্ষার ভার ইহাদের হস্তে সমর্পিত ছিল। উপস্থিত বিপদের সময়ে ইহারা কিরূপ অবস্থায় পতিত হইয়াছিলেন, ইহাদের রক্ষণীয় স্থানে শৃঙ্খলা ও শাস্তি কিরূপ ছিল, তাহা ক্রমে বর্ণিত হইতেছে।

মে মাসে মীরট ও দিল্লীর সংবাদে আগরার ইউরোপীয়গণ ঘেরূপ শঙ্কিত হয়েন, আগরার অধিবাসী জনসাধারণও সেইরূপ উত্তোজিত হইয়া উঠে। মোগলের প্রাধান্ত্যকালে আগরা সাতিশয় প্রসিদ্ধ ছিল। উহা সমৃদ্ধিতে দিল্লীর অব্যবহিত নিম্নে স্থান পাইলেও, সৌন্দর্য্যগোরবে এক সময়ে দিল্লী অপেক্ষাও প্রধান ছিল। উহার অতুলনীয় তাজমহল জগতে আজ পর্য্যন্ত আপনার প্রতিপত্তি রক্ষা করিতেছে। সুনীল যমুনা পূর্ব্বের ত্রায় উহার পাদদেশে প্রবাহিত হইতেছে। যখন যমুনা হইতে তাজের অল্পম সৌন্দর্য্য দৃষ্টিগোচর হয়, তখন দর্শক ভাবশ্রোতে অতীতের দিকে নীয়মান হইয়া, সেই সমৃদ্ধিময় দৃশ্য মানসপটে চিত্রিত করিতে থাকেন। চিরস্মরণীয় আকবর যেখানে থাকিয়া আপনার তেজোমহিমায় ও গুণগৌরবে লোকের মধ্যে দেবভাবে পূজিত হইয়াছিলেন এবং চিরপ্রসিদ্ধ মতিমসজিদ নিৰ্ম্মাণ করাইয়া যে স্থানের সৌন্দর্য্য বৃদ্ধি করিয়াছিলেন, শাহ জাহান যে স্থানে আপনার গুণরিনোর অস্তিম বাসনার অম্লরূপ কর্ম করিবার জন্ত বহু মুদ্রা ব্যয় করিয়া, শিল্পচাতুরীর একশেষ দেখাইয়াছিলেন, সে স্থান পূর্ব্বতন সময়ের ত্রায় বর্তমান কালেও আপনার প্রতিপত্তি রক্ষা করিতেছিল। তাজের দিকে ইংরেজের সৈনিকনিবাস

অবস্থিত। এই স্থানে ইউরোপীয় সৈন্য ও সিপাহীদিগের আবাসগৃহ রহিয়াছিল; সৈনিকনিবাসের নিকটে আফিসারদিগের বাসভাষা, এবং প্রোটেষ্ট্যান্ট ধর্মাবলম্বীদিগের উপাসনামন্দির ছিল। সহরের বহির্ভাগে লেফ্টেনেন্ট-গবর্নরের আবাসগৃহ, গবর্নমেন্টের আফিস, কারাগার, কলেজ, রোমানক্যাথলিকদিগের উপাসনা-মন্দির এবং প্রধান প্রধান সিবিল কর্মচারীর বাসগৃহসমূহ রহিয়াছিল। গবর্নমেন্টের আফিস এক প্রান্তে, সিপাহীদিগের আবাসগৃহ অপর প্রান্তে ছিল। দুর্গ এবং সহরের মধ্যে যমুনার উপর সেতু নির্মিত ছিল। এই সেতু অতিক্রম করিলেই কাণপুর এবং আলীগড়ের পথে উপনীত হওয়া যাইত।

এই সময়ে আগরার সৈনিকদলে ইউরোপীয় ও এতদেশীয় উভয় শ্রেণীর সৈনিকই ছিল। ইউরোপীয় সৈনিকদিগের মধ্যে ৩ সংখ্যক পদাতি ও এক দল গোণন্দাজ এবং সিপাহীসৈন্যের মধ্যে ৪৪ ও ৬৭ সংখ্যক দল অবস্থিত করিতেছিল। ব্রিগেডিয়ার পোলহোয়েল্ সমগ্র সৈনিকদলের অধিনায়ক ছিলেন।

মীরাট এবং দিল্লীর সংবাদ ১২ই ও ১৩ই মে আগরায় উপস্থিত হয়। সংবাদপ্রাপ্তির পূর্ণদিন ইউরোপীয়গণ আশ্চর্য্যের জন্ত সাবধান হইলেন। এক দল ইউরোপীয় সৈন্য দুর্গে থাকিতে আদিষ্ট হয়। ইংরেজেরাও আপনাদের পিস্তলগুলি কার্য্যোপযোগী করিয়া রাখেন। আগরায় দুই দল সিপাহী ছিল। পক্ষান্তরে একদল ইউরোপীয় পদাতি এবং গোণন্দাজ সৈন্য অবস্থিত করিতেছিল। কেবল আগরার সিপাহীরা গবর্নমেন্টের বিরুদ্ধে সম্মুখিত হইলে, ইউরোপীয় সৈনিকগণ তাহাদের ক্ষমতারোধে বোধ হয়, অসমর্থ হইত না। কিন্তু যদি জনসাধারণ উত্তেজিত হইয়া উঠিত, অধিকন্তু আগরার পার্শ্ববর্তী নগরে যে সকল সিপাহী অবস্থিত করিতেছিল, তাহারা যদি দলে দলে আগরায় উপস্থিত হইত, তাহা হইলে তত্রত্য ইংরেজদিগের বিপদ অনিবার্য্য হইয়া উঠিবার সম্ভাবনা ছিল।

যখন মীরাটের সিপাহীগণ উত্তেজিতভাবে দিল্লীতে গমন করিয়াছে, দিল্লী যখন তাহাদের হস্তগত হইয়াছে, তখন ইংরেজের উত্তরপশ্চিম প্রদেশের রাজধানী যে, মীরাট বা অপরাপর স্থানের উত্তেজিত সিপাহীদিগের লক্ষ্যের বিষয়ীভূত হইবে না, তাহা কোন ইংরেজ সে সময়ে ভাবেন নাই।

যাহার উপর জনবহুল সমগ্র উত্তরপশ্চিম প্রদেশের শাসন ও পালনের ভার ছিল, তিনিও সিপাহীদিগের আক্রমণের আশঙ্কায় বিচলিত হইয়াছিলেন। এ সময় আগরা রক্ষা করা তাঁহার প্রধান কর্তব্যের মধ্যে পরিগণিত হইয়াছিল। এই গুরুতর কর্তব্যসম্পাদনের উপায় নির্ধারণের জন্ত তিনি ১৩ই মে আগরা-বাসী প্রধান প্রধান ইংরেজকে আহ্বান করিলেন।* দেওয়ানি ও সৈনিক-বিভাগের প্রধান কর্মচারী, খ্রীষ্টধর্ম-প্রচারক এবং অগ্রান্ত ইউরোপীয় এই উদ্দেশ্যে মন্ত্রণাগৃহে সমবেত হইলেন। লেফ্টেনেন্ট-গবর্নর উপস্থিত বিপদের সময়ে সমুদয় খ্রীষ্টানকে ছুর্গে লইয়া বাইবার অভিপ্রায় প্রকাশ করিলেন। লেফ্টেনেন্ট-গবর্নরের মন্ত্রণাদাতারা সহসা এইরূপে ভয় প্রকাশ করা সঙ্গত বলিয়া মনে করিলেন না। তাঁহারা সাতিশয় বিরোধী হওয়াতে লেফ্টেনেন্ট-গবর্নরের অভিমতানুসারে কার্য্য হইল না। মন্ত্রণাগৃহে বাহারা সমবেত হইয়াছিলেন, তাঁহারা সকলেই সাতিশয় উত্তেজনার সহিত আপন আপন অভিমত প্রকাশ করিতে লাগিলেন। বাহারা আহুত হইয়েন নাই, তাঁহারাও ঐ স্থানে আসিয়া ঐরূপ উত্তেজনার পরিচয় দিতে লাগিলেন। এক জন কহিলেন যে, এ সময়ে সকলেরই ছুর্গে যাওয়া কর্তব্য। অতঃপর কারাগার সম্বন্ধে কি কর্তব্য, জিজ্ঞাসা করিলেন। অপর জন খাণ্ড সামগ্রীর ব্যবস্থা করিতে কহিলেন। আর এক জন সৈনিকনিবাসস্থিত সিপাহীদিগের বিষয়ে সবিশেষ মনোযোগ দিতে কহিলেন। এইরূপে প্রত্যেকেই আপনভাবে আপনার কথা কহিতে লাগিলেন। প্রত্যেকেই আপন মতপ্রকাশের সময়ে আগ্রহ ও উত্তেজনার একশেষ দেখাইতে লাগিলেন। এইরূপে সমাগত লোকের অস্থিরতায় নানা গোলযোগ দৃষ্টিতে লাগিল। বহু গোলযোগের পর সিদ্ধান্ত হইল যে, সমগ্র সৈনিকদল কাওরাজের ক্ষেত্রে সমবেত হইবে। লেফ্টেনেন্ট-গবর্নর সৈনিকদিগকে সময়োচিত উপদেশ দিবেন। ইউরোপীয় ও ফিরঙ্গি-দিগকে লইয়া সৈনিকদল সংগঠন করিতে হইবে। শাস্ত্রীগণ নগরের নানা স্থানে ঘাইয়া, অধিবাসীদিগের উদ্বেগ দূর করিবে, এবং তাহাদিগকে প্রশান্তভাবে থাকিতে কহিবে।

* Raikes, Notes on the Revolt in the North-Western Provinces of India, p. 9.

ময়মনসিংগা ভঙ্গ হইল। এদিকে কাওরাজের আয়োজন হইতে লাগিল। পরদিন প্রাতঃকালে সমুদয় সৈন্য কাওরাজের ক্ষেত্রে সমবেত হইল। দেওয়ানি বিভাগের সমুদয় প্রধান কর্মচারী ঐ স্থলে উপস্থিত হইলেন। লেফটেনেন্ট-গবর্নর কলবিন সাহেব শকটারোহণে আগমন করিলেন। তাঁহার উপস্থিতিতে সম্মানসূচক তোপধ্বনি হইতে লাগিল। ইউরোপীয় মহিলাগণ যখন আপনাদের আবাসগৃহে থাকিয়া তোপের শব্দ শুনিতে পাইলেন, তখন তাঁহারা সিপাহী ও ইংরেজদিগের মধ্যে যুদ্ধ হইতেছে আশঙ্কা করিয়া, একান্ত ভীত হইয়া উঠিলেন। লেফটেনেন্ট-গবর্নর শকটে দণ্ডায়মান হইয়া, সর্বপ্রথম ইউরোপীয় সৈনিকদিগকে সম্বোধনপূর্বক কহিলেন যে, তাহারা যেন তাহাদের সহযোগী সিপাহীদিগের প্রতি অবিশ্বাস না করে। কিন্তু যে সকল দূর্বৃত্ত দিল্লীতে পাদরির কত্মকে নিহত করিয়াছে, যুদ্ধক্ষেত্রে তাহাদের সম্মুখীন হইলে, তাহারা যেন ঐ বিষয় ভুলিয়া না যায়। লেফটেনেন্ট-গবর্নর যখন এইরূপ বলিতেছিলেন, তখন ইউরোপীয় পদাতিগণ উত্তেজনার সহিত দৃঢ়-মুষ্টিতে আপনাদের বন্দুক ধরিতেছিল। তাহাদের তদানীন্তন ভাব দর্শনে বোধ হইয়াছিল যে, লেফটেনেন্ট-গবর্নর যাহাদিগকে তাহাদের বিশ্বাসের পাত্র বলিয়া নির্দেশ করিতেছিলেন, তাহারা সেই বিশ্বাসভাজনদিগকেই গুলি করিতে সচেষ্ট হইয়াছে। অতঃপর কলবিন সাহেব সিপাহীদিগকে সম্বোধনপূর্বক হিন্দুস্থানী ভাষায় কহিলেন যে, তাহাদের উপর তাঁহার সম্পূর্ণ বিশ্বাস রহিয়াছে। যদি কাহারও কোন বিষয়ে অভিযোগ থাকে, তাহা হইলে তাহারা সে বিষয় প্রকাশ করিতে পারে। অথবা যদি কেহ কোম্পানির প্রদত্ত যুদ্ধভূষণ পরিত্যাগ করিতে ইচ্ছা করে, তাহা হইলে তাহারা অগ্রসর হইয়া, আপনাদের ইচ্ছানুসারে কার্য্য করিতে পারে। লেফটেনেন্ট-গবর্নরের কথা শেষ হইল। কোন সিপাহী অভিযোগপ্রকাশ বা সামরিক বেশপরিত্যাগের অভিপ্রায়ে অগ্রসর হইল না। তাহারা প্রতিমুহূর্ত্তে ধর্ম্মনাশের আশঙ্কা করিতেছিল। ব্রিটিশ গবর্নমেন্টের প্রতি বিদ্বেষবহিতে তাহাদের হৃদয় দক্ষীভূত হইতেছিল। তাহারা সে সময়ে আশঙ্কায় অধীর ও বিদ্বেষভাবে উত্তেজিত হইল না বটে, কিন্তু উপস্থিত ইউরোপীয়গণ তাহাদের অগ্রসরভাবব্যঞ্জক মুখভঙ্গী দর্শনে পূর্বের ভ্রায় ছশ্চিন্তাগ্রস্ত হইয়া রহিলেন।

লেফটেনেন্ট-গবর্নর অতঃপর দিল্লী ও আগরার পথ নিরাপদ রাখিতে উচ্চত হইলেন । এই উদ্দেশ্যে এক জন ইংরেজ কর্মচারী নিয়োজিত হইলেন । কর্মচারীর প্রতি এই আদেশ দেওয়া হইল যে, তিনি পথের পার্শ্ববর্তী স্থানের অধিবাসীদিগের উত্তেজনা দূর করিবেন ; সিপাহীগণ দিল্লী হইতে আগরার অভিমুখে ধাবিত হইলে, আগরার সৈনিকদল তাহাদের গতিরোধের জন্ত বিনা বাধায় অগ্রসর হইতে পারে, তদ্বিষয়ে যথোপযুক্ত উপায় নিষ্কারণ করিবেন ; এবং পার্শ্ববর্তী স্থানসমূহে যখন যাহা ঘটিবে, তাহা কষ্টপক্ষে গোচর করিতে যত্নশীল হইবেন । এইরূপ বন্দোবস্ত করিয়া, কলবিন সাত্বেব বিষয়াস্তরে মনোনিবেশ করিলেন ।

এই সময়ে ভারতের মিত্ররাজগণের সাহায্য গ্রহণ করা একান্ত আবশ্যক হইয়া উঠিয়াছিল । ইঁহাদের রাজ্যে সমরকুশল লোকের অধিবাস ছিল । ইঁহাদের অধীনে অনেক সাহসী সৈনিক যুদ্ধোপযোগী অস্ত্রাদিতে সজ্জিত থাকিত । ইঁহাদের আদেশে অনেকে অনেক ছঃসাধ্য কাণ্ডসাধনে উচ্চত হইত । এইরূপ সজ্জিতগণ, এইরূপ সহায়সম্পন্ন, এইরূপ ক্ষমতাপন্ন অধিপতিদিগের সাহায্য ব্যতিরেকে ইংরেজ উপস্থিত যুদ্ধে কৃতকার্য হইতে পারিতেন না । এই সকল অধিপতি রাজ্যরক্ষার জন্ত যে সকল সৈন্য রাখিতেন, তৎসমুদয়ের উপর প্রধানতঃ এতদেশীয় অধিনায়কগণ কড়াকড় করিতেন । এতদ্ব্যতীত ব্রিটিশ গবর্ণমেন্ট কোন কোন ভূপত্যকে সন্ধিসূত্রে আবদ্ধ করিয়া, তাঁহাদের রাজ্যে আপনাদের এক এক দল সৈন্য রাখিতেন । অধিপতিদিগকে এই সকল সৈনিকদলের ব্যয়-ভার বহন করিতে হইত । এই সকল সৈন্য ইউরোপীয় সেনানায়কদিগের অধীনে থাকিয়া ইউরোপীয় সামরিক প্রণালী অনুসারে শিক্ষা লাভ করিত । মহারাজ শিন্দের রাজধানীতে এইরূপ সুশিক্ষিত সৈনিকদল ছিল । কোটা রাজ্যেও এই শ্রেণীর একদল সৈন্য অবস্থিতি করিতেছিল । এতদ্ব্যতীত ভরত-পুর রাজ্যে তেজস্বী ও দৃঢ়কায় জাঠগণ সৈনিকশ্রেণীতে নিয়োজিত ছিল । ভরতপুর আগরার নিকটবর্তী ছিল । গোবালিয়রের উপরেও আগরার বিষম অনেকাংশে নির্ভর করিতেছিল । এই দুই রাজ্যেই সৈনিকবল আগরার ইংরেজদিগের শক্তিবৃদ্ধি অথবা শক্তিনাশ করিতে পারিত । সুতরাং কলবিন আত্মশক্তিবৃদ্ধির জন্ত ভরতপুরের ভূপতি ও গোবালিয়রের রাজার নিকটে সাহায্য

প্রার্থনা করিলেন। এই প্রার্থনা উভয় ভূপতির নিকটেই গ্রাহ্য হইল। উভয় ভূপতি কালবিলম্ব না করিয়া লেফটেনেন্ট-গবর্নরের সাহায্যের জন্ত সৈনিকদল পাঠাইলেন। ভরতপুরের একদল সৈন্ত ১৫ই মে কাপ্তেন নিক্সন নামক এক জন ইউরোপীয় সেনানায়কের অধীনে মথুরায় উপনীত হইল। পর দিন গোবালিয়র হইতে অঝারোহী ও গোলন্দাজ সৈন্ত আগরায় পদার্পণ করিল। মহারাজ শিন্দে আপনার শরীররক্ষক সৈনিকদিগকেও লেফটেনেন্ট-গবর্নরের অধীনে রাখিতে বিমুখ হইলেন না। এই সময়ে অপরের সাহায্যগ্রহণ গবর্নমেন্টের শক্তিশীনতার পরিচায়ক হইতে পারে। লোকে ইংরেজের উত্তর-পশ্চিম প্রদেশের রাজধানীতে ভিন্ন ভিন্ন ভূপতির সৈনিকদিগের সমাগম দেখিয়া, গবর্নমেন্টকে ক্ষমতাসূচক বলিয়া মনে করিতে পারে। কিন্তু লেফটেনেন্ট-গবর্নর লোকের এইরূপ ধারণার পর্যালোচনা করেন নাই। লোকে গবর্নমেন্টকে শক্তিশালী বা শক্তিশীন ভাবুক, তিনি তদ্বিষয়ে কোনরূপ বিচারবিতর্ক না করিয়া, মিত্ররাজগণের সাহায্যগ্রহণে অগ্রসর হইয়াছিলেন। তাঁহার বিশ্বাস ছিল যে, যদি ভারতের ভূপতিগণ এ সময়ে তাঁহাদের বিপক্ষ হয়েন, তাহা হইলে কোনরূপ পার্থক্য ক্ষমতা তাঁহাদিগকে সর্বস্বংস হইতে রক্ষা করিতে পারিবে না। সুতরাং এ সময়ে মরাঠা, জাঠ ও রাজপুতদিগের উপর বিশ্বাসস্থাপন এবং তাহাদের ক্ষমতার উপর নির্ভর করাই তাঁহার অবলম্বনীয় নীতি ছিল। উপস্থিত বিপত্তিকালে তিনি এই নীতি শ্রেয়স্কর বলিয়া মনে করিয়াছিলেন।

দিনের পর দিন অতিবাহিত হইতে লাগিল, আগরায় আপাততঃ কোনরূপ গোলযোগের চিহ্ন পরিলক্ষিত হইল না। সপ্তাহ কাল এইরূপ বিনা গোলযোগে অতীত হইল। রাজ্যশাসনের জন্ত যে যে কার্য আবশ্যক, তৎসমুদয়ের সম্পাদনে কোনরূপ শৃঙ্খলাহানি ঘটিল না। সাধারণেও নিত্যকর্তব্যসম্পাদনের সময়ে আপনাদের প্রশান্তভাবে বিসর্জন দিল না। বিচারক যথাসময়ে বিচারগৃহে উপস্থিত হইতে লাগিলেন। রাজস্বসংগ্রাহক রাজস্বকার্য যথাসময়ে সম্পন্ন করিতে লাগিলেন। মাজিষ্ট্রেট নিয়মিতরূপে নিরুদ্বেগে আপনার কর্তব্য অভিনিবিষ্ট হইতে লাগিলেন। গবর্নমেন্ট ও মিশনারিসকুলে পূর্বের জ্ঞান ছাত্র-সমাগম হইতে লাগিল। অধ্যাপকগণ পূর্বের জ্ঞান অধ্যাপনা করিতে লাগিলেন। কোমলমতি শিক্ষার্থীগণও পূর্বের জ্ঞান পাঠাভ্যাসে মনোনিবেশ করিতে লাগিল।

দেওয়ানিবিভাগের কোন কোন কর্মচারী এ সময়ে স্থানান্তরপ্রবাসী আত্মীয়-
দিগের বিপদের আশঙ্কা করিয়া বিপক্ষ সিপাহীদিগের প্রতি জাতক্রোধ হইতে-
ছিলেন ; কেহ কেহ বিপদ অবশুভাবী মনে করিয়া একান্ত ভীত হইয়া উঠিতে-
ছিলেন । কিন্তু এরূপ ভয় ও দুর্ভাবনার নিদর্শন সৈনিকবিভাগে পরিদৃষ্ট হয়
নাই । সৈনিকবিভাগের তরুণবয়স্ক আফিসারগণ পূর্বের জ্ঞান আপনাদের
কার্য্য করিতে লাগিলেন । তাঁহারা নির্দিষ্ট সময়ে প্রশান্তভাবে অশ্বারোহণে
পরিভ্রমণ করিতে লাগিলেন, বথানিয়মে বিলিয়ার্ড খেলিতে লাগিলেন, নদী-
সম্মুখে আমোদিত হইতে লাগিলেন, রাত্রিকালে সিপাহীদিগের আবাসগৃহের
সম্মুখে স্মৃষ্টিস্মৃৎ অস্থত্ব করিতে লাগিলেন । উত্তেজিত সিপাহীগণ যে,
এ সময়ে তাঁহাদের ক্ষমতা বিনষ্ট, তাঁহাদের আধিপত্য বিলুপ্ত, তাঁহাদের সমুদয়
কার্য্য বিশৃঙ্খল করিতে উদ্যত হইয়াছে, ইহা যেন তাঁহাদের মনেও স্থান
পাইতেছিল না । ইউরোপীয়গণ এইরূপ প্রশান্তভাবে থাকিলেও, কর্তৃপক্ষ
আকস্মিক বিপ্লবের নিবারণ জন্ত যথোপযুক্ত উপায়ের অবলম্বনে উদাসীন
থাকেন নাই । ইউরোপীয় ও ফিরিঙ্গিগণ সত্বর সৈনিকদলে প্রবেশ করে ।
যাহাদের স্ত্রীপুত্র নাই, কোনরূপ পার্শ্ববন্ধনে যাহারা আবদ্ধ নহেন, তাঁহারা
সম্ভ্রষ্টচিত্তে অশ্বারোহণ পূর্বক নগরের বহির্ভাগ পর্য্যবেক্ষণ করিতে লাগিলেন ।
যাহারা পরিবারবদ্ধ হইয়া বাস করেন, তাঁহারা কেবল নগরের পরিদর্শনকার্য্যে
নিয়োজিত হইলেন । নগরের ও তৎপার্শ্ববর্তী স্থানের শাস্ত্রপ্রকৃতি অধিবাসী-
দিগকে অভয়দান করা, এবং উদ্ধতস্বভাব লোকদিগকে ভয় প্রদর্শন করা,
ইহাদের প্রধান কর্তব্যের মধ্যে পরিগণিত হইল ।

২১শে মে পর্য্যন্ত উত্তরপশ্চিম প্রদেশের রাজধানীতে ইউরোপীয়দিগের
মধ্যে এইরূপ প্রশান্তভাবে ছিল । কিন্তু ঐ দিন সহসা নগরে গোলযোগ ঘটিল ।
আলীগড় হইতে সংবাদ আসিল যে, তত্রত্য সিপাহীগণ ব্রিটিশ গবর্ণমেন্টের বিরুদ্ধে
সমুথিত হইয়াছে ।

আলীগড় আগরার ৫০ মাইল দূরে ~~যমুনার-অপর-তটে~~ অবস্থিত । যেখানে
আদালত, বাজার, সৈনিকনিবাস প্রভৃতি রহিয়াছে, তাহা কোয়েল নামে প্রসিদ্ধ ।
যেখানে দুর্গ অবস্থিত, তাহাই আলীগড় নামে অভিহিত হইয়া থাকে । কোয়েল

আলীগড়ের কিছুদূর দক্ষিণে অবস্থিত। উপস্থিত সময়ে কোয়েল সহরের সৈনিক-নিবাসে ৯ সংখ্যক পদাতিকদের কতকগুলি সিপাহী অবস্থিতি করিতেছিল। এই দলের ভিন্ন ভিন্ন অংশ মইনপুরী, ইটোয়া, বলন্দসহর প্রভৃতি স্থানে ছিল। মুঘলসের মধ্যভাগে আলীগড়ে গোলযোগের নিদর্শন লক্ষিত হয়। পার্শ্ববর্তী স্থান হইতে নানারূপ আতঙ্কজনক সংবাদ উপস্থিত হইতে থাকে। এক জন ইংরেজ সেনানায়ক কতিপয় সিপাহীকে সঙ্গে লইয়া, ঐ সংবাদের সত্যতা-নিরূপণ, এবং প্রকৃত প্রস্তাবে উত্তেজনা লক্ষিত হইলে উহার নিবারণের জন্ত গমন করেন। দেওয়ানিবিভাগের এক জন তরুণবয়স্ক কর্মচারী ও কতিপয় সওয়ারী ইহাদের সঙ্গে যায়। ইহাদের নিকটে উপস্থিত সংবাদ অতিরঞ্জিত বলিয়া প্রতীপন্ন হয়। ইহারা যখন সহরের কসাইখানার নিকটে গমন করে, তখন অনেক উত্তেজিত লোক ইহাদের দৃষ্টিপথে নিপতিত হয়। কিন্তু লোকের এই উত্তেজনা হইতে তখন কোনরূপ অনিষ্টের উৎপত্তি হয় নাই। সুতরাং সৈনিকদল কোন বিষয়ে সন্দেহ না করিয়া, যথাস্থানে প্রস্থান করে।

কিন্তু গোলযোগের শান্তি হইল না। নগরে, বাজারে, সৈনিকনিবাসে, লোকালয়ে, গভীর উত্তেজনামূলক অশান্তির আবির্ভাব না ঘটিলেও, স্থানান্তর হইতে একটা ক্ষুণ্ণ উৎখত হইল। এই ক্ষুণ্ণ হইতে শেষে ভরস্বর অগ্নিকাণ্ড সঞ্চিত হইয়া, আগামগ্নী শিখায় সমগ্র স্থান পরিব্যাপ্ত করিল। সৈনিকনিবাস বা কসাইখানা হইতে ঐ ক্ষুণ্ণের আবির্ভাব হয় নাই। নিকটবর্তী একটা পল্লী হইতে উহার উদ্ভব হয়। এই পল্লীতে একজন ব্রাহ্মণ বাস করিতেন। আবাসপল্লী ও পার্শ্ববর্তী স্থানে ইহার সম্মান, ক্ষমতা ও প্রতিপত্তি ছিল। কথিত আছে, কারারক্ষকদিগের এক জনের সহিত ব্রাহ্মণের সম্পর্ক ছিল, উক্ত সম্পর্কের অনুরোধে এই ব্যক্তি ব্রাহ্মণের কার্যসাধনে সর্বদা প্রস্তুত থাকে। এই সময় আলীগড়ের ধনাগারে প্রায় ৭ লক্ষ টাকা ছিল। এই টাকার বিষয় লোকের অবিদিত ছিল না। উহা উক্ত পল্লীবাসী ব্রাহ্মণেরও গোচর হইয়াছিল। ব্রাহ্মণ মনে করিলেন যে, সিপাহী ও পল্লীবাসীগণ যদি গবর্ণমেণ্টের বিরুদ্ধে সমুথিত হয়, তাহা হইলে সিপাহীদিগের হায্য পল্লীবাসীদিগেরও কালেক্টরির টাকা লাভ হইবে। এই সঙ্কল্প সিদ্ধির জন্ত তিনি দুই জন সিপাহীর নিকটে প্রস্তাব করিলেন যে, যদি তাহারা আপনাদের সিপাহীদিগকে গবর্ণ-

মেজের বিরুদ্ধাচরণে প্রবৃত্তি করে, তাহা হইলে তাঁহার কণায় ২,০০০ হাজার পল্লীবাঙ্গী সিপাহীদিগের সহযোগী হইবে। ব্রাহ্মণকে গোপনে সিপাহীদিগের সহিত পরামর্শ করিতে দেখিয়া, এক জন এতদেশীয় আফিসার সন্দিহান হইলেন। ঘটনা জানিয়া, তিনি বিশেষ কৌশলের সহিত ব্রাহ্মণকে কহেন যে, উপস্থিত বিষয়ের পরামর্শ কোন গোপনীয় স্থানে করা উচিত। ব্রাহ্মণ যদি তাঁহার সহিত ঐ স্থানে উপস্থিত হইলেন, তাহা হইলে প্রস্তাবিত বিষয়ে পরামর্শ স্থির হইতে পারে। ব্রাহ্মণ সম্মত হইলেন। গোপনীয় স্থানে সিপাহীগণ অবস্থিত করিতে লাগিল। ব্রাহ্মণ উপস্থিত হইয়া তাহাদের নিকটে স্বকীয় প্রস্তাবের উল্লেখ করিলেন। অমনি আফিসারের সঙ্কেতমাত্র সিপাহীগণ তাঁহাকে অবরুদ্ধ করিল।* সিপাহীগণ সর্বপ্রথম ব্রাহ্মণের কথা শুনিয়াই ইংরেজ অধিনায়ককে ঐ বিষয় জানাইয়াছিল। অধিনায়ক ব্রাহ্মণকে অবরুদ্ধ করিবার আদেশ দিয়াছিলেন। সিপাহীগণ এইরূপে অধিনায়কের আদেশপালন করিল। সেই দিনই সৈনিকবিচারালয়ে এতদেশীয় আফিসারদিগের নিকটে ব্রাহ্মণের বিচার হইল। বিচারকগণ ফাঁসির আদেশ দিলেন। সেই দিনই গোপালসময়ে সমবেত সিপাহীদিগের সমক্ষে ব্রাহ্মণ ফাঁসিকাঠে বিলম্বিত হইলেন। এ পর্য্যন্ত সিপাহীগণ প্রশান্তভাবে ছিল। বাহারী বড়বস্ত্রের কথা অধিনায়ককে জানাইয়াছিল, অধিনায়কের আদেশানুসারে বাহারী বড়বস্ত্রকারীকে অবরুদ্ধ করিয়াছিল, তাহার। যে, সহসা উত্তেজনায় অধীর হইবে এবং অধীরতাসহকারে ইংরেজের আধিপত্য বিলুপ্ত করিতে দলবদ্ধ হইয়া উঠিবে, তাহা কর্তৃপক্ষ কখন ভাবেন নাই। কিন্তু তাহার। যাহা ভাবিয়াছিলেন, কার্য্যতঃ তাহা ঘটিল না। ব্রাহ্মণের অপমৃত্যু দেখিয়া, হিন্দু সিপাহীগণ স্তম্ভিত হইল, সহসা তাহাদের এক জন অগ্রসর হইয়া উচ্চৈঃস্বরে কহিল—“দেখ, আমাদের ধর্ম্মের জন্ত এক জন কেমন অম্লানভাবে দেহত্যাগ করিলেন।” বাক্যসত্ত্বে অগ্নিস্কুলিঙ্গ পড়িলে যেক্রূপ কাণ্ড সজ্জাট হইল, সিপাহীর এই কথায় সেইরূপ ভয়াবহ গোলযোগ ঘটিল। উহাতে সিপাহীদিগের সমস্ত শৃঙ্খলা, সমস্ত আত্মগত্যা, সমস্ত বিশ্বস্ততা ঘন অনন্ত বায়ুরাশির মধ্যে বিলীন হইল। সিপাহীদিগের আকস্মিক উত্তেজনায়

ইউরোপীয়গণ উদ্ভ্রান্ত হইয়া পড়িলেন। আর তাঁহারা আপনাদের স্থানে স্থির-ভাবে থাকিতে পারিলেন না। ইংরেজ সেনানায়কগণ পলায়নে বাধ্য হইলেন। দেওয়ানিবিভাগের কন্সটারিগণ এবং খ্রীষ্টধর্মাবলম্বী অল্পাংশ অধিবাসিগণ আত্মরক্ষার জন্ত স্থানান্তরে যাইবার উত্তোগ করিতে লাগিলেন। এইরূপে সৈনিকবিভাগ ও দেওয়ানিবিভাগের কন্সটারিগণ, এবং স্বাধীন ইউরোপীয় বা ফিরিস্তিগণ সকলেই আলীগড় হইতে তাড়িত হইলেন। ইহাদের কেহ কেহ আগরার অভিমুখে গমন করিলেন। কেহ কেহ মীরাটের দিকে ধাবিত হইলেন। যাহারা আগরার পথ অবলম্বন করিয়াছিলেন, তাঁহারা নিরাপদে নির্দিষ্ট স্থানে উপনীত হইলেন। যাহারা মীরাটের দিকে অগ্রসর হইয়াছিলেন, তাঁহাদিগকে পথে বিপত্তিকর ঘটনাজালে পরিবেষ্টিত হইতে হয়। কিন্তু আলীগড় হইতে যাত্রাকালে কেহই আক্রান্ত বা আহত হইলেন নাই। সিপাহী-গণ তাঁহাদিগকে সদয়ভাবে বিদায় দিয়াছিল। এতদ্ব্যতীত আফিসারগণ রোদন করিতে করিতে তাঁহাদের অনুগমন করিয়াছিলেন।

ইউরোপীয়গণ আলীগড় হইতে এইরূপে তাড়িত হইলে, সিপাহীগণ ও পল্লীবাসিগণ আপনাদের নির্দিষ্টকার্য সম্পাদনে উদ্বৃত্ত হইল। এখন তাহাদের এই উদ্ভম কোন অংশে ব্যাহত হইল না। তাহারা বিনা বাধায় কালেক্টরিং ৭ লক্ষ টাকা আপনাদের মধ্যে ভাগ করিয়া লইল। কারাগারের কয়েদীদিগকে ছাড়িয়া দিল। ইউরোপীয়দিগের আবাসগৃহ ভস্মীভূত করিয়া ফেলিল। যাহা কিছু ইউরোপীয়দিগের অধিকৃত, যাহা কিছু ইউরোপীয়দিগের ব্যবহৃত, সংক্ষেপে যাহা কিছু ইউরোপীয়দিগের সহিত সংশ্লিষ্ট, তৎসমুদয়ই বিলুপ্তিত বা বিনষ্ট হইল। আলীগড়ে ইংরেজের প্রাধান্য, ইংরেজের ক্ষমতা বা ইংরেজের আধিপত্যের কোন নিদর্শন রহিল না। সিপাহীগণ টাকা লইয়া দিল্লীর অভিমুখে প্রস্থান করিল। পল্লীবাসিগণ ও নগরের জনসাধারণ অর্থ এবং বিলুপ্তিত স্রব্যাদি লইয়া, আপনাদের বাসস্থানে অবস্থিত করিতে লাগিল। উপস্থিত সময়ে ইহাদের মধ্যে শান্তিস্থাপন বা আধিপত্যবিস্তারের জন্ত কোন ব্রিটিশ রাজপুরুষের আবির্ভাব হইল না। যখন এই স্থানে ইংরেজের ক্ষমতা পুনরায় কিয়দংশে প্রতিষ্ঠিত হয়, তখন উহার অবস্থা দর্শনে ইংরেজগণ বিস্মিত ও চমকিত হইয়াছিলেন। এই সময়ে এক জন ইংরেজ এই স্থানে গম্ভীর করিয়া

লিখিয়াছিলেন—“আমাদের সমক্ষে আলীগড় বিষয়কর দৃশ্যের বিস্তার করিল। বাকলা, কারাগার প্রভৃতি সমস্তই বিলুপ্ত ও ভস্মীভূত হইয়াছিল। আমাদের উপস্থিতিতে স্থানীয় লোকে অতুস্কানের আশঙ্কায় বিলুপ্তিত দ্রব্যাদি এদিকে ওদিকে ফেলিয়া দিয়াছিল। কয়েক মাইল পর্য্যন্ত পথের উভয়পার্শ্বে, জঙ্গলে, কূপে তৈজসপত্রাদি এবং শামপেন্ হইতে হলওয়েলের বটিকা পর্য্যন্ত ও বহুমূল্য কিংখাপ হইতে পুরাতন পরিচ্ছদ পর্য্যন্ত সমস্ত দ্রব্য বিক্ষিপ্তভাবে রহিয়াছিল”।*

২০শে মে আলীগড়ে এইরূপ আকস্মিক গোলযোগ ঘটে। পূর্বে উক্ত হইয়াছে যে, ৯ সংখ্যক সিপাহীদলের কতক অংশ বুলন্দসহর, ইটোয়া এবং মইনপুরীতে ছিল। আলীগড়ের ঘটনার সংবাদ অবিলম্বে ঐ সকল স্থানে পৌঁছিল। ঐ সকল স্থানের সিপাহীগণও আপনাদের সহযোগীদিগের উত্তেজনার একান্ত অধীর হইয়া উঠিল। বুলন্দসহরে তাদৃশ গোলযোগ ঘটে নাই। সিপাহীগণ কেবল ধনাগার লুণ্ঠনপূর্ব্বক প্রস্থান করে, কিন্তু ইটোয়া এবং মইনপুরীতে অল্পরূপ ঘটনার আবির্ভাব হয়।

ইটোয়া মীরাটের পথের পার্শ্বে আগরগাঁও প্রায় ৭৩ মাইল দক্ষিণপূর্বে অবস্থিত। এই স্থানের অধিবাসিগণ শান্তভাবে ও সন্তুষ্টচিত্তে কালযাপন করিতেছিল। উপস্থিত সময়ে ঐ স্থানে নানারূপ উন্নতির নিদর্শন পরিলক্ষিত হইতেছিল। মে মাসের প্রারম্ভে এই বিভাগের সর্বত্র সুশৃঙ্খলভাবে সমুদয় কার্য্য নির্বাহিত হইতেছিল। চুরি ডাকাতি প্রভৃতি উপদ্রব অনেক পরিমাণে কমিয়া গিয়াছিল। বিনা গোলযোগে রাজস্ব সংগৃহীত হইতেছিল। বহুসংখ্য পাঠাগার ও বিদ্যালয় স্থাপিত হইয়াছিল। বিভিন্ন স্থানে গমনাগমনের অভিনব পথ খোলা হইয়াছিল। খালের জলে বহুবিস্তীর্ণ শস্তক্ষেত্রসমূহের উর্ব্বরতাশক্তি বৃদ্ধি পাইতেছিল। অধিবাসিগণ সাধারণতঃ প্রফুল্ল ও সন্তুষ্ট ছিল। এইরূপ সন্তোষ, এইরূপ প্রফুল্লতার মধ্যে সহসা মহাবিপ্লবের আবির্ভাব হইল। উহার সংঘাতে সমুদয় শৃঙ্খলা, সমুদয় সুনিয়ম বিনষ্ট হইয়া গেল।

যখন আগরা হইতে মীরাট এবং দিল্লীর সংবাদ ইটোয়াতে উপস্থিত হয়,

* Kaye, Sepoy War. Vol. III. p. 217, note.

তখন মাজিষ্ট্রেট হিউম সাহেব, বিপ্লবকারী সিপাহীদিগের অবরোধে কৃতসঙ্কল্প হইলেন। যেহেতু এই সকল সিপাহী আপনাদের আবাসবাটীতে গিয়াই হউক, অথবা চারি দিকে বেড়াইয়াই হউক, পার্শ্ববর্তী স্থানের অধিবাসীদিগকে সমুত্তেজিত করিতে পারিত। এই উদ্দেশ্যে শাস্ত্রীগণ সাধারণের গন্তব্য পথের পর্য্যবেক্ষণের জন্ত প্রেরিত হয়। ১৬ই মে বাত্রিকালে ইহারা মীরাটের ৩ সংখ্যক অশ্বারোহী দলের ৭ জন সওয়ারকে অবরোধ করে। অবরুদ্ধ সওয়ারদিগের পিস্তল ও তরবারি ছিল। ইহারা যখন ইটোয়ার মৈনিক-নিবাসে উপস্থিত হয়, তখন অবরোধকারীদিগকে বাধা দিয়া, এক জন ইংরেজসেনানায়ককে গুলি করে, এবং আর এক জনের নিধনসাধনে উদ্বৃত্ত হয়। ৯ সংখ্যক দলের এক জন সিপাহী এবং নগরের কোতোয়াল আক্রমণকারী সওয়ারকে নিহত করে। ইহার মধ্যে শাস্ত্রীগণ আক্রমণকারী অপর সওয়ারদিগের সম্মুখীন হয়। এক জন সওয়ার গুলিতে গাণ বিসর্জন করে, দুই জন তরবারির আঘাতে গতানু হয়। দুই জন পলায়ন করে। ইহাদের এক জন পুলিশ কর্তৃক অবরুদ্ধ হয়। ইহারা সকলে ক্ষতেহপুরবিভাগের অধিবাসী পাঠান।

ইহার কয়েক দিন পরে উক্ত ৩ সংখ্যক অশ্বারোহী দলের কয়েক জন পলাতক সওয়ার ইটোয়ার সদর ষ্টেশনের প্রায় ১০ মাইল দূরবর্তী যশোবন্তনগর-নামক স্থানে উপস্থিত হয়। ইহারাও অস্ত্র-শস্ত্রে সজ্জিত ছিল। ইহারা যে গোরুর গাড়ীতে যাইতেছিল, শাস্ত্রীগণ তাহা অবরুদ্ধ করিয়া, ইহাদিগকে অস্ত্র পরিত্যাগ করিতে কহে। সওয়ারগণ অস্ত্রাদির উন্মোচনের ভাণ করিয়া সহসা অবরোধকারীদিগকে বন্দুকের গুলিতে নিহত করে। অতঃপর তাহারা একটি হিন্দু-দেবালয়ে যাইয়া আশ্রয়লাভ প্রাপ্ত হয়। দেবালয়টা বড়ো ক্ষুদ্র, তথাপি স্বদৃঢ় ছিল। উহার সম্মুখে একটি প্রাচীরবেষ্টিত বৃক্ষবাটিকা রহিয়াছিল।

সওয়ারদিগের উক্ত দেবালয়ে গমনের সংবাদ পাইয়া, মাজিষ্ট্রেট সাহেব আপনার বগি প্রস্তুত করিতে আদেশ দিলেন। আদেশানুসারে অবিলম্বে বগি প্রস্তুত হইল। মাজিষ্ট্রেট সাহেব অস্ত্রাদিতে সজ্জিত হইয়া, আপনার সহকারীর সহিত শকটে আরোহণপূর্বক যশোবন্তনগরে বেলা ৯টার সময় যাত্রা করিলেন। তিনি নির্দিষ্ট স্থানে উপস্থিত হইয়া দেখিলেন যে, সওয়ারগণ যে স্থানে অবস্থিতি

করিতেছে, তাহা সহসা হস্তগত করা সুসাধ্য নয়। নিম্নলিখিত মুসলমান অধিবাসিগণ দলবদ্ধ হইয়া চারি দিকে ছিল। কথিত আছে, ইহারা মাজিষ্ট্রেট সাহেবের কোনরূপ সাহায্য করে নাই। যে সকল সিপাহী ইটোয়া হইতে আসিতে আদিষ্ট হইয়াছিল, তাহারা পথ ভুলিয়া যাওয়াতে উপস্থিত হইতে পারে নাই। মাজিষ্ট্রেট সাহেবের সঙ্গে পুলিশের অস্ত্রধারী লোক ছিল। ইহারাও তাদৃশ কার্যপট্টতা প্রদর্শন করে নাই। একজন গহরী দেবালয়ের দ্বারদেশে উপনীত হয়। কিন্তু হতভাগা আপনার বিশ্বস্ততা প্রতিপন্ন করিতে গিয়া, সওয়ারদিগের অস্ত্রাঘাতে দেহত্যাগ করে। মাজিষ্ট্রেট সাহেবের সহকারী আহত হইলেন। সুতরাং মাজিষ্ট্রেট সাহেব অল্প উপায় না দেখিয়া, আহত বন্ধকে সঙ্গে লইয়া ইটোয়ায় প্রত্যাবর্তন করেন। এদিকে সওয়ারগণ রাত্রিকালে প্রচণ্ড ঝটিকার মধ্যে দেবালয় পরিত্যাগপূর্বক স্থানান্তরে পলায়ন করে।

এই ঘটনার পর দিন আলীগড়ের সিপাহীগণ ইংরেজদিগের পক্ষ পরিত্যাগ করে। এই সংবাদ তৃতীয় দিনে ইটোয়াতে পৌঁছ'ছে। মাজিষ্ট্রেট সাহেব ইটোয়ার সিপাহীদিগের অধ্যক্ষের সহিত পরামর্শ করেন। আলীগড়ের সৈনিকদলের যে সকল সিপাহী ইটোয়াতে ছিল, তাহারা সহযোগিদিগের বিপক্ষতাচরণের সংবাদ জানিতে না পারে, এজন্য তাহাদিগকে স্থানান্তরিত করা সিদ্ধান্ত হয়। কিন্তু সংবাদ দীর্ঘকাল গোপনে রাখার সম্ভাবনা ছিল না। মাজিষ্ট্রেট সাহেব কর্তৃপক্ষের নিকট সাহায্যকারী সৈন্তের জন্ম প্রার্থনা করিয়াছিলেন। এই সাহায্যকারী সৈনিকের সমাগম সময়সাপেক্ষ ছিল। এই সকল কারণে ইটোয়ার সিপাহীদিগকে বরপুরানামক স্থানের পুলিশ ষ্টেশনে যাইবার আদেশ দেওয়া হয়। সিপাহীগণ প্রথমতঃ প্রফুল্লচিত্তে নির্দিষ্ট স্থানে যাত্রা করিল। কিন্তু দুই মাইল পথ অতিক্রম করিতে না করিতেই তাহাদের অনেকের ভাবান্তর ঘটিল। তাহারা অধিনায়কের আদেশ না মানিয়া, ইটোয়ায় ফিরিয়া গেল। কতিপয় সিপাহী এবং তাহাদের এতদের্শীয় আফিসারগণ প্রশান্তভাবে রহিলেন। ইহারা ইউরোপীয় কর্মচারীদিগকে তাহাদের বালক বালিকা ও মহিলাদিগের সহিত নিরাপদে বরপুরায় লইয়া গেল। এদিকে উত্তেজিত সিপাহীগণ ইটোয়াতে প্রত্যাবর্তন করিল। উচ্ছ্রাল জনসাধারণ

তাহাদের সহযোগী হইল। ইহারা বিপ্লবের নির্দিষ্ট কার্য অসম্পূর্ণ রাখিল না। ধনাগার বিলুপ্তি হইল, কয়েদীগণ মুক্তিলাভ করিল, গবর্ণমেন্টের আফিস এবং ইউরোপীয়দিগের আবাসগৃহ (মাজিষ্ট্রেটের আবাসবাটা ব্যতীত) ভস্মীভূত হইয়া গেল। মাজিষ্ট্রেট সাহেব ছদ্মবেশে পলায়ন করিলেন।* তিন চার দিনের জন্ত ইটোয়াতে ইংরেজশাসনের সমুদয় চিহ্ন অন্তহিত হইল।

ইটোয়ার বিপ্লবপ্রসঙ্গে মহামতি হিউম সাহেব বিশদভাবে ভারতবাসীদিগের মহৎ গুণের বর্ণনা করিয়াছেন। এই বর্ণনা পাঠ করিলে, এক দিকে যেমন ভারতবাসীদিগের প্রগাঢ় বিশ্বস্ততা ও অপরিমিত প্রভুত্বের পরিচয় পাওয়া যায়, অপর দিকে সেইরূপ রাজ্যশাসনোচিত দক্ষতা, বীরোচিত নির্ভীকতা ও আত্মত্যাগের নিদর্শন লক্ষিত হয়। হিউম সাহেব আপনার পলায়নের কথা এই ভাবে লিখিয়াছেন—“আমি রাত্রিতে পলায়ন করি, চারি দিক চম্ভালোকে উদ্ভাসিত হইয়াছিল। আমার পরিচ্ছদ ও গাগড়ীর উপর এক খানি চাদর ছিল। পেণ্টালুন খুলিয়া ফেলা হইয়াছিল। পায়ে দেশী জুতা ছিল। গয়াদীন নামক এক জন চাপরাসী এবং এক জন নগরবাসী আমার সঙ্গে যাইতেছিল। সিপাহীরা যদি আমাকে কালেক্টর বলিয়া জানিতে পারিত, তাহা হইলে নিঃসন্দেহ আমার প্রাণ যাইত। আমার সঙ্গীরও নিহত হইত। কিন্তু যাইবার সময়ে বিশ্বস্ত চাপরাসী ও নগরবাসী সিপাহীদিগের সহিত নানা কথা বলিতে বলিতে যাইতেছিল। এইরূপ কথাবার্ত্তায় সিপাহীরা আমাকে চিনিবার অবসর পায় নাই। ৯ সংখ্যক পদাতিকদলের অধিকাংশ সিপাহী দিল্লীতে গিয়াছিল। ইহারা বেশী টাকা সঙ্গে লইয়া যাইতে পারে নাই। বেহেতু আমি আমার বন্ধু কুমার লক্ষণ সিংহ এবং কুমার জরসিংহের (ইহারা প্রতাপনের নামক স্থানের চৌহানবংশীয় রাজপুত। লক্ষণ সিংহ শেষে রাজা হইলেন।) সাহায্যে অধিকাংশ টাকা পূর্বেই আগরার পাঠাইয়া দিয়াছিলাম।

* মার্টিন সাহেব নির্দেশ করিয়াছেন যে, মাজিষ্ট্রেট মহিলার বেশে পলায়ন করেন। কিন্তু হিউম সাহেব নয়। অন্তরূপ নির্দেশ করিয়াছেন।—*Martin, Indian Empire, Vol. II, p. 192.* মাজিষ্ট্রেট হিউম সাহেবের ক্রমে পদোন্নতি হয়। ইনি জাঙ্গনাল কলেজ বা জাতীয় মহাসমিতির প্রধান পরিপোষক। ইনি যেরূপ সদাশয়, সেইরূপ ভারতহিতৈষী। ভারতবাসীদিগের মঙ্গলসাধনে সর্বদা ইহার একাগ্রতা ও অধ্যবসায় পরিস্ফুট হইয়া থাকে।

কিন্তু ৯ সংখ্যক সিপাহীদলের সকলেই উত্তেজিত হইয়া উঠে নাই। এই দলের কয়েক জন এতদ্দেশীয় আফিসার এবং কুড়ি জন সিপাহী এক জন আহিরীজাতীয় সুবাদারের অধীনে থাকে। ইহাদের বিশ্বস্ততা বিচলিত হয় নাই। ইহারা আমার পলায়নের সময়ে অস্ত্র যে সকল ইউরোপীয় পলাইতে-ছিলেন, তাহাদিগের সকলকেই রক্ষা করে”।

যখন গোবালিয়রের সৈনিকদল উপস্থিত হয়, তখন যে সকল ভারতবাসী কালেক্টর হিউম সাহেবের পক্ষসমর্থন করিতেছিলেন; তাহারা সকলেই বলিয়াছিলেন যে, এই সিপাহীরা নিঃসন্দেহ গবর্ণমেন্টের বিরুদ্ধাচারী হইয়া উঠিবে। এই সঙ্কটকালে ত্রিশটি কুলমহিলা ও বালকবালিকা হিউম সাহেবের নিকটে ছিল। হিউম সাহেব ইহাদিগকে আগরায় পাঠাইতে উদ্যত হইলেন। উত্তেজিত লোকে চারি দিক ঘুরিয়া বেড়াইতেছিল। পল্লীর পর পল্লী বিলুপ্তিত, গৃহের পর গৃহ ভস্মীভূত হইতেছিল। সশস্ত্র সিপাহীগণ ফিরিঙ্গীর প্রাণবিনাশের জন্ত একাগ্রতার পরিচয় দিতেছিল। এই সময়ে রাজা লক্ষণসিংহ, তাহার ভ্রাতা অল্পসিংহ এবং জগসিংহ, অসহায় ইউরোপীয় মহিলা ও বালকবালিকাদিগকে সঙ্গে লইয়া আগরায় উপনীত হইলেন। ইহা জুন মাসে ঘটে। জুলাই মাসে হিউম সাহেব আপনার বিভাগে ফিরিয়া আসিতে পারেন নাই। এই সময়ে ইটোয়া-বিভাগের শান্তি ও শৃঙ্খলা রক্ষার জন্ত অনেকেই হিউম সাহেবকে অনুরোধ করে। হিউম সাহেব সমগ্র বিভাগ পাঁচটি বড় তহশীলে বিভক্ত করেন। প্রতি তহশীলে এক এক জন শাসনকর্তা নিয়োজিত হইলেন। ইহারা সকলেই ভারতবর্ষীয়। ইহাদের নাম কুমার জরসিংহ, রাজা যশোবন্ত সিংহ (ইনি ব্রাহ্মণ), কায়স্থজাতীয় চৌধুরী গঙ্গাপ্রসাদ, লালা লায়েক সিংহ এবং মথুরানিবাসী বৈষ্ণবজাতীয় এক জন প্রাচীন তহশীলদার। এইরূপে সম্ভ্রান্ত ব্রাহ্মণ, ক্ষত্রিয়, বৈষ্ণব ও কায়স্থের উপর ইটোয়া বিভাগের শাসনভার সমর্পিত হয়। ইহারা যথারীতি আপনাদের কর্তব্যসাধন করিয়াছিলেন। বোরতরবিপ্লবের সময়ে ইহাদের অশাসনশৃঙ্খলা অব্যাহত ছিল। পাঁচ মাস কাল, ইহারা আপনাদের অধীন জনপদ শাসন করেন। প্রতি মণ্ডালে ইহারা আপনাদের কার্যবিবরণ হিউম সাহেবের গোচর করিতেন। ইহাদের শাসন-কার্যের বিরুদ্ধে কেহই কোন কথা বলে নাই। কেহ ইহাদিগকে ক্ষমতার

অপব্যবহার বা ভ্রায়পরতার অবমাননা করিতে দেখে নাই। ইঁহারা অপর স্থানে কি ঘটতেছে, তাহারাও সন্ধান লইতেন। ইঁহাদের নিকট হইতে স্থানান্তরের ইউরোপীয়গণ কাগপূরের সেনাপতি নীলের সংবাদ অবগত হইলেন। ইঁহাদের যত্নে ইংরেজ সৈনিকদিগের জন্ম মাত শত উষ্ট্র সংগৃহীত হয়। এই সকল বাহন পাওয়াতে তাহারা সহজে লক্ষ্মী নগরের অভিমুখে অগ্রসর হয়। এইরূপ বিপত্তিকালে, এইরূপ উত্তেজিত লোকের মধ্যে কোন ইংরেজ রাজ-পুরুষ ইঁহাদের অপেক্ষা অধিকতর সুশাসনক্ষমতা ও নির্ভীকতার পরিচয় দিতে পারেন কি না, সন্দেহ। হিউম সাহেব স্পষ্ট নির্দেশ করিয়াছেন যে, কোন ইংরেজ ইঁহাদের ভ্রায় দক্ষতার সহিত জনপদ শাসন করিতে পারেন নাই। অধিকন্তু ওরিয়্য তহশীলের বর্ষীয়ান বৈশ্যের ভ্রায় কেহ নির্ভীকতা ও বিশ্বস্ততার পরিচয় দিতে সমর্থ হইলেন নাই।

এই বর্ষীয়ান বৈশ্যের অপূর্ণ বিশ্বস্ততার কথা এতলে সংক্ষেপে বর্ণনীয়। ঝাঁদীর উত্তেজিত সিপাহীগণ যখন ইঁহার তহশীলের অভিমুখে অগ্রসর হয়, তখন ইনি প্রয়োজনীয় কাগজপত্র ও টাকা স্থানান্তরে প্রেরণ করেন। ইঁহার ছই একটা বিশ্বস্ত লোক ব্যতীত কেহই এ বিষয় অবগত ছিল না। কিন্তু ঘটনাক্রমে কয়েকটা ছরাচার লোক এ বিষয় অবগত হইয়া, উত্তেজিত সিপাহীদিগকে কহে যে, বৃদ্ধ তহশীলদার সমস্ত টাকাকড়ি স্থানান্তরে লুকায়িত রাখিয়াছেন। যদি ছরাচারেরা সিপাহীদিগকে না বলিত, তাহা হইলে সিপাহীরা কিছুই করিত না। বেহেতু তাহারা ভাবিয়াছিল যে, অস্ত্রাত্ম তহশীলের ভ্রায় এই তহশীলও বিলুপ্ত হইয়াছে। এখন সিপাহীরা সন্ধান পাইয়া বৃদ্ধ তহশীলদারকে ধরিল এবং তাঁহাকে টাকা বাহির করিয়া দিতে বলিল। কিন্তু রাজভক্ত বর্ষীয়ান পুরুষ কিছুতেই গোপনীয় বিষয় প্রকাশ করিলেন না। উত্তেজিত সিপাহীগণ তাঁহাকে ফাঁসি দিবে বলিয়া ভয় দেখাইল। কিন্তু ইহাতেও তিনি বিচলিত হইলেন না। অবশেষে তাহারা একটা পিতলের কামানের সহিত তাঁহাকে বাঁধিল। বৃদ্ধ তহশীলদার এই কামানের সহিত আবদ্ধ রহিলেন। তথাপি তিনি রক্ষণীয় অর্থ ও কাগজপত্র কোথায় আছে, বলিলেন না। সিপাহীরা বৃদ্ধকে কামানের সহিত টানিয়া ইটোয়াম আনিল। বৃদ্ধ এই অবস্থায় অচেতন হইয়া পড়িয়াছিলেন। ইটোয়াবাসিগণ তাঁহার বান্ধক্য,

Imp 4303 dt- 21/1/17

তাহার সৌম্যকৃতি, তাহার দুর্দশা দেখিয়া, তাহাকে ছাড়িয়া দিতে বলিল । লোকে বর্ষায়ান্ রাজকর্মচারীকে সিপাহীদিগের হস্ত হইতে মুক্ত করিয়া মথুরায় তাহার নিজ বাড়ীতে লইয়া গেল । এইরূপে কঠোর পাড়নে তথায় তিনি দেহত্যাগ করিলেন । ইংরেজ যে বৈষ্ণব মহাজনদিগকে কাপুরুষ বলিয়া অবজ্ঞার ভাবে দেখেন, এই বর্ষায়ান বৈষ্ণব তাহাদেরই মধ্যে এক জন । বিশ্বস্ততা ও রাজভক্তির সম্মান রক্ষা করিতে গিয়া, কিরূপ নিষ্ঠাকটিকে দেহত্যাগ করিতে হয়, তাহা তিনি জানিতেন । পৃথিবীর কোন দৃঢ়রত পুরুষ ইহা অপেক্ষা অধিকতর রাজভক্তি ও বিশ্বস্ততার পরিত্যগ দিয়াছেন কি না, ইতিহাস তাহা আজ পর্য্যন্ত দেখাইতে পারে নাই ।

পূর্বের রাজা লক্ষণ সিংহের পরিচয় প্রদত্ত হইয়াছে । সেন্টেবর ও অক্টোবর মাসে উত্তেজিত সিপাহীগণ আগরা আক্রমণের উদ্যোগ করে । ইহারা কিরূপ বলসম্পন্ন ছিল এবং অস্ত্রাদি কি পরিমাণে সঙ্গে আনিয়াছিল, ইংরেজ কর্তৃপক্ষ তাহা জানিবার জন্ত সাতিশয় উৎস্রক হয়েন । তাহারা এই উদ্দেশ্যে চর প্রেরণ করেন । কিন্তু চরগণ প্রয়োজনীয় সংবাদলাভে কৃতকাৰ্য্য হয় নাই । তাহাদের কেহ কেহ রক্ত ও ফাঁসিকাঠে বিলম্বিত হয়, কেহ কেহ অকৃতার্থ হইয়া ফিরিয়া আটসে । অভীষ্ট সিদ্ধ হইল না দেখিয়া, কর্তৃপক্ষ হুঁচিস্তাপ্রাপ্ত হইলেন । এই সময়ে রাজা লক্ষণ সিংহ সংবাদ আনিবার জন্ত প্রস্তুত হইলেন । এই কাব্য যেক্রপ বিপত্তিজনক, সেইরূপ অসংসাহসিক ছিল । রাজা লক্ষণ সিংহ আগরার অধিবাসী । আগরার লোকে তাহাকে চিনিত । আগরার প্রায় ২,০০০ হাজার ছবৃত্ত লোক উত্তেজিত সিপাহীদিগের শিবিরে অবস্থিতি করিতেছিল । যদি কেহ চিনিতে পারে, তাহা হইলে তাহার মৃত্যু অনিবার্য্য । কিন্তু লক্ষণ সিংহ কিছুতেই পশ্চাদ্দপদ হইলেন না । তিনি সম্মাদীর বেশে সিপাহীদিগের শিবিরে উপস্থিত হইলেন ; দুই তিন দিন সেখানে থাকিয়া, সমুদয় অবস্থা পর্য্যবেক্ষণপূর্ব্বক আগরার কর্তৃপক্ষের নিকটে ফিরিয়া আসিলেন । কর্তৃপক্ষ এই অসংসাহসিক ক্ষত্রিয়ের নিকটে সমুদয় বিবরণ অবগত হইলেন ।

এই স্থলে অসামান্য বীরত্ব ও সাহসের আর দুইটা দৃষ্টান্ত দেওয়া বাইতেছে । উপস্থিত ইতিহাসে অনেক স্থলে দেওয়ানিবিভাগের ইংরেজ কর্মচারীর সাহসের বিষয় বর্ণিত হইয়াছে । নাজিষ্ট্রেট, কালেক্টর প্রভৃতি কর্মচারিগণ আর

উদ্ধারে কিরূপ ব্যৱস্থার পরিচয় দিয়াছিলেন, তাহা ইতিহাসপাঠকের অবদিত নাই। কিন্তু এইরূপ দৃষ্টান্ত কেবল ইংরেজের মধ্যে আবদ্ধ থাকে নাই। দেওয়ানিবিভাগের ভারতবর্ষীয় কর্মচারীও এ বিষয়ে ইংরেজের পার্শ্বে স্থান পরিগ্রহ করিয়াছেন, এমন কি ইংরেজ অপেক্ষা অধিকতর সাহসের পরিচয় দিয়া স্মরণীয় হইয়া রহিয়াছেন। উজীর আলি নামক এক জন সম্ভ্রান্ত মুসলমান দেৱার দেওয়ানি আদালতের উকীল ছিলেন। শেষে ইনি ওকালতি পরিত্যাগ পূর্বক গবর্ণমেণ্টের কর্ম গ্রহণ করেন। মাজিষ্ট্রেট হিউম সাহেব ইহাকে ক্রমে রাজস্ববিভাগের সহযোগী সেরেসাদার করিয়া দেন। যখন ইটোয়াতে বিপ্লব ঘটে, তখন চুরাচার গুজরগণ জেলার সকল স্থানে দৌরাড্যা করিতেছিল। উজীর আলি এই দস্যুদমনে নিয়োজিত হইলেন। তিনি যে বিভাগের ভার পাইয়াছিলেন, সেই বিভাগে দস্যুদিগের উপদ্রব নিরাকৃত হইয়াছিল। একটা দুর্গ দস্যুদিগের অধিকৃত ছিল। উজীর আলি উহা অধিকার করিতে গেলে, দস্যুগণ বাধা দেয়। আক্রমণকালে তাঁহার কতিপয় লোক নিহত হয়। কিন্তু উজীর আলি ইহাতে নিরস্ত হইলেন নাই। দস্যুদিগের অন্ত্রাদি উজীর আলির লোকের অন্ত্রশস্ত্র অপেক্ষা উৎকৃষ্ট ছিল। ইহাতেও উজীর আলি হতোত্তম হইয়া পড়েন নাই। তিনি সর্বপ্রথম মই দ্বারা দুর্গে আরোহণ করেন। তাঁহার উত্তমে, সাহসে, সর্বোপরি অপরিদ্রায়া বীরত্বে গুজরগণ পরাজিত ও দুর্গ অধিকৃত হয়।

হিউম সাহেব যখন আলীগড়ের মাজিষ্ট্রেটের কর্ম করিতেন, তখন রামপুর-নিবাসী এক জন পাঠান তত্ত্ব্য কারাগারের অধ্যক্ষ ছিলেন। পালায়ান বলিয়া ইনি সবিশেষ প্রতিপত্তিশালী ছিলেন। হিউম সাহেব সর্বদা কারাগারে যাইতেন, কয়েদীদিগের কার্যকলাপ পর্যবেক্ষণ করিতেন এবং সমস্ত বিষয়ের সূক্ষ্মতা দেখিয়া সমুদ্র হইতেন। এইরূপে কারাধ্যক্ষ পাঠানের সহিত তাঁহার ঘনিষ্ঠতা ও বন্ধুতা জন্মে। মইনপুরী ও দিল্লীর পথে সর্বদা ডাক চুরি ঘাওয়াতে হিউম সাহেব ঐ চৌর্যের অনুসন্ধান নিয়োজিত হইলেন। তিনি এই সময়ে কারাধ্যক্ষ পাঠানকে চৌর্যের অনুসন্ধানার্থে প্রেরিত গুপ্তচরদিগের অধিনায়ক করেন। পাঠানের চেষ্টায় অপহারকগণ ধৃত ও দণ্ডিত হয়। এই কাব্যের পুরস্কার স্বরূপ উক্ত কর্মচারী মজফরনগর জেলার একটা বিভাগের তহশীলদার হইলেন।

যখন সিপাহীবিপ্লব ঘটে, তখন হিউম সাহেব তাঁহার নিকটে লিখিয়া পাঠাইয়া-
 ছিলেন যে, তিনি যেন এ সময়ে গবর্ণমেন্টের প্রতি বিশ্বস্তভাবে থাকেন।
 তাঁহার যত্নে যে, তদীয় পদোন্নতি হইয়াছে, ইহা যেন মনে থাকে। এই সময়ে
 গন্তব্যপথ অবরুদ্ধ হইয়াছিল। পত্রাদি যথাস্থানে যথাসময়ে উপস্থিত হইত না।
 যাহা হউক, ঘটনাক্রমে পাঠান কন্ঠচারীর এক খানি পত্র হিউম সাহেবের
 হস্তগত হয়। তাহাতে লেখা ছিল, “আমি কখনও নিমকহারাম হইব না।
 আমার চেঁচায়, যতদূর হইতে পারে, তাহা করিব। ইহার পর ভগবানের
 উপর নির্ভর।” সাহসী তহশীলদার এই সময়ে আপনার তহশীল সুরক্ষিত
 করিয়াছিলেন। তদীয় আত্মীয়স্বজন ও অনুচরগণ এই কার্যে তাঁহার প্রধান
 সহায় ছিল। উত্তেজিত সিপাহীগণ ছই তিন বার তহশীল আক্রমণ করে,
 সাহসী পাঠান তহশীলদার তাহাদের আক্রমণ নিরস্ত করেন। ইহার পর
 বহুসংখ্যক সিপাহী সমাগত হইয়া, এষ্ট স্থান অবরোধ করে। অবরোধকারী-
 দিগের মধ্যে ৩ সংখ্যক অশ্বারোহীদের মুসলমান সৈনিকগণ ছিল। পাঠান
 তহশীলদার ইহাদের অপরিচিত ছিলেন না। ইহারা তাঁহার মল্লযুদ্ধকৌশলের
 বিষয় অবগত ছিল। এজন্য মুসলমান সৈনিকগণ তাঁহার জীবনরক্ষা করিতে
 আগ্রহবৃত্ত হয়। তাহারা তহশীলদারের নিকটে যাইয়া কহে, কোম্পানির
 রাজত্বের অবসান হইয়াছে, এখন দিল্লীর সম্রাটের অধীনতা স্বীকার করা
 তাঁহার পক্ষে শ্রেয়ঃ। তিনি পূর্বে যেমন কোম্পানির নামে আপনার তহশীল
 রক্ষা করিতেছিলেন, এখন দিল্লীর সম্রাটের নামে সেইরূপ করুন। তিনি যদি
 ইচ্ছা করেন, তাহা হইলে তাহাদের চেঁচায় দিল্লীর একটা প্রধান রাজকার্য্য
 পাইতে পারেন, অথবা তিনি যদি নিরীক্সবদে তাহাদের হস্তে আপন তহশীলের
 ভার সমর্পণ করেন, তাহা হইলে তাহারা আত্মীয়স্বজন ও সম্পত্তির সহিত
 তাঁহাকে নিরাপদে রামপুরে লইয়া যাইতে পারে। কিন্তু সাহসী পাঠান
 তহশীলদার কিছুতেই বিচলিত হইলেন না। সিপাহীদিগের বাক্চাতুরী,
 সিপাহীদিগের প্রতিশ্রুতি, সিপাহীদিগের ক্রোধ সমস্তই তাঁহার নিকটে ব্যর্থ
 হইল। তিনি ইংরেজের অধীনতাপরিত্যাগে সম্মত হইলেন না, দিল্লীর মোগল
 ভূপতির অধীনে উচ্চপদ গ্রহণ করিতে ইচ্ছা করিলেন না, বা স্বকীয় সম্পত্তি
 লইয়া নিরাপদে স্বদেশে যাইতেও উদ্ধত হইলেন না। তিনি কর্তব্যপালনের জন্ত

দৃঢ়প্রতিজ্ঞ হইয়াছিলেন। কিছুতেই সেই প্রতিজ্ঞা খলিত হইল না। সাহসী পাঠান যখন সিপাহীদিগের প্রস্তাবে কিছুই সম্মত হইলেন না, তখন সিপাহীগণ তাঁহার রক্ষণীয় স্থান আক্রমণ করিল। ক্রমে বহুসংখ্যক সিপাহী আক্রমণকারীদিগের দলে মিশিল। দৃঢ়রত তহশীলদার আক্রান্ত স্থান রক্ষার সুবন্দোবস্ত করিয়াছিলেন। কিন্তু আক্রমণকারীর সংখ্যাধিক্যে তাঁহার অভীষ্ট সিদ্ধ হইল না। কামানের গোলায় তাঁহার প্রবেশবার উড়িয়া গেল। সাহসী পাঠান অসি-হস্তে সেই দারদেশে দণ্ডায়মান হইলেন। তাঁহার পশ্চাতে তদীয় আত্মীয় ও অনুচরগণ অন্তশব্দে সজ্জিত হইল। বহুসংখ্যক আক্রমণকারী তাঁহার জীবন-হরণে অগ্রসর হইয়াছে। তাহাতে সাহসী তহশীলদারের ক্রম্বেপ নাই। তহশীলদার অসির আফালন করিতে করিতে সেই বিপক্ষদলের গতিরোধে উজ্জত হইলেন। কিন্তু তাঁহার প্রয়াস সফল হইল না। তথাপি তিনি পশ্চাদিকে ফিরিলেন না। সেই মুক্তদারপথে সেইরূপ বীরত্ব ও তেজস্বিতা সহকারে অসি-হস্তে করিয়া বীরশ্রেষ্ঠ তহশীলদার আপনার আত্মীয়দিগের সহিত দেহত্যাগ করিলেন। চাপরাঙ্গী প্রভৃতি অনুচরগণ তাঁহার দৃষ্টান্তের অনুবর্তী হইল। কেবল কয়েক জন মাত্র এই ভয়ঙ্কর আক্রমণ হইতে আত্মরক্ষা করিতে সমর্থ হইল। সাহসী তহশীলদার এইরূপ আপনার অলোকসামান্য কৰ্তব্যপরায়ণতার পরিচয় দিলেন। তিনি আপনার রক্ষণীয় স্থান সুরক্ষিত করিয়াছিলেন। তিনি পুনঃ পুনঃ আক্রান্ত হইলেও, আক্রমণকারীদিগকে কয়েক বার তাড়িত করিয়াছিলেন। শেষে আক্রমণকারীদিগের সংখ্যাধিক্যে তাঁহার শক্তি পর্য্যুদস্ত হইল। তথাপি তিনি সম্মুখসংগ্রামে বিমুগ্ধ হইলেন না। কিছুতেই তাঁহার অসামান্য প্রভুভক্তি ও অপূর্ণ বিশ্বস্ততা কলঙ্কিত হইল না। তিনি কৰ্ম্মস্থলে আপনার কৰ্তব্যপালনের জন্ত প্রকৃত বীরগুরুষের হায় প্রশান্তভাবে আত্মত্যাগ করিলেন। তাঁহার দৃষ্টান্তে তদীয় অনুচরগণ একরূপ উত্তেজিত হইয়া উঠিল যে, তাহারা সেই স্থানে তাঁহার হায় প্রশান্তভাবে আত্মোৎসর্গ করিল। বোধ হয়, কোন সাহসী কার্যাকুশল ইংরেজ ইহা অপেক্ষা মহত্তর কৰ্ম্ম সম্পাদন করিতে পারেন নাই! এবং এই প্রভুভক্ত ও দৃঢ়রত তহশীলদারের হায় আত্মোৎসর্গ করিয়া কৰ্তব্যপরায়ণতার পরাকাষ্ঠা দেখাইতে পারেন নাই।

এই অভ্যাজন স্মৃতিস্তির পার্শ্বে একটা অপকীর্তির ছায়া আছে। যখন

পূর্বোক্ত তহশীলের বিধবাস এবং তহশীলরক্ষাকারীদের নিধনের সংবাদ মজঃফরনগরে উপস্থিত হয়, তখন কালেক্টর সাহেব ভয়ে এরূপ অভিভূত হইলেন যে, তিনি অবিলম্বে গাড়িতে চড়িয়া মীরাতের অভিমুখে পলায়ন করেন। তাঁহার ভৃত্যরা এই সংবাদ সেরেস্টাদার ও তহশীলদারকে জানায়। সেরেস্টাদার ভাবিলেন যে, কালেক্টর সাহেবের পলায়নের কথা শুনিলেই নগরের ছব্বত লোকের প্রত্যাশ বৃদ্ধি পাইবে। গৃহাদি বিলুপ্তিত বা ভস্মীভূত হইবে। সমুদয় হানে অরাজকতার নিদর্শন দেখা যাইবে। সুতরাং তাঁহার তড়াতাড়ি অস্বাভাবিকভাবে কালেক্টর সাহেবের পশ্চাদ্ধাবিত হইলেন এবং তাঁহাকে অনেক বুঝাইয়া নগরে লইয়া আইসেন। কালেক্টর যাহাতে আবার পলাইতে না পারেন, তাহার বন্দোবস্ত করিয়া, এই রাজতন্ত্র সাহসী কর্মচারিগণ নগরের শান্তিরক্ষার জন্ত কালেক্টর সাহেবের নামে ঘোষণাপত্র প্রচার করেন, এবং অবিলম্বে সমুদয় ঘটনা বিবৃত করিয়া এক জন উপযুক্ত কর্মচারীর জন্ত সাধারণ-পূর্বের কালেক্টরের নিকটে দূত পাঠাইয়া দেন। এই কর্মচারীর উপস্থিত না হওয়া পর্য্যন্ত তাঁহার যথোচিত দৃঢ়তা ও দক্ষতার সহিত নগরের শান্তিরক্ষা করেন। অত্র ইংরেজ কর্মচারী আসিয়া জেলার ভার লইলে, পূর্বোক্ত ভীক কালেক্টর সাহেবকে মীরাতে পাঠাইয়া দেওয়া হয়। কালেক্টর সাহেব নিরাপদে নির্দিষ্ট স্থানে উপস্থিত হইয়া স্বদেশে যাত্রা করেন। ভারতবাসিগণ আর তাঁহার কোনরূপ সংবাদ লইতে উৎসুক হয় নাই। এক সময়ে ভারতবাসিগণ ইংরেজের জন্ত অকাতরভাবে আত্মোৎসর্গ করিয়াছিলেন, আর ইংরেজ তাঁহাদেরই সমক্ষে আপনাদের প্রাধান্য ও ক্ষমতার বিষয় বিস্তৃত হইয়া, কাপুরুষতার একশেষ দেখাইয়াছিলেন।

এই সকল দৃষ্টান্ত দেখাইয়া সদাশয় হিউম সাহেব স্পষ্টাক্ষরে নির্দেশ করিয়াছেন যে, মানবোচিত গুণে ভারতবাসী ও ব্রটনদিগের মধ্যে কোনরূপ পার্থক্য নাই। কর্মক্ষেত্রে উভয় জাতিই সমান দক্ষতা ও সমান বোধ্যতার পরিচয় দিয়া থাকে। উভয় জাতিই গুণবাহুল্যে গোরবের অধিকারী, এবং অশিক্ষার অভাবে পাপপ্রবৃত্তির বশীভূত হইয়া থাকে। যদি অপক্ষপাতে বিচার করা যায়, তাহা হইলে উভয় জাতিতেই গুণ ও দোষের অস্তিত্ব দেখা গিয়া থাকে। যদি অশিক্ষিত ও সঙ্গুণসম্পন্ন ভারতবাসীর সহিত অশিক্ষিত,

সামান্য ইংরেজের তুলনা করা যায়, তাহা হইলে মহৎ ব্যক্তিগণের মধ্যে শেষোক্তটিকে প্রায় বানর বলিয়া বোধ হইবে। আর যদি কৰ্মক্ষেত্রে দীর্ঘ-কালব্যাপী পরিশ্রমে দূরদর্শী এবং প্রগাঢ় দায়িত্বজ্ঞানে প্রশাস্তচিত্ত ভারতপ্রবাসী ইংরেজের সহিত অদূরদর্শী ভারতবর্ষীয়দিগের তুলনা করা যায়, তাহা হইলে প্রথমোক্তটি সাধারণ মর্ত্যগণের পার্শ্বে দেবতার ছায় উদ্ভাসিত হইবেন। কিন্তু যদি প্রত্যেক জাতির অত্যাংকুষ্ট গুণবিশিষ্ট ব্যক্তিদিগের পরস্পর তুলনা করা যায়, তাহা হইলে উভয়েই অত্যাংকুষ্ট বলিয়া প্রতিপন্ন হইবে। * * * ভারত-প্রবাসী ইংরেজেরা সর্বদা ভারতবর্ষীয়দিগের দোষভাগই দেখিয়া থাকেন। পক্ষান্তরে সজাতির গুণভাগই তাঁহাদের চক্ষুতে পড়িয়া থাকে। এই জ্ঞাত্তা তাঁহাদের এইরূপ দ্রাষ্টিপূর্ণ ধারণা হইয়াছে যে, ভারতবাসী নিরতিশয় নিন্দনীয় চরিত্রের এবং ইংরেজ সাতিশয় উৎকৃষ্ট প্রকৃতির আদর্শ। *

এইরূপ দ্রাষ্টিময় ধারণা প্রসূক্ত ইংরেজ উপস্থিত বিপ্লবকালে সমগ্র ভারত-বাসীকে নরন্যাপদ ভাবিয়াছিলেন। এই নরন্যাপদদিগের শোণিতপাতে তাঁহাদের আগ্রহ পরিস্ফুট হইয়াছিল। তাঁহারা যদি মহামতি হিউম সাহেবের ছায় ভারতবাসীদিগের অন্তস্তলদর্শী হইতেন, তাহা হইলে তাঁহাদের স্পষ্ট উদ্বোধন হইত যে, ভারতের বিপত্তিময় কৰ্মক্ষেত্রে তাঁহাদের পার্শ্বে নরদেবগণ রহিয়াছেন। এই নরদেবদিগের গুণে তাঁহাদের জীবন রক্ষিত, প্রাধাত্য পুনঃ-প্রতিষ্ঠিত এবং সৌভাগ্য পুনরুদ্ধারিত হইয়াছে।

২৪ মে রাত্রিকালে গোবালিয়র হইতে সাহায্যকারী দৈত্য বরপুত্র উপস্থিত হইল। তত্রত্য ইউরোপীয়গণ এই সৈনিকদলের সমাগমে নিরাপদ হইলেন। পর দিন প্রাতঃকালে এই সৈনিকগণ ইটোয়ায় বাইয়া, ঐ স্থান পুনরধিকার করিল। কিন্তু এই জনগণে বিনা রক্তপাতে ইংরেজের আধিপত্য প্রতিষ্ঠিত হয় নাই। দেওয়ানি আদালতের বিচারে যে সকল প্রাচীন জমীদার স্বত্বভ্রষ্ট হইয়াছিলেন, তাঁহারা এই সময়ে আপনাদের পূর্বতন অধিকাররক্ষায় অগ্রসর হইলেন। একটা পল্লীতে এইরূপ এক জন জমীদার গবর্ণমেন্টের নির্দিষ্ট

* A. O. Hume, A good word for the Indian, quoted in the Statesman, June 28, 1891.

অধিকারীকে সম্পত্তিচ্যুত করেন। ইনি সাহসসহকারে গবর্ণমেন্টের বিরুদ্ধাচরণে উত্তত হয়েন। কিন্তু ইঁহার ক্ষুদ্র দুর্গ অধিকৃত ও ভস্মীভূত হয় এবং ইঁহার দল বিধ্বস্ত হইয়া যায়। এইরূপ নরহত্যার পর ইটোয়াবিভাগে ইংরেজের ক্ষমতা পুনঃপ্রতিষ্ঠিত হয়।

পূর্বে উক্ত হইয়াছে যে, আলীগড়ের সিপাহীদলের এক অংশ মইনপুরীতে অবস্থিত করিতেছিল। মইনপুরী আগরার ৭১ মাইল পূর্বে অবস্থিত। ২২শে মে সন্ধ্যাকালে আলীগড়ের সংবাদ মইনপুরীতে উপস্থিত হয়। সংবাদপ্রাপ্তি-মাত্র মাজিষ্ট্রেট সাহেব অবিলম্বে কমিশনর সাহেবের সহিত উপস্থিত বিষয়ের পরামর্শ করেন। কুলমহিলা ও বালকবালিকাদিগকে আগরায় পাঠাইবার সিদ্ধান্ত হয়। এদিকে সিপাহীদিগকে ভাওর্গা নামক স্থানে লইয়া যাইবার বন্দোবস্ত হইতে থাকে। ইউরোপীয় মহিলা ও বালকবালিকাগণ সহকারী মাজিষ্ট্রেট সাহেবের তত্ত্বাবধানে আগরায় যাত্রা করে। সহকারী মাজিষ্ট্রেট কিয়দুর গিয়া, এক জন বিশ্বস্ত মুসলমানের উপর ইহাদের রক্ষার ভার সমর্পণ করেন। মুসলমান রক্ষক ইহাদিগকে নিরাপদে আগরায় লইয়া যায়। এদিকে সহকারী মাজিষ্ট্রেট মইনপুরীতে প্রত্যাবর্তন করেন।

লেফ্টেনেন্ট ক্রফোর্ড এবং ডি কান্টজ মইনপুরীস্থিত সিপাহীদিগের অধিনায়ক ছিলেন। ইঁহারা সিপাহীদিগকে পূর্বনির্দিষ্ট স্থানে যাত্রা করিতে সর্বিশেষ অনুরোধ করাতে সিপাহীগণ ঐ স্থানের অভিমুখে অগ্রসর হয়, কিন্তু তাঁহারা আপনাদের কাওরাজের ক্ষেত্রের সীমায় উপস্থিত হইয়াই ষাইতে অসম্মতি প্রকাশ করে, এবং সর্বিশেষ উত্তেজনার সহিত অধিনায়কদিগকে পলাইতে কহে। সিপাহীদিগের এইরূপ আকস্মিক উত্তেজনায় গোলযোগ ঘটে। এই সময়ে ডি কান্টজ অশ্ব হইতে অবতরণ করেন। লেফ্টেনেন্ট ক্রফোর্ড তাঁহাকে দেখিতে না পাইয়া ভাবিলেন যে, তিনি নিহত হইয়াছেন। ক্রফোর্ড আর কালবিলম্ব করিলেন না। তিনি তাড়াতাড়ি মাজিষ্ট্রেটকে সংবাদ দিবার জন্ত যাত্রা করিলেন। ক্রফোর্ড উপস্থিত হইয়া দেখিলেন যে, মাজিষ্ট্রেট কমিশনর প্রভৃতি একত্র রহিয়াছেন। ইংরেজ সেনানায়ক তাঁহাদিগকে সিপাহীদিগের উত্তেজনার বিষয় জানাইলেন এবং আপনার সহযোগীর পরিণামসম্বন্ধে যাঁহা ভাবিয়াছিলেন, তাঁহা বিবৃত করিয়া স্বয়ং অশ্বারোহণে তাড়াতাড়ি আগরায়

যাইতে চাহিলেন। কমিশনের সাহেবও মইনপুরীতে থাকিতে চাহিলেন না। তিনি এইরূপ বিপদের সময় এখানে থাকা অসম্ভব মনে করিয়া, এক জন পাদরীর সহিত শকটারোহণে আগরায় যাত্রা করিলেন। কিন্তু মাজিষ্ট্রেট সাহেব তাঁহার অনুগমন করিলেন না। তিনি উপস্থিত সঙ্কটকালে আপনার গুরুতর কর্তব্যসম্পাদনের জন্ত মইনপুরীতে রহিলেন। তাঁহার এইরূপ সাহস উপস্থিত সময়ে অকাব্যিকর হইল না। তদীয় কনিষ্ঠ ভ্রাতা তাঁহার সহকারী ছিলেন। এখন কনিষ্ঠ জ্যেষ্ঠের সাহায্যাগে মইনপুরীতে থাকিলেন। আরও তিন জন ইউরোপীয় এই ভ্রাতৃদ্বয়ের পার্শ্বে দণ্ডায়মান রহিলেন। এতদ্ব্যতীত এই বিপদসমুহল কর্মক্ষেত্রে আর এক জন সাহসী পুরুষের আবির্ভাব হইল। ইনি স্বদেশের শান্তি ও শৃঙ্খলাস্থাপনের জন্ত ইংরেজের সহকারী হইলেন।

মইনপুরীরাজের আর্মীর রাও ভবানী সিংহ কতিপয় অস্বারোহী ও পদাতি সৈনিক লইয়া উপস্থিত হওয়াতে মাজিষ্ট্রেট সাহেবের বল বৃদ্ধি হইল। এদিকে অন্তর সেনানায়কের কি দশা ঘটিল, মাজিষ্ট্রেট তাঁহার কোন সংবাদ না পাইয়া চিন্তিত হইলেন। উক্ত সেনানায়ক নিরতিশয় সঙ্কটাপন্ন অবস্থায় পতিত হইয়াছিলেন। তিনি অধিষ্ঠিত অশ্ব হইতে নামিলে উত্তেজিত সিপাহীগণ তাঁহাকে পরিবেষ্টন করে। ইহার পর যখন তাহার নগরাভিমুখে ধাবিত হয়, তখন সেনানায়ক কিছুতেই তাহাদিগকে শাস্তভাবে রাখিতে পারেন নাই। সিপাহীগণ উচ্ছৃঙ্খলভাবে নগরে উপস্থিত হয়, অস্ত্রাগার লুণ্ঠন করে, এবং কাহারও নিষেধ না মানিয়া চারি দিকে গুলিবৃষ্টি করিতে থাকে। সেনানায়ক তাহাদিগকে বারণ করেন, তাহাদিগকে তিরস্কার করিয়া, যথোচিত সাহসের পরিচয় দেন, শেষে তাহাদের যথোচিত অনুন্নয় করিতে থাকেন। কিন্তু কিছুতেই তাহাদের চৈতন্য হয় নাই। তিনি তাহাদিগকে কহেন যে, তাহার তাঁহার প্রাণনাশ করিতে পারে। কিন্তু তাহাদিগকে কখন পরাজিত করিতে পারিবেন না। কিন্তু সিপাহীগণ সেনানায়কের প্রাণনাশ করিল না। তাহার আপনাদের অধিনায়কের অনুন্নয়ে কর্ণপাত না করিয়া, সাহস ও দৃঢ়তার পরিচয় সূচক নিবেদ্যবাক্যে বশীভূত না হইয়া, কারাগারের নিকটে উপস্থিত হইল। সেনানায়ক তাহাদের সঙ্গে ছিলেন। তিনি তিন ঘণ্টা কাল, সিপাহীদিগের মধ্যে থাকিয়া, তাহাদিগকে শাস্তভাবে রাখিবার চেষ্টা করিতেছিলেন, তিন ঘণ্টা কাল

এইরূপ বিপদে দৃকপাত না করিয়া, আপনার অবিচলিত সাহস ও দৃঢ়তার পরিচয় দিতেছিলেন। মাজিষ্ট্রেট সাহেব তাঁহার বিপদের সংবাদ পাইয়া, স্বয়ং ঘটনাস্থলে উপস্থিত হইতে চাহিয়াছিলেন। কিন্তু তিনি উপস্থিত হইলে, সিপাহীগণ তাঁহার প্রাণনাশ করিতে পারে, এইরূপ আশঙ্কা করিয়া উক্ত সেনানায়ক তাঁহাকে আসিতে দেন নাই। তিনি তিন ঘণ্টা কাল, সিপাহীদিগের মধ্যে থাকিয়া, কেবল আপনার জীবনই সঙ্কটাপন্ন করিয়া তুলিয়াছিলেন। উদ্ভেজিত সিপাহীগণ তাঁহাকে লইয়া কোম্পানির অর্থ লুণ্ঠনের মানসে ধনাগারে উপস্থিত হইল। ধনাগারের রক্ষকগণ তাহাদিগকে গুলি করিতে উত্তত হইয়াছিল, কিন্তু সেনানায়ক তাহাদিগকে এ বিষয়ে নিষেধ করিলেন। সেনানায়কের এইরূপ ধীরতা উপস্থিত সময়ে সবিশেষ কার্য্যকর হইল। ধন-রক্ষকগণ সিপাহীদিগকে দেখিয়া অধিকতর উদ্ভেজিত হইয়া উঠিলে, হয় ত ঐ সিপাহীদিগের অস্ত্রাঘাতে সেনানায়কের প্রাণবিয়োগ হইত। সেনানায়কের আদেশে ধনাগারের রক্ষকগণ যখন সিপাহীদিগের প্রতি অস্ত্রসঞ্চালনে নিরস্ত থাকিল, তখন সিপাহীরা অস্ত্রচালনার উত্তত হইল না। কিন্তু তাহারা এইরূপ উত্তম প্রকাশ না করিলেও, গবর্ণমেন্টের অর্থবাশি আয়সাৎ করিবার জন্ত সাতিশয় আগ্রহ প্রকাশ করিতে লাগিল। এই সঙ্কটকালে উক্ত সেনানায়ক পূর্বের ঋায় অটলতা ও নির্ভীকতা দেখাইতে লাগিলেন, পূর্বের ঋায় সিপাহীদিগকে এইরূপ অস্ত্রাঘাৎ কার্য্যে ক্ষান্ত থাকিতে অনুরোধ করিতে লাগিলেন, এবং পূর্বের ঋায় ধীরতা ও কার্য্যতৎপরতার সহিত গবর্ণমেন্টের অর্থরক্ষা করিতে লাগিলেন। কিন্তু তাঁহার পুনঃ পুনঃ নিষেধবাক্যে সিপাহীরা শান্ত হইল না দেখিয়া, তিনি প্রায় হতাশসাহ হইয়া পড়িলেন। এই সময়ে রাও ভবানী সিংহ ঘটনাস্থলে উপস্থিত হইলেন। তিনি সিপাহীদিগকে শাস্তভাবে রাখিবার জন্ত সবিশেষ চেষ্টা করিতে লাগিলেন। তাঁহার চেষ্টা ফলবতী হইল। সিপাহীগণ তাঁহার সৌম্য আকৃতি, প্রশান্ত প্রকৃতি ও বাক্চাতুরীতে মুগ্ধ হইল। তাহারা কহিল যে, রাও ভবানী সিংহ তাহাদের সঙ্গে থাকিলে, তাহারা কিরিয়া যাইতে সম্মত আছে। রাও ভবানী সিংহ সিপাহীদিগের কথায় সম্মত হইলেন। সিপাহীগণ তাঁহার সঙ্গে স্থানান্তরে চলিয়া গেল। স্মৃতরাং ধনাগারের কোনরূপ ক্ষতি হইল না। সিপাহীগণ মইনপুরী হইতে প্রস্থান করিল। ধনাগার পূর্ববৎ

অবস্থায় রহিল। তরুণবয়স্ক সেনানায়ক পূর্ববং অক্ষতশরীরে থাকিলেন। রাও ভবানী সিংহের সাহসে ও কৰ্মদক্ষতায় মহীনপুরীতে শান্তি স্থাপিত হইল। পূৰ্বোক্ত তরুণবয়স্ক সেনানায়ক আপনার জীবন সঙ্কটাপন্ন করিয়াও, সিপাহীদিগের উত্তেজনার নিবারণে চেষ্টা করিয়াছিলেন। এজন্ত গবর্ণর-জেনেরল তাঁহার নিকটে পত্র লিখিয়া তদীয় সাহস ও অধ্যবসায়ের যথোচিত প্রশংসা করিলেন।

পূৰ্বোক্ত ঘটনাবলীর সংবাদ আগরায় পহঁছিলে, তত্রত্য খৃষ্টধর্ম্মাবলম্বিগণ সাতিশয় শঙ্কিত হইয়া উঠিলেন। যে সকল গৃহ তাঁহাদের নিকটে আশ্রয়ক্ষার উপযুক্ত বলিয়া বোধ হইল, তাঁহারা ব্যাকুলভাবে সেই সকল গৃহের অভিমুখে ধাবিত হইতে লাগিলেন। এই সময়ে এক জন ইংরেজ তদীয় ভ্রাতার নিকটে যে পত্র লিখেন, তাহাতে আগরাবাসী খৃষ্টধর্ম্মাবলম্বীদিগের ব্যাকুলতার এই ভাবে বর্ণনা ছিল—“সম্রাটের মাত্রা একরূপ রুদ্ধি পাইয়াছে যে, একরূপ কখন আমার দৃষ্টিগোচর হয় নাই। ঘরের আসবাব, বিছানা, তৈজসপত্র, মুরগীপূর্ণ বাজরা বোঝাই গাড়ি, একা, বগিতে চড়িয়া মহিলাগণ ও বালকবালিকারা নগরের সমুদয় ভাগ হইতে দুর্গের অভিমুখে যাইতেছিল। ইউরোপীয়গণ আলীগড় হইতে পলায়ন করিয়াছিলেন। সেনাপতি আউট্রামের সহধর্ম্মিণী কতক পথ অধারোহণে, এবং কতক পথ পদব্রজে অতিবাহন করিয়া এখানে উপস্থিত হইয়াছেন। * * * তুই এক জন সিবিలిয়ান নিরতিশয় লজ্জাজনক কার্য্য করিয়াছেন। ইহাদের মধ্যে এক জন মলিনবদনে আপনার কার্যালয়ে উপস্থিত হইয়া, সমুদয় কেরানীকে বলিয়াছেন যে, যে উপায় তাহাদের নিকটে সমীচীন বোধ হয়, তাহারা সেই উপায়েই যেন আপনাদের জীবনরক্ষা করে।”*

অন্ত এক জন ইংরেজও এইরূপ সৰ্ব্বব্যাপী সম্রাটের বর্ণনা করিতে বিমুখ হয়েন নাই। ইনি এইরূপে আগরার তদানীন্তন অবস্থার বর্ণনা করিয়াছেন—“প্রত্যেক ইংরেজই তরবারি বা পিস্তল হস্তে করিয়াছিলেন; পথ গাড়িতে সমাবৃত হইয়াছিল। লোকে কান্দাহারীবাগে তাড়াতাড়ি যাইতেছিল। সহরের

ইতর শ্রেণী লোকে বিদ্রোহীরা আলীগড় হইতে নদী পার হইয়া আসিতেছে, এই কথা উচ্চৈঃস্বরে বলিতে বলিতে প্রাণরক্ষার জন্ত দৌড়িতেছিল। বদমায়েসেরা গোঁফে তা দিতে দিতে আপনাদের গহিতকাথোর দিকে দৃষ্টিপাত করিতেছিল। মিশনারীদিগের কলেজের বহির্ভাগে সর্বব্যাপী সন্ত্রাসজনিত গোলযোগ হইতেছিল। অন্তর্ভাগে মিশনারীগণ প্রশান্তভাবে বসিয়া এতদেশীয় শত শত ছাত্রদিগকে শিক্ষা দিতেছিলেন * * * যে সকল এতদেশীয় কর্মচারী অধিকতর বেতনভোগী, গবর্ণমেন্টের অধিকতর বিশ্বাসের পাত্র, তাঁহারা এ সময়ে আমাদের পরিভাগ করিয়া আমাদের শত্রুদলে মিশিয়াছিল, কিন্তু গবর্ণমেন্ট স্কুলের অধিকন্তু মিশনারী বিদ্যালয়ের ছাত্রগণ আপনাদের শ্রেণীতে ধীরভাবে বসিয়া উপদেশ শুনিতেন। যখন অপরে উপস্থিত বিপ্লবে নানা-রূপে সন্দেহ হইতেছিল, এবং পলায়ন করিতেছিল, তখন ইহারা তাহাদের শিক্ষকদিগের প্রতি বিশ্বস্ত ছিল, এবং প্রকাশ্যভাবে খৃষ্টানদিগের পক্ষসমর্থন করিতেছিল।”*

এইরূপ সন্ত্রাস, এইরূপ গোলযোগ, এইরূপ আশঙ্কার সময়ে উত্তরপশ্চিম-প্রদেশের রাজধানী সুরক্ষিত করা, নিরতিশয় আবশ্যক হইয়া উঠিয়াছিল। লেফটেনেন্ট-গবর্ণর এই আবশ্যক বিষয়ে অমনোযোগী হয়েন নাই। পূর্বে উক্ত হইয়াছে যে, নগরবাসীদিগের আশঙ্কানিবারণ এবং নগরের চারি দিক পর্য্যবেক্ষণের জন্ত যথোপযুক্ত লোক নিয়োজিত হইয়াছিল। এখন অত্যাচ্য বিষয়েরও বন্দোবস্ত হইতে লাগিল। আগরার দুর্গরক্ষার জন্ত ইউরোপীয়গণ নিয়োজিত হইয়াছিল। ছয় মাস কাল চলিতে পারে, এরূপ খাণ্ডদ্রব্যাদি উহাতে সংগ্রহ করিয়া রাখিবার বন্দোবস্ত হইতেছিল। কর্তৃপক্ষের আশঙ্কা হইয়াছিল যে, যদি সিপাহীরা যুদ্ধের উদ্যোগ করে, তাহা হইলে, সহরের ও পার্শ্ববর্তী স্থানের ইতর লোকে তাহাদের সহযোগী হইতে পারে। অপরূপ স্থানের উত্তেজিত লোকে যাহা করিয়াছে, এ স্থানেও সেই সকল কার্য— ধনাগারবিলুপ্তন, কয়েদীদিগের বিমুক্তিসাধন, ইউরোপীয়দিগের সম্পত্তিহরণ প্রভৃতি—অমুষ্ঠিত হইতে পারে। ইউরোপীয়দিগের বাসগৃহ প্রভৃতি পরস্পর

* Raikes, Notes on the revolt in the North-Western provinces of India. p. 14-15.

বিচ্ছিন্নভাবে ছিল। এই বিচ্ছিন্ন গৃহগুলি সহজে রক্ষা করা যাইতে পারিত না। এদিকে মিশনারীদিগের স্কুলে ও খৃষ্টানদিগের আশ্রমে, বিবাহিত সিবিলিয়ানদিগের বাসগৃহে কুলমহিলাগণ ও বালকবালিকারা অবস্থিতি করিতেছিল। ইহাদিগের রক্ষার উপায় করা, কর্তৃপক্ষের প্রধান চিন্তনীয় বিষয় ছিল। লেফ্টেনেন্ট-গবর্নর বহিরাক্রমণের নিবারণ জন্ত যথোচিত বন্দোবস্ত করিতে উদ্যত হইলেন। এক জন কর্মদক্ষ কর্মচারীর উপর এ বিষয়ের ভার সমর্পিত হইল।

নিয়োজিত কর্মচারী অবিলম্বে নির্দিষ্ট কার্যসম্পাদনের এইরূপ প্রণালী নির্ধারণ করিলেন। নগরের অন্তর্ভাগে, আশ্রয়স্থান স্থান নিরূপণ এবং বহির্ভাগে বাটী স্থাপন করিতে হইবে, এতদ্বারা স্থানান্তর হইতে আগত সিপাহীদিগের আক্রমণের সংবাদ পূর্বে জানা যাইবে। সংবাদপ্রাপ্তি মাত্র যুদ্ধকার্যে অনভ্যস্ত লোকে আশ্রয়স্থান স্থলে সহজে উপস্থিত হইতে পারিবে। লেফ্টেনেন্ট-গবর্নরের বাসগৃহ, ডাকঘর, আগরা ব্যাঙ্ক, মেডিকেল কলেজ, কান্দাহারীবাগ (এই ইষ্টকনিষ্ঠিত বৃহৎ বাটী, ভারতপুরের রাজার সম্পত্তি। উপস্থিত সময়ে এই বাটীতে এক জন ইংরেজ সিবিল কর্মচারী বাস করিতেন।) প্রভৃতি বৃহৎ গৃহগুলি আশ্রয়স্থান রূপে নির্দিষ্ট হইবে। এক দিকে তাজ, অপর দিকে গবর্ণমেন্টের কাছারি, এই গাঁমার মধ্যে এই সকল গৃহ রহিয়াছে। এজন্ত উক্ত গৃহ রক্ষা করার সুবন্দোবস্ত করিতে হইবে। রাজকর্মচারী এইরূপে আশ্রয়স্থান উপায় নির্ধারণ করিলেন। কিন্তু তাঁহার অবলম্বিত প্রণালী সর্বাংশে পরিগৃহীত হইল না। বিপদের সময়ে সকলেই আপন আপন ইচ্ছায় কর্তৃপক্ষের নিকটে আপনাদিগকে রক্ষা করিবার উপায় নির্দেশ করিতে আগ্রহযুক্ত হইয়া থাকে। সুতরাং মন্ত্রণাকারীদিগের সংখ্যাধিক্যে উদ্ভাবিত উপায়ও নানাবিধ হয়। উপস্থিত সময়ে আগরাতে ইউরোপীয়দিগের আশ্রয়স্থান নানা উপায় উদ্ভাবিত হইতেছিল। এইরূপ নানা প্রণালীর সংঘর্ষে নিয়োজিত কর্মচারীর পূর্বনির্দিষ্ট প্রণালী অংশতঃ পরিগৃহীত এবং অংশতঃ পরিত্যক্ত হইল। এদিকে আগরার মাজিষ্ট্রেট সাহেব পুলিশের প্রহরীদিগকে সৈনিকশ্রেণীতে নিবেশিত করিলেন। ইহাদের একাংশ অশ্বারোহী এবং অপরাংশ পদাতি হইল। এইরূপে পুলিশের লোকেও প্রয়োজনানুসারে অস্ত্রশস্ত্রে সজ্জিত হইয়া ইউরোপীয়দিগের রক্ষায় ব্যাপৃত রহিল।

যখন আগরার ইউরোপীয়গণ শঙ্কিত হইয়া, আশ্রয়কার উপায়নির্ধারণ করিতেছিলেন, তখন লেফটেনেন্ট-গবর্নর আপনাদিগকে অধিকতর নিরাপদ করিবার মানসে আর এক উপায়ের অবলম্বনে কৃতনিশ্চয় হইলেন। এই সময়ে সিপাহীদলের এক জন প্রাচীন ও দূরদর্শী অধিনায়ক তাহার নিকটে লিখিলেন যে, তিনি ৩৬ বৎসরকাল গবর্নমেন্টের কার্য্য করিয়াছেন। এই দীর্ঘকাল সিপাহীদিগের সংশ্রবে থাকিতে তাহাদের প্রকৃতি, তাহাদের আচার-ব্যবহার প্রভৃতি তাহার বিদিত হইয়াছে। তাহার দৃঢ়বিশ্বাস যে, সিপাহীরা কেবল আশঙ্কাপ্রযুক্ত উপস্থিত সময়ে এইরূপ উত্তেজনার পরিচয় দিতেছে। যদি আপনি এই ভাবে ঘোষণাপ্রচার করেন যে, সিপাহীদিগের অতীত অপরাধ মার্জনা করা যাইবে, এখন যাহারা গবর্নমেন্টের প্রতি বিশ্বস্তভাবে দোহাইয়াছে, গবর্নমেন্ট তাহাদের সেই বিশ্বস্ততার বিষয় কখনও ভুলিবেন না, একটা বিচারকসমিতি দ্বারা সিপাহীদিগের অভাব ও অভিযোগের কারণ নির্ণয় করা যাইবে, ইংরেজ ও ভারতবর্ষীয়, এই উভয় শ্রেণীর আকিসারগণ উক্ত সমিতিতে থাকিবেন, এবং ভবিষ্যতে তাহাদের অধিকার ও স্বত্বের উপর অনিষ্টকারী ব্যক্তিদ্বিগকে হস্তক্ষেপ করিতে দেওয়া হইবে না, তাহা হইলে এই ঘোষণাপত্র দশ সহস্র ইউরোপীয় সৈনিক অপেক্ষা অধিকতর কার্য্যকর হইতে পারে। কিন্তু যদি সাক্ষাৎসম্বন্ধে আপনার নামে এইরূপ ঘোষণা প্রচারিত না হয়, তাহা হইলে তদ্বারা ফললাভ হইবার সম্ভাবনা অল্প। দূরদর্শী সেনানায়ক কলিনট্রুপের এই কথা লেফটেনেন্ট-গবর্নরের সাক্ষাৎ মনঃপূত হইল। তাহার স্পষ্ট ধারণা হইল যে, প্রাচীন সেনানায়ক গদার্থ কথাই বলিয়াছেন। প্রতিহিংসা অপেক্ষা ধর্ম্মনাশ ও জাতিনাশের আশঙ্কাত্তে সিপাহীগণ গবর্নমেন্টের বিরোধী হইয়া উঠিয়াছে। যাহারা ভয়ে উদ্ভৃষ্ট হইয়া, মেঘপালের ছায় দলে দলে আপনাদের সর্ব্বনাশের স্থলে একত্র হইতেছে, যে কোনরূপে হউক, তাহাদিগকে নিরুদ্বেগ ও নিঃশঙ্ক করা গবর্নমেন্টের পক্ষে উদারনীতিসম্মত কার্য্য। কলবিন সাহেব এইরূপ ধারণার বশবর্ত্তী হইয়া, প্রস্তাবিত বিষয় কার্য্যে পরিণত করিতে উদ্বৃত্ত হইলেন। তিনি আপনার মন্ত্রিগণের সহিত পরামর্শ না করিয়া, ২৫শে মে নিম্নলিখিতভাবে ঘোষণাপত্র প্রচার করিলেন :—

“যে সকল সিপাহী গত হাদ্যামায় লিপ্ত ছিল। তাহারা যদি আপনাদের বাড়ী বাইতে চাহে এবং গবর্ণমেন্টের নিকটবর্তী দেওয়ানি বা সৈনিক ষ্টেশনে অস্ত্রাদি সমর্পণ করে, তাহা হইলে নিরুপদ্রবে ও অক্ষতশরীরে আপনাদের ইচ্ছানুসারে কার্য্য করিতে পারিবে।

“অনেক বিখ্যস্ত সৈনিক গবর্ণমেন্টের বিপক্ষতাচরণে বাধ্য হইয়াছে। কারণ তাহারা আপন দলের লোকের হাত এড়াইতে পারে নাই। অধিকন্তু গবর্ণমেন্ট তাহাদের ধর্ম্মনাশ ও জাতিগত সম্মানের বিলোপসাধন করিতেছেন, এই দৃঢ় বিশ্বাস তাহাদের মন হইতে অপসারিত হয় নাই। তাহাদের এইরূপ ধারণা নিরতিশয় ভ্রান্তিপূর্ণ হইলেও উহা তাহাদের মনে বদ্ধমূল হইয়াছে। সম্প্রতি গবর্ণর-জেনেরল যে ঘোষণা-পত্র প্রচার করিয়াছেন, তাহাতে এই সম্ভেদ দূরীভূত হইবে। ছষ্টবৃদ্ধি চক্রান্তকারিগণ এবং লোকের বিপক্ষে গুরুতর পাপকার্য্যের অনুষ্ঠান করিয়াছে, এরূপ অপকারকগণ শাস্তিভোগ করিবে। এই ঘোষণা-পত্রপ্রচারের পর যাহারা গবর্ণমেন্টের বিপক্ষে অস্ত্র ধারণ করিবে, শত্রুর সহিত যেক্রম ব্যবহার করা উচিত, তাহাদের সহিতও সেইরূপ ব্যবহার করা যাইবে”।

কিন্তু এই ঘোষণা-পত্র ভারতবর্ষীয় গবর্ণমেন্টের অনুমোদিত হইল না। লর্ড কানিংয়ের স্পষ্ট বোধ হইল যে, এইরূপ ঘোষণা প্রচারিত হইলে, অনেক দণ্ডার্থ ব্যক্তি অব্যাহতি পাইবে। সুতরাং লর্ড কানিং এইভাবে আর এক-ধানি ঘোষণাপত্র প্রস্তুত করিলেন—“কোন রেজিমেন্টের যে কোন সৈনিক যদি গুরুতর অপরাধ না করিয়া থাকে, তাহা হইলে সে আপনার কর্ম্মস্থল পরিত্যাগ করিলেও, অব্যাহতি পাইবে, এবং সেই ব্যক্তি যদি দেওয়ানি বা সৈনিক বিভাগের কর্তৃপক্ষের নিকটে অস্ত্রাদি সমর্পণ করে, তাহা হইলে আপনার বাড়ীতে যাইবার অনুমতি পাইবে। কিন্তু যে সকল সৈনিক আপনাদের আফিসার বা অধ্যাক্ষ ব্যক্তিকে নিহত বা আহত করিয়াছে, অথবা অন্তরূপ নৃশংসতাজনক অত্যাচারে লিপ্ত হইয়াছে, তাহাদিগকে এইরূপে বিমুক্ত দেওয়া হইবে না। এইরূপ লোক গবর্ণমেন্টের বশতা স্বীকার করিবে। কিন্তু গবর্ণমেন্ট ইহাদের বিষয়ে কোনরূপ নিয়মে আবদ্ধ থাকিবেন না।”

গবর্ণর-জেনেরল যে ভাবে ঘোষণাপত্র প্রণয়ন করিয়াছিলেন, তাহার

সহিত লেফটেনেন্ট-গবর্ণরের প্রণীত ঘোষণাপত্রের মূলতঃ কোন প্রভেদ নাই । লেফটেনেন্ট-গবর্ণরের মতে বিশেষ বিশেষ ব্যক্তি দণ্ডের যোগ্য বলিয়া বিবেচিত হইয়াছিল । গবর্ণর-জেনেরলের মতে সমগ্র সৈনিকদলই দণ্ডার্থ হইয়াছিল । যাহারা স্বকীয় দলের আফিসারদিগকে বা অপরাপর খ্রীষ্টধর্মাবলম্বীকে নিহত করিয়াছে, তাহারা কোনরূপে নিরুত্তীর্ণ করিতে না পারে, ইহাই গবর্ণমেন্টের উদ্দেশ্য ছিল । গবর্ণর-জেনেরল এই উদ্দেশ্য কার্যে পরিণত করিবার জন্য উত্তরপশ্চিমপ্রদেশের লেফটেনেন্ট-গবর্ণরের লিখিত ঘোষণাপত্রের পরিবর্তন করিয়াছিলেন । যাহা হউক, ভারতবর্ষীয় গবর্ণমেন্ট যে ঘোষণাপত্র প্রস্তুত করিলেন, তাহাতে সবিশেষ কঠোরভাবে অভিযুক্ত হইল না । লর্ড কানিং এ স্থলে কলবিন সাহেবের সম্মান রক্ষা করিয়াই কার্য করিলেন । কিন্তু কলিকাতার গবর্ণর-জেনেরল প্রাদাদে এবং অন্যান্য স্থানে লেফটেনেন্ট-গবর্ণরের ঘোষণাপত্রের বিরুদ্ধে নানারূপ বিতর্ক হইতে লাগিল । উচ্চ শ্রেণী হইতে নিম্নশ্রেণীর ইউরোপীয় পর্য্যন্ত এজন্ম কলবিন সাহেবের উপর দোষারোপ করিতে লাগিল । কলবিন সাহেব এই সকল বিরুদ্ধ মতবাদে নিরতিশয় বিরক্ত হইলেন । স্বস্থ ও সুবল ব্যক্তি যখন শাসনাধীন জনপদ নিয়ন্ত্রণ করিতে সবিশেষ পরিশ্রম স্বীকার করেন, তখন যদি তিনি ঘোরতর সম্বট-কালে স্বদেশীয়দিগের নিন্দার পাত্র হইয়া থাকেন, তাহা হইলে তাঁহার বিরক্তির এক-শেষ ঘটে । অসুস্থতা প্রযুক্ত দেহ অবসর হইলে, এরূপ অবস্থায় মাহুষের যেরূপ মনোযাতনা উপস্থিত হয়, তাহা বলিবার নহে । লেফটেনেন্ট-গবর্ণর কলবিন সাহেব এ সময়ে অসুস্থ হইয়া পড়িয়াছিলেন, স্বাস্থ্যভঙ্গ হওয়াতে তাঁহার শারীরিক ক্ষুধা অস্তহিত হইয়াছিল ; তাঁহার দেহ অবসর হইয়া পড়িয়াছিল, তাঁহার শ্রমাসক্তি, উৎসাহ, উত্তম ও কিয়দংশে শিথিল হইয়া পড়িয়াছিল । এই সময়ে তৎপ্রকাশিত ঘোষণাপত্রের বিরুদ্ধে তাঁহার স্বদেশীয়গণ চীৎকার আরম্ভ করিতে তিনি স্মৃতিশয় বিরক্ত হইলেন । এ দিকে তিনি যে বিপ্লুত জনপদের শাসন ও পালনকার্যে নিয়োজিত হইয়াছিলেন, তাহার প্রায় সকল স্থানেই অশান্তির আবির্ভাব হইয়াছিল । প্রতিদিনই নানা স্থান হইতে নানারূপ গোলযোগ ও হুঁসটনার সংবাদ উপস্থিত হইয়া লেফটেনেন্ট-গবর্ণরকে অধিকতর বিরক্ত, অধিকতর অবসর ও অধিকতর উদ্বিগ্ন করিয়া তুলিয়াছিল । তিনি

যে সকল মহীতে পরিবেষ্টিত ছিলেন, তাঁহাদের অনেকের সহিত তদীয় মতের একতা ছিল না। মতবৈপরীতা প্রযুক্ত তাঁহার মানসিক অশান্তির একশেষ ঘটিয়াছিল। এইরূপ নানা বিপত্তিজালে পরিবেষ্টিত হইলে, মানুষের ক্রুর অবস্থা ঘটে, তাহা সহজে বোধগম্য হইতে পারে। ফলতঃ কলবিন সাহেবের এ সময়ে যেরূপ অবস্থা ঘটিয়াছিল, তাহা বর্ণনীয় নহে। তাঁহার দেহ ও মন, উভয়ই নিস্তেজ হইয়া পড়িয়াছিল। এখন তাঁহার সামর্থ্যের তুলনায় তদীয় কার্য্যে ভার অধিকতর হইল। তিনি এই গুরুতর ভার বহন করিতে অসমর্থ হইয়া পড়িলেন। তাঁহার দূরদর্শিতা ও বুদ্ধির তীক্ষ্ণতা ছিল। কিন্তু তাঁহার দায়িত্বের অমূরূপ উৎসাহ বা উত্তম ছিল না। অল্প অবস্থায় কার্য্যভারে প্রাপীড়িত হওয়াতে তাঁহার মস্তিষ্ক একান্ত দুর্ব্বল হইয়া পড়িয়াছিল। এই সময়ে যাহার তাঁহাকে দেখিতে লাগিলেন তাঁহাদের বোধ হইল যে, তদীয় কর্ম্মক্ষেত্রে বিষয়বিপত্তিনিবারণের ও অধীন কর্ম্মচারীদের পরিচালনের ক্ষমতা তিনি দীর্ঘকাল জীবিত থাকিবেন না।

ক্রমে প্রায় তিন সপ্তাহ অতীত হইল। উত্তরপশ্চিম প্রদেশের রাজধানীতে আপাততঃ কোনরূপ বিপদ রহিল না। সিপাহীগণ অধিনায়কদিগের আদেশানুসারে প্রশান্তভাবে কার্য্য করিতে লাগিল। বাহিরে তাহাদের কোনরূপ উদ্ধতভাব বা বিরুদ্ধাচরণের নিদর্শন লক্ষিত হইল না। সেনানায়কগণ প্রকল্পচিত্তে কালযাপন করিতে লাগিলেন। দেওয়ান বিভাগের কর্ম্মচারিগণ প্রশান্তভাবে আপনাদের কর্তব্য কর্ম্মে ব্যাপ্ত রহিলেন। লেফটেনেন্ট-গবর্নর সিপাহীদিগের শান্তভাব দর্শনে আশ্বস্ত হইলেন। আগরায় পূর্ব্বের ঝাম শৃঙ্খলাসম্পন্ন এবং পূর্ব্বের ঝাম নিশ্চিন্ত ও নিরুদ্বেগ অধিবাসীদিগের প্রমোদক্ষেত্র হইল।

কিন্তু এ সময়ে সমস্ত বিষয়ই যেন মায়াখেলা বলিয়া বোধ হইতেছিল। এক সময়ে যে স্থান সর্ব্বপ্রকার বিপত্তির বহির্ভূত বলিয়া প্রতীত হইতেছিল, অল্প সময়ে সেই স্থান ঘোরতর বিপদের রঙ্গক্ষেত্র হইয়া উঠিতেছিল। মে মাস অতীত হইতে না হইতেই আগরায় আবার গোলযোগের সূত্রপাত হইল। আগরার ৩৫ মাইল দূরে মথুরা অবস্থিত। হিন্দুরাজগণের অধিকারকালে

মথুরার অসামান্য সৌন্দর্য ও সমৃদ্ধি ছিল। উহার সুদৃশ্য অট্টালিকা, উহার সুশোভন দেবমন্দির, উহার সুসজ্জিত রাজপথ দর্শকদিগের হৃদয়ে অপূর্ণ বিষ্ময়ের সহিত অপরিসীম প্রীতির উৎপত্তি করিত। মথুরার এইরূপ শোভা-সমৃদ্ধিই অর্থলোলুপ আক্রমণকারীদিগের উদ্দাম ভোগাভিলাষ বৃদ্ধি করিয়া দিয়াছিল। সুলতান মাহমুদ উহার শোভায় বিমুগ্ধ হইয়াছিলেন, এবং উহার সম্পত্তিতে আপনি সম্পত্তিশালী হইবার জন্ত উহাকে একবারে শ্রীভ্রষ্ট করিয়া ফেলিয়াছিলেন। এক সময়ে উহার হর্ম্যরাজির আদর্শে তাঁহার রাজধানীর প্রাসাদ বিনির্মিত হইয়াছিল, এবং উহার বহুমূল্য মণিমাণিক্যে তাঁহার রাজধানী সমৃদ্ধিময়ী বলিয়া সাধারণের নিকটে প্রতিপত্তি লাভ করিয়াছিল। অতি প্রাচীনকাল হইতে মথুরায় হিন্দুধর্মের প্রাধান্য ছিল। অতি প্রাচীন-কাল হইতে হিন্দুগণ উহার বিভিন্ন দেবমন্দিরে সমবেত হইয়া, আরাধ্য দেবের উপাসনায় ব্যাপৃত থাকিত। বর্তমান সময়ে মথুরার এই প্রাধান্য বিলুপ্ত হয় নাই। আক্রমণকারীদিগের বিলুপ্তন-প্রবৃত্তিতে শ্রীভ্রষ্ট হইলেও উহা হিন্দুদিগের মধ্যে আপনার গৌরব রক্ষা করিতেছিল।

মে মাস শেষ হইতে না হইতেই মথুরার গোলযোগ ঘটিল। আগরার ৪৪ সংখ্যক দলের কতকগুলি সিপাহী মথুরায় অবস্থিত করিতেছিল। ঐ দলের আরও কতকগুলি সিপাহীকে মথুরায় পাঠাইবার বন্দোবস্ত হয়। উহাদের সঙ্গে ৬৭ সংখ্যক দলের কতকগুলি সিপাহীকেও পাঠাইবার আয়োজন হয়। মথুরায় যে সৈনিকদল ছিল, তাহাদের পরিবর্তে কার্য্য করিবার, এবং মথুরার ধনাগারের অর্থ আগরায় আনিবার জন্ত ইহাদিগকে পাঠাইবার প্রয়োজন হইয়াছিল। এই সময়ে মথুরার ধনাগারে ৬ লক্ষেরও অধিক টাকা ছিল। রাজকীয় কর্মচারিগণ লেফটেনেন্ট-গবর্ণরকে আলীগড় ও মথুরার যাবতীয় অর্থ আগরায় আনিবার জন্ত আগ্রহসহকারে অসুরোধ করিতেছিলেন। কিন্তু এ সময়ে গবর্ণমেন্টকে সকল বিষয়েই সাবধান হইয়া কার্য্য করিতে হইতে ছিল। যাহাতে সিপাহীদিগের মনে কোনরূপে সন্দেহের সঞ্চার বা উত্তেজনার আবির্ভাব হইতে পারে, গবর্ণমেন্টকে তদ্বিষয়ে নিরন্তর থাকিতে হইয়াছিল। শহর ধনাগারের অর্থ স্থানান্তরিত হইলে, সাধারণে সন্দ্বিগ্ন হইতে পারে। যাহাদের উপর অর্থরক্ষার ভার রহিয়াছে, তাহারা, কোম্পানি বাহাদুর অবিস্বাস

করিতেছেন মনে করিয়া, বিচলিত হইয়া উঠিতে পারে। এইরূপ আশঙ্কা করিয়া গবর্ণমেন্ট সে সময়ে সবিশেষ সতর্কভাবে কার্য্য করিতেছিলেন। কিন্তু এ সময়ে মথুরাস্থিত সিপাহীদিগের ভাবান্তর ঘটয়াছিল। সাধারণও ক্রমে উদ্বেজিত হইয়া উঠিতেছিল। দিল্লী ও অজ্ঞাত স্থানের সিপাহীগণ কোম্পানি বাহাদুরের বিরুদ্ধ পক্ষ অবলম্বন করিয়া, আগরার অভিমুখে ধাবিত হইয়াছে, ইহারা শীঘ্রই মথুরা দিয়া যাইবে, এইরূপ সংবাদ মথুরায় প্রচারিত হইয়াছিল। মথুরার ইউরোপীয়গণ একজ্ঞ মহিলা ও বালকবালিকাদিগকে আগরার পাঠাইয়া দিয়াছিলেন। মে মাসের মধ্যভাগে কাপ্তেন নিক্সন ভরতপুরের মৈনিকদল লইয়া মথুরায় উপস্থিত হওয়াতে, ইউরোপীয়গণ কিছু আশ্বস্ত হইলেন। সিপাহীগণও কিছু ভীত হইয়া উঠে।

কিন্তু কর্তৃপক্ষ মথুরার ধনাগারের অর্থরাশি আগরায় লইয়া যাইতে উদ্যমী হইলেন না। ৩০শে মে যখন দুই দল সৈন্য মথুরা হইতে আগরার দ্বারা করে, তখন তথাকার সিপাহীদিগের সংখ্যা একরূপ ছিল যে, তাহারা সহজে ধনাগার বিলুপ্ত করিতে পারিত। যাহা হউক, মথুরার কর্তৃপক্ষ মথুরারক্ষার বন্দোবস্ত করিয়া ধনাগারের অর্থ স্থানান্তরিত করিতে উত্তত হইলেন। এই উদ্দেশ্যে গোবিন্দ গাড়ী সকল সজ্জিত হইল। সমুদয় টাকা গাড়ীগুলিতে রাখা হইল। লেফটেনেন্ট বোন্টন নামক এক জন অধিনায়ক অশ্ব আরোহণ-পূর্ব্বক গাড়ী চালাইবার আদেশ দিলেন। এক জন এতদ্বন্দীয় আফিসার এই সময়ে অগ্রসর হইয়া জিজ্ঞাসা করিল, “কোথায় যাইতে হইবে?” বোন্টন কহিলেন—“অবশ্য আগরায়”। আফিসার এই কথা শুনিয়া বলিল—“না না দিল্লীতে”। আফিসারের কথা শুনিবামাত্র বোন্টন উদ্বেজিতভাবে বলিলেন—“তুমি বিশ্বাসঘাতক।” এই কথা মুখ হইতে বাহির হইবামাত্র বোন্টন অশ্ব হইতে ভূপতিত ও গতাস্ব হইলেন। এক জন সিপাহী তাঁহার পশ্চাত্তাপে ছিল, সে বোন্টনের শেষ কথা শুনিয়াই গুলির আঘাতে তাঁহার বক্ষঃস্থল ভেদ করিয়া দিল।*

সিপাহীরা অতঃপর প্রকাশ্যভাবে গবর্ণমেন্টের বিরোধী হইয়া উঠিল।

* Thornhill, Indian Mutiny, p. 83.

দেওয়ান বিভাগের কর্মচারীগণ আর কোম উপায় না দেখিয়া আত্মরক্ষার্থে পলায়ন করিলেন। উত্তেজিত সিপাহীরা টাকার খলিয়া সকল হস্তগত করিল এবং ইউরোপীয়দিগের অধ্যুষিত গৃহ সকল দগ্ধ করিতে অগ্রসর হইল। মথুরার সম্ভ্রান্ত অধিবাসীগণ আবাসগৃহ পরিত্যাগপূর্বক স্থানান্তরে আশ্রয়গোপন করিলেন। এদিকে উদ্বুদ্ধ সিপাহীরা সরকারি কার্যালয়ের টেবিল চেয়ার প্রভৃতি একত্র করিল এবং উহার উপর থড়ের গাদা রাখিয়া আগুন দিল। যখন অগ্নি প্রবলবেগে প্রজ্জ্বলিত হইয়া উঠিল, তখন তাহারা টাকার খলিয়া লইয়া, দিল্লীর অভিমুখে প্রস্থান করিল। যাইবার সময়, তাহারা নিম্নশ্রেণীর দলবদ্ধ লোকের মধ্যে পয়সা ছড়াইয়া দিল। মথুরার জেলখানা হৃদয় ও অংশতঃ প্রাচীরে পরিবেষ্টিত ছিল। প্রহরীগণও বন্দুক লইয়া পাহারা দিতে-ছিল। তাহারা ইচ্ছা করিলে উত্তেজিত সিপাহীদিগের সম্মুখে কারাগার রক্ষা করিতে পারিত। কিন্তু এই আবশ্যক কর্তব্যসম্পাদনে তাহাদের অভিভূতি হইল না। সিপাহীগণ উপস্থিত হইলে তাহারা কারাগারের দ্বার খুলিয়া দিল। সিপাহীরা বিনা বাধায় প্রবেশ করিল। বিনা গোলযোগে অবরুদ্ধ ব্যক্তিগণ বিমুক্ত হইল।

এই সময়ে ভরতপুরের সৈনিকদল হুহল নামক স্থানে অবস্থিতি করিতেছিল। প্রথমে ইহাদের উপর কর্তৃপক্ষের সন্দেহ হয় নাই। ভরতপুররাজ মিত্রতার সম্মানরক্ষার্থে ইহাদিগকে ব্রিটিশ গবর্ণমেন্টের নিকটে পাঠাইয়াছিলেন। কমিশনের হার্বি সাহেব ইহাদের সঙ্গে ছিলেন। ১১শে মে প্রাতঃকালে তিনি সংবাদ পাইলেন যে, মথুরার সিপাহীগণ গবর্ণমেন্টের বিরোধী হইয়া, দিল্লীর অভিমুখে অগ্রসর হইতেছে। সংবাদপ্রাপ্তিমাত্র তিনি উহাদের গতিরোধে কৃত-সঙ্কল্প হইলেন। ভরতপুরের সৈনিকদিগের সঙ্গে যে সকল কামান ছিল, তৎসমুদয় দিল্লীর পথের পার্শ্বে স্থাপিত হইল। কিন্তু কমিশনের আশা ফলবতী হইল না। কামানপরিচালকদলে যে সকল পুরুষিয়া সিপাহী ছিল, তাহারা এক সময়ে গবর্ণমেন্টের পদাতি সৈনিকদলে কার্য করিত। এক্ষণে তাহারা স্বশ্রেণীর বিরুদ্ধভাবে দেখিয়া কর্তব্যসম্পাদনে উদাসীন হইল। তাহাদের পরিচালকগণ ইংরেজ আফিসারদিগকে কহিলেন যে, এই সময়ে এই সকল সৈন্ত তাদৃশ বিশ্বাসের পাত্র নহে। ভরতপুরের সৈনিকদিগের শিবিরও ইউরোপীয়দিগের

পক্ষে তাদৃশ নিরাপদ নহে। এজন্য ইউরোপীয়গণ স্থানান্তরে প্রস্থান করা সজ্ঞত মনে করিলেন। কিন্তু তাঁহারা সহসা শিবির পরিত্যাগ না করিয়া ভরতপুরের সিপাহীদিগকে কর্তব্যাকর্মে অভিনিবিষ্ট করিবার জন্য সবিশেষ প্রয়াস পাইতে লাগিলেন। তাঁহারা ব্রিটিশ গবর্ণমেন্টের পক্ষ হইতে যথোপযুক্ত পারিতোষিক দিবার অঙ্গীকার করিতে বিমুখ হইলেন না। আফিসারেরা স্পষ্টাঙ্করে কহিতে লাগিলেন যে, ভরতপুররাজ এই সঙ্কটকালে ইংরেজদিগের সাহায্যার্থে তাহাদিগকে পঠাইয়া দিয়াছেন। মহারাজ ইংরেজদিগের সহিত বন্ধুত্বপাশে আবদ্ধ। তাহারা যদি এইরূপ বিপত্তিকালে কর্তব্যসম্পাদনে উদ্যোগী হয়, তাহা হইলে মহারাজের অখ্যাতি হইবে। মহারাজকে অনর্থ কলঙ্কভাজন করা তাহাদের কখনও কর্তব্য নহে। তাহারা মহারাজের নিমক খাইয়াছে, এখন নিমকহারাম হইলে তাহাদের ছদ্মশির একশেষ হইবে। কিন্তু এইরূপ পুরস্কারদান প্রতিশ্রুতি, এইরূপ উপদেশাবাক্য, এইরূপ যুক্তিবিভাস কোন কার্য্যকর হইল না। ভরতপুরের কামানপরিচালক সৈন্য ইংরেজের বিরুদ্ধে আপনাদের কামান সজ্জিত করিল। আফিসারগণ আপনাদের উপদেশবাক্যের এইরূপ ফল দেখিয়া অবাক হইলেন। এখন ইংরেজদিগকে শীঘ্র শীঘ্র ভরতপুরের শিবির পরিত্যাগ করিতে হইল। ৩০ জন কালবিলম্ব না করিয়া, অস্বারোহণে প্রস্থান করিলেন। অস্ত্র ও পরিধেয় ব্যতীত তাঁহারা আর কোন দ্রব্য লইয়া বাইতে পারিলেন না। ইউরোপীয়েরা প্রস্থান করিবামাত্র ভরতপুরের সৈন্য প্রকাশভাবে বিরোধী হইয়া উঠিল। দেখিতে দেখিতে ইংরেজদিগের তাস্ত প্রজ্জলিত অনলশিখায় পরিব্যাপ্ত হইল। গবর্ণমেন্টের কর্মচারীদিগের বাগ্মালার দিকে গুলি নিক্ষিপ্ত হইতে লাগিল। গবর্ণমেন্টের কর্মচারিগণ যে সকল দ্রব্য ফেলিয়া পলায়ন করিয়াছিলেন, মিত্র রাজার উত্তেজিত সৈনিকেরা তৎসমুদয় লুণ্ঠিয়া লইল। ভরতপুরের সৈনিকগণ এইরূপে আপনাদের কর্তব্যাপন হইতে বিচ্যুত হইল। আগরার কমিশনার হারবি সাহেবের চেষ্টা এইরূপে ব্যর্থ হইয়া গেল।

ভরতপুরের সিপাহীরা এক সময়ে আগরার সিপাহীদের অন্তর্ভুক্ত ছিল। পাছে আগরার সিপাহীগণ ইহাদের হার গবর্ণমেন্টের বিরোধী হইয়া উঠে, এই আশঙ্কায় কর্তৃপক্ষ নিরতিশয় বিচলিত হইয়া উঠিলেন। তাঁহারা ভাবিলেন,

ভরতপুরের সৈনিকদিগের অভ্যুত্থানসংবাদে আগরায় গোলযোগ ঘটবে। সম্ভবতঃ আগরার সিপাহীগণ তাহাদের অগ্রবর্তী সতীর্থদিগের পথানুসরণ করিবে। নিশীথকালে উটের ডাকে ভরতপুরের সিপাহীদিগের সংবাদ আগরার মাজিষ্ট্রেটের নিকটে পৌঁছিল। লেফটেনেন্ট-গবর্নর এই সময়ে মাজিষ্ট্রেটের গৃহে নিদ্রিত ছিলেন। মাজিষ্ট্রেট তাঁহাকে জাগাইয়া, দুর্ঘটনার বিষয় বলিলেন, এবং প্রত্যাষে আগরার সিপাহীদিগকে নিরস্ত্র করিবার অল্পমতি প্রার্থনা করিলেন। কলবিন সাহেব সহসা ড্রুমও সাহেবের এই প্রস্তাব শুনিয়া, দোলায়মানচিত্ত হইলেন। কিন্তু এখন ভাবিবার সময় ছিল না। লেফটেনেন্ট-গবর্নর মাজিষ্ট্রেটের আগ্রহ দর্শনে তদীয় প্রস্তাব অল্পসারে কার্য্য করিতে সম্মত হইলেন। অবিলম্বে আদেশ যথার্থানে উপস্থিত হইল। ৩২শে মে উষাকালে ৩ সংখ্যক ইউরোপীয় সৈনিকদল কাওয়াজের বিস্তৃত ক্ষেত্রে শ্রেণীবদ্ধ হইল। গোলন্দাজ সৈন্য যথার্থানে কামান সকল স্থাপন পূর্ব্বক অধিনায়কের আদেশ প্রতীক্ষা করিতে লাগিল। সিপাহীগণ যখন আপনাদের সম্মুখে কামান সজ্জীকৃত এবং সশস্ত্র ইউরোপীয় পদাতিগণকে শ্রেণীবদ্ধ দেখিল, তখন তাহারা কোনরূপ আপত্তিপ্রকাশে সাহসী হইল না। ব্রিগেডিয়ার অম্বারোহণে ঘটনাস্থলে উপস্থিত হইলে, সিপাহীরা ধীরভাবে অস্ত্রাদি পরি-তাগ পূর্ব্বক সৈনিকনিবাসের অভিমুখে প্রস্থান করিল। কেহ কেহ বিদায় গ্রহণ পূর্ব্বক আপনাদের বাটীতে গেল, কেহ কেহ বিদায় না লইয়াই, দিল্লীর অভিমুখে যাত্রা করিল। এইরূপ ব্রিটিশ কোম্পানির আরও দুই দল সিপাহী নিরস্ত্রীকৃত ও দূরীভূত হইল।

দ্বিতীয় অধ্যায় ।

উত্তরপশ্চিম প্রদেশের অবস্থা—মীরাট ও রোহিলখণ্ড বিভাগ—মুজফফরনগর ও সাহাযাগ-
পুর—মোরাধাবাদ—বেরিলী—শাহজাহানপুর—বদায়ুন ।

মে মাস অতীত হইল । জুন মাসের প্রচণ্ড আতপতাপের সহিত উত্তর-পশ্চিম প্রদেশের জনসাধারণের প্রচণ্ড প্রকৃতি ও গভীর অশান্তিভাব পরিস্ফুট হইতে লাগিল । যে সকল সিপাহী নিরস্ত্রীকৃত হইয়াছিল, তাহাদের অনেকে দিল্লীতে না গিয়া, আপনাদের বাসগ্রামে যাত্রা করিয়াছিল । কিন্তু তাহারা যাইবার সময়ে নানারূপ অনিষ্টজনক ও অপ্রকৃত গল্পে পার্শ্ববর্তী গল্পীবাসী-দিগের হৃদয় উত্তেজিত করিতে ক্রটি করে নাই । তাহাদের কল্পনাবলে ইংরেজদিগের কু অভিসন্ধি অথবা তাহাদের রাজত্বের অবসানসম্বন্ধে নানা অদ্ভুত গল্পের সৃষ্টি হওয়াতে বিলুপ্তনপ্রিয় দুঃসাহসী লোকে সর্বত্র আতঙ্কমতাবিস্তারে কৃতসঙ্কর হইতেছিল ।

উক্ত লোকের এইরূপ গভীর উত্তেজনা এবং তন্মূলক অশৃঙ্খলা ও অরাজকতার বিষয় কর্তৃপক্ষের অবদিত ছিল না । মে মাস শেষ হইবার পূর্বেই উত্তরপশ্চিম প্রদেশের লেফটেনেন্ট-গবর্নর মহোদয় গবর্নর-জেনারেল বাহাদুরের নিকটে এই ভাবে লিখিয়াছিলেন,—“সমগ্র জনপদ বিশৃঙ্খলভাবে পরিপূর্ণ হইয়াছে । উত্তেজিত লোকে নানা স্থান অশান্তিময় করিয়া তুলিবার চেষ্টা করিতেছে । লোকের বিশ্বাস জন্মিয়াছে যে, আমাদের রাজত্ব দীর্ঘকাল স্থায়ী হইবে না । এই বিশ্বাস প্রযুক্ত তাহারা আমাদের কৰ্ম ছাড়িয়া অপরের অর্থ বিলুপ্তন পূর্বক আপনাদিগকে সমৃদ্ধ করিতে উদ্যত হইয়াছে । মীরাটের উত্তর দিকের জনপদ নিতান্ত দুঃসাহসী ও দুর্ভিক্ষ লোকের পদানত হইয়া উঠিয়াছে । ঐ সকল স্থানে অনেক নিরীহ প্রকৃতি ভাল মানুষ আমাদের পক্ষে থাকিলেও, কুচরিত্র ও অসংসাহসী লোকের জন্ত শাস্তি স্থাপিত হইতেছে না । আলীগড় এবং ইটোয়া নানা অত্যাচারে বিশৃঙ্খল হইয়া পড়িয়াছে । আমাদের অধ্যুষিত স্থানের ৩০।৪০ মাইলের মধ্যে নিরীহ প্রজালোকে উৎপীড়িত হইয়াছে । বাহাদের মঙ্গলের জন্ত আমরা সাতিশয় পরিশ্রম

করিয়াছি, এবং অনেক সময়ে যাহাদের জ্ঞান ভাবিয়াছি, তাহাদের এইরূপ ছরবস্থা, নিরতিশয় শোচনীয় সন্দেহ নাই। তিন মাস পূর্বে, যে সকল জনবহুল ভূখণ্ডের উন্নতি করিয়াছি বলিয়া, আমি গর্ব প্রকাশ করিয়াছি, তৎসমুদয়েরই এই দশা ঘটিয়াছে।” কলবিন্ সাহেবের এই নির্বেদকর কথা পরবর্তী বিবরণে অধিকতর পরিষ্কৃত হইবে।

উত্তরপশ্চিম প্রদেশের যে সকল স্থান দিল্লীর নিকটবর্তী, সেই সকল স্থানে অস্ত্রাস্ত্র স্থান অপেক্ষা অধিকতর উত্তেজনার নিদর্শন পরিলক্ষিত হইয়াছিল। সমগ্র প্রধান ষ্টেশনে গবর্ণমেণ্টের ধনাগার ও অস্ত্রাস্ত্র সম্পত্তিরক্ষার জ্ঞাত এতদ্দেশীয় পদাতি সৈন্য নিয়োজিত ছিল। এই সময়ে নানা স্থান হইতে রাজস্ব সংগৃহীত হইয়াছিল। প্রত্যেক ধনাগারের সিদ্ধকগুলি মুদ্রায় পরিপূর্ণ ছিল। এই অর্থ যে, শেষে অনর্থের মূল হইয়া উঠিবে, ইহা যে মাসের পূর্বে কোন ইংরেজেরই মনে হয় নাই। তাঁহারা স্বদেশীয় ধনাগারের অর্থের ছায় এই সকল ধনাগারের অর্থও সুরক্ষিত বলিয়া মনে করিতেছিলেন। কিন্তু মে মাস অতীত হইতে না হইতেই তাঁহাদের ধারণা অমূলক বলিয়া প্রতীপন্ন লইল। সিপাহীগণ যখন কোম্পানির বিরুদ্ধে সমুথিত হইল, কোম্পানির শক্তিনাশ হইয়াছে বলিয়া সাধারণে যখন সিদ্ধান্ত করিল, তখন ইংরেজ স্বকীয় সম্পত্তি রক্ষা করা দূরে থাকুক, আত্মরক্ষার জ্ঞাত বিব্রত হইয়া পড়িলেন। যাহারা বিশ্বস্তভাবে ধনাগার ও গবর্ণমেণ্টের অস্ত্রাস্ত্র সম্পত্তি রক্ষা করিতেছিল, তাহারাও এখন অবিশ্বস্ত হইয়া উহার হরণে বা অপচয়সাধনে কৃতসঙ্কল্প হইল। উক্ততৎপ্রকৃতি লোকে তাহাদের অনুবর্তী হইতে বিমুগ্ধ হইল না। উত্তেজিত সিপাহীগণ যেমন সংহারকার্য্যে ব্যাপ্ত হইল, উক্ত লোকেও সেইরূপ শাস্তি ও শৃঙ্খলার মঙ্গলময় বিধি বিপর্য্যস্ত করিয়া সমগ্র জনপদ অরাজকভাবে পরিপূর্ণ করিল। মুজঃকরনগর, সাহারাণপুর, মোরাদাবাদ প্রভৃতি স্থানে এইরূপ ভয়ঙ্কর বিপ্লবের বিকাশ হইল।

মুজঃকরনগর, মীরাটের উত্তরে অবস্থিত। মীরাটের যে ২০ সংখ্যক সিপাহী-দল গবর্ণমেণ্টের বিরোধী হইয়া উঠিয়াছিল, সেই দলেরই কতিপয় সিপাহী মুজঃকরনগরের ধনাগাররক্ষায় নিয়োজিত ছিল। মীরাটের সংবাদে ইহারা

যে, নিশ্চেষ্টভাবে থাকিবে, তদ্বিষয়ে অনেকেই সন্দেহান্বিত হইয়াছিলেন । কিন্তু মহা ইহাদের মধ্যে শৃঙ্খলার বিপর্যয় ঘটিল না । মীরাটের সংবাদ যুজঃফর-নগরে প্রচারিত হইল । ধনাগাররক্ষকেরা আপনাদের দলভুক্ত সৈনিকদিগের সমুখানবাস্তা শুনিল । কিন্তু সংবাদপ্রাপ্তিমাত্র তাহারা সহযোগীদিগের প্রবর্তিত দৃষ্টান্তের অম্লবর্তী হইল না । তাহারা তিন দিন পর্য্যন্ত প্রশান্তভাবে রহিল । কিন্তু তাহাদের এইরূপ প্রশান্তভাবেও শাস্তি অব্যাহত হইল না । এই সময়ে যাহার প্রতি শাস্তিরক্ষার ভার ছিল, তিনি কর্তব্য-সম্পাদনে সাহস ও একাগ্রতার পরিচয় দিতে পারেন নাই । যুজঃফরনগরের ইংরেজ মাজিষ্ট্রেট সজাতির অভ্যন্তর গুণের অধিকারী ছিলেন না । মীরাটের সংবাদ শুনিয়াই, তিনি ঘাবড়ায় কার্য্যায় বদ্ধ করিয়া নগরের প্রান্তভাগে আত্মগোপন করিলেন । যাহারা ধনাগার রক্ষা করিতেছিল, তাহারা মাজিষ্ট্রেটের দেহরক্ষার নিয়োজিত হইল । বরফোর্ড সাহেব এইরূপে আপনাকে নিরাপদ করিবার ব্যবস্থা করিয়া নিশ্চিত হইলেন । এদিকে শাস্তিরক্ষকের আত্মগোপনের সহিত সমগ্র স্থানে অশান্তির আবির্ভাব হইল । যাহারা কোন কারণে গবর্ণমেন্টের প্রতি অসন্তুষ্ট হইয়াছিল, কোন বিষয়ে হতাশ হইয়া পড়িয়াছিল, অল্পশিক্ষায়, অসংসংসর্গে, কোন অংশে দুয়্যচােরের প্রেশয় দিয়াছিল, তাহাদের সম্মুখে এখন আত্মপ্রকৃতির অল্পরূপ কার্য্যসাধনের সুযোগ উপস্থিত হইল । তাহারা যখন কোম্পানির আফিসগুলি অবরুদ্ধ ও মাজিষ্ট্রেট সাহেবকে নির্জন জঙ্গলে লুকায়িত দেখিল, তখন তাহাদের দৃঢ় বিশ্বাস জন্মিল যে, ইংরেজেরা নিস্তেজ হইয়া পড়িয়াছে, কোম্পানির রাজত্বের অবসান হইয়াছে । তাহারা এই বিশ্বাসে সাহসী হইয়া, অভীষ্ট কার্য্যসাধনে অগ্রসর হইল । ধনাগাররক্ষক সিপাহীরা যখন প্রশান্তভাবে ছিল, তখন এই সকল অন্ত্রধারী উদ্ধত লোকে প্রকাশ্যভাবে গবর্ণমেন্টের বিরুদ্ধে সমুখিত হইল । এদিকে মাজিষ্ট্রেট সাহেব নগরের প্রান্তবর্তী জঙ্গলে রক্ষকগণে পরিবৃত্ত হইয়াও, ভয়শূন্য হইতে পারিলেন না । তিনি আপনাকে অধিকতর নিরাপদ করিবার জন্ত কারাগাররক্ষকদিগকে আহ্বান করিলেন । স্তত্রাং কারাগার রক্ষকশূন্য হইল । কয়েদীগণ মুক্তাভ করিল । শাস্তিরক্ষক ইংরেজ রাজ-পুরুষের কর্তব্যসম্পাদনের চূড়ান্ত হইল । প্রধান রাজপুরুষ যখন নগরের কোণাহলে শশব্যস্ত হইয়া, নগরের প্রান্তবর্তী স্থানে লুকায়িত ছিলেন, সশস্ত্র

রক্ষকগণ যখন তাঁহার আবাসগৃহের চারি দিকে অবস্থিত করিতেছিল, এইরূপে তিনি যখন সর্কাপেক্ষা অভীষ্ট বিষয়—জীবনের মমতায় আকৃষ্ট হইয়াছিলেন, তখন গবর্ণমেন্টের কার্যালয়, গবর্ণমেন্টের কর্মচারিগণের আবাসগৃহ ভস্মীভূত হইল ; গবর্ণমেন্টের কাগজপত্র বিনষ্ট হইয়া গেল ; কারাগার কয়েদীশূন্য হইয়া পড়িল । উক্তলোকে উহার দ্বারজানালা ভাঙ্গিয়া ফেলিল । জেলার এক প্রান্ত হইতে অপর প্রান্ত পর্য্যন্ত এই সংবাদ প্রচারিত হইল যে, কোম্পানির আধিপত্য বিলুপ্ত হইয়াছে । ফিরঙ্গীরা প্রাণের দায়ে পলায়ন করিয়াছে । এখন যাহার ক্ষমতা আছে, সেই যাহা ইচ্ছা হয়, করিতে পারে । প্রত্যেকেই কর্তা হইয়া উঠিয়াছে, সুতরাং প্রত্যেকেরই ইচ্ছানুসারে কর্মসাধনে ও অভীষ্ট দ্রব্যগ্রহণে অধিকার জন্মিয়াছে । উত্তেজিত লোকে যখন এইরূপে স্বপ্রধান হইয়া উঠিল, তখন ধনরক্ষক সিপাহীরা নিশ্চেষ্ট থাকিল না । ১৪ই মে ধনাগারের অর্থ অধিকতর নিরাপদ হলে লইয়া গাইবার প্রস্তাব হয় । কিন্তু সিপাহীরা এই প্রস্তাবে সন্মত হইল না । তাহারা টাকার বাক্স স্থানান্তরিত করিতে না দিয়া আপনারাই উহা ভাঙ্গিয়া ফেলিল, এবং ঐ অর্থরাশির মধ্যে যে যত পারিল, লইয়া, মোরাদাবাদের অভিমুখে প্রস্থান করিল । এইরূপে কোম্পানির ৮৫,০০০ হাজার টাকার প্রায় এক তৃতীয়াংশ সিপাহীদিগের হস্তগত হইল । অবশিষ্ট অংশ উত্তেজিত নগরবাসী ও মাজিষ্ট্রেটের ভৃত্যবর্গ অধিকার করিল । কেহই এই অস্বাভাবিকতার নিবারণে অগ্রসর হইল না । কেহই ৩৫ জন মাত্র সিপাহীর ক্ষমতারোধে ও উচ্ছৃঙ্খল লোকের দুরীকরণে চেষ্টা করিল না । প্রত্যেকেই হতবুদ্ধি হইল । প্রত্যেকেই সর্ববিষয়ে শান্তি ও সর্বপ্রকার শৃঙ্খলা বিনষ্ট হইল দেখিয়া, ভয়ে ব্যাকুল হইয়া পড়িল ।

মুজঃফরনগরের অধিবাসীদিগের মধ্যে যেরূপ বিশ্বাস জন্মিয়াছিল, সাহারাণপুরের অধিবাসীদিগেরও সেইরূপ বিশ্বাস জন্মিল । কিন্তু মুজঃফরনগরে যে দৃষ্টের আবির্ভাব হইয়াছিল, সাহারাণপুরে তাহার আবির্ভাব হইল না । এই স্থানের ইংরেজ মাজিষ্ট্রেটের প্রকৃতি মুজঃফরনগরের মাজিষ্ট্রেটের প্রকৃতির অনুরূপ ছিল না । মাজিষ্ট্রেট স্পাক্সি সাহেব সজাতির স্বভাবসিদ্ধ গুণগ্রামে বিসর্জন দেন নাই । বরফোর্ড সাহেব মীরাতের সংবাদে ভীত হইয়া নগর পরিত্যাগ পূর্বক স্থানান্তরে লুকাইত হইয়াছিলেন । স্পাক্সি সাহেব মুজঃফর-

নগরের সংবাদ পাইয়াই রক্ষণীয় স্থান ছদ্মস্ত পরাম্বলোপ অধিবাসীদিগের আক্রমণ হইতে বিমুক্ত করিতে যত্নবীল হইলেন।

সাহারানপুর মুজফরনগরের উত্তরে এবং মীরাটের ৭০।৮০ মাইল অন্তরে অবস্থিত। গঙ্গা ও যমুনার জলপ্রবাহে এই বিভাগের পূর্ব ও পশ্চিম দিক বিধৌত হইতেছে। উত্তরে জনবসতিশূন্য পর্বতশ্রেণী থাকতে, উহা যেমন শৈত্যগুণসম্পন্ন, সেইরূপ প্রাকৃতিক সৌন্দর্যে বিভূষিত। উত্তরপূর্বে শিবালিক পর্বতমালা হিমালয় হইতে জাহ্নবীর নির্গমনস্থল হিন্দু পুণ্যক্ষেত্র হরিদ্বার পর্যন্ত বিস্তৃত রহিয়াছে। সাহারানপুর নগর একটা ক্ষুদ্র প্রোতত্ত্বভীর তটে অবস্থিত। বর্ণনীয় সময়ে উহার অধিবাসীর সংখ্যা ৩৫,০০০ হাজার হইতে ৪০,০০০ হাজার পর্যন্ত ছিল। অধিবাসীদিগের অধিকাংশ মুসলমান।* বহু পূর্বে সাহারানপুর ইংরেজাধিকৃত রাজ্যের সীমান্তবিভাগের একটা প্রধান ষ্টেশন ছিল। এজন্য উহার উত্তরাংশে একটা দুর্গ নির্মিত হইয়াছিল। কালক্রমে ইংরেজাধিকারের সীমা প্রসারিত হইলে, ঐ দুর্গকে জেলখানা করা হয়। ক্রমে উহার পরিখা শুষ্ক ও প্রাচীর ভগ্ন হইয়া যায়। যখন মীরাটে বিপ্লব সঞ্চিত হয়, তখন সাহারানপুরের ২।৭ জনের অধিক ইউরোপীয় ছিলেন না। ফিরিঙ্গীর সংখ্যা অপেক্ষাকৃত অধিক ছিল। মোরাদাবাদের ২২ সংখ্যক এতদেদ্বীয় পদাতিদলের ৭০।৮০ জন সিপাহী ধনাগার রক্ষা করিতেছিল। এক জন এতদেদ্বীয় আফিসার ইহাদের উপর কর্তৃত্ব করিতেছিলেন। প্রায় ২০০ জন অস্ত্রধারী রক্ষক জেলখানা ও ইউরোপীয় কর্মচারীদিগের গৃহে প্রহরীর কর্ম করিতেছিল। এতদ্ব্যতীত সমগ্র বিভাগে যথোপযুক্ত পুলিশ সাধারণের মধ্যে শান্তিরক্ষায় ব্যাপৃত ছিল।†

মুজফরনগরের স্তায় সাহারানপুরে উত্তেজনার নিদর্শন লক্ষিত হইয়াছিল। ধনাগাররক্ষক সিপাহীরা প্রশান্তভাবে আপনাদের কর্তব্য কর্মে ব্যাপৃত ছিল বটে, কিন্তু অধিবাসীদিগের মধ্যে শান্তি দেখা যায় নাই। এক শ্রেণীর লোকে আর এক শ্রেণীর বিরুদ্ধে সমুথিত হইয়াছিল। সবল ও সহায়সম্পন্ন লোকে দুর্বল ও অসহায়ের নিপীড়নে দলবদ্ধ হইয়া উঠিয়াছিল। অধমণ উত্তমর্ণকে

* Robertson, District Duties during the revolt in India, p. 11.

† Ibid, p. 14.

প্রচারিত করিবার চেষ্টা করিতেছিল। সংক্ষেপে সকলেই সৰ্ব্বপ্রকার বিধি-ব্যবস্থা পদদলিত করিয়া, স্বার্থসিদ্ধির জন্ত আপনাই কর্তৃত্ব গ্রহণ করিয়াছিল।

এইরূপ অশৃঙ্খলা, এইরূপ অশান্তি, এইরূপ স্বেচ্ছাচারের মধ্যে আর একটা বিষয়ে উক্ত লোকের উৎসাহ বৃদ্ধি পাইয়াছিল। ইহাদের ধারণা হইয়াছিল যে, কোম্পানির রাজত্বের অবসান হইয়াছে। সুতরাং এখন সাহেবদিগের কোন ক্ষমতা নাই। যেখানে স্বৈতন্যমিগকে পাওয়া যাইবে, সেইখানেই তাহা-দিগকে আক্রমণ করিলে, আপনাদের স্বার্থসিদ্ধির পথ অধিকতর প্রশস্ত হইবে। এইরূপ আত্মপ্রত্যয়ের বশবর্তী হইয়া, ইহারাই ইউরোপীয়দিগের বিরুদ্ধে অস্ত্র-ধারণে বিমুগ্ধ হয় নাই। সাহারাণপুরের জয়েন্ট ম্যাজিস্ট্রেট রবার্টসন্ সাহেব লিখিয়া গিয়াছেন যে, সিপাহীরা গবর্ণমেন্টের বিরোধী হইতে পারে, কিন্তু শাস্ত্র-প্রকৃতি পল্লীবাসীদিগের প্রকৃতির যে পরিবর্তন ঘটিবে, তাহা ভাবা যায় নাই। ২০শে মের কয়েক দিন পূর্বে জানা গিয়াছিল যে, কতিপয় বৃহৎ পল্লীর অধি-বাসিগণ তাহাদিগকে আক্রমণ করিবার জন্ত মলবদ্ধ হইয়াছে।* রবার্টসন্ যে বিষয়ের উল্লেখ করিয়া গিয়াছেন, সাহারাণপুরের নিরীহ অধিবাসীদিগের কার্যে ভবিষ্য অধিকতর প্রকাশিত হইয়াছিল। নগরের দোকানদারেরা আপনাদের দোকান সকল বন্ধ করিয়াছিল, এবং অপরের অজ্ঞাতসারে অর্থাদি মূল্যবান পদার্থ মাটিতে পুতিয়া রাখিয়াছিল। যে সকল রাজপথে প্রতিদিন অবিচ্ছেদ্য জনশ্রোত প্রবাহিত হইত, তৎসমুদয় জনসমাগমশূন্য হইয়াছিল। বিপুল বাণিজ্যের ক্রমে বিলোপদশা ঘটিয়াছিল। লোকে আপনাদের জীবন ও সম্পত্তিরক্ষায় ব্যাকুল হইয়াছিল। বিচারকের বিধিব্যবস্থা, শাস্তিরক্ষকের ক্ষমতা, সমস্তই যেন অন্তর্দান করিয়াছিল। কিন্তু এই সময়েও সিপাহীদিগের স্বভাবের কোনরূপ পরিবর্তন ঘটে নাই। ধনাগাররক্ষক সিপাহীরা পূর্বের ভায়া বিশ্বস্ত-ভাবে ধনরক্ষা করিতেছিল। ইহাদের অধিনায়কও পূর্বের ন্যায় প্রশান্তভাবে আপনাই কর্তব্য কর্মে অভিনিবিষ্ট ছিলেন। কারাগাররক্ষকেরাও পূর্বের ন্যায় ধীরতাসহকারে আপনাদের কর্ম সম্পাদন করিতেছিল।

কিন্তু এইরূপ অশান্তির সময়ে রাজপুরুষগণ আপনাদের দৃঢ়তা ও কর্তব্য-

* Robertson, District duties during the revolt in India, p. 32.

নিষ্ঠার সবিশেষ পরিচয় দিয়াছিলেন। ১৮ই মে মীরাতের সংবাদ সাহারাণপুরে উপস্থিত হয়। তাহার পর দিন দিল্লীর সংবাদ পহুছে। সংবাদ পাইয়া, মাজিষ্ট্রেট স্পাদি সাহেব সহযোগিবর্গের সহিত কর্তব্যনির্ধারণ সম্বন্ধে পরামর্শ করেন। এই পরামর্শ অল্পসারে মহিলা ও বালকবালাদিগকে মোছুরীতে পাঠাইয়া দেওয়া হয়। অতঃপর আত্মবলবৃদ্ধি ও নগররক্ষার জন্ত গবর্ণ-মেন্টের কর্মচারীদিগকে এক গৃহে সমবেত করিবার প্রস্তাব হয়। কেরাণী ও ফিরিসিগণ প্রথমে এই প্রস্তাবে সন্মত হয় নাই। শেষে ইহাদের মত পরিবর্তিত হয়। এদিকে রবার্টসন্ সাহেব নিশ্চেষ্ট থাকেন নাই। যে সকল পল্লীতে অধিকতর অশান্ত ও উদ্ধত লোকের বাস ছিল, তিনি সেই সকল পল্লীতে যাইতে ইচ্ছা করেন। এজন্ত ২৯ সংখ্যক দলের সিপাহীদিগের স্ত্রীবাদারের নিকটে কতিপয় দৈনিক পুরুষ প্রার্থনা করা হয়। স্ত্রীবাদার সামান্য আপত্তি করিয়া শেষে রবার্টসনের সাহায্যার্থে ২০ জন লোক দেন। রবার্টসন্ এই সিপাহী ও পুলিশের গোক লইয়া, উদ্ধত পল্লীবাসীদিগকে সমুচিত শান্তি দিবার জন্য যাত্রা করেন। তাঁহার উপস্থিতিতে অধিকাংশ পল্লীবাসী ইতস্ততঃ পলায়ন করে। এদিকে এক জন ক্ষমতাশালী জমাদার তাঁহার সাহায্যার্থে অগ্রসর হয়েন। রবার্টসনের উত্তম বিদল হয় নাই। তাঁহার সঙ্গে ৫ সংখ্যক ও ২৯ সংখ্যক দলের সিপাহীরা ছিল। ইহারা শেষে গবর্ণ-মেন্টের বিরুদ্ধ পক্ষ অবলম্বন করিলেও, * রবার্টসন্ উদ্ধত লোকদিগের শাসনে যথোচিত চেষ্টা করেন।

এদিকে রোহিলখণ্ডবিভাগে উত্তেজনার নিদর্শন লক্ষিত হইতে লাগিল। অত্যাচার স্থানের অধিবাসিগণ যেরূপ অশান্ত হইয়াছিল, ব্রিটিশ গবর্ণমেন্টকে আপনাদের অনিষ্টকারী বলিয়া যেরূপ উদ্ধতভাবে পরিচয় দিয়াছিল, এবং আপনাদের প্রাধাত্যরক্ষা বা সমৃদ্ধির জন্ত যেরূপ দলবদ্ধ হইয়া উঠিয়াছিল, রোহিলখণ্ডেও তাহার স্বচনা দেখা যাইতেছিল। এই সময়ে উত্তর-পশ্চিম প্রদেশ অপেক্ষা অন্য কোন প্রদেশ কর্তৃপক্ষের অধিকতর চিন্তার

* Malleon, Indian Mutiny. Vol. I. p. 300.

বিশ্বরীভূত হইয়া উঠে নাই । উত্তরপশ্চিম প্রদেশের মধ্যে রোহিলখণ্ড বিভাগে তেজবিতাসম্পন্ন ও স্বাধীনতাপ্রিয় মুসলমানের বসতি । রোহিলা পাঠানেরা এক সময়ে বীরত্বে যেক্রপ প্রসিক্তি লাভ করিয়াছিল, সেইরূপ স্বাধীনভাবে উত্তেজিত হইয়া, সমবক্ষেত্রে বিপক্ষের সমক্ষে আত্মত্যাগের পরাকাষ্ঠা দেখাইয়াছিল । পূর্বতন গৌরবের কথা এখনও ইহাদের স্মৃতিপটে জাগরুক ছিল । ইহাদের পূর্বপুরুষগণ কক্ষক্ষেত্রে যে সাহস, একাগ্রতা ও উত্তমের পরিচয় দিয়াছিলেন, তাহার উদ্দীপনাময়ী কথা এখনও ইহাদিগকে অসংসাহসিক কার্যসাধনে উৎসাহসম্পন্ন করিয়া তুলিতেছিল । ইহার বিলুপ্ত বা বিধ্বংস-ব্যাপারে অগ্রসর না হইলেও, সিপাহীদিগকে আপনাদের পক্ষে আনিয়া মোগল-সাম্রাজ্যের পুনঃস্থাপনের জন্য চেষ্টা করিতে পারিত ।

রোহিলখণ্ডের মধ্যে বেরেলী একটা প্রধান স্থান । বেরেলীর ৪৮ মাইল উত্তরপশ্চিমে মোরাদাবাদ অবস্থিত । এই স্থানে ২৯ সংখ্যক এতদৈশীয় পদাতি-দল এবং এতদৈশীয় গোলন্দাজ দলের কতিপয় সৈনিক অবস্থিতি করিতেছিল । অন্যান্য জেলার ন্যায় মোরাদাবাদে জজ, মাজিষ্ট্রেট এবং সিভিল সার্জন ছিলেন । জজ ক্রাকফোর্ট উইলসন্ সাহেব দীর্ঘকাল মোরাদাবাদে অবস্থিতি করিতেছিলেন । মোরাদাবাদের সমুদয় শ্রেণীর লোকের বিষয় তাঁহার পরিজ্ঞাত ছিল । মোরাদাবাদের অধিবাসিগণ তাঁহার প্রতি শ্রদ্ধা ও সম্মানপ্রদর্শনে বিমুগ্ধ ছিল না । এই শ্রদ্ধাস্পদ প্রাণ কণ্ঠ্যচারী কেবল বিচারকার্যে নিয়োজিত ছিলেন । শান্তিস্থাপন ও বিপ্লবনিবারণ প্রভৃতি অজ্ঞাত কার্যের সহিত ইহার সংশ্লিষ্ট ছিল না । উপস্থিত সময়ে তিনি আপনাদের ক্ষমতাবৃদ্ধির জন্ত লেফটেনেন্ট-গবর্ণরের নিকটে প্রার্থনা করিলেন । তাঁহার প্রার্থনা অবিলম্বে গ্রাহ্য হইল । ক্রাকফোর্ট উইলসন্ এই রূপে বিচারসংক্রান্ত বিষয় ব্যতীত শান্তি-স্থাপন প্রভৃতি অজ্ঞাত বিষয়ে ক্ষমতালাভ করিয়া, একাগ্রতা ও বীরতার সহিত অতীষ্ট কার্যসাধনে উদ্বৃত্ত হইলেন । মীরাতের শোচনীয় সংবাদ ১৬ই মে মোরাদাবাদে পৌঁছিল । সংবাদ পাইয়াই, উইলসন্ সাহেব সৈনিককর্তৃপক্ষের অমুমতি অনুসারে সিপাহীদিগের বাসস্থানে গমন করিলেন, এবং তত্রত্য এতদৈশীয় আফিসারদিগের সহিত আলাপ করিয়া কহিলেন যে, তাঁহাদের সহযোগিগণ অবধাকারণে অযথাপথে পদার্পণ করিয়াছে । ঐ সহযোগীদিগের

পথ অবলম্বন করিলে তাঁহাদের সর্কনাশ ঘটবে, তাঁহারা যেন পূর্বেই এ বিষয়ে সাবধান হইলেন। উইলসনের কথায় সিপাহীগণ প্রশান্তভাবে আপনাদের কর্তব্যসাধনে বদ্ধ করিতে লাগিল। নগরের বিরক্ত, উত্তেজিত মুসলমানদিগের চেষ্টাতেও আপাততঃ তাহাদের এইরূপ প্রশান্তভাবের ব্যত্যয় দেখা গেল না। গবর্ণমেন্টের একজন কর্মচারী (ইনি হিন্দু; মোকদ্দমার কাগজপত্রের অভ্যুদয় করা ইহার কার্য্য ছিল) উপস্থিত বিষয় প্রসঙ্গে এই ঘটনার উল্লেখ করিয়াছেন—নবাব নিমিউজ্জা^(Nizam-ud-Daulah) পূর্বে গবর্ণমেন্টের কর্মচারী ছিলেন। মুন্সেফী কর্ম্য করিয়া, উপস্থিত সময়ে ইনি পেনসন্ পাইতেছিলেন। এই শুক্লকেশ, বর্ষীয়ান পুরুষ মোরাদাবাদের সিপাহীদিগকে গবর্ণমেন্টের বিরুদ্ধে উত্তেজিত করিতে চেষ্টা করেন। বিশ্বাসঘাতক নবাব নগরবাসীদিগের সমক্ষে বলেন যে, তিনি পূর্বেও নবাববংশীয়ের লোক। এখন দিল্লীর সম্রাটের নামে মোরাদাবাদের শাসনকার্য্যে ত্রুতী হইয়াছেন। তাঁহার শাসনে মোরাদাবাদে কোনরূপ অত্যাচার বা অশান্ত্যাবস্থা ঘটবে না। এইরূপ ঘোষণা করিয়া, তিনি সিপাহীদিগকে আপনাদের পক্ষে আনিবার জন্ত তাহাদের মধ্যে রুটা ও অত্যাচার খাণ্ডজবাব বিতরণ করেন। সিপাহীরা ধস্তাবাদ দিয়া ঐ দ্রব্য গ্রহণপূর্ব্বক তাঁহাকে আপনাদেও আবাসস্থল হইতে যাইতে কহে, নচেৎ তাঁহার বে, মৃত্যুদণ্ড হইবে তাহাও নির্দেশ করে। বিশ্বাসঘাতক নবাব এইরূপে নিমকের সম্মান রক্ষা করিতে গিয়া সমুচিত পুরস্কার লাভ পূর্ব্বক স্বকীয় আবাসে প্রত্যাবৃত্ত হইলেন। গভীর নৈরাশ্রে তাঁহার এরূপ বিরক্তি ও মনঃকষ্ট হয় যে, তিনি প্রকাশ্যভাবে গাজী হইয়া দিল্লীতে গমন করেন। এই স্থানে প্রতিপক্ষের গুলির আঘাতে তাঁহার যাবতীয় মনঃকষ্টের অবসান হয়।*

যে মাসের প্রথমার্দ্ধ পর্য্যন্ত মোরাদাবাদের সিপাহীগণ বিখন্ত, রাজভক্ত ভূত্যের স্তায় প্রশান্তভাবে আপনাদের কর্তব্য সম্পাদন করিয়াছিল। এই সময়ে রোহিলখণ্ড বিভাগের অনেক পথ বিলুপ্তনপ্রিয় গুজরগণকর্তৃক অবরুদ্ধ হইয়াছিল। স্থানে স্থানে গবর্ণমেন্টের বিরুদ্ধে উত্তেজিত সিপাহীগণ ঘুরিয়া বেড়াইতেছিল। মোরাদাবাদের ২৯ সংখ্যক সিপাহীদল এই সকল উপদ্রব-

* Kaye, Sepoy War Vol. III., p. 253, note.

নিবারণে অনন্যোযোগী হয় নাই। পরিশেষে তাহাদের সমক্ষে উৎকট পরীক্ষার সময় উপস্থিত হইল। এই পরীক্ষায় তাহারা আপনাদের বিশ্বস্ততা ও রাজভক্তির অস্তিত্ব সৰ্ব্বক্ষেপে প্রমাণ দিয়াছিল, তাহা ক্রমে লিখিত হইতেছে।

১৮ই মে সন্ধ্যাকালে মোরাদাবাদের কর্তৃপক্ষ সংবাদ পাইলেন যে, ২০ সংখ্যক দলের সিপাহীরা বিলুপ্তিত অর্থাৎ লইয়া নগরের পাঁচ মাইল দূরে গঙ্গা তটে উপস্থিত হইয়াছে। এই দল মীরাতে গবর্ণমেন্টের বিরুদ্ধে সমুথিত হইয়াছিল। মুজফফরনগরে এই দলের সৈনিকেরা কর্তৃপক্ষের বিরুদ্ধাচরণ করিয়াছিল। এই বিপক্ষ সৈনিকদিগের উপস্থিতিসংবাদে মোরাদাবাদের কর্তৃপক্ষ নিশ্চেষ্টে রহিলেন না। দুই জন সাহসী কর্তব্যনিষ্ঠ আফিসার ৩০ জন অশ্বারোহী এবং কতিপয় পদাতি লইয়া, রাত্রি ১১টার সময় পূর্বোক্ত সিপাহীদিগের আশ্রয়স্থলের অভিমুখে যাত্রা করিলেন। উইলসন্ প্রভৃতি রাজপুরুষেরা ইহাদের সঙ্গী হইলেন। চারি দিক ঘোর অন্ধকারে সমাচ্ছন্ন ছিল। এই অন্ধকারময় নিশীথে আফিসারদ্বয় নির্দিষ্ট স্থলে উপস্থিত হইয়া, সওয়ারদিগকে বিপক্ষদিগের গতিরোধের জন্য যথাস্থলে সন্নিবেশিত করিলেন। অনন্তর তাহারা পদাতিদিগকে লইয়া, বিপক্ষের শিবিরের দিকে অগ্রসর হইলেন। বিপক্ষ সিপাহীগণ গাঢ়নিদ্রায় অভিভূত ছিল। ইংরেজপক্ষের সৈনিকেরা শিবিরের শাখাদিগকে হস্তগত করিল। এদিকে গোলযোগে সিপাহীদিগের নিদ্রাভঙ্গ হইল। সিপাহীগণ অসময়ে অতর্কিতভাবে আপনাদিগকে আক্রান্ত দেখিয়া, উদ্ভ্রান্ত হইয়া পড়িল। একপাশ ঘোর অন্ধকার হইয়াছিল যে, আশ্রয় অস্ত্রের অগ্নিস্ফুরণে কোনরূপে আত্মপার নিদ্বারণ করা যাইত। অন্ধকারের সাহায্যে বিপক্ষ সিপাহীদিগের অধিকাংশ আত্মগোপনে সমর্থ হইল বটে, কিন্তু তাহাদের সমস্ত অস্ত্র, বাহন ইংরেজদিগের হস্তগত হইল। এক জন সওয়ারের গুলিতে বিপক্ষদলের একটা সৈনিক দেহত্যাগ করিল। এদিকে বিপক্ষদিগের ৮,০০০ হাজার টাকা অধিকৃত এবং ৮।১০ জন সৈনিকপুরুষ বন্দী হইল।

এই অভিযানের সময়ে ২৯ সংখ্যক দলের সিপাহীরা কর্তব্যবিমূহ হয় নাই। তাহারা এ পর্যন্ত বিশ্বস্তভাবে আপনাদের কার্য্য করিতেছিল। কেহ কেহ নির্দেশ করিয়াছেন যে, এ সময়ে তাহাদের বিশ্বস্তা সম্পূর্ণরূপে পরিস্ফুট

হয় নাই। তাহার জন্মের সহিত আপনাদের কর্তব্যপালন করে নাই। কিন্তু এ সময়ে যে সকল আফিসার উপস্থিত ছিলেন, তাঁহারা এই মতের সমর্থন করেন নাই। ঘোরতর অন্ধকারপ্রযুক্ত সিপাহীগণ বিপক্ষদিগের গতিবিধি পর্য্যবেক্ষণ করিতে পারে নাই। বিপক্ষেরা এই অন্ধকারের সাহায্যে অনায়াসে পলায়ন করিয়াছিল।

২৯ সংখ্যক দলের সিপাহীদিগকে এইরূপে গবর্ণমেন্টের প্রতি বিশ্বস্ততা প্রদর্শন করিতে দেখিলেও ৩০ সংখ্যক দলের সিপাহীগণ তাহাদিগকে আপনাদের প্রতি অবিশ্বস্ত ভাবে নাই। তাহাদের দৃঢ়বিশ্বাস জন্মিয়াছিল যে, ২৯ সংখ্যক দলের লোক তাহাদের স্থায়ী আশ্রয় প্রাধিকৃত্যপনে রক্তসঞ্চয় হইয়াছে ; এই বিশ্বাসের বশবর্তী হইয়া, তাহাদের কেহ কেহ পর দিন প্রাতঃকালে সহসা মোরাদাবাদের সৈনিকনিবাসে উপস্থিত হয়। কিন্তু এই সময়েও ২৯ সংখ্যক দলের সৈনিকগণ নিমকের সম্মান রক্ষা করিতে পরায়ুত্ব হয় নাই। এই দলের এক জন শিখ সিপাহীর নিকৃষ্ট গুলিতে আগন্তুক সৈনিকদিগের এক জন হত ও অবশিষ্ট বন্দী হয়। বন্দিগণ কারাগারে অবরুদ্ধ থাকে। কিন্তু অবশ্রান্তাবী বিপদের শাস্তি হইল না। এইরূপ সাবধানতাতেও উহা নিরাকৃত না হইয়া কর্তৃপক্ষকে অধিকতর বিব্রত করিয়া তুলিল। নিহত ব্যক্তির এক জন নিকট আশ্রয় ২৯ সংখ্যক দলে ছিল। দলের মধ্যে এই ব্যক্তির কিয়দংশ ক্ষমতা ও প্রতিপত্তি ছিল। এই ব্যক্তি যখন জানিতে পারিল যে, তাহার আশ্রয় নিহত হইয়াছে ; তখনই সে আপন দলের অপেক্ষাকৃত উদ্ধত ও অশাস্ত-প্রকৃতি লোকদিগকে গবর্ণমেন্টের বিপক্ষে উত্তেজিত করিয়া তুলে, এবং তাহাদিগকে সঙ্গে লইয়া কারাগারের অভিমুখে গমন করে। ২০ সংখ্যক দলের কতিপয় বন্দীর সহিত ৬০০ শত কয়েদী মুক্তিলাভ করে।

বিচারপতি উইলসন্ এই সংবাদ পাইয়াই অস্বাভাবিক কারাগারের অভিমুখে অগ্রসর করেন। বিমুক্ত করেদিগণ উল্লাসে উৎফুল্ল এবং উত্তেজনায় উন্নত হইয়া চীৎকার করিতে করিতে চারি দিকে ধাবমান হইয়াছিল। এইরূপ ছুরস্ত ও উত্তেজিত লোকের সন্মুখে উপস্থিত হওয়া তাদৃশ নিরাপদ বোধ হয় নাই। মোরাদাবাদের ১৮ মাইল পূর্বে রামপুররাজ্য অবস্থিত। রামপুরের নবাবের কতকগুলি সওয়ার এই সময়ে মোরাদাবাদের নিকটে অবস্থিতি

করিতেছিল। উইলসন্ সাহেব কানবিলম্ব না করিয়া, ইহাদের সাহায্য প্রার্থনা করিলেন। কিন্তু সওয়ারেরা তাঁহার প্রার্থনামুদারে কাণ্য করিতে সম্মত হইল না। যাহা হউক, ২৯ সংখ্যক দলের কেহ কেহ প্রাকাত্তভাবে বিপক্ষতা-চরণ করিলেও এ পর্য্যন্ত সমগ্র দল তাহাদের অনুবর্তী হয় নাই। ইহারা এখনও কর্তৃপক্ষের আদেশ পালন করিতেছিল, এখনও ইহাদের বিশ্বস্তভাবে কর্তৃপক্ষ আপনাদিগকে সহায়সম্পন্ন ও নিরাপদ বলিয়া মনে করিতেছিলেন। ইহাদের কয়েক জনকে সঙ্গে লইয়া, এক জন ইউরোপীয় অধিনায়ক পলাতক কয়েদাদিগের অনুসরণ করিলেন। এদিকে উইলসন্ সাহেবও নিশ্চেষ্ট ছিলেন না। তিনি আর এক দল লইয়া ঐ কার্যসাধনে উত্তত হইলেন। ইহাদের উত্তম অনেকাংশে সফল হইল। দেড় শত কয়েদী অবরুদ্ধ হইয়া পুনর্বার কারাগারে পূর্ববৎ অবস্থার স্থাপিত হইল। বিচারপতি উইলসন্ এক ঘণ্টা পরে নগরে প্রত্যাবৃত্ত হইলেন। এই সময়ে নগর নিস্তব্ধতা ধারণ করিয়াছিল। প্রবল ঝটিকার পর প্রকৃতি যেমন স্তব্ধীভূত হয়, মোরাদাবাদও যেন সেইরূপ নিশ্চল ও নিশ্চেষ্ট হইয়া পড়িয়াছিল। উহার দোকান সকল অবরুদ্ধ, পথসমূহ জনশূন্য, এবং পল্লী সমুদয় যেন লোকসম্পর্কশূন্য হইয়াছিল। অধিবাসিগণ নানা প্রকার আশঙ্কার বিচলিত হইয়া উঠিয়াছিল। অতঃপর কি ঘটিবে কেবল ইহাই নোকে ভাবিতেছিল। যাহারা শান্তির প্রত্যাশী ছিল, তাহারা যেমন ভবিষ্যতের বিভীষিকার কল্পনা করিয়া বিচলিত হইয়াছিল, যাহারা অশান্তির উৎপাদন করিয়া, আপনাদের অসংযত ভোগলালসার তৃপ্তিসাধনের জন্ত অপরের সম্পত্তিহরণের চেষ্টা করিতেছিল, তাহারাও সেইরূপ উচ্ছৃঙ্খলতাবের নিমিত্ত ভবিষ্যতের বিপদের আশঙ্কায় হুঁচিস্তাগ্রস্ত হইয়া উঠিয়াছিল। অত্যাচার স্থানের স্থায় সৈনিকনিবাসে গভীর আশঙ্কার নিদর্শন পরিদৃষ্ট হইতেছিল। কেহই সেদিন খাদ্য সামগ্রীর আহরণ বা রন্ধনের আয়োজন করে নাই এবং কেহই এক মুহূর্তের জন্ত নিশ্চিন্তভাবে থাকে নাই। গভীর বিবাদ ও সন্দ্বাসের চিহ্ন যেন সকলের মুখেই প্রলক্ষিত হইতেছিল। উইলসন্ সাহেব এই অশান্তি-ময়—এই সম্মানজনিত নিস্তব্ধতা ভঙ্গ করিতে উদ্যোগী রহিলেন না। তিনি প্রথমে প্রধান প্রধান নগরবাসীকে শান্তিরক্ষার জন্ত সর্বিশেষ চেষ্টা করিতে কহিলেন। অনন্তর ২৯ সংখ্যক দলের সিপাহীগণ তাঁহার লক্ষ্য হইল। তিনি

অস্বাভাবিক সৈনিকনিবাসে গমন করিলেন। সিপাহীদিগকে শাস্তভাবে সহুদেশ দিলেন। গোলন্দাজ সৈন্তের সম্মুখীন হইলেন। তাহাদের সমক্ষেও আপনার দৃঢ়তা ও নিষ্ঠাকতার পরিচয় দিলেন। এই সৈনিকেরাই অধিকতর উত্তেজিত হইয়াছিল। মারাত্মক কার্যসাধনের জন্ত ইহারা আপনাদের কামান যথাস্থানে সম্মুখিত করিতেও সঙ্কুচিত হয় নাই। কিন্তু উইল্‌সনের নিষ্ঠাকতায় ইহারা আপনাদের আশঙ্ককর উত্তম নিশ্চেষ্ট হইল। উইল্‌সন্ অতঃপর সিপাহী-দিগের অমূলক আশঙ্কার নিরাকরণ এবং তাহাদের প্রতি গবর্ণমেন্টের বিশ্বস্ত-ভাব প্রদর্শনের জন্ত টোটা বিতরণ করিলেন এবং তাহাদিগকে অন্ত্রাদিতে সজ্জিত হইয়া আসিতে আদেশ দিলেন। তাহারা এই আদেশানুসারে অল্পশব্দে বিভূষিত হইয়া মণ্ডলাকারে দণ্ডায়মান হইল। উইল্‌সন্ তাহাদের মণ্যবর্তী হইয়া যথোচিত ধীরতা ও গাভ্র্যর্থের সহিত তাহাদিগকে প্রশান্তভাবে থাকিতে কহিলেন। যাহারা দীর্ঘকাল কোম্পানি বাহাদুরের কার্যসাধনে বিশ্বস্ততা দেখাইয়াছে, কতিপয় উচ্চত ও উচ্ছৃঙ্খল বালকের ব্যবহারে তাহাদের যেন সেই বিশ্বস্ততা কলঙ্কিত, সেই সদাচার ও প্রভুভক্তি দূরীভূত এবং তাহাদের পলিত কেশ ও স্বেত শ্মশ্রুর সম্মান যেন সেই সকল অজ্ঞাতশ্মশ্রুর সমক্ষে অধঃকৃত না হয়, তদ্বিষয়ে উপদেশ দিলেন। তাহারা যদি ভবিষ্যতের জন্ত রাজভক্তি ও বিশ্বস্ততা দেখাইতে প্রতিজ্ঞাবদ্ধ হয়, তাহা হইলে তাহাদের যাবতীয় অপরাধের মার্জনা করিতে গবর্ণর-জেনারেল বাহাদুরকে অনুমোদন করা হইবে, তদ্বিষয়েও প্রতিশ্রুত হইলেন। উইল্‌সন্ সাহেবের কথায় এতদ্দেশীয় আফিসারগণ জিজ্ঞাসা করিলেন যে, তিনি তাহাদের ধর্মপুস্তক স্পর্শ করিয়া প্রতিশ্রুতিপালনের জন্ত শপথ করিতে প্রস্তুত আছেন কি না। উইল্‌সন্ সাহেব তৎক্ষণাৎ এবিষয়ে সম্মত হইলেন। আফিসারগণ আর কোন বিষয়ে সন্দেহান হইলেন না। উভয় পক্ষই উভয়ের প্রতি বিশ্বস্ততা দেখাইবার নিমিত্ত শপথ করিলেন। কিয়ৎকালের জন্ত পরস্পরের মধ্যে আবার সন্ধ্যা স্থাপিত হইল। মোরাদাবাদে আবার প্রশান্ত্যাব পরিষ্কৃত, সন্ত্রাস দূরীকৃত এবং বিশৃঙ্খলতা নিরাকৃত হইল। দোকানের দ্বার উন্মুক্ত হইল। রাজপথ জনকোলাহলময় হইয়া উঠিল। অধিবাসিগণ প্রফুল্লভাবে ইতস্ততঃ বিচরণ করিতে লাগিল। ইউরোপীয় কুলঙ্গনাগণ আপনাদের নির্জন আশ্রয়স্থল হইতে বহির্গত হইলেন।

প্রত্যেকের মন হইতে যেন কোন একটা দুর্লভ ভার অপসারিত হইল, এবং প্রত্যেকেই যেন উহাতে অনির্বচনীয় সুখ উপভোগ করিতে লাগিল। এদিকে মোরাদাবাদ বিভাগে গোলযোগের সূত্রপাত হইল। তুযানল এক দিকে আবির্ভূত হইলে, ক্রমে অলক্ষ্যভাবে সমস্ত দিকে উহা পরিব্যাপ্ত হয়, এক এক সময়ে আলাময়ী শিপায় উহার সংহারণী শক্তিরও পরিচয় পাওয়া গিয়া থাকে। লোকসমাজের এক দিকে কোন বিষয়ে কাণ্ডাত্যপন্নতার শক্তি সঞ্চারিত হইলে, উহার সংঘাতে ক্রমে সমগ্র সমাজ আলোড়িত হইয়া উঠে। এই সময়ে একে অপরের দৃষ্টান্তের অনুবর্তী হয়। এক জনের কাণ্ডপ্রণালী অল্প জনের কাণ্ডপ্রণালীর সহিত একত্রে গ্রথিত হয়। ইহাতে উৎকৃষ্ট বিষয় যেমন সমাজের উৎকর্ষসাধক হয়, অপকৃষ্ট বিষয়ও সেইরূপ সমাজের অশুশ্রীকৃতক ও অপকর্ষসাধক হইয়া উঠে। উপস্থিত সময়ে নিত্যসন্নিধ ও কোতুহলপরতন্ত্র সিপাহীগণ যে কার্যসাধনে অগ্রসর হইয়াছিল, তাহাতে লোকসমাজ যেরূপ অশান্তিময়, রাজ্যশাসনতন্ত্রও সেইরূপ বিশৃঙ্খল হয়। এই অশান্ত ও শৃঙ্খলাহীন, সমাজের অল্প শ্রেণীর চিরপোষিত বাসনাসিক্তির সহায় হইয়া উঠে। বাহারা পরবলোলুপ ছিল, আত্মপ্রাধান্ত স্থাপনের চক্ষা বাহাদের হৃদয়ে বলবতী হইয়া উঠিয়াছিল এবং বাহারা স্বপ্রধানভাবে আত্মপ্রাধান্তের বিস্তারে উদযোগী ছিল, তাহারা এই সুযোগ সহজে পরিত্যাগ করে নাই। এক দলকে চিরন্তন শৃঙ্খলার মূলদেশ বিনষ্ট করিতে দেখিয়া, তাহারা আপনাদের অতীষ্টসাধনে অগ্রসর হয়, এবং আপনাদের অভ্যন্ত, মাতাত্মক কার্যে সমগ্র প্রদেশে সর্বপ্রকার শৃঙ্খলার চিহ্ন বিনষ্ট করিয়া ফেলে।

মোরাদাবাদ বিভাগে এইরূপ দৃশ্য অপ্রকাশিত থাকে নাই। বিলুপ্ত-প্রিয় গুজরের দল চারি দিকে উৎপাত করিয়া বেড়াইতেছিল। ২০শে মে ৮০ জন গুজর অবরুদ্ধ হয়। ইহার পর দিন উইল্‌সন্ সাহেব সংবাদ পাইলেন যে, একজন মৌলবী রামপুরের কতকগুলি উচ্ছ্রাল মুসলমানকে দলবদ্ধ করিয়াছে। ইহারা নীলবর্ণের পতাকা উড়াইয়া নগরলুণ্ঠনের জন্ত আসিতেছে। সংবাদপ্রাপ্তিমাত্র উইল্‌সন্ সাহেব কতিপয় সিপাহী সওয়ারকে সঙ্গে লইয়া ইহাদের গতিরোধ করিবার জন্ত যাত্রা করিলেন। তিনি সৈনিকদিগের সহিত বেরিলীর ঘাটে রামগঙ্গা উত্তীর্ণ হইয়া, মুসলমানদিগের গতিরোধ করিলেন।

এক জন দারোগার অসির আঘাতে মুসলমানদলের অধিনায়ক মোলবী দেহ-ত্যাগ করিল। তাহার কতিপয় প্রধান অস্ত্রচর অবরুদ্ধ হইল। অপর সকলে পলায়নপূর্বক আত্মরক্ষা করিল। এই কার্যোত্তর ২৯ সংখ্যক সিপাহীগণ বিশ্বস্ততাব হইতে বিচ্যুত হয় নাই। তাহারা পূর্বের ভ্রায় কার্যতৎপরতা এবং পূর্বের ভ্রায় উত্তম ও মনোযোগের সহিত অবিনায়কের আদেশ পালন করে।

ইহার দুই দিন পরে ২৯ সংখ্যক দলের সিপাহীগণের সমক্ষে আর একটি গুরুতর বিষয় উপস্থিত হয়। এই বিষয়ে ইহাদের রাজভক্তি এবং বিশ্বস্ততা প্রমাণ করিবার সুযোগ ঘটে। যে সকল সৈনিক অভিযানের পথ প্রস্তুত করে, দুর্গনির্মাণ বা শিবিরসন্নিবেশ কার্যে নিয়োজিত থাকে। তাহাদের দুই দল মীরাতের সংবাদে গবর্ণমেন্টের বিরুদ্ধে সমুথিত হয়। ইহারা রুদ্ধকৌ পরিত্যাগ পূর্বক বিলুপ্ত সামগ্রী লইয়া মোরাদাবাদের অভিমুখে অগ্রসর হয়। এই সংবাদ ২৩শে মে মোরাদাবাদে পহুছে। অবিলম্বে দুই দল সিপাহী এবং ৬০ জন সওয়ার প্রস্তুত হইতে আদিষ্ট হয়। কাপ্তেন হুইস্ ইহাদের পরিচালক হইলেন। তিনি ঐ সৈনিকদল ও দুইটা কামান লইয়া, বিপক্ষদিগের অভিমুখে যাত্রা করেন। কিন্তু তিনি নিদিষ্ট স্থলে উপস্থিত হইতে না হইতে তদীয় অভি-যানের সংবাদ বিপক্ষদিগের মধ্যে প্রচারিত হয়। বিপক্ষগণ সংবাদ প্রাপ্তি মাত্র তেরাই অভিমুখে প্রস্থান করে। কিন্তু এদিকে স্থানীয় রাজপুত্র কতিপয় সওয়ার লইয়া, ইহাদের গতিরোধ করেন। ইহার মধ্যে কাপ্তেন হুইসের সৈনিক-দল উপস্থিত হয়। বিপক্ষগণ নিরস্ত্রীকৃত হয়। তাহারা যাবতীয় ড্রব্যাদি হইতে বিচ্যুত হইয়া পথের ভিখারী হয়। অনেকে বেরিলীর দিকে পলায়ন করে।

এই ঘটনার পর মোরাদাবাদের সৈনিকনিবাসে আপাততঃ কোনরূপ গোলযোগের চিহ্ন দৃষ্ট হইল না। কতৃপক্ষ ভাবিলেন যে, ২৯ সংখ্যক দলের সিপাহীগণের রাজভক্তি ও বিশ্বস্ততা অক্ষুণ্ণ থাকিবে। কিন্তু তাহাদের এই বিশ্বাস দীর্ঘকাল স্থায়ী হইল না। কালক্রমে ঘটনাক্রমে অত্মদিকে আবর্তিত হইল। মোরাদাবাদবিভাগে উদ্ধতপ্রকৃতি নোকের বসতি ছিল। ইহারা সুযোগ বুঝিয়া পরস্পরহরণের জন্ত চারি দিকে ঘুরিয়া বেড়াইতেছিল। মোরাদাবাদের সিপাহীগণ ইহাদের দৌরাভ্যানিবারণে উদাসীন থাকে নাই। কিন্তু যখন কোন গুরুতর অনিষ্টকর সংবাদ প্রচারিত হয়, তখন অদূরদর্শী, কোতুলপর,

লোকের মধ্যে তুমুল আন্দোলন উপস্থিত হয়। যাহারা অধিকতর কলনাপ্রিয়, তাহারা উহা রঞ্জিত করিয়া, অপরকে অধিকতর ব্যাকুল করিয়া তুলে। দূরদর্শিতা ও অভিজ্ঞতার অভাবে ইহারা আপনাদের মানসপটে সর্বনাশের ভীষণ দৃশ্য অঙ্কিত করিতে থাকে। ধর্ম, জাতি ও সম্মাননাশের আশঙ্কা অপেক্ষা ভারতবর্ষীয় লোকের অধিকতর উদ্বেগের বিষয় আর কিছুই নাই। ইহারা আপনাদের ধর্ম, এবং আপনাদের জাতি ও সম্মান রক্ষা করিতে আত্মবিসর্জনেও বিমুখ হয় না। মোরাদাবাদে বখন ধর্ম ও জাতিনাশের জনরব উঠিল, তখন লোকে স্থির থাকিতে পারিল না। প্রত্যেকেই আপনাদের ধর্মসম্বন্ধীয় এবং জাতিগত সম্মানের বিলোপ হইবে ভাবিয়া, একান্ত অস্থির হইয়া উঠিল। প্রত্যেকে আপনার আত্মীয় বা পরিচিত ব্যক্তির সমক্ষে এই সর্বনাশের কথা অতিরঞ্জিতভাবে প্রকাশ করিতে লাগিল। কোম্পানির মূল্যে চিরায়ত ধর্ম ও চিরন্তন আত্মীয় গোত্রবিলুপ্ত হইবে, ইহা যেন লোকের হৃদয়ে তাড়িতবেগে প্রবেশ করিল। যাহারা অপেক্ষাকৃত সঙ্গতিপন্ন ও সন্ধিগ্ন ছিল, তাহারা এই কথায় মোরাদাবাদের সিপাহীদিগকে উত্তেজিত করিতে বিমুখ হইল না। ২৯সংখ্যক দলের সিপাহীগণ এই আতঙ্কজনক কথায় বিচলিত হইয়া উঠিল এবং পরস্পর পরস্পরকে অধীরভাবে জিজ্ঞাসা করিতে লাগিল, বেরেলীর সংবাদ কি ?

ক্রমে বৈশাখ মাস সমাগত হইল। বৈশাখের আতপতাপের সহিত মোরাদাবাদের ইয়ুরোপীয়দিগের উৎকণ্ঠা ও আতঙ্ক বৃদ্ধি পাইতে লাগিল। বেরেলী রোহিলখওবিভাগের সদর স্থান; সূত্রাং উহার উপর অন্ত্যস্ত স্থানের শান্তি নির্ভর করিতেছিল। মোরাদাবাদের কর্তৃপক্ষ বেরেলীর সংবাদ জানিতে নিরতিশয় উৎসুক হইয়া উঠিয়াছিলেন। তাঁহাদের দৃঢ় বিশ্বাস ছিল যে, বেরেলী যদি শান্তিপূর্ণ থাকে, তাহা হইলে তাঁহারা মোরাদাবাদে শান্তিস্থ ভোগ করিতে পারিবেন, কিন্তু বেরেলীতে যদি উত্তেজনার বৃদ্ধি হয়, তত্রত্য লোকে যদি উন্মত্তভাবে গবর্ণমেন্টের বিরুদ্ধে অস্ত্রপরিগ্রহ করে, তাহা হইলে মোরাদাবাদও শান্তি ও শৃঙ্খলা হইতে বিচ্যুত হইয়া, সেই ঘোরতর তরঙ্গাবর্তে বিধ্বস্ত হইতে থাকিবে। এইরূপ বিশ্বাস প্রযুক্ত তাঁহারা বেরেলীর জন্ত উদ্বিগ্ন হইয়াছিলেন, তাঁহাদের উদ্বেগ দূরীভূত হইল না; প্রশান্তভাব স্থায়ী হইল

না; আশঙ্কা ও আতঙ্ক অপসারিত হইল না। ১লা জুন সহসা বেরেলীর ডাক বন্ধ হইল। সেই দিন প্রাতঃকালে বেরেলী হইতে কোন চিঠি পত্র মোরাদাবাদে পহুছিল না। মোরাদাবাদের সৈনিকনিবাসে এবং গবর্ণমেন্টের কার্যালয়ে জনরব উঠিল যে, বেরেলীর সিপাহীগণ কোম্পানির বিরুদ্ধে সমুথিত হইয়াছে। রাত্রি দ্বিপ্রহরের পর রামপুরের নবাবের প্রেরিত এক জন দূত বেরেলীর সংবাদ লইয়া মোরাদাবাদে উপস্থিত হইল। এই দূতের আগমনে উইলসন্ সাহেব জাগরিত হইলেন। দূত স্তম্ভোখিত বিচারককে কহিল যে, বেরেলীর সিপাহীগণ কোম্পানির বিরুদ্ধে অস্ত্র ধারণ করিয়াছে। ইয়ুরোপীয়দিগের অনেকে নিহত হইয়াছে। একপ্ অবস্থার আপনাদিগের একপ্ স্থান হইতে পলায়ন করাই শ্রেয়ঃ। উইলসন্ গস্তীরভাবে দূতের কথা শুনিলেন। নিদ্রা আর তাঁহার শাস্তিস্থখবিধানে সমর্থ হইল না। তিনি উদ্বিগ্ন ও শঙ্কিত হইলেও প্রশান্তভাবে গাত্রোত্থান করিলেন এবং অবিলম্বে মোরাদাবাদের সৈনিকদলের অধিনায়কের সমক্ষে উপস্থিত হইলেন। ২রা জুন উবাকালে ইয়ুরোপীয় এবং এতদেশীয় আফিসারগণ সমবেত হইলেন। উইলসন্ সাহেব বেরেলীর যে সংবাদ পাইয়াছিলেন, তাহা সরলভাবে তাঁহাদের সমক্ষে প্রকাশ করিয়া কহিলেন, এখন পতাকা, কামান ও ধনাগারের অর্থ লইয়া মীরাটে যাওয়াই শ্রেয়ঃ। এতদেশীয় আফিসারেরা এই প্রস্তাবে সন্মত হইলেন। কিন্তু সৈনিকনিবাসের সিপাহীরা ইহার বিরোধী হইয়া উঠিল। তাহারা ভাবিল যে, মীরাটে গেলেই তাহাদের সৰ্ব্বনাশ হইবে। তাহাদিগকে হয় ত ফাঁসিকাঠে আত্মবিসর্জন করিতে হইবে, অথবা কারাগারে শৃঙ্খলাবদ্ধ হইয়া থাকিতে হইবে। সুতরাং মোরাদাবাদ পরিত্যাগ করিতে তাহাদের প্রবৃত্তি হইল না।

পর দিন প্রাতঃকালে সিপাহীরা অধিকতর উত্তেজিত হইয়া উঠিল। তাহারা সৰ্ব্বপ্রথম ধনাগার হাতে রাখিতে চেষ্টা করিল। কর্তৃপক্ষ উপায়ান্তর না দেখিয়া, টাকার থলিয়া, গোলাগুলি লইয়া যাইবার গাড়িতে উঠাইয়া, উহা ধনাগাররক্ষকদিগের হস্তে সমর্পণ করিতে উদ্বৃত্ত হইলেন। উইলসন্ সাহেব যখন ধনাগারে গিয়া টাকার থলিয়া বাহির করিতে লাগিলেন, তখন মাজিষ্ট্রেট ও কালেক্টর সওদা সাহেব গোপনে ষ্টাম্প কাগজগুলি নষ্ট করিয়া ফেলিলেন। সৰ্ব্বসমেত পঁচাত্তর হাজার টাকা ধনাগার হইতে বাহির করিয়া

সিপাহীদিগকে দেওয়া হইল। সংখ্যার এইরূপ অল্পতার সিপাহীদিগের মধ্যে গভীর নৈরাশ্রের সহিত নিরতিশয় উত্তেজনা ও বিরক্তির সঞ্চার হইল। উত্তেজনা ও বিরক্তির আবেগে তাহারা খাজাকিকে ধরিয়া কামানের নিকটে লইয়া গিয়া কহিল যে, যদি অবশিষ্ট অর্থ কোথায় আছে, বলিয়া না দেওয়া হয়, তাহা হইলে তাঁহাকে অবিলম্বে কামানে উড়াইয়া দেওয়া হইবে। কাশ্মির ফাউনামক একজন সৈনিক পুরুষ এই বিপত্তিকালে অগ্রসর হইয়া খাজাকির উদ্ধার করিলেন। জজ ও মাজিষ্ট্রেট সাহেব এই সময়ে অশ্বে আরোহণ করিয়াছিলেন, চারি জন অল্পবয়স্ক সিপাহী ইহার মধ্যে তাঁহাদিগকে গুলি করিতে উদ্বৃত্ত হইল। কিন্তু সুবাদার ভবানীসিংহ এবং হাবিলদার বলদেব সিংহ এই সময়ে তাহাদিগকে কঠোর ভাষায় কহিলেন যে, তাহারা ধর্ম্মত: প্রতিজ্ঞা করিয়াছে, ইংরেজদিগের কেশাগ্রও স্পর্শ করিবে না, এখন সেই প্রতিজ্ঞার বিষয় জুলিয়া ইংরেজদিগকে গুলি করিতে উদ্বৃত্ত হইতেছে। এই কথায় সিপাহীরা আপনাদের বন্দুক নামাইল। উইল্‌সন্ ও মণ্ডাস্ সাহেব অক্ষতশরীরে প্রস্থান করিলেন।

এইরূপে ইউরোপীয় সিভিল কর্ম্মচারিগণ মোরাদাবাদ পরিত্যাগ পূর্ব্বক মীরাতে যাত্রা করিলেন। সৈনিকদলের আফিসারগণ সপরিবারে নৈনীতালে গেলেন, যেহেতু নৈনীতাল মীরাত অপেক্ষা নিকটবর্ত্তী এবং উহার পথও অধিকতর নিরাপদ ছিল। দেওয়ানি ও সৈনিক বিভাগের প্রধান কর্ম্মচারিগণ স্থানান্তরে গিয়া আশ্রয়ক্ষার উপায় করিলেন বটে, কিন্তু ফিরঙ্গী কর্ম্মচারিগণ এই ব্যবস্থার অনুবর্ত্তী হইল না। ইহারা ভাবিয়াছিল যে, খাস ইউরোপীয়গণ বেক্রপ উত্তেজিত সিপাহীদিগের আক্রমণের বিষয়ীভূত হইবে, তাহারা সেক্রপ হইবে না। সিপাহীগণ ফিরঙ্গীবোধে তাহাদের বিষয়ে নিশ্চেষ্ট থাকিতে পারে। কিন্তু তাহাদের এই ধারণা শেষে অলীক বলিয়া প্রতীপন্ন হইয়াছিল। তাহারা অত্যন্ত ইউরোপীয়দিগের ভায় পলায়ন করিলে ভাল হইত। কিন্তু ইহা না করিয়া, তাহারা আপনাদের সর্ব্বনাশের পথ করিয়া দিল। কেহ কেহ উত্তেজিত সিপাহীদিগের অস্ত্রাঘাতে দেহত্যাগ করিল; কেহ কেহ মুসলমান ধর্ম্মপরিগ্রহ করিয়া বন্দিভাবে দিল্লীতে প্রেরিত হইল। বোধ হয়, ইহারা দিল্লীতে এই অবস্থায় নিহত হইয়াছিল।

পূর্বে উক্ত হইয়াছে যে, বেরেলী রোহিলখণ্ডের প্রধান মহর। উহা যেমন দেওয়ানিবিভাগের সদর স্থান, সেইরূপ সৈনিকবিভাগেরও বেরেলী। সদর স্থান। বাণিজ্য ও অপরাপর বৈষয়িক ব্যাপারের জন্ত, এই স্থানে বিভিন্ন শ্রেণীর বহুসংখ্যক লোক অবস্থিত করে। রোহিলখণ্ডের পূর্বতন ঘটনাবলীর বিষয় ভাবিলে, উহার রাজধানীর অধিবাসীদের প্রকৃতি হৃদয়ঙ্গম হয়। মোগল-রাজত্বের অধঃপতনকালে রোহিলখণ্ড যুদ্ধপ্রিয় আফগানদিগের অধিকৃত ছিল। অষ্টাদশ শতাব্দীর শেষার্ধ্বে হাফেজ রহমতের অধীনে পাঠান রোহিলারা আপনাদের স্বাধীনতা রক্ষা করিতে থাকে। অযোধ্যার নবাবের চক্রান্তে এবং ইংরেজদিগের সৈনিকবলে কিরূপে এই স্রুগঠিত, স্রুশ্রী, স্বাধীনতাপ্রিয় আফগানদিগের অধঃপতন হয়, তাহা ইতিহাসপাঠকের অবিলম্বে নাই। ১৭৭৪ অব্দে এপ্রেল মাসে কাতার যুদ্ধে হাফেজ রহমত নিহত হইলেন। ইহার পর লর্ড লেকের সহিত যুদ্ধে রোহিলখণ্ড ইংরেজের পদানত হয়, এবং উহা ইংরেজাবিকৃত উত্তরপশ্চিম বিভাগের অন্তর্ভুক্ত হইয়া উঠে। রোহিলা আফগানদিগের এই বীরোচিত ভাব এখনও বেরেলীর অধিবাসিগণের মধ্যে পরিস্ফুট হইতেছিল। ১৮১৬ অব্দে যখন রোহিলারা করভারে নিপীড়িত হইয়া গবর্ণমেন্টের বিরোধী হয়, তখন ইহাদিগকে দমন করিতে গবর্ণমেন্টকে সবিশেষ প্রয়াস স্বীকার করিতে হইয়াছিল। বেরেলীর অধিবাসীদিগের অধিকাংশ এইরূপ বীরোচিত ভাবের পরিচয়স্থল ছিল। বেরেলীর ব্যবসায়িগণ প্রধানতঃ হিন্দু হইলেও মুসলমান অধিবাসীর সংখ্যা অল্প ছিল না। ইহাদের সুলোমত কলেবর দেখিলে, ইহাদিগকে পূর্বতন সমরকুশল বীরবংশীয়দিগের অনুরূপ সম্মান বলিয়া স্পষ্ট প্রতীত হইত।

উপস্থিত সময়ে বেরেলীতে কোন ইউরোপীয় সৈনিকদল ছিল না। এতদ্ব্যতীত সৈনিকদলের মধ্যে ১৮ ও ৬৮ সংখ্যক পদাতিকদল, ৮ সংখ্যক অনিয়মিত অশ্বারোহিদল এবং এক দল গোলন্দাজ সৈন্য বেরেলীতে ছিল। ব্রিগেডমায়র সিবল্ড সমগ্র সৈনিকদলের অধ্যক্ষ ছিলেন। কমিশনার, জজ, ম্যাজিস্ট্রেট প্রভৃতি রাজকর্মচারিগণ স্ব স্ব কার্যবিভাগে কর্তৃত্ব করিতেছিলেন। এতদ্ব্যতীত অনেক ইউরোপীয়, ফিরিশ্চী বাণিজ্য বা অন্তর্বিধ কার্যপ্রসঙ্গে অবস্থিত করিতেছিল। সর্বসমেত প্রায় ১০০ শত খুদান বেরেলীর বিদেশীয়

প্রবাসীদিগের অন্তর্নিবিষ্ট ছিল। এতদ্ব্যতীত ইউরোপীয় কুশলমহিলা এবং বাগক-
বালিকা তাহাদের অভিভাবকবর্গের সহিত বেরেলীতে ছিল।

মে মাসে যখন মীরট ও দিল্লীর সংবাদ প্রথমে বেরেলীতে উপস্থিত হয়, তখন তত্রত্য সৈনিকদলের ব্যবহার তাদৃশ অসন্তোষজনক বোধ হয় নাই। অস্বারোহিণী বিষমুত্তা ও প্রভুভক্তির একশেষ দেখাইতেছিল। কর্তৃপক্ষ ভাবিয়াছিলেন যে, ইহাদের করণ্ডত তরবারির ছায়া ইহাদের প্রভুভক্তিও দৃঢ়তর রহিয়াছে। এই দলের মধ্যে রোহিলখণ্ড ও দিল্লীর পাঠানেরাই অধিক ছিল। তথাপি মে মাসে ইহাদের প্রশান্তভাবে কোনরূপ ব্যত্যয় ঘটে নাই। ক্রমে সময় অতিবাহিত হইতে লাগিল। নানারূপ বাজারগল্প ক্রমে চারি দিকে প্রচারিত হইতে লাগিল। অশিক্ষিত ও অদূরদর্শী লোকের কল্পনায় যাহার উৎপত্তি হইতে পারে, তাহা এ সময়ে প্রকাশিত হইয়া, সন্দিগ্ধ লোকের হৃদয় নানারূপ বিভীষিকায় অস্তিত্ব করিয়া তুলিতে লাগিল। সিপাহীদিগের এইরূপ অস্থিরতা দর্শনে ইংরেজ সেনাপতিও অস্থির হইয়া উঠিলেন। ২১শে মে সিপাহী-গণ কাওম্বাজের ক্ষেত্রে সমবেত হইল। সেনাপতি তাহাদিগকে শাস্তভাবে থাকিবার জন্ত নানা উপদেশ দিলেন। সেনাপতির উপদেশে সিপাহীগণ সন্তুষ্ট হইল, এবং সেনাপতিকে প্রকান্তভাবে কহিল যে, অস্ত্র হইতে তাহারা যেন নবজীবন লাভ করিল। ৮ সংখ্যক অনিয়মিত অস্বাভোহিদলই এই ভাব প্রকাশ করে। এজন্ত গবর্ণমেন্ট ইহাদের সংখ্যা দ্বিগুণ করিবার আদেশ দেন। সেই দিন হইতে প্রত্যহ ২০-৫ জন নূতন লোক এই দলে প্রবিষ্ট হয়। কর্তৃপক্ষ ইহাদের রাজসম্মা এবং ঘোড়ার জন্ত টাকা দেন। সেনাপতি সিপাহীদিগের এইরূপ সন্তোষ ও প্রশান্তভাবে দেখিয়া আশ্বস্ত হইলেন। তিনি লেফটেনেন্ট-গবর্ণরকে প্রকান্তভাবে সিপাহীদিগের প্রতি বিশ্বস্তভাব প্রদর্শন করিবার জন্ত অনুরোধ করিয়া পাঠাইলেন। তাঁহার অনুরোধ রক্ষিত হইল। লেফটেনেন্ট-গবর্ণর ব্রিগেডিয়ারের নিকটে লিখিলেন—লোকের হৃদয় উত্তেজিত হওয়া অবধি এমন কিছুই ঘটে নাই, যাহাতে সিপাহীদিগের বিশ্বস্ততা ও সন্ধ্যাবহার সহজে লেফটেনেন্ট-গবর্ণরের পূর্বতন বিশ্বাস বিচলিত হইতে পারে। এই লিপি ৩০শে মে লিখিত হয়। কিন্তু ইহা বেরেলীতে পহুঁছিবার পূর্বে তত্রত্য সৈনিকদল গবর্ণর-মেন্টের বিরোধী হইয়া উঠে, এবং ইউরোপীয়দিগের অস্তিত্ব বিলুপ্ত হইয়া যায়।

যে দিন সিপাহীদল কাওয়ারের ক্ষেত্রে সমবেত হয়, সৈন্তাধ্যক্ষ যে দিন সিপাহীদিগকে অমূলক আশঙ্কায় অধীর হইতে নিষেধ করেন, তাহার পর কয়েক দিন পর্যন্ত সৈনিকনিবাসে কোনরূপ গোলাঘোরের নিদর্শন লক্ষিত হইল না । সিপাহীগণ প্রশান্তভাবে আপনাদের কার্য্য করিতে লাগিল । সৈনিকনিবাসে, বাজারে, লোকালয়ে প্রশান্তভাবে বিরাজ করিতে লাগিল । কিন্তু এইরূপ শান্তি দীর্ঘকাল থাকিল না । তুঘানল অপরের অলক্ষ্যভাবে ধীরে ধীরে গতি বিস্তার করিতেছিল । কিছুতেই উহার গতি অবরুদ্ধ হইল না । ২৯শে মে এতদেদীয় গৈনিকদলের আফিসারেরা বেরেলীর অন্ততম সেনানায়ক কর্ণেল টপুকে জানাইলেন যে, তাহার যখন নদীতে স্নান করিতেছিলেন, তখন ১৮ ও ২৮ সংখ্যক পদাতিদলের লোককে শপথ করিয়া, বলিতে শুনিয়াছেন যে, তাহারা অল্প বিগ্রহের সময়ে কোম্পানির বিরুদ্ধে সমুখিত হইয়া, ইউরোপীয়দিগকে সমূলে বিনষ্ট করিবে । কর্ণেল টপু এই কথা শুনিবামাত্র কাণ্ডে মেরুকের নিকটে সংবাদ পাঠাইলেন । অবিলম্বে তাহার অধীনে অম্বারোহিদল সজ্জিত ও সূব্যবস্থিত হইয়া, ঘোরতর বিপত্তির সময়ে ইউরোপীয়দিগের পার্শ্বে দণ্ডায়মান থাকিতে কৃতনিশ্চয় হইল ।*

ক্রমে বেলা বাড়িতে লাগিল । জ্যৈষ্ঠের মার্গশ্রু গগনের মধ্যস্থল আশ্রয় করিয়া অধিকতর প্রচণ্ডতাবের পরিচয় দিতে লাগিল । আতপতাপের সহিত ইউরোপীয়দিগের আশঙ্কাও বলবতী হইয়া উঠিল । কিন্তু সেদিন কোন গোলাঘোগ ঘটিল না । মার্গশ্রু ক্রমে আপনার প্রবর রশ্মিজাল সংবত করিল । ইউরোপীয়দিগের মানসপট হইতে বিভীষিকার করাল দৃশ্যও ক্রমে অপসারিত হইতে লাগিল । কিন্তু বেরেলীর সিপাহীগণ ইউরোপীয়দিগের বিরুদ্ধে সমুখিত না হইলেও ঘটনাক্রমে অশান্তির নিদর্শন লক্ষিত হইতে লাগিল । ফিরোজপুরের উত্তেজিত সিপাহীরা দলে দলে বেরেলীতে উপস্থিত হইয়া, নানারূপ কণায় লোকের হৃদয় অধিকতর আতঙ্কগ্রস্ত করিয়া তুলিল । বেরেলীর সিপাহীগণ যখন ইহাদের মুখে শুনিল যে, অম্বারোহী, পদাতি, গোলান্দাজে বহুসংখ্যক

* কেহ কেহ নির্দেশ করিয়াছেন যে, ৩১শে মে বেলা ১১টার সময় এই ঘটনা হয় । অম্বারোহিদলের এক জন হিন্দু রেসেলামার এই বিষয় উক্ত দলের অধিনায়ক কাণ্ডে মেরুকের গৌরব করেন ।—*Malleson, Indian Mutiny Vol. I. p. 311.*

ইউরোপীয় সৈন্ত, সিপাহীদিগকে বিনষ্ট করিবার জন্য অদূরে সজ্জিত রহিয়াছে, তখন তাহারা স্থির থাকিতে পারিল না। এই জনরবে বেহেলীর সৈনিকনিবাস যেন কোন অপরিদৃষ্ট আকস্মিক শক্তিতে আন্দোলিত হইয়া উঠিল। সকলেই শশব্যস্ত হইয়া মনঃক্লান্ত দশাবিপৰ্য্যায় হইতে আপনাদের উদ্ধারসাধনের উপায় চিন্তা করিতে লাগিল। সকলেই ইউরোপীয়দিগকে আপনাদের পরম অনিষ্টকারী মনে করিয়া, তাহাদের শোণিতপাতে রুতসঙ্কল হইল। সিপাহী-দলের এইরূপ অস্থিরতায় ইউরোপীয়দিগের বাঙ্গালাতে গভীর হুস্তিতার চিহ্ন লক্ষিত হইতে লাগিল। অঝারোহিণী ইউরোপীয়দিগের বিশ্বাসের পাত্র ছিল। বেহেলীর সেনানায়ক ভাবিয়াছিলেন যে, বিপদ উপস্থিত হইলে, তাহারা অঝারোহীদিগের সাহায্যে আত্মরক্ষা করিতে সমর্থ হইবেন। কিন্তু ক্রমে আশা অন্তর্হিতপ্রায় হইল। একটা মুসলমান ভদ্রলোক এই সময়ে কমিশনার আলেকজান্ডার সাহেবকে কহিলেন যে, সিপাহীরা ব্রিটিশ কোম্পানির বিরুদ্ধাচরণে রুতসঙ্কল হইয়াছে। অতএব এখন তাহাদের প্রাণরক্ষার উপায়নির্ধারণ করাই সম্ভব। ইউরোপীয় অধিনায়কগণ ভাবিয়াছিলেন যে, অঝারোহিণী পদাতিদিগের বিরুদ্ধে দণ্ডায়মান না হইলেও, উদাসীনভাবে থাকিবে। ইহা ভাবিয়া তাহারা স্থির করিয়াছিলেন, যখন পদাতিগণ তাহাদের বিরুদ্ধে অত্যাচারণ করিবে, তখন তাহারা অঝারোহীদিগের আবাসস্থলে উপস্থিত হইবেন।

৩০শে মে বিনা গোলযোগে অতিবাহিত হইল। ৩১শে মে রবিবার প্রশান্তভাবে সমাগত হইল। উপস্থিত সিপাহীযুদ্ধের অবসানে অনেকের বিশ্বাস জন্মিয়াছিল যে, এই তারিখে ভিন্ন ভিন্ন স্থানের সমগ্র সিপাহীদল এক সময়ে গবর্ণমেন্টের বিরুদ্ধে সমুথিত হইবার সঙ্কল্প করিয়াছিল। এইরূপ সৰ্ব্ববিধ্বংসের সাক্ষীভূত দিনের প্রাতঃকালে কোনরূপ অশান্তির নিদর্শন লক্ষিত হইল না। প্রধান অধিনায়কদিগের মধ্যে কেহ কেহ ভাবিয়াছিলেন, তাহাদের সৈনিকগণ কোম্পানির প্রবর্তিত শাসনশৃঙ্খলার বিপর্য্যসাধনে বা কোম্পানির অধিকারস্থ খুইদখীবলদীদিগের জীবননাশে উদ্ভত হইবে না। এইরূপ আশ্বস্ত্যপ্রযুক্ত তাহারা অপেক্ষাকৃত শান্তভাবে অবস্থিতি করিতে লাগিলেন। ৩১শে মে বেলা ১০টা পর্য্যন্ত তাহাদের এইরূপ বিশ্বাস অবিচলিতভাবে রহিল বটে, কিন্তু তাহাদের ভয় একবারে দূর হইল না। বেলা ১১টার সময়ে সহ্যা

গোলন্দাজ সৈনিকনিবাসের দিকে কামানের শব্দ হইল। ইউরোপীয়গণ এইরূপ আকস্মিক শব্দে চমকিত হইলেন। এই শব্দ দ্বারা যে, সিপাহীদিগকে ইউরোপীয়দিগের বিরুদ্ধে দলবদ্ধ হইবার জন্ত ইঙ্গিত করা হইয়াছে, তাহা বুঝিতে কাহারও বিলম্ব হইল না। ইউরোপীয়দিগের অনেকে আশঙ্কায় আতঙ্কিত হইলেন। তাহারা আত্মপ্রত্যয় প্রযুক্ত মানসপটে প্রশান্ততাবের সম্মোহন দৃষ্ট অঙ্কিত করিতেছিলেন, তাহারা সহসা এইরূপ বিসদৃশ ঘটনার আবির্ভাবে যেরূপ বিস্মিত ও স্তম্ভিত, সেইরূপ শকিত ও চমকিত হইয়া উঠিলেন। তোপ হইবার পূর্বে অনেক সাহেব উপস্থিত বিপদ বুঝিয়া অঝারোহীদিগের ছাউনির পশ্চাৎ কোন এক আশ্রয়গাণানে গিয়া সমবেত হন। অঝারোহিদল ইহাদের নিকটেই থাকে। এদিকে দেখিতে দেখিতে ভয়াবহ কার্যের অনুষ্ঠান হইল। ৬৮ সংখ্যক দলের কতকগুলি সিপাহী ইউরোপীয়দিগের অধুষিত বাঙ্গালার দিকে গুলি চালাইবার জন্য ছুটিয়া গেল। নিদাঘের প্রচণ্ড তাপে বাঙ্গালার চালগুলি নিরতিশয় শুষ্ক হইয়া গিয়াছিল। সুতরাং অগ্নিসংযোগ হইবামাত্র উহা মুহূর্ত্তমধ্যে জলিয়া উঠিল। এদিকে প্রচণ্ড বায়ু প্রজ্জ্বলিত পাবকের গতিবিস্তারের সহায় হইল। ধূমস্তূপের সঙ্গে সঙ্গে করাল অনলশিখার প্রভাবে গৃহগুলি ভস্মসাৎ হইয়া গেল। উত্তেজিত সিপাহীরা অতঃপর ইউরোপীয়দিগের জীবননাশে অগ্রসর হইল। যে সকল স্বেতকায় তাহাদের দৃষ্টিপথবর্তী হইল, তাহারা বিচারবিতর্ক না করিয়াই, তাহাদের প্রতি গুলি নিক্ষেপ করিতে লাগিল। ব্রিগেডিয়ার সিবল্ড সিপাহীদিগের সমুখানুচক ভোপধ্বনি শুনিয়াই, অস্ত্রে আরোহণ পূর্বক অঝারোহী সৈনিকদিগের আবাসগৃহের অভিমুখে যাইতেছিলেন। দুই জন অঝারুড় আরদালি তাহার অনুগমন করিতেছিল। ইহার মধ্যে কতিপয় সিপাহী তাহাকে দেখিয়া তদীয় বক্ষঃস্থলে গুলি নিক্ষেপ করিল। ব্রিগেডিয়ার আহত হইয়াও অঝারোহী সৈনিকদিগের আবাসস্থলে উপস্থিত না হওয়া পর্য্যন্ত স্বকীয় অশ্বপৃষ্ঠে অধিষ্ঠিত ছিলেন। নির্দিষ্ট স্থলে উপস্থিত হইবা মাত্র বর্ষীয়ান সেনাপতি গতানু ও অশ্ব হইতে ভূপতিত হইলেন।

ব্রিগেডিয়ার দেহ ত্যাগ করিলে, কর্ণেল ট্রপ সেনাপতির কার্যভার গ্রহণ করিলেন। এ পর্য্যন্ত কেবল ৬৮ সংখ্যক পদাতিদল এবং গোলন্দাজ সৈনিকেরা প্রকাশ্যভাবে বিরুদ্ধাচরণে প্রবৃত্ত হইয়াছিল। অপরাপর সৈনিকদল, কি করিতে

হইবে, কিছুই ঠিক করিতে পারে নাই । তাহারা যখন দেখিল যে, তাহাদের মতীর্থগণ ইউরোপীয়দিগের জীবননাশে উত্তত হইয়াছে, ইউরোপীয়দিগের অধ্যুষিত গৃহ ভস্মীভূত এবং ইউরোপীয়দিগের ব্যবহৃত দ্রব্যাদি বিনষ্ট করিতে আগ্রহান্বিত হইয়া উঠিয়াছে, তখন তাহারা উদাসীনভাবে পরিচয় দিতেছিল । তাহারা সহযোগীদিগের আকস্মিক সমুখানে চমকিত ও কর্তব্যবিমূঢ় হইয়া পড়িয়াছিল । বাহাদের প্রদত্ত রথশিক্ষায় তাহারা বীরেন্দ্রসমাজের বরণীয় হইয়াছিল, বাহাদের অর্থে তাহারা পরিবারবর্গের ভরণপোষণ নিরীহ করিতে-ছিল, বাহাদের শাসনে তাহাদের আত্মীয়স্বজন আবাসপন্নীতে শান্তিস্বখে পরিতুষ্ট হইতেছিল, সহসা তাঁহাদের বিরুদ্ধে দণ্ডায়মান হইতে এবং তাঁহাদের শোণিতে আপনাদের হস্ত কলঙ্কিত করিতে তাহাদের প্রবৃত্তি হয় নাই । পক্ষান্তরে বাহাদের সহিত তাহারা একত্র অবস্থান করিতেছিল, বাহাদের সহিত এক অধিনায়কের উপদেশে শিক্ষিত এবং এক অধিনায়কের আদেশে পরিচালিত হইতেছিল, সম্পদে বিপদে, সুখে দুঃখে বাহারা তাহাদের সহায় ও সহচরের মধ্যে পরিগণিত ছিল, তাহাদিগকে ভিন্ন পথ অবলম্বন করিতে দেখিয়া, তাহারা কর্তব্যনির্ণয়ে একান্ত অসমর্থ হইয়া পড়িল । এক দিকে প্রভুভক্তি যেমন তাহাদিগকে প্রভুর দিকে আকর্ষণ করিতে লাগিল ; অপর দিকে বন্ধুপ্রীতি, সজাতিস্নেহ ও স্বজনমমত্ব তাহাদিগকে উত্তেজিত সিপাহীদিগের সহিত এক সূত্রে সম্বন্ধ করিবার কারণ হইয়া উঠিল । এই সঙ্কটকালে তাহারা প্রভুভক্তির পরিচয় দিতে ইচ্ছা করিলেও, সজাতিপ্রীতি ও বন্ধুস্নেহের আতিশয্য প্রযুক্ত অধিনায়কের আদেশপালনে দোলায়মানচিত্ত হইতে লাগিল । এদিকে কর্তৃপক্ষ অশ্বারোহীদিগের বিশ্বস্তভাবে পরীক্ষা করিতে উত্তত হইলেন । এই অশ্বারোহিদল সাহসে, বীরত্বে এবং অপরিমিত প্রভুভক্তিতে সাতিশয় প্রসিদ্ধ ছিল । ১৮৫২ অব্দে ব্রহ্মদেশের যুদ্ধের সময়ে ৩৮ সংখ্যক দলের পদাতিগণ যখন জাতিনাশের ভয়ে সমুদ্রপথে যাইতে অসম্মত হয়, তখন এই দলের অশ্বারোহিগণ প্রকল্পচিত্তে প্রভুর কার্যমাধনে অগ্রসর হইয়াছিল । ব্রহ্মদেশের যুদ্ধে ইহারা যেরূপ বীরত্বের পরিচয় দিয়াছিল, তাহা ইতিহাসপাঠকের অবিস্মৃত নাই । এই সাহসী, বীরত্বসম্পন্ন, প্রভুভক্তিপরায়ণ সৈনিকদিগের প্রতি অধিনায়কগণের প্রভূত বিশ্বাস ছিল । উপস্থিত বিপ্লবের সময়ে আফি-

সারেরা নৈনীতালে পলায়ন করিতে ইচ্ছা করিয়া, পূর্বোক্ত আম্রবাগান হইতে নৈনীতালের অভিমুখে ঘোড়া ছুটাইলেন। অম্বারোহিদল কিছুক্ষণ তাঁহাদের সঙ্গে সঙ্গে চলিল। পরে মহম্মদ সফি বলিলেন, সাহেবদিগের সঙ্গে পাহাড়ে কোথায় বাইবে। ইহাতে আমাদের কাজ নাই, আমরা সজাতির সঙ্গে যাইয়া মিশি; তাঁহার কথামত অনেকেই ফিরিল। কেবল ২২।২৩ জন আফিসার-দিগের সঙ্গে গেল। আফিসারেরা সর্বপ্রথম ভাবিয়াছিলেন যে, অম্বারোহিগণ তাঁহাদের অমুবর্তী হইবে। বস্তুতঃ অম্বারোহীদিগের প্রশান্তভাব ও প্রভুর কার্যসাধনে অভিনিবেশ স্থায়ী হইল না। তাহারা যখন ৬৮সংখ্যক পদাতি-দলের সম্মুখে উপস্থিত হইয়া মুসলমানদিগের সবুজ পতাকা উড্ডীন দেখিল, তখন তাহাদের প্রশান্তভাব অন্তর্হিত এবং প্রভুভক্তি বিলুপ্ত হইল। তাহারা আপনাদের অধিনায়কদিগের অমুবর্তী না হইয়া উত্তেজিত সিপাহীদিগের পার্শ্বে দণ্ডায়মান হইতে আগ্রহান্বিত হইয়া উঠিল। অধিনায়কগণ তাহাদিগকে আপনাদের পক্ষে রাখিতে সমর্থ হইলেন না। আপনাদের জাতীয় প্রাধিকার্য নিদর্শনজাপক পতাকা পরিদৃষ্ট হওয়াতে তাহারা উত্তেজিত সিপাহীদলের সহিত মিশিল; কিন্তু তাহাদের স্বদেশীয় আফিসারগণ বিচলিত হইলেন না। তাঁহারা পলায়নে উদ্ধত ইংরেজদিগের সঙ্গে যাইতে প্রস্তুত হইলেন। উপস্থিত সঙ্কটকালে তাঁহাদের এইরূপ কার্য্য কত দূর প্রশংসনীয়, তাহা বলিয়া শেষ করা যায় না। এইরূপ সদাশয়তা, এইরূপ প্রভুভক্তি, এবং এইরূপ বিশ্বস্ততার জন্য তাঁহারা সহস্র ঐতিহাসিকবর্গের নিকটে যথোচিত সম্মান লাভ করিয়াছেন। এই ভয়ঙ্কর সময়ে এইরূপ আত্মত্যাগের পরিচয় দিয়া, ভিন্নদেশীয় ভিন্নজাতীয়দিগের শ্রদ্ধা ও ভক্তির পাত্র হওয়া অল্প গৌরবের বিষয় নহে। সিপাহীদলের মধ্যে ২৩টা সৈনিক পুরুষ ইংরেজদিগের পক্ষে ছিগ। ইহাদের মধ্যে ১২ জন আফিসার। রিসেলদার মহম্মদ নিছাম খাঁ আপনার সমুদয় সম্পত্তি ও ৩টা সন্তান ছাড়িয়া, পলায়নপর ইংরেজদিগের সহিত গমন করেন। কাপ্তেন মেকেঞ্জি সাহেবের আরদালি অম্বারুড় হইয়া ৬ মাইল তাঁহার প্রতাপালক প্রভুর অমুগমন করে। যখন মেকেঞ্জি সাহেবের অধিষ্ঠিত অম্ব গতানু হয়, তখন বিশ্বস্ত আরদালি আপনার অম্ব মেকেঞ্জি সাহেবকে দিয়া পদব্রজে যাইতে থাকে। মুসলমান সৈনিকগণ গবর্ণমেন্টের বিরুদ্ধাচারী হইলেও এই সকল প্রভুভক্তিপরায়ণ মুসল-

মান তাহাদের সজাতির অনুবর্তী না হইয়া, বিশ্বস্তভাবে একশেষ প্রদর্শন করে ।

ইংরেজেরা আত্মরক্ষার জন্ত নৈনীতালে পলায়ন করিলেন । এদিকে উত্তেজিত সিপাহীরা সমবেত হইয়া আপনাদের অভিলষিত কার্য্যসম্পাদনের জন্ত বন্ধপর হইয়া উঠিল । তাহারা ইহার জন্ত সমুদয় সিপাহীকে আপনাদের দলভুক্ত করিবার চেষ্টা করিতে লাগিল । ১৮সংখ্যক সিপাহীদল এ পর্য্যন্ত প্রাপ্তভাবে ছিল । উত্তেজিত সিপাহীগণ তাহাদের দিকে কামান হাগন পূর্ব্বক তীব্রভাবে কহিল যে, যদি তাহারা স্বদেশরক্ষার জন্ত ইংরেজের বিরুদ্ধ পক্ষ অবলম্বন না করে, তাহা হইলে কামানের গোলায় তাহাদের দেহ ছিন্নবিচ্ছিন্ন করা হইবে । উত্তেজিত সিপাহীদিগের এই উত্তেজনাময় বাক্য যেন তাড়িত বেগে ১৮সংখ্যক সিপাহীদিগের হৃদয়ে আঘাত করিল । এ বিষয়ে আর কোনরূপ যুক্তির প্রয়োজন হইল না । কোনরূপ বিতর্কের আবশ্যকতা দেখা গেল না । সমগ্র সিপাহীদল যেন অপূর্ব মনোজ্ঞিত্তে পরিচালিত হইয়া তাহাদের জাতীয় পতাকার আশ্রয়ে দলবদ্ধ হইতে লাগিল । সূতরাং আফিসারদিগের সমস্ত আশা বিলুপ্ত হইল । তাহারা এতক্ষণ ১৮সংখ্যক সিপাহীদলের উপর নির্ভর করিতেছিলেন । এখন তাহাদের এই শেষ অবলম্বন বিচ্ছিন্ন হইয়া গেল । তাহাদের মৈনিকদল যদি ইহার পূর্ব্বে বিরোধী হইয়া উঠিতেন, তাহা হইলে তাহারা অপরাপর ইংরেজের হায নৈনীতালে গিয়া আত্মরক্ষা করিতে পারিতেন । কিন্তু এখন আর সে সুযোগ ঘটিল না । আফিসারেরা এখন প্রাণের ভয়ে উদ্ভ্রান্ত হইয়া বেরেলী পরিত্যাগ করিলেন বটে, কিন্তু সকলের অদৃষ্ট সমান হইল না । কেহ কেহ উত্তেজিত পল্লীবাসিগণকর্তৃক নিহত হইলেন, কেহ কেহ বহু বিঘ্নবিপত্তি ও ডঃসহ কষ্টভোগের পর মোরাদাবাদের জজ উইলসন সাহেবের চেষ্টায় প্রাণরক্ষা করিলেন ।

বেরেলীর অপরাপর ইউরোপীয় অতঃপর ভীষণ বিপ্লবসাগরে নিমজ্জিত হইলেন । ইহাদের অদৃষ্টকলও সমান হইল না । কেহ কেহ অনেক কষ্টে আত্মরক্ষা করিলেন, কেহ কেহ বিপ্লবকারীদিগের হস্তে নিহত হইলেন । বিপ্লবের অত্যাচার অঙ্গ অসম্পূর্ণ রহিল না । ইউরোপীয়দিগের বাসগৃহ ভস্মীভূত ও ধনাগার বিলুপ্তি হইল । কারাগাররক্ষকেরা আপনাদের কর্তব্যবাগানে যথোচিত

পরিচয় দিয়া অবশেষে বিপ্লবকারীদের নিকটে পরাজয় স্বীকার করিল। কয়েকদিন অবরোধগত পরিত্যাগ পূর্বক স্বাধীনভাবে কার্য করিতে প্রবৃত্ত হইল। বেবেরদীর উত্তেজিত ও উচ্ছ্রাল অধিবাসিগণ সিপাহীদের অনুবর্তী হইতে বিমুগ্ধ হইয়া না। ইহাদের হস্তে অনেক ইউরোপীয় নিহত হইল। ইংরেজের প্রাধান্য ও ক্ষমতার নিদর্শন বেবেরদী হইতে অন্তহিত হইয়া গেল।

এখন মুসলমান রোহিলখণ্ডে প্রাধান্যস্থাপনে অগ্রসর হইলেন। রোহিলখণ্ডের শাসনদণ্ড কাহার হস্তগত হইবে, তৎসম্বন্ধে বিচারবিতর্ক হইতে লাগিল। দুই ব্যক্তি এই পদ পাইবার জন্য কৰ্মক্ষেত্রে প্রতিদ্বন্দ্বী হইলেন। দুই জনই রোহিলখণ্ডের প্রাচীনপাঠানবংশসম্ভূত। অযোধ্যার নবাব এক সময়ে যাহাদের চিরসমৃদ্ধ ভূখণ্ডে আধিপত্য করিতে উদ্যত হইয়াছিলেন; ভারতের প্রথম গবর্ণর-জেনারেল ওয়ারেন হেস্টিংস নবাবের পরিতোষ ও আপনাদের অর্থলালসার পরিতৃপ্তির জন্য যাহাদের সৰ্বনাশসাধনের ব্যবস্থা করিয়াছিলেন, তাহাদের বংশমর্যাদা ও বীরোচিত গৌরবে দুই জনই আপনাদের জনপদে প্রসিদ্ধ ছিলেন। ইহাদের এক জনের নাম খাঁ বাহাদুর খাঁ, অপরের নাম মোবারিক শাহ। শেষোক্ত প্রতিদ্বন্দ্বী বংশগৌরবে অপেক্ষাকৃত উন্নত এবং কার্যকুশলতায় ও চরিত্রগৌরবে সজাতির মধ্যে অপেক্ষাকৃত বিখ্যাত ছিলেন। বারুকাজনিত অবসাদে প্রথম প্রতিদ্বন্দ্বী তাদৃশ কার্যকুশল না হইলেও অগ্র বিবরে সজাতির মধ্যে তাঁহার প্রাধান্য ছিল। খাঁ বাহাদুর খাঁ রোহিলখণ্ডের প্রথম ও প্রধান শাসনকর্ত্তা হাফেজ রহমৎ খাঁর বংশসম্ভূত ছিলেন। কাহার যুদ্ধক্ষেত্রে স্মারিকিত ইংরেজ সৈনিকগণের সমক্ষে হাফেজ রহমৎ কীরূপ বীরত্বের পরিচয় দিয়াছিলেন, কীরূপ সাহসের সহিত পুনঃ পুনঃ হস্তসঞ্চালন দ্বারা সহযোগিতাগণকে আপনার অনুবর্তী হইবার জন্য ইঙ্গিত করিয়াছিলেন, শেষে আপনার অনুরোধ, আপনার আগ্রহ এবং আপনার তেজস্বিতার পরিচয়স্বচক অপর উৎসাহ সমস্তই বৃথা হইল দেখিয়া, কীরূপ নির্ভীকভাবে স্ত্রী ও স্নগঠিত অশ্ব অধিষ্ঠিত হইয়া একাকী ইংরেজের সঙ্গিনের দিকে গমনপূর্বক গুলির আঘাতে অনন্ত নিদ্রায় অভিভূত হইয়াছিলেন, তাহা রোহিলখণ্ডের অধিবাসীদের স্মৃতিগটে জাগরুক ছিল। বহু বৎসর অতীত হইলেও, এবং বহুবিধ ঘটনার আবির্ভাব ও তিরোভাব ঘটিলেও, হাকেকের এই ব্রদেশপ্রেম ও স্বাধ-

ত্যাগের কথা যেন রোহিলখণ্ডে সর্বক্ষণ নবীনভাবে বিরাজ করিতেছিল। এক বংশের পর আর এক বংশের অভ্যাস হইতেও ঈদৃশ বিবরণ কখন পুরাতনভাবে জড়িত ও অন্তর্হিত হয় নাই। সুতরাং রোহিলারা খাঁ বাহাদুর খাঁর প্রাধিক্রমীকারে বিমুগ্ধ হইল না। বেহেলীর অধিকাংশ মুসলমান হাফেজ রহমতের বংশধরের সম্মানরক্ষায় উত্তত হইল। মোবারিক শাহ সিপাহীদিগের সমুখানবাস্তী শুনিয়া ভাবিয়াছিলেন যে, বেহেলীর লোকে তাঁহাকে স্বাধীন করিবে। কিন্তু শেষে খাঁ বাহাদুর খাঁর প্রাধিক্রম ও প্রতিপত্তি দেখিয়া বহুভাবে তাঁহার সহিত সম্মিলিত হইলেন। কিন্তু অতীষ্ট বিষয়লাভে হতাশ হওয়াতে তাঁহার হৃদয় খাঁ বাহাদুর খাঁর প্রতি বিদ্বেষভাবে পূর্ণ ছিল। সুতরাং এইরূপ বহুতা তদীয় সরলজীবনের নিদর্শনজ্ঞাপক হয় নাই।

পূর্বে উক্ত হইয়াছে যে, নবীন স্বাধীন খাঁ বাহাদুর খাঁ যেক্রপ সাধারণের সম্মানিত ছিলেন, বয়সের আধিক্যে তাঁহার দেহ যেমন গাভীরের পরিচায়ক, সেইরূপ শ্রদ্ধার উদ্দীপক ছিল। তিনি ইউরোপীয় ও এতদেশীয় উভয় জাতিরই সম্মানস্পদ ছিলেন। খাঁ বাহাদুর খাঁ রোহিলখণ্ডের প্রথম ও প্রধান শাসন-কর্তার বংশসম্ভূত বলিয়া নিদিষ্ট বৃত্তি গ্রহণপূর্বক নিরবচ্ছিন্ন আলস্যে কালযাপন করেন নাই। তিনি সদর আমিনের কার্য গ্রহণ করিয়াছিলেন, এই কার্য যথারীতি সম্পাদনপূর্বক অবশেষে পেন্সন লইয়াছিলেন। সুতরাং হাফেজ রহমতের বংশীয় বলিয়া তিনি যেমন বৃত্তিভোগ করিতেছিলেন, সেই রূপ সদর আমিনের কার্য করিয়া নিদিষ্ট বৃত্তির অধিকারী হইয়াছিলেন। খাঁ বাহাদুর খাঁ এইরূপে বৃত্তিলাভ পূর্বক সকল বিষয়েই গবর্ণমেণ্টের পক্ষসমর্থন করিয়া আসিতে-ছিলেন। তিনি প্রত্যহ কমিশনার, মাজিস্ট্রেট প্রভৃতি উচ্চপদস্থ রাজকর্মচারি-গণের সহিত সম্মিলিত হইয়া সর্বত্র শাস্তিরক্ষার উপায় নির্ধারণ করিতেন। গবর্ণমেণ্টের এই বৃত্তিভোগী দীর্ঘকাল গবর্ণমেণ্টের পক্ষে থাকিয়া, জীবনের শেষদশায় যে, উত্তেজিত সিপাহীদিগের উৎসাহদাতা হইবেন, তাহা রাজ-কর্মচারিগণের কেহই ভাবেন নাই। মাজিস্ট্রেট সাহেব যখন তাঁহার সমক্ষে কহিতেন যে, দিল্লী এক সপ্তাহের মধ্যে তাঁহাদের হস্তগত হইবে, লোকে কোনরূপ উত্তেজনার পরিচয় না দিয়া, তাঁহাদের পক্ষসমর্থন করিবে, অশ্বারোহী সৈনিকদল তাঁহাদের প্রতি বিশ্বস্ত থাকিবে, তখন বুদ্ধ খাঁ বাহাদুর খাঁ সহাস্ত-

বদনে তাঁহার কথা শুনিতেন।* ইহাতে বোধ হয়, উপস্থিত বিপ্লবের সময়ে এই বর্ষাধীন পুরুষ গবর্ণমেন্টের বিরুদ্ধাচরণে কৃতসঙ্কল্প হইয়াছিলেন। কথিত আছে, খাঁ বাহাদুর মহম্মদ খাঁ নামক এক জন রেসেলদারের সাহায্যে অঝারোহী সৈনিকগণকে আপনার পক্ষে আনিতে চেষ্টা করিয়াছিলেন।†

গবর্ণমেন্টের হুঁভিভোগী বৃদ্ধ মুসলমান, সুবাদারের পদ পাইরাই, খ্রীষ্টধর্মাবলম্বীদিগের নিবনে উত্তত হইলেন। বাহারা নির্জন স্থানে আত্মগোপন করিয়াছিলেন, তাঁহারা নবনিয়োজিত শাসনকর্তার সমক্ষে আনীত হইলেন। ইংরেজের প্রবৃত্তি রীতি অতুসারে তাঁহাদের বিচারের কোনরূপ অঙ্গহানি হইল না। খাঁ বাহাদুর খাঁ স্বয়ং বিচারকের পদ গ্রহণ করিলেন। হতভাগ্য পলায়িতগণ কারাগারের সমক্ষে ফাঁসিকাঠে বিলম্বিত হইল। খাঁ বাহাদুর খাঁ কাহারও প্রতি দয়াপ্রদর্শনে উন্মুখ হইলেন না। যে সকল ইউরোপীয় তাঁহার সমক্ষে আনীত হইল, তাহাদের সকলেরই অদৃষ্টে এক দশা ঘটিল।

এইরূপে ইউরোপীয়দিগের অস্তিত্ববিলোপের পর খাঁ বাহাদুর খাঁ রাজকীয় কার্যে মনোনিবেশ করিলেন। তিনি ঘোষণাপত্র দ্বারা আপনার আধিপত্য-প্রতিষ্ঠার সংবাদ সাধারণকে জানাইলেন, এবং স্বয়ং সূক্ষ্মজিত হস্তীতে আরোহণপূর্বক বেরেলীর রাজপথে পরিভ্রমণ করিলেন। এই সময়ে অতুচরণ ছত্র, দণ্ড, চামর প্রভৃতি বিবিধ রাজলক্ষণ লইয়া, তাঁহার অনুগমন করিতে লাগিল। সুবার প্রত্যেক ভাগে কৰ্মচারিগণ নিয়োজিত হইলেন। দিল্লীর মোগল সম্রাটের নামে রাজস্ব সংগৃহীত হইতে লাগিল। কিন্তু নবান সুবাদারের শাসনে কোথাও শান্তি বা শৃঙ্খলা রহিল না। চুরীলের উপর নিপীড়ন হইতে লাগিল, এবং যেরূপে যে কোনরূপে হউক, আপনাদের ভোগবিগানের তৃপ্তিসাধনের উদ্যোগ দেখিতে লাগিল। শান্তিপ্রিয় লোকে ইংরেজের শাসনশৃঙ্খলার জন্ত দীর্ঘনিশ্বাস পরিত্যাগ করিতে লাগিল।

খাঁ বাহাদুর খাঁ উত্তেজিত ও উচ্ছৃঙ্খল লোকের অত্যাচারনিবারণে সমর্থ হইলেন না। স্তব্রায় রোহিলখণ্ডে ভয়াবহ অত্যাচারের নিদর্শন পূর্ণমাত্রায়

* *The Mutiny of the Bengal Army, p. 98.*

† *The Mutiny of the Bengal Army, p. 198.*

লক্ষিত হইতে লাগিল। ভীষণ বিপ্লবের সংঘাতে শান্তি ও শৃঙ্খলার সমস্ত বন্ধন বিচ্ছিন্ন হইয়া গেল। ইংরেজের দেওয়ানি আদালতের ক্ষমতার অপব্যবহারে অনেকের সর্বস্বান্ত ঘটিয়াছিল। দেনার দায়ে অনেকে পূর্বপুরুষাদিগত সম্পত্তি হইতে বিচ্যুত হইয়াছিল। যাহারা ভূস্বামী বলিয়া এক দিন সাধারণের মধ্যে সম্মানিত ছিলেন, তাঁহারা আদালতের ডিক্রীতে সামান্য লোকের অবস্থায় পতিত হইয়া, অসহনীয় মনঃকষ্টে কাশগাপন করিতেছিলেন। আদালতের বিচারে তাঁহাদের এইরূপ দশান্তর ঘটিলেও পূর্বতন অধিকার ও সম্মানের বিষয় তাঁহাদের স্মৃতিপট হইতে অন্তর্হিত হয় নাই। এই সকল সম্পত্তিচ্যুত ও অধিকারহীন লোক এখন স্বেচ্ছা বুদ্ধি, গবর্ণমেন্টের বিরোধীদিগের দল পরিপুষ্ট করিতে লাগিল। উপস্থিত সিপাহীযুদ্ধের এক বৎসর পূর্বে এক জন উচ্চপদস্থ ইংরেজ-রাজকর্মচারী প্রকাশ্যভাবে দেওয়ানি আদালতের ক্ষমতার এইরূপ অপব্যবহার এবং তৎপ্রযুক্ত ভাবী অনিষ্টের বিষয় প্রকাশ করিয়াছিলেন। কিন্তু তাঁহাকে তখন কেবল আশঙ্কাকারী বলিয়াই তৎপ্রচারিত মতের প্রতি উপেক্ষা প্রদর্শন করা হইয়াছিল।*

যাহা হউক, এক দল সিপাহী বেরেলীতে থাকিতে খাঁ বাহাদুর খাঁ নিরতিশয় চিন্তিত হইলেন। এই সিপাহীদল তাঁহার আধিপত্য অব্যাহত রাখিতে তাদৃশ যত্নশীল হয় নাই। সুতরাং তাহারা বেরেলীতে থাকিলে, খাঁ বাহাদুর খাঁর অনিষ্টের সম্ভাবনা ছিল। এদিকে ব্রিগেডিয়ার বখত খাঁ বাহাদুর খাঁর প্রতিদ্বন্দ্বী মোবারিক শাহের পক্ষপাতী ছিলেন। মোবারিক শাহ বখত খাঁকে সৈনিকদল লইয়া দিল্লীতে যাইবার পরামর্শ দিলেন, এবং সম্রাটের সমক্ষে আপনাকে রোহিলখণ্ডের স্বাধীন করিবার প্রার্থনা করিয়া একখানি আবেদনপত্র একজন বন্ধু দ্বারা পাঠাইয়া আপনি বেরেলীতে অবস্থিতি করিতে লাগিলেন।

রবিবার প্রাতঃকালে বেরেলীতে যখন এইরূপ ভয়াবহ কাণ্ডের অনুষ্ঠান হইতেছিল, তখন শাজাহানপুরেও ঐরূপ মারাত্মক শোচনীয় শাজাহানপুর।

ঘটনার আবির্ভাব হয়। শাজাহানপুর বেরেলীর ৪৭ মাইল

* *Edward, Personal adventures during the Indian rebellion, p. 14.*

† বখত খাঁ গোলন্দাজদের স্বাধীন ছিলেন। এই সময়ে ইংরেজের পক্ষ পরিত্যাগ পূর্বক বিপ্লবকারীদের সহিত মিশিয়া ব্রিগেডিয়ারের পদগ্রহণ করেন।

দূরে অবস্থিত। এই স্থানে ২৮ সংখ্যক সিপাহীদল অবস্থিত করিতেছিল। কাস্তেন জেমস এই দলের অধিনায়ক ছিলেন। মাজিষ্ট্রেট, কালেক্টর, সহকারী মাজিষ্ট্রেট প্রভৃতি দেওয়ানি বিভাগের কর্মচারিগণ রাজকীয় কার্য্য নিৰ্ব্বাহ করিতেছিলেন। এতদ্ব্যতীত কতিপয় ইউরোপীয় ও ইউরেশীয় বাণিজ্য-ব্যবসায় ব্যাপৃত ছিলেন। মীরাতের সংবাদ ১৫ই মে শাজাহানপুরে উপস্থিত হয়। ঐ সংবাদে শাজাহানপুরের অধিবাসীদিগের মধ্যে সাতিশয় উত্তেজনার নিদর্শন লক্ষিত হইতে থাকে। কিন্তু কর্তৃপক্ষ এইরূপ আকস্মিক পরিবর্তন দর্শনে সৰ্ব্বপ্রথম বিচলিত হইয়েন নাই। সিপাহীদিগের উপর ঠাঁহাদের বিশ্বাস ছিল। ঠাঁহারা ভাবিয়াছিলেন যে, নগরের উত্তেজিত ও উচ্ছৃঙ্খল লোকে বিরোধী হইয়া উঠিলে, সিপাহীগণ ঠাঁহাদের পক্ষে থাকিবে। এই বিশ্বাসপ্রযুক্ত ঠাঁহারা অপেক্ষাকৃত নিরুদ্বেগে ছিলেন। ৩১শে মে রবিবার শাজাহানপুরের অধিকাংশ ইউরোপীয় কর্মচারী ও আফিসার আপনাদের উপাসনা-মন্দিরে গমন করেন। ঠাঁহারা যখন উপাসনায় নিবিষ্ট ছিলেন, তখন সিপাহীগণ ঠাঁহাদের বিরুদ্ধে সমুথিত হয়। উপস্থিত বিপ্লবে অস্ত্রাশ্রয় স্থানে যাহা ঘটিয়াছিল, শাজাহানপুরেও তাহাই ঘটে। সেই পুরাতন কথার পুনরুজ্জ্বলিত নিশ্চোয়জন এবং বৈচিত্র্যের অভাবে বিশদভাবে বর্ণনার অযোগ্য হইলেও সংক্ষেপে উল্লেখ করা কর্তব্য। ইউরোপীয়-দিগের বাঙ্গালা বিলুপ্তিত ও ভস্মীভূত হয়, ধনাগার আক্রান্ত ও উহার অর্থরাশি উত্তেজিত লোকের হস্তগত হয়। কারাগারের দ্বার উদঘাটিত হয়, কারারুদ্ধগণ মুক্তিলাভ করে, নগরের লোকে উত্তেজিত সিপাহীদিগের সহিত সন্ধিলিত হয়। পার্শ্ববর্তী পল্লীর অধিবাসিগণ প্রকান্তভাবে গবর্ণমেণ্টের বিরুদ্ধাচরণে প্রবৃত্ত হয়। একজন ইংরেজের চিনি পরিষ্কার করিবার কারখানা এবং রম নামক মদের তাঁটি উত্তেজিত পল্লীবাসিগণ কর্তৃক বিলুপ্তিত হয়। রাত্রিমাগমের পূর্বেই শাজাহানপুরে অভিনব শাসনকর্তা, শাসনসংক্রান্ত পদে প্রতিলিত হইয়েন, এবং খেতকারের প্রাধাত্য বিলুপ্ত হইয়া যায়।

শাজাহানপুরের ইংরেজেরা এই বিপ্লব হইতে নিষ্কৃতিলাভ করিতে পারিলেন না। অস্ত্রাশ্রয় স্থানে ঠাঁহাদের স্বদেশবাসিগণের অদৃষ্টে যাহা ঘটিয়াছিল, ঠাঁহাদের অদৃষ্টেও তাহাই ঘটিল। অশিক্ষিত অদ্রদর্শী ও দুৰ্দ্ধব লোকে যখন আপনাদের চিরন্তন ধর্ম ও চিরাগত রীতিনীতির বিলোপের আশঙ্কায় একান্ত

উত্তেজিত হয়, তখন তাহাদের কিছুমাত্র জ্ঞান থাকে না। তাহারা স্বধর্মশাসক ও স্বদেশীয় রীতিনীতির বিলোপকারী বলিয়া, যাহাদের প্রতি মন্দেহ করে, উন্নতভাবে তাহাদের শোণিতপাতে অগ্রসর হয়। ভারতবর্ষীয়গণ আপনাদের ধর্ম ও চিরপ্রচলিত আচারব্যবহারের একান্ত পক্ষপাতী। তাহারা ইহার জন্ত আত্মপ্রাণের উৎসর্গ করিতেও কাতর হয় না এবং অপরের প্রাণনাশেও সঙ্কোচ প্রকাশ করে না। অধিকন্তু পরস্বাপহারক দুর্বৃত্তগণ এই সময়ে অপরের ধনে আপনাদিগের দুর্নিবার ভোগলালসা চরিতার্থ করিবার জন্ত একান্ত আগ্রহ-যুক্ত হয়। তাহারা এই হুত্রে ভীষণ বিপ্লবের বিস্তার করিতে কিছুমাত্র পরামুখ হয় না। প্রধানতঃ এই সকল কারণে ইউরোপীয়দিগের জীবন সঙ্কটাপন্ন হইয়া উঠিয়াছিল। যেখানে বিপ্লব ঘটয়াছিল, সেই খানে ইউরোপীয়গণ উত্তেজিত সিপাহীদিগের ও বিলুপ্তনপ্রিয় দুর্বৃত্ত লোকের অস্ত্রপ্রয়োগের বিষয়ীভূত হইয়াছিল। বিপ্লবের প্রারম্ভে যাহা ঘটয়াছিল, তাহার মধ্যে কোন বৈচিত্র্য নাই। এক স্থানের উত্তেজিত লোকে সর্বপ্রথম যাহা করিয়াছে, স্থানান্তরের উত্তেজিত লোকে সর্বপ্রথম তাহারই সম্পাদনে আগ্রহযুক্ত হইয়াছে। সকল স্থানের অনুষ্ঠিত ঘটনা যেন এক হুত্রে গ্রথিত হইয়া, এক উদ্দেশ্যের অবতারণা করিয়াছে। ধনাগারবিলুপ্তন, কারাগারের কয়েদীদিগের বিমুক্তিসাধন, ইউরোপীয়দিগের অধ্যুষিত গৃহদাহন এবং ইউরোপীয়দিগের নিধন, উত্তেজিত লোকের প্রথম অনুষ্ঠেয় কর্মের মধ্যে পরিগণিত ছিল। স্মরণ্য যেখানে সিপাহীগণ উত্তেজিত ও গবর্ণমেন্টের প্রাধান্যনাশের জন্ত দলবদ্ধ হইয়াছে, সেইখানে সর্বপ্রথম এই সকল ভয়ঙ্কর দৃশ্যের আবির্ভাব ঘটয়াছে। শাজাহানপুরের উত্তেজিত সিপাহীগণও ধনাগার বিলুপ্তন করিয়াছিল, কারারুদ্ধদিগের অবরোধঘোচন করিয়াছিল, ইউরোপীয়দিগের বাসগৃহ ভস্মীভূত করিয়া ফেলিয়াছিল, এখন ইউরোপীয়দিগের শোণিতপাতে অগ্রসর হইল। ইউরোপীয়গণ যখন উপাসনামন্দিরে আরাধনার নিষিদ্ধিচিহ্ন ছিলেন, তখন কতিপয় উত্তেজিত সিপাহী তাঁহাদিগকে আক্রমণ করিল। উপাসকগণ এইরূপ আক্রমণকে উদ্ভাস্ত হইয়া পড়িলেন। কেহ কেহ উত্তেজিত লোকের হস্তে নিহত হইলেন, কেহ কেহ উপাসনাগৃহের দ্বার রুদ্ধ করিয়া শক্তিতাবে অবস্থিত করিতে লাগিলেন। মহিলারাও ভয়বিহ্বলচিত্তে ঐ স্থানে রহিলেন।

এই সময়ে সৈনিকনিবাসে সাতিশয় গোলযোগ ঘটিল। কাশ্মির জেঙ্গল আপন দলের সিপাহীদিগকে শাস্ত করিতে গিয়া নিহত হইলেন। এক জন ইংরেজ ডাক্তার হাস্পাতাল হইতে আবাসগৃহে প্রত্যাবর্তন হইতেছিলেন, এমন সময়ে উত্তেজিত সিপাহীগণ ইউরোপীয়দিগের বিরুদ্ধে অস্ত্রধারণ করিল। ডাক্তার আপনার জ্বী, একটি শিশু সন্তান ও একটি ইউরোপীয় পরিচারিকাকে গাড়িতে তুলিয়া আপনি কোচবাক্সে বসিলেন, এবং ভাড়াভাড়া আপনাদের উপাসনাগৃহের দিকে যাইতে লাগিলেন। কতিপয় সিপাহী তাঁহাদিগকে লক্ষ্য করিয়া গুলি ছুড়িতে লাগিল। ডাক্তার সাহেব গুলির আঘাতে কোচবাক্স হইতে ভূপতিত ও গতান্ন হইলেন। তাঁহার জ্বী আহত হইলেও, উপাসনাগৃহে গিয়া আত্মরক্ষা করিলেন। এই সঙ্কটকালে ইউরোপীয়দিগের এতদেদ্বীয় ভৃত্যগণ প্রভুভক্তি ও বিশ্বস্ততার পরিচয় দিতে পরাজুথ হইল না। তাহারা বন্দুক পিস্তল প্রভৃতি অস্ত্র আনিয়া আপনাদের প্রভুদিগকে দিল। এই সময়ে যদি সিপাহীদিগের মধ্যে এক্ষণ্য থাকিত, তাহা হইলে ইউরোপীয়দিগের কেহই তাহাদের আক্রমণ হইতে পরিত্রাণ পাইতেন না। কিন্তু সৌভাগ্যক্রমে সিপাহীগণ এ সময়ে এক উদ্দেশ্যসাধনের জন্ত পরস্পর দলবদ্ধ হয় নাই। ঘটনাচক্রে ইহাদের মতিভ্রম হইয়াছিল। ইহারা অতীত বিষয়ের পর্যালোচনা না করিয়া এবং ভবিষ্যতের দিকে দৃষ্টি না রাখিয়া, গবর্ণমেন্টের বিরুদ্ধাচরণে প্রবৃত্ত হইয়াছিল বটে, কিন্তু সকলে তাহাদের অবলম্বিত পথের অনুসরণ করে নাই। যখন সিপাহীগণ উত্তেজিত হইয়া ফিরিঙ্গির শোণিতে আপনাদের বলবতী হিংসার তৃপ্তিসাধনে উচ্ছত হইয়াছিল, তখন তাহাদের দলের কেহ কেহ সেই বিপন্ন ও তাহাদের সম্মতিগণ কর্তৃক আক্রান্ত ফিরিঙ্গির জীবনরক্ষায় অগ্রসর হইয়াছিল। শাহজাহানপুরেও এইরূপ প্রায় ১০০ প্রভুভক্ত সিপাহী তাহাদের আফিসরদিগের পার্শ্বে দণ্ডায়মান হয়। এইরূপে হতাবশিষ্ট ইউরোপীয়দিগের জীবন নিরাপদ হইয়া উঠে। এখন ইউরোপীয়গণ সহায়সম্পন্ন হইয়া আপনাদের পলায়নের উপায় নির্ধারণ করিতে লাগিলেন। অযোধ্যার প্রান্তবর্তী পৌহায়েন নামক স্থানে যাইবার প্রস্তাব হইল। প্রস্তাবকারীর বিশ্বাস ছিল যে, পৌহায়েনের রাজা তাঁহাদিগকে উপস্থিত বিপদ হইতে রক্ষা করিবার বন্দোবস্ত করিবেন। এই সময়ে কয়েকটি অশ্ব এবং দুই এক খনি গাড়ি সংগৃহীত

ও উপাসনামন্দিরের প্রাক্গে আনীত হইল। ইউরোপীয়গণ কালবিলম্ব না করিয়া পৌহায়িনে যাত্রা করিলেন। কিন্তু তথাকার লোক পলায়িত-দিগকে রক্ষা করিতে পারিবে না বলিয়া, আপনাদের অসামর্থ্য জানাইল। হুতরাং পলায়িতগণ অযোধ্যার প্রান্তবর্তী মোহম্দী নামক স্থানে যাত্রা করিলেন। ইহাদের অদৃষ্টে কি ঘটিয়াছিল, তাহা স্থানান্তরে বিবৃত হইবে।

বেরেলীর ৩০ মাইল দূরে বদায়ুন অবস্থিত। এডওয়ার্ডস সাহেব এই বদায়ুন। স্থানের মাজিষ্ট্রেট ও কালেক্টার ছিলেন। তিনি গবর্ণর-জেনেরাল বদায়ুন। লর্ড এলেনবরা এবং লর্ড হার্ডিঞ্জের সময়ে পররাষ্ট্রবিভাগের কার্য করিয়াছিলেন। দেওয়ানি আদালতের ব্যবস্থায় এতদেশীয়গণ কিরূপ শোচনীয় অবস্থায় পতিত হইয়াছিল, তাহা ইহার অবিদিত ছিল না। এসময়ে ইহার মত পূর্বে উদ্ধৃত হইয়াছে। ফলতঃ ইনি স্পষ্ট বুদ্ধিতে পারিয়াছিলেন যে, দেশের লোকে গবর্ণমেন্টের প্রতি একান্ত অসন্তুষ্ট হইয়াছে, স্বেযোগ পাইলেই ইহার গবর্ণমেন্টের বিরোধী হইয়া উঠিবে। মিরাতের সংবাদ পাইয়াই ইনি আপনার স্ত্রী ও সন্তানকে নৈনীতালে পাঠাইয়া দেন। এডওয়ার্ডস এইরূপে একটি গুরুতর দায় হইতে মুক্ত হইয়া, আপনার কর্তব্যপালনে দৃঢ়প্রতিজ্ঞ হইয়া রহিলেন। স্বদেশের কোন ব্যক্তি এসময়ে তাঁহার নিকটে ছিলেন না। তিনি একাকী অসন্তুষ্ট, সন্ধিলোকের মধ্যে অবস্থিত করিতে লাগিলেন।

২৫ মে মাজিষ্ট্রেট সাহেব সংবাদ পাইলেন যে, ঐ দিন কোন নির্দিষ্ট সময়ে মুসলমানগণ গবর্ণমেন্টের বিরুদ্ধাচরণে উদ্যত হইবে। এই সময়ে মুসলমানগণ আপনাদের প্রধান পক্ষ ইদের আমোদে প্রমত্ত ছিল। মাজিষ্ট্রেট সংবাদ পাইয়া, প্রধান প্রধান মুসলমানদিগকে ডাকাইয়া আনিলেন। যে পর্য্যন্ত নির্দিষ্ট সময় অতীত না হইল, সে পর্য্যন্ত তিনি আমন্ত্রিত মুসলমানদিগকে আপনার নিকটে রাখিয়া, শাস্তিরক্ষার জন্ত পরামর্শ করিতে লাগিলেন। আমন্ত্রিত মুসলমানদিগের অনেকে সাতিশর উত্তেজিত হইয়া উঠিয়াছিল, অনেকে উদ্ধত-ভাব ও উগ্রপ্রকৃতির পরিচয় দিয়াছিল। মন্ত্রণাসভায় এইরূপ উত্তেজনা প্রযুক্ত কোলাহলে পূর্ণ হইয়াছিল। যাহাইউক, নির্দিষ্ট সময় অতীত হইল। ঐ দিনে কোনরূপ বিপ্লবের হুচনা দেখা গেল না। মুসলমানদিগের এইরূপ

উত্তেজনা, এইরূপ উগ্রভাব, এইরূপ ঔদ্ধত্যের মধ্যে কেবল এক জন সমবেদনাপর, সমদর্শী, সৌম্যপ্রকৃতি, শ্বেতকায় পুরুষ গুরুতর কর্তব্যপালনের জন্য দৃঢ়তা ও নিষ্ঠাকতার পরিচয় দিতে লাগিলেন। তিনি জানিতেন যে, লোকে তাঁহাদের রাজনীতির দোষে নিরতিশয় অসন্তুষ্ট হইয়াছে। উপস্থিত সময়ে তাঁহাদের অসন্তোষ নিবারণ করা সহজ নহে। যখন ধূমায়মান বহিঃপ্রজ্বলিত হইয়া উঠিয়াছে, তখন উহা চারি দিকেই আপনার গতি বিস্তার করিবে। এই বিপত্তির সময়ে তিনি যে, হানাতর হইতে সাহায্য পাইবেন, এরূপ সম্ভাবনাও অল্প। মাজিষ্ট্রেট সাহেবের মনে এইরূপ নানা চিন্তার উদয় হইলেও, তিনি একাকী সেই বিপত্তির সময়ে কর্মক্ষেত্রে সাহসের উপর নির্ভর করিয়া রহিলেন। দুই দিন নিরাপদে অতিবাহিত হইল। দুই দিন এই সাহসী, কর্তব্যনিষ্ঠ ইংরেজ কর্মচারী উত্তেজিত মুসলমানাদিগের মধ্যে একাকী রহিলেন। তাঁহার সমদর্শিতা ও সংস্রবের ভর্তুকি হউক, বা এক জন নিঃসহায় ও স্ত্রায়নিষ্ঠ ব্যক্তির শোণিতপাত করিলে আপনাদের বীরত্বগৌরব বিলুপ্ত হইবে বলিয়াই হউক, মুসলমানগণ তদীয় অনিষ্টসাধনে অগ্রসর হইল না। যাহা হউক, মাজিষ্ট্রেট সাহেব বিদেশে বিধর্মী ও বিদ্বিষ্ট লোকের মধ্যে পূর্ববৎ একাকী রহিলেন। বেরেলীর ৬৮ গণিত দলের কতিপয় সিপাহী তাঁহার নিকটে ছিল। কিন্তু ইহাদের উপর তাঁহার বিশ্বাস ছিল না। পুলিশের নজীবদিগের উপরেও তিনি সর্বাংশে বিশ্বাস স্থাপন করিতে পারেন নাই। তিনি ভাবিয়াছিলেন যে, বেরেলী হইতে ইঙ্গিত পাইবামাত্র তাঁহার রক্ষণীয় স্থানের লোকেও বিপ্লব ঘটাইবে।

এইরূপ ভাবনাগ্রস্ত হইয়া, বদায়ুনের মাজিষ্ট্রেট আপনার কর্মস্থলে অবস্থিতি করিতে লাগিলেন। তৃতীয় দিনে তিনি যখন আত্মীয় স্বজনশূন্য স্থলে একাকী ভোজন করিতেছিলেন, তখন দেখিলেন, তাঁহার কোন স্বদেশীয় ব্যক্তি কতিপয় সওয়ারের সহিত তদীয় গৃহের অভিমুখে আসিতেছেন। আগন্তুক ক্রমে মাজিষ্ট্রেটের সমীপবর্তী হইলেন। মাজিষ্ট্রেট ইহাকে দেখিয়াই ক্রুদ্ধ হইলেন। ইনি এডওয়ার্ডস সাহেবের আত্মীয় এবং আগরাবিভাগের অন্তর্গত ইটার মাজিষ্ট্রেট ফিলিপস সাহেব। ইটা বিপ্লবময় হইয়াছিল। নরহত্যা, গৃহদাহ, সম্পত্তিবিলুপ্ত প্রভৃতি বিপ্লবের প্রত্যেক কার্য অনুষ্ঠিত

হইয়াছিল। ফিলিপস্ সাহেব এই দিগ্বে একান্ত বিব্রত হইয়া, তাঁহার আত্মীয়ের নিকটে সাহায্যের আশায় আসিয়াছিলেন। তাঁহাকে পথে ঘাটে অনেক বিপদে পড়িতে হইয়াছিল। ভিন্ন ভিন্ন স্থানের সিপাহীগণ গবর্ণমেন্টের বিরুদ্ধাচরণে সমুথিত হইয়াছিল। ইটার মাজিষ্ট্রেট এইরূপে অবলম্বনশূন্য হইয়া পড়িয়াছিলেন। কেবল কতিপয় সওয়ার তাঁহার পক্ষ সমর্থনের জন্ত প্রস্তুত ছিল। তিনি এই অবস্থায় তদীয় আত্মীয়ের সমক্ষে সমাগত হইলেন।* এডওয়ার্ডস্ এইরূপ বিপত্তিকালে আপনাদের স্বদেশীয় অধিকন্তু ঘনিষ্ঠ আত্মীয়ের সমাগমে সন্তুষ্ট হইলেন বটে, কিন্তু তাঁহার অভীষ্টসিদ্ধির কোনরূপ উপায় করিতে পারিলেন না। যেখানে সিপাহীগণ গবর্ণমেন্টের বিরুদ্ধে সমুথিত হইয়াছিল, উক্ত লোকে আপনাদের জিঘাংসা ও বিলুপ্তপ্রভৃতির পরিচয় দিয়াছিল, সেইখানে ইউরোপীয়গণ আত্মরক্ষার জন্ত উদ্ভাস্ত হইয়া পড়িয়াছিলেন। স্থানান্তরে শান্তিস্থাপনের দিকে তাঁহাদের লক্ষ্য ছিল না। তাঁহারা আপনাদের আপনাদের জন্ত বিব্রত হইয়া, অপর স্থান হইতে সাহায্যপ্রাপ্তির আশা করিতেছিলেন। এসময়ে অপর স্থান হইতে সাহায্যপ্রাপ্তির তাদৃশ সন্তোষ ছিল না। এডওয়ার্ডস্ তাঁহার আত্মীয়কে কহিলেন যে, বেরেলী হইতে সাহায্য পাওয়ার আশা অতি অল্প। কিন্তু তিনি যখন শুনিতে পাইলেন যে, উত্তেজিত লোকে ভিল্‌সা নামক একটি প্রধান বাণিজ্যস্থান আক্রমণ করিবার উদ্ভোগ করিতেছে, তখন সবিশেষ আগ্রহের সহিত বেরেলীর কমিশনারের নিকটে সাহায্য প্রার্থনা করিলেন। ৩১শে মে রাত্রি ৯টার সময় কমিশনারের নিকট হইতে উত্তর আসিল যে, একদল সিপাহী এক জন ইউরোপীয় আফিসরের তত্ত্বাবধানে মাজিষ্ট্রেটের সাহায্যের জন্ত বেরেলী হইতে যাত্রা করিতেছে। এই উত্তর পাইয়া বদায়ু ও ইটার মাজিষ্ট্রেটের উৎফুল্ল হইলেন।

* পথে ফিলিপস্ সাহেবকে বিপদে পড়িতে হইয়াছিল। থাসগঞ্জ নামক স্থানে কতকগুলি উদ্ধত ও বিলুপ্তপ্রিয় লোক, কেহ কেহ বন্দুক, কেহ কেহ বা কেবল লাঠী লইয়া তাঁহাকে আক্রমণ করে। তাঁহার সমভিব্যাহারা সওয়ারগণের কমান্দার এই সময়ে সবিশেষ সাহসের পরিচয় দেন। আক্রমণকারীদের মধ্যে কতিপয় ব্যক্তি নিহত হয়। কথিত আছে, ফিলিপস্ সাহেবের হস্তে তিন ব্যক্তি দেহত্যাগ করে। এইরূপে ফিলিপস্ সাহেব ঐ সকল লোককে ভাঙিত করিয়া বদায়ুনে উপস্থিত করেন।—*William Edwards, Personal adventures p. 7.*

এডওয়ার্ডস্ সাহেব সাহায্যকারী সৈনিকদিগের অধিনায়ককে শীঘ্র আনিবার জন্ত এক জন সওয়ার পাঠাইয়াছিলেন। এদিকে রাত্রি তিনটার সময় ফিলিপস্ সাহেব ইটাম বাইবার সঙ্কল্প করিলেন। সুসংবাদে আশঙ্কিত হওয়ার্তে সেই রাত্রি তাঁহার প্রশান্তভাবে সুযুগ্মসুখ উপভোগ করিতে লাগিলেন। কিন্তু নিশীথ কালের অব্যবহিত পরে তাঁহাদের এই শান্তিস্থলের ব্যাঘাত হইল। রাত্রি ২১টার সময়ে বদায়ুনের মাজিষ্ট্রেট সাহেব শয্যা হইতে উঠিয়া ফিলিপস্ সাহেবকে জাগাইবার জন্ত আপনার শয়নগৃহ হইতে বহির্গত হইতেছিলেন, এই সময়ে এক জন চাপরাশি সাতিশর ব্যাকুলভাবে তাঁহার নিকটে উপস্থিত হইয়া কহিল যে, তিনি যে সওয়ারকে পাঠাইয়া দিয়াছিলেন, সে ফিরিয়া আসিয়াছে। তাঁহার নিকটে সংবাদ পাওয়া গেল যে, বেয়েলীর সিপাহীরা গবর্ণমেণ্টের বিরোধী হইয়া উঠিয়াছে। তত্রত্য ইউরোপীয়গণ নিহত হইয়াছেন। কারাগারের প্রায় চারি হাজার কয়েদী মুক্তিলাভ করিয়াছে। বেয়েলী হইতে বদায়ুনের দিকে প্রায় ৮ মাইল পর্য্যন্ত পথ এই সকল বিমুক্ত কয়েদীতে পরিব্যাপ্ত হইয়াছে। বেয়েলীর উত্তেজিত সিপাহীদিগের একদল ধনাগার বিলুপ্ত, কারাকদ্ধদিগের বিমুক্তিলাভ এবং ইউরোপীয়দিগের নিধনের জন্ত বদায়ুনের অভিমুখে আসিতেছে।

সংবাদ পাইয়াই এডওয়ার্ডস্ সাহেব চিন্তিত হইলেন। তিনি ফিলিপস্ সাহেবকে জাগাইয়া এই নিদারুণ সমাচার জানাইলেন। ফিলিপস্ সাহেব কানবিলম্ব করিলেন না। উত্তেজিত সিপাহী ও উদ্ধতপ্রকৃতি লোককর্তৃক গন্তব্য পথ অবরুদ্ধ হওয়ার পূর্বেই তিনি আপনার কর্মস্থলে উপনীত হইবার জন্ত অস্বারোহণে অরিতগতিতে গঙ্গার তটভিমুখে প্রস্থান করিলেন। এডওয়ার্ডস্ সাহেব গুরুতর কর্তব্যস্থত্রে আবদ্ধ হইয়া কর্মস্থলে রহিলেন। ফিলিপস্ সাহেব চলিয়া গেলে, দুই জন ইংরেজ নীলকর এবং অল্প এক জন ইউরোপীয় কর্মচারী এডওয়ার্ডস্ সাহেবের সহিত সম্মিলিত হইলেন। এ সময়েও এডওয়ার্ডস্ সাহেব স্থানান্তরে যাইতে ইচ্ছা করেন নাই, যেহেতু এ সময়ে তাঁহার রক্ষণীয় স্থানে বিপ্লবের কোনরূপ লক্ষণ পরিলক্ষিত হয় নাই। বদায়ুনের সৈনিকদলের এতদেঙ্গীয় অধিনায়ক তাঁহাকে এ সময়ে কহিয়াছিলেন যে, তাঁহার সৈনিকগণ শেষ সময় পর্য্যন্ত ধনাগার রক্ষা করিবে। তাহার কখনও বেয়েলীর সিপাহীদিগের

কথার পরিচালিত হইবে না, বা তাহাদের পথানুসরণ করিয়া কোনরূপ শান্তিভঙ্গ করিবে না। কিন্তু তাঁহার এই কথা শেষে অমূলক বলিয়া প্রতিপন্ন হইল। যে দিন এই অধিনায়ক আপনাদের কর্তব্যপরায়ণতা ও বিশ্বস্ততার পরিচয় দিতে আগ্রহ প্রকাশ করিলেন, সেই দিন সন্ধ্যাকালে ঘটনাচক্রে অন্তিমিকে আবর্তিত হইল। বেরেলীর উত্তেজিত সিপাহীগণ তাহাদের বদায়নস্থিত সহযোগীদিগকে ফিরিঙ্গির বিকল্পে সমুখিত হইবার জন্য অনুরোধ করিয়া পাঠাইল। স্মরণ্য অবিলম্বে মারাত্মক কার্য্য অচ্যুত হইল। উদ্ধত লোকে দলবদ্ধ হইয়া, পরস্পর লুণ্ঠন করিতে লাগিল। প্রায় ৩০০ শত বিমুক্ত কয়েদী মাজিষ্ট্রেটের গৃহের চারি দিকে বিকটভাবে চীৎকার করিয়া বেড়াইতে লাগিল। বেরেলীর উত্তেজিত সিপাহীদিগের কেহ কেহ বদায়নে উপস্থিত হইয়া তত্রত্য সিপাহীদিগকে বিপ্লবের কার্য্যসাধনে উৎসাহিত করিতে লাগিল। স্মরণ্য মাজিষ্ট্রেট সাহেব উপায়ান্তর না দেখিয়া, পলায়নে উদ্ভত হইলেন। তিনি কালবিলম্ব না করিয়া, তিন জন ইউরোপীয় সঙ্গীর সহিত আশ্রয়গ্রহণে আপনার গৃহ হইতে বহির্গত হইলেন। প্রথমে মোরাদাবাদের পথে তাঁহাদের যাইবার ইচ্ছা ছিল। তাঁহারা এই উদ্দেশ্যে কিছুদূর অগ্রসর হইয়াছেন, এমন সময়ে একটি মুসলমান ভদ্রলোক কতিপয় অশুচরের সহিত তাঁহাদের নিকটে উপস্থিত হইয়া কহিলেন যে, গন্তব্য পথ উত্তেজিত সিপাহী ও কারাগারমুক্ত কয়েদীগণে পরিব্যাপ্ত হইয়াছে, অতএব এ সময়ে কোথাও না গিয়া, তাঁহার গৃহে আশ্রয়গোপন করা সঙ্গত। এই মুসলমান সঙ্গীরের বাটী বদায়নের প্রায় তিন মাইল দূরবর্তী শেখপুরা নামক স্থানে ছিল। মাজিষ্ট্রেট সাহেব তাঁহার বাটীতে যাইতে সন্মত হইলেন। তিনি স্বয়ং লিখিয়া গিয়াছেন যে, তাঁহারা যখন শেখপুরার অভিমুখে প্রস্থান করেন, তখন উচ্ছৃঙ্খল লোকে বিলুপ্তনে প্রবৃত্ত হইয়াছিল। তাঁহারা চাপরাশিরা পর্য্যন্ত তদীয় সম্পত্তি আত্মসাৎ করিতেছিল। এডওয়ার্ডস সাহেব চারি দিকে এইরূপ লুণ্ঠ-তরঙ্গ দেখিয়া ক্ষুব্ধ হইলেন। বিশেষতঃ তদীয় অনুগত লোকের ব্যবহারদর্শনে তাঁহার সাতিশর ক্রোধ হইল। কিন্তু এখন ক্রোধপ্রকাশের সময় ছিল না, অপরাধীদিগের শান্তিবিধানেরও সুযোগ ছিল না। মাজিষ্ট্রেট সাহেব আপনার প্রাণের দ্বারে ব্যাকুল হইয়া পড়িয়াছিলেন। স্মরণ্য তিনি কোন দিকে দৃকপাত না করিয়া প্রাণরক্ষার জন্য শেখপুরার অভিমুখে অগ্রসর হইতে লাগিলেন; সকলে

নির্দিষ্ট স্থলে উপস্থিত হইয়া অশ্ব হইতে নামিয়াছেন, এমন সময়ে পূর্বোক্ত শেখের ভ্রাতা আসিয়া তাঁহাদিগকে বিনয়ের সহিত কহিলেন যে, এত লোকে এই স্থানে অবস্থিতি করিলে, উত্তেজিত সিপাহীরা নিঃসন্দেহ তাঁহাদের সন্ধান পাইবে। অতএব গঙ্গার বামতটে—এই স্থান হইতে প্রায় ১৮ মাইল দূরে অশ্ব একটি পল্লীতে তাঁহাদের অবস্থিতি করাই শ্রেয়ঃ। বলা বাহুল্য যে, এই পল্লীও শেখদিগের অধিকারের মধ্যে ছিল। এডওয়ার্ডস সাহেব প্রথমে এই প্রস্তাবে অসম্মত হইলেন, এবং এইরূপ অনাতিথেয়তার জন্ত উপস্থিতি প্রস্তাবের বিরুদ্ধে শেখপুরার সর্দারকে অনেক বলিলেন। কিন্তু শেখপ্রধান তাঁহার কণায় বিচলিত হইলেন না। তিনি কেবল মাজিষ্ট্রেটকে আশ্রয় দিতে প্রস্তুত ছিলেন; উত্তেজিত সিপাহীদিগের ভয়ে মাজিষ্ট্রেটের সঙ্গীদিগকে আশ্রয় দিতে সম্মত হইলেন না। এদিকে সঙ্গীরা মাজিষ্ট্রেটকে ছাড়িতে একান্ত অসম্মত ছিলেন। পক্ষান্তরে তাঁহাদিগকে ছাড়িয়া দিতে মাজিষ্ট্রেটেরও ইচ্ছা ছিল না। সুতরাং মাজিষ্ট্রেট বাধ্য হইয়া সঙ্গীদিগের সহিত আবার ১৮ মাইল দূরবর্তী পূর্বোক্ত পল্লীর অভিমুখে প্রস্থান করিলেন। এখন তাঁহাকে অদৃষ্টের নিকটে মস্তক অবনত করিতে হইল। তিনি আপনার ক্ষমতা, আপনার প্রাধিক্স, আপনার পদগৌরব, আপনার সম্পত্তি—সমস্ত বিষয়েই বিসর্জন দিয়া, আপনার জীবন—কেবল জীবনরক্ষার জন্ত জাতীয় পরিচ্ছদ পরিত্যাগপূর্বক হিন্দুস্থানী পরিচ্ছদ পরিয়া আত্মগোপন করিলেন। তাঁহার পরবর্তী অবস্থার বিষয় স্থানান্তরে বর্ণিত হইবে।

মাজিষ্ট্রেটের পলায়নের পর বদায়ুনে বাহা ঘটয়াছিল, তাহা সংক্ষেপে বর্ণনীয়। পূর্বেই উক্ত হইয়াছে যে, উত্তেজিত সিপাহীগণ কয়েদীদিগের অবরোধমোচন করিয়াছিল। বিমুক্ত কয়েদীগণ অপরের সম্পত্তিলুণ্ঠন ও ইউরোপীয়দিগের নিধনের আশায় চারি দিকে ঘুরিয়া বেড়াইতেছিল। উচ্ছৃঙ্খল লোকে দলবদ্ধ হইয়া, লুণ্ঠতরাজে ব্যাপৃত ছিল। গবর্ণমেন্টের ধনাগার সর্বপ্রথম ইহাদের লক্ষ্য হইয়াছিল। কিন্তু মাজিষ্ট্রেট সাহেব পূর্বেই এ বিষয়ে সাবধান হইয়াছিলেন। ভাবী বিপদ বুঝিতে পারিয়া, তিনি জমীদারদিগের নিকট হইতে কিস্তির খাজানা গ্রহণ করেন নাই। সুতরাং বিলুপ্তপ্রিয় লোকে এখন ধনাগারে অর্থের অল্পতা দেখিয়া, একান্ত হতাশান হইল। কিন্তু তাহারা

নানাহানে উৎপাত করিয়া, বেড়াইতে পরাধীন হইল না। সমগ্র জেলা শৃঙ্খলা-শূন্য, অশান্তিময় ও ঘোরতর বিপ্লবে অরাজক হইয়া পড়িল। নিয়ন্ত্রণের প্রায় সমস্ত লোকে স্বপ্রাধান হইয়া, আপনাদের ক্ষমতাবিস্তারে উত্তত হইল। সিপাহীরা দিল্লীতে প্রস্থান করিলেও জনসাধারণের উচ্ছ্বলভাবে ঘোরতর বিপ্লবের ভয়ঙ্কর দৃশ্য তিরোহিত হইল না। খাঁ বাহাদুরের আধিপত্য প্রকাজ-রূপে ঘোষণা করা হইল। নূতন রাজকীয় কার্যের জন্ত কর্মচারিগণ নিয়োজিত হইতে লাগিল। অভিনব অধিপতির নামে রাজস্ব সংগ্রহের ব্যবস্থা হইল। সমগ্র বিভাগ সহসা যেন এক অচিন্ত্যপূর্ব শক্তিতে ইংরেজের অধিকারলুপ্ত হইয়া ভিন্নরূপ পরিগ্রহ করিল।

এই অবসরে খাঁ বাহাদুর খাঁ আপনার প্রাদিক্ত বদ্ধমূল করিতে সচেষ্ট হইলেন। রোহিলখণ্ডে মুসলমান অপেক্ষা হিন্দুর সংখ্যা অধিক ছিল। খাঁ বাহাদুর খাঁ সর্বপ্রথম হিন্দুদিগকে ধেরূপ আশ্রয়, সেইরূপ ব্রিটিশ গবর্নমেন্টের উপর বিদ্বেষ করিবার চেষ্টা করিতে লাগিলেন। তিনি এই বলিয়া ঘোষণা প্রচার করিলেন যে, যদি হিন্দুগণ এই সকল বিধর্মী ফিরিঙ্গিদিগকে নিহত বা দেশ হইতে তাড়িত করে, তাহা হইলে তাহাদের দেশহিতৈষিতার পুরস্কার স্বরূপ গোহত্যার প্রথা নিবারণ করা হইবে। যদি কোন হিন্দু উপস্থিত বিষয়ে নিশ্চেষ্ট হয়, তাহা হইলে উক্ত প্রথা পুনঃপ্রবর্তিত হইবে; এবং যদি কোন হিন্দু এই ঘোষণাপত্রের বিরুদ্ধে কার্য করে, তাহা হইলে তাহার ছয় মাস কারাবাস ও জরিমানা হইবে। রোহিলখণ্ডের হিন্দুগণ সংখ্যায় অধিক হইলেও, মুসলমানদের দ্বারা বুদ্ধপ্রিয় বা উদ্ধতপ্রকৃতি ছিল না। ইহাদের অনেকে প্রশান্তভাবে কৃষিকার্যে, শিল্পকর্মে বা বাণিজ্যে লিপ্ত থাকিত। ইহাদের আচারব্যবহারে কৃষাজনোচিত নিরীহভাবের নিদর্শন লক্ষিত হইত। কিন্তু মুসলমানগণ ইহার বিপরীত লক্ষণাক্রান্ত ছিল। ইহারা ধেরূপ উদ্ধত ও ভয়ঙ্করস্বভাব সেইরূপ অস্ত্রপ্রয়োগে হৃদক ছিল। সুতরাং মুসলমানগণ তাদৃশ বিষয়বস্তুর আশঙ্কা না করিয়া সর্বত্র আপনাদের ঘোষণাপত্র প্রচার করিল।

কিন্তু খাঁ বাহাদুর খাঁ কেবল আপনার ক্ষমতার উপর নির্ভর করিলেন না। তিনি শাসনদণ্ড গ্রহণ করিয়া, কুট রাজনীতিজ্ঞ ব্যক্তির জায় কর্মক্ষেত্রে চাকুরীর পরিচয় দিতে প্রবৃত্ত হইলেন। এ সময়ে কে সাহেব স্বপ্রণীত ইতিহাসে এই

ভাবে লিখিয়াছেন যে, তাহাদের উদ্বোধন হইয়াছিল যে, খৃষ্টানেরা হিন্দুদিগের নিকটে পূর্বোক্তরূপ প্রতিশ্রুতি করিয়া মুসলমানদিগের ক্ষমতা পর্য্যদন্ত করিবার চেষ্টা করিতে পারে, সুতরাং তাহারা হিন্দুদিগকে আপনাদের পক্ষে রাখিবার জন্ত পুনর্ব্বার এইভাবে ঘোষণাপত্র প্রচার করিল, “যদি ইংরেজেরা হিন্দুদিগের সমক্ষে আমাদের ছায় অঙ্গীকার করিয়া, তাহাদিগকে মুসলমানগণের বিরুদ্ধাচরণে প্রবর্ত্তিত করিবার জন্ত উত্তেজিত করে, তাহা হইলে অভিজ্ঞ হিন্দুগণ বিবেচনা করিবেন যে, ইংরেজেরা ঐরূপ করিলে হিন্দুগণ নিঃসন্দেহে প্রতারণিত হইবে। ইংরেজেরা কখন আপনাদের প্রতিশ্রুতি রক্ষা করিবে না। তাহারা প্রতারণক ও ভণ্ড। এই সকল প্রতারণক ইংরেজগণ আমাদের স্বদেশীয়গণ দ্বারা সর্ব্বদাই আপনাদের অভীষ্ট সাধন করিয়া লইতেছে। আপনাদের মধ্যে কাহারও উপস্থিত সুযোগ পরিত্যাগ করা উচিত নয়। এই সুযোগে আমাদের অভীষ্টকর্ম্ম সম্পাদন করা কর্তব্য”। কে সাহেব স্বপ্রণীত ইতিহাসে এ বিষয়ে এইভাবে উল্লেখ করিয়াছেন যে, “আমাদের ইংরেজী প্রধাঙ্গুয়ারে যে সকল ঘোষণাপত্র প্রচারিত হয়, তৎসমুদয়ের ভাব নিঃসন্দেহ এই সকল ঘোষণাপত্রে পরিগৃহীত হইয়াছে। সাধারণতঃ ইংরেজদিগের বিশ্বাস যে, ভারতবর্ষীয়গণ মিথ্যাবাদী। ভারতবর্ষীয়গণ যে, এই মিথ্যাপবাদের বিনিময়ে আমাদের পক্ষে ঐরূপ অপবাদে দূষিত করিয়াছে, তাহাতে আমাদের অভিযোগ করিবার কোন কারণ নাই। অধিকন্তু ভারতবর্ষীয়গণ মুসলমানদিগের আধিপত্যকালে যে, কেবল কষ্ট সহ করিয়াছে, তাহা আমরা সর্ব্বদাই তাহাদের মনে করিয়া দিয়া থাকি, এবং নিরক্ষরসহকারে বলিয়া থাকি যে, কেবল ইংরেজ গবর্ণমেন্টের স্থায়িত্বের উপরই তাহাদের যাবতীয় আশা ও সুখ নির্ভর করিতেছে। মুসলমানগণ যে, এবিষয়ে আমাদের পথানুসরণ করিয়া, হিন্দুদিগকে বলিবে যে ইংরেজদিগের নিষ্কাশন ও মুসলমানদিগের আধিপত্যরক্ষণের উপরই তাহাদের প্রকৃত মঙ্গল নির্ভর করিতেছে, তাহা স্বাভাবিক ও মার্জনীয়। আমাদের পক্ষে বিবিধ বিষয়ে অপরাধী করা হইয়াছে। এই ভাবে ঘোষণা করা হইয়াছে যে ইংরেজেরা অজ্ঞান জাতির চিরন্তন রীতিনীতির বিলোপ করে। অনন্তর হিন্দুদিগকে বলিয়া দেওয়া হইয়াছে যে, আমরা হিন্দুবিধবার বিবাহের অনুমোদন করিয়াছি, জোর করিয়া সতীদাহপ্রথা তুলিয়া দিয়াছি; হিন্দুদিগকে উন্নতির

আশায় প্রলুব্ধ করিয়া আমাদের ধর্মে দীক্ষিত করিয়াছি ; অধিকন্তু আমরা এই নিয়ম করিয়াছি যে, যখন কোন রাজার অপুল্ভকাবস্থায় দেহত্যাগ হইবে, তখন তাহার বিধবা পত্নী দত্তকপুত্র গ্রহণ করিতে পারিবে না। তদীয় যাবতীয় সম্পত্তি ব্রিটিশ গবর্ণমেন্টের অধীন হইবে। ইহাতে স্পষ্ট বোধ হইতেছে যে, রাজাদিগকে তাহাদের সম্পত্তি ও রাজ্যে বঞ্চিত করিবার জন্তই ইংরেজদিগের এই নিয়ম প্রণীত হইয়াছে। এইরূপে ইংরেজেরা নাগপুর এবং লক্ষৌ অধিকার করিয়াছে। রাজগণ ! আপনাদের ধর্ম্মনাশ করিবার জন্ত তাহাদের অভিসন্ধি স্পষ্ট বুঝা যাইতেছে। আপনাদের সকলেরই জানা উচিত যে, যদি এই সকল ইংরেজকে ভারতবর্ষে থাকিতে দেওয়া হয়, তাহা হইলে তাহারা আপনাদের সকলকেই নিহত করিবে। এবং আপনাদের ধর্ম্ম নষ্ট করিয়া ফেলিবে।* মুসলমানগণ এই ভাবে ঘোষণা করিয়া সজাতির লোককে যেমন উত্তেজিত করিয়াছিল, সেইরূপ হিন্দুদিগকে আপনাদের দগ্ধভুক্ত করিবার জন্ত যত্নশীল হইয়াছিল। অধিকন্তু তাহারা এই উদ্দেশ্যসাধনের জন্ত সকলকে এই কথা বলিয়া আশ্বাস দিয়াছিল যে, যাহারা এই কার্য্যে ইচ্ছাপূর্ব্বক একটি পয়সা দিবে, তাহারা শেষ বিচারের দিন ঈশ্বরের নিকট হইতে ৭০০ শত পয়সা পাইবে, এবং যাহারা এই উদ্দেশ্যে এক টাকা দিবে, তাহারা ঈশ্বরের নিকট হইতে ৭০০ সাত শত টাকা লাভ করিবে।† পূর্ব্বোক্ত ইংরেজ ঐতিহাসিক এই ঘোষণাপত্রসম্বন্ধে উল্লেখ করিয়াছেন যে, অভিনব শাসনকর্তার আধিপত্যকালে অর্থাত্তাব ঘটয়াছিল, ধনাগারে টাকা মৌজুদ ছিল না, সুতরাং এ জন্ত ঈশ্বরের হস্ত হইতে শেষ পুরস্কারপ্রাপ্তির আশা দিয়া সাধারণকে অর্থদানের জন্ত উৎসাহিত করা হইয়াছিল। কিন্তু তহাতে অভীষ্ট ফললাভ হইয়াছিল কি না, তদ্বিষয়ে সন্দেহ আছে। যে হেতু, সাধারণে ইহাতে সবিশেষ উৎসাহিত হইয়া উঠে নাই। ধনাগারে আশাম্বরূপ অর্থ সংগ্রহীত হয় নাই। যাহা হউক, প্রতিদিন, প্রতিসপ্তাহ, প্রতিমাস, রোহিলখণ্ডে অভিনব শাসনপ্রণালীর অমুসারে কার্য্যনির্ব্বাহ হইতে লাগিল। ইংরেজদের মধ্যে যাহারা জীবিত ছিলেন,

* *Kaye, Sepoy War, Vol. III. p. 289-91.*

† *Ibid. p. 291.* কথিত আছে, এই ঘোষণাপত্র বা বাহাদুর খাঁ বাহাদুর খাঁর দপ্তরে পাওয়া যায়। মোরাদাবাদের জজ উইলসন সাহেব উহার অনুবাদ করেন।

উঁহারা ছদ্মবেশে এখানে ওখানে লুকায়িতভাবে থাকিয়া, এতদেশীয়দিগের অনীম করণায় আশ্রয় করা করিতে লাগিলেন।

ইহার মধ্যে ফরকাবাদে ভয়ঙ্কর কাণ্ড ঘটিল। ফরকাবাদের আগরাবিভাগের অন্তর্গত। জাহুবীর জলপ্রবাহ এই জনপদকে রোহিলখণ্ড হইতে ফরকাবাদ।

বিযুক্ত করিতেছে। কিন্তু ভৌগোলিক সীমা অনুসারে ইহা রোহিলখণ্ডের অন্তর্ভুক্তী এবং রাজ্যশাসনসংক্রান্ত বিভাগ অনুসারে ইহা রোহিলখণ্ডের অধীন না হইলেও, সামাজিক বিষয়ে ইহা রোহিলখণ্ডেরই অনুরূপ ছিল। রোহিলখণ্ডের জায় ফরকাবাদ মুসলমানপ্রধান স্থান বলিয়া পরিগণিত হইত, রোহিলখণ্ডের মুসলমানদিগের জায় ফরকাবাদের মুসলমানদিগের ক্ষমতাও অধিকতর ছিল, এবং রোহিলখণ্ডের জায় ফরকাবাদেও মুসলমানগণ সর্বদা আপনাদের উদ্ধতভাবের পরিচয় দিত। যখন ইংরেজের আধিপত্যের স্বত্রপাত হয়, তখন এই জনপদ সাতিশর উচ্ছ্রাল ও গোলবোগপূর্ণ ছিল। চুরি, ডাকাতি ও সময়ে সময়ে নরহত্যাও হইত। ইংরেজের আধিপত্য বদ্ধমূল হইলে, এই সকল উপদ্রব নিরাকৃত হয়। কিন্তু অধিবাসীদিগের প্রকৃতি পরিবর্তিত হয় নাই। উদ্ধত মুসলমানগণ স্বপ্রধানভাবে কার্য করিতে ভালবাসিত। স্বতরাং তাহারা শ্বেতকায়ের প্রতি সন্তুষ্ট ছিল না। স্বদেশ হইতে শ্বেতকায়দিগকে নিকাশিত করিতে তাহাদের আগ্রহ পরিস্ফুট হইত। তাহারা আপনাদের অভীষ্টসাধনের জন্য হুসময়ের প্রতীক্ষায় ছিল। এখন সেই হুসময় উপস্থিত হইল। মে মাস শেষ হইবার পূর্বেই সমগ্র বিভাগ ভয়ঙ্কর বিপ্লবে বিশৃঙ্খল হইয়া পড়িল। ফরকাবাদে প্রাচীন নবাববংশের অনেক লোক ছিল। সময়ের পরিবর্তনে ইঁহাদের ছরবছা ঘটয়াছিল। কিন্তু ছরবছায় পতিত হইলেও, বিগত সম্মান, সমৃদ্ধি ও বংশগৌরবের বিষয় ইঁহাদের স্মৃতিপট হইতে অপসারিত হয় নাই। ইঁহারা কুলমর্যাদায় একরূপ আশ্রয়লাভ ছিলেন যে, কোন কর্মে নিয়োজিত হইয়া পরিশ্রম করিতে ইচ্ছা করিতেন না, এবং একরূপ দরিদ্র ছিলেন যে, কিছুতেই ইঁহাদের সন্তোষলাভ হইত না। এই সকল নিশ্চেষ্ট, নিরবলম্ব ও সর্বোংশে নিরক্ষর লোক আপনাদের অভীষ্টসিদ্ধির আশায় শান্তি ও শৃঙ্খলা নষ্ট করিতে উদ্যত হয়। ফরকাবাদে ১০ সংখ্যক সিপাহীদল অবস্থিত করিতেছিল। ইঁহারা সর্বপ্রথম গবর্ণমেন্টের বিরুদ্ধে সম্মুখিত হয়

নাই। জুন মাসের প্রথম সপ্তাহে যখন উক্ত পররাপহারিগণ পল্লী সকল দখল করিতেছিল, এবং সর্বত্র লুণ্ঠরাজে ব্যাপ্ত ছিল, তখন সিপাহীরা ইংরেজের বিরুদ্ধে অস্ত্রধারণ করে নাই। সিপাহীদিগের বিরুদ্ধাচরণের এক মাস পূর্বে উক্ত ও অশান্ত প্রকৃতি লোকে বিপ্লব ঘটাইয়াছিল।

যেখানে বহুসংখ্যক অসংসাহসী ও ছর্বৃত্ত লোকের অধিবাস, সেখানে সামান্য স্ত্রেই সাতিশয় গোলযোগ ঘটে। গোলযোগের সূত্রপাত হইলেই দৌরাখ্যাপ্রিয় লোকে আপনাদের কল্পনাধীন নানাবিধ অলীক বিষয়ের প্রচার পূর্বক পার্শ্ববর্তী অধিবাসীদিগকে উত্তেজিত করিতে থাকে। যাহারা অপরের অর্থে আপনাদের উদ্ধাম ভোগলালসার তৃপ্তিসাধনে ইচ্ছা করে, পূর্বতন বিষয়ভাব বশতঃই হউক, জিঘাংসার পরিতৃপ্তির জন্তই হউক, বা আপনাদের স্বার্থসিদ্ধির জন্তই হউক, সমস্ত বিষয় উচ্ছৃঙ্খল ও সমগ্র জনপদ উপজবময় করে, নানারূপ অলীক ও অদ্ভুত কথায় লোকের মন বিচলিত করাই তাহাদের প্রথম ও প্রধান কর্তব্যের মধ্যে পরিগণিত হয়। ফরকাবেদ এইরূপ দৃষ্টিভঙ্গি ও দৃষ্টিসাধনে কৃতহস্ত লোকের কল্পনার লীলাক্ষেত্র হইয়াছিল। ১৮৫৭ অব্দের প্রারম্ভে এই বিভাগের অধিবাসীদিগের মধ্যে সাতিশয় উত্তেজনার সঞ্চার হয়, এবং এই বিভাগে নিরতিশয় অদ্ভুত জনরব প্রচারিত হইতে থাকে। অশিক্ষিত, অদূরদর্শী ও সর্বদা কৌতূহলপর মানব সাধারণকে আতঙ্ক-প্রাপ্ত করিবার জন্ত আপনাদের কল্পনায় যতদূর বিশ্বাসকর বিষয়ের অবতারণা করিতে পারে, ফরকাবাদে ততদূর বিশ্বাসজনক কিংবদন্তীর প্রচার হইয়াছিল। সিপাহীযুদ্ধের প্রারম্ভে বাজারে, পল্লীতে, সাধারণের সম্মিলনস্থানে প্রথমেই শুভব উঠিয়াছিল যে, ক্রিস্টিয়ান সাধারণের জাতিনাশ ও ধর্মনাশ করিবার জন্ত লোকের প্রধান ঋণ মরদার সহিত অস্থিচূর্ণ মিশাইয়া দিয়াছে, এবং প্রধান পানীয় কুপোদক গোক ও শূকরের মাংসে অপবিত্র করিয়াছে। এই অপবিত্র ঋণ ও পানীরের কথা ফরকাবাদের ছত্রাচার লোকের অতীতসিদ্ধির পক্ষে যেরূপ কার্যকর হইয়াছিল, সমগ্র দেশের অন্ত কোন স্থানে সেইরূপ হয় নাই। অধিকন্তু ফরকাবাদে ইহার উপর আর একটি অদ্ভুত জনরবের প্রচার হইয়াছিল। সাধারণের বিশ্বাস জন্মিয়াছিল যে, ইংরেজ পর্বণষেষ্ঠ রূপার হলকরা চামড়ার টাকা বাহির করিয়াছেন। ওয়েলার-

নামক এক জন ইঞ্জিনিয়ার মার্চ মাসে ফতেগড়ে ছিলেন। এক জন মহাজন অস্থিচূর্ণমিশ্রিত ময়দা এবং ভারতবর্ষীয়দিগের জাতিনাশ সম্বন্ধে ইংরেজদিগের অজ্ঞাত কুঅভিসন্ধির বিষয় জানিবার জন্ত তাঁহার নিকটে গমন করেন। ইঞ্জিনিয়ার সাহেব তাঁহাকে স্পষ্টাক্ষরে কহেন যে, এই সকল জনরব নিতান্ত অমূলক। কিন্তু ইহাতে মহাজনের বিশ্বাস হয় নাই। তিনি ইঞ্জিনিয়ার সাহেবকে দৃঢ়তার সহিত কহেন—“আপনি জানেন যে, গবর্ণমেন্ট চামড়ার টাকা বাহির করিয়াছেন এবং দেশের সমস্ত রূপা সংগ্রহ করিয়া লইবার সঙ্কল্প করিতেছেন”। ওয়েলার সাহেব এই কথায় উচ্চহাস্ত করিয়া উঠেন, কিন্তু মহাজন ঘাড় নাড়িয়া কহেন যে, তিনি এই টাকা নিজে দেখিয়াছেন, এবং এইরূপ কতকগুলি টাকা তাঁহার নিকটেও আছে। মহাজনের এই কথা শুনিয়া ইঞ্জিনিয়ার সাহেব কহেন—“আপনি উহা যত পারেন আনিয়া দিন। উহার প্রত্যেকটির জন্ত আমি আপনাকে চৌদ আনা করিয়া দিব।” মহাজন বিদায় লইয়া চলিয়া গেলেন। কিন্তু আর ফিরিয়া আসিলেন না। চামড়ার টাকা ইঞ্জিনিয়ার সাহেবের দৃষ্টিগোচর হইল না*। এই জনরবের মূল নির্ণীত হয় নাই। ইহা যে বিপ্লবপ্রয়াসী লোকের অপূর্ব কল্পনায় উৎপন্ন হইয়াছিল, তাহা সন্দেহ নাই। জনরবের মূল যাহাই হউক না কেন, কিন্তু ইহাতে উদ্ভাবনাকারীর কল্পনাচাতুরীর প্রশংসা করিতে হয়। লোকে এইরূপ জনরব প্রচার করিয়া বাণিজ্যসংক্রান্ত বিষয়ে ব্যাঘাত জন্মাইবার চেষ্টা করিয়াছিল। ইহাতে মহাজনগণ বৈরাগ্য ভীত হইয়াছিল, সাধারণ লোকেও সেইরূপ অপবিত্র দ্রব্যের ব্যবহারের আশঙ্কায় নিতান্ত অস্থির হইয়া উঠিয়াছিল।

আগরা বিভাগের অন্তর্গত আর একটি প্রধান নগরে এই সময় মহাবিপ্লবের পূর্ণ বিকাশ হয়। এই নগর শাহজাহানপুরের ২১ মাইল দূরে গঙ্গার দক্ষিণ-তটে অবস্থিত। ইহার ৬ মাইল দূরে পাঠাননবাবদিগের বাসস্থান ফরক্কাবাদ রহিয়াছে। পূর্বে উক্ত হইয়াছে যে, ফরক্কাবাদের পাঠানগণ মাতিশয় উদ্ধত ও অশান্ত ছিল। ইহাদের উদ্ধত ও অশান্ত্যাব প্রবল হওয়াতে পার্শ্ববর্তী নগরে ভয়াবহ কাণ্ড সংঘটিত হয়।

* *Kaye, Sepoy War, Vol. III. p. 293.*

ফতেগড় জেলায় দশ লক্ষের অধিক লোকের অবিবাস ছিল। ইহার দশ ভাগের এক ভাগ মুসলমান। এই মুসলমানগণই প্রধানতঃ ফতেগড়।

ব্রিটিশ গবর্ণমেন্টের বিপত্তির কারণ হয়। এই নগর কামানের গাড়ীর কারখানার জন্য প্রসিদ্ধ। গোলন্দাজ দলের এক জন ইংরেজ সৈনিক পুরুষ উপস্থিত সময়ে এই কারখানার তত্ত্বাবধায়ক ছিলেন। ১০ সংখ্যক সিপাহীদল এবং একদল গোলন্দাজ সৈন্য ফতেগড়ে অবস্থিতি করিতেছিল। কর্ণেল স্মিথ পদাতিদলের অধিনায়ক ছিলেন। কর্ণেল স্মিথের বিশ্বাস ছিল যে, তাহার সৈনিকদল জাতিভ্রষ্ট হইয়া অপরাপর সিপাহীদলের নিকটে অবজ্ঞাত রহিয়াছে। যেহেতু তাহারা ব্রহ্মদেশের যুদ্ধে যাইবার জন্য “কালাপানি” পায় হইয়াছিল। আপনাদের সমাজের রীতিবিরুদ্ধ কাণ্ড করিতে ইহারা সকল বিষয়ই অপরাপর সিপাহীগণ হইতে বিচ্ছিন্ন থাকিবে। কিন্তু অধিনায়কের এইরূপ বিশ্বাস শেষে অমূলক বলিয়া প্রতীপন্ন হয়। এ সময়ে আচারগত কোনরূপ পার্থক্য, কোনরূপ বৈষম্য, কোন মতভেদ, পরস্পরকে বিচ্ছিন্ন-ভাবে রাখিতে পারে নাই। কোন অচিন্ত্যপূৰ্ণ হেতু যেন সমস্ত পার্থক্য-বন্ধনের উচ্ছেদ করিয়া সকলকে এক উদ্দেশ্য সাধনের জন্য এক মহাক্ষেত্রে সন্নিবেশিত করিয়াছিল। যাহারা জাতিগত, আচারগত ও ধর্ম্মাভিমানগত বৈষম্য দেখিয়া সিপাহীদিগকে পরস্পর বিচ্ছিন্ন ভাবিয়াছিলেন, তাহারা এই বিচ্ছিন্ন সম্প্রদায়কে এক মহাক্ষেত্রে এক মহাদলে পরিণত দেখিয়া বিস্মিত হইলেন, এবং যে বিচ্ছিন্নভাবের উপর নির্ভর করিয়া তাহারা আশঙ্কাজনক ছিলেন, তাহা এই অভাবনীয় কারণে পরস্পর সংযোজিত হইয়া, তাঁহাদিগকে গভীর বিপত্তিসাগরে নিমজ্জিত করে।

১০ই মে মিরাতের ঘটনা ফতেগড়ের সিপাহীদিগের গোচর হয়। এই সংবাদ যেন তাড়িতবেগে তাহাদের হৃদয়ে প্রবেশ করে। তাহারা সে সময়ে উত্তেজিত হইয়া উঠিলেও বাহিরে উত্তেজনার কোনরূপ নিদর্শন দেখায় নাই। যে মাস এইরূপে অতিবাহিত হয়, ওরা জুন তাহার বেরেলী ও শাজাহানপুরের সংবাদ অবগত হয়। এই সংবাদে তাহাদের হৃদয় ক্রমে অস্থির হইতে থাকে। এদিকে তাহাদের অধিনায়ক দেখিলেন যে, সমগ্র অযোধ্যা বিপ্লবে বিশৃঙ্খল হইয়াছে। রোহিলখণ্ডও বিপ্লবের রঙ্গভূমি হইয়া উঠিয়াছে, স্তত্রাং করক-

বাদের আশা কোথায়? এ সময়ে নিশ্চেষ্টভাবে থাক। কোনরূপে বিধের নহে। এইরূপ ডাবিয়া কর্ণেল শ্রিধ মহিলা, বালকবালিকা এবং যুদ্ধে অসমর্থ লোকদিগকে নৌকায় করিয়া, কানপুরের প্রধান সৈনিকনিবাসে পাঠাইবার ইচ্ছা করিলেন। জানা গিয়াছিল যে, কানপুরের সৈনিকনিবাস নিরাপদ রহিয়াছে। ঐ স্থানে ইউরোপীয় সৈনিকগণ উপস্থিত হইয়াছে এবং আরও অধিকসংখ্যক ইউরোপীয় সৈনিকপুরুষ ঐ স্থলে আসিতেছে। সুতরাং কর্ণেল শ্রিধ অবিলম্বে আপনার সঙ্কল্প কার্যে পরিণত করিতে উদ্যত হইলেন। ছোট বড় বিভিন্ন রকমের বার তের খানি নৌকা প্রস্তুত হইল। অধিনায়ক রক্ষণীয় লোকদিগকে ঐ সকল নৌকা দ্বারা স্থানান্তরিত করিবার বন্দোবস্ত করিলেন। ৪ঠা জুন রাত্রি ১টার সময় ১৭০ জন নৌকায় আরোহণ করিলেন। গভীর নিশীথে—গাড় অন্ধকারের মধ্যে বালকবালিকা ও যুদ্ধানভিজ্ঞ নিরীহ জীব আপনাদের জীবনের জন্ত নিরাপদ স্থানে আশ্রয়লাভের আশায় বিপত্তিময় ফতেগড় পরিত্যাগ করিল।

এদিকে ফতেগড়ের সিপাহীগণ আপাততঃ নীরবে ও নিশ্চেষ্টভাবে রহিল। কিন্তু সকল দিক দেখিয়া, তাহাদের অধিনায়ক এইরূপ নিশ্চেষ্টভাবে অসাবধান বা যথোচিত কর্তব্যসাধনে উদাসীন রহিলেন না। তিনি বুঝিয়াছিলেন যে, মুহূর্তমধ্যেই সৈনিকদিগের প্রশান্তভাব অন্তর্হিত হইতে পারে। মুহূর্তমধ্যেই তাহারা উদাত্ত পরিত্যাগ করিয়া, সংহারিণীশক্তির পরিচয় দিতে পারে। যে দিন নৌকাগুলি পলাতকদিগকে লইয়া ফতেপুর পরিত্যাগ করে, সেই দিন কর্ণেল শ্রিধ গবর্ণমেন্টের টাকা ছুর্গে লইয়া যাইবার চেষ্টা করেন। কিন্তু সিপাহীগণ বাধা দেওয়াতে এই কার্য সম্পন্ন হয় নাই। পক্ষান্তরে এই সকল সিপাহী বাহিরে আপনাদের সৌজন্ত ও বিশ্বস্ততার প্রকাশ করে। ১৬ই জুন তাহারা আপনাদের অধিনায়কের হস্তে একখানি পত্র সমর্পণ করে। এই পত্র অযোধ্যার অন্তর্গত সীতাপুর নামক স্থানের ৪১ সংখ্যক সিপাহীদলের সুবাদার তাহাদিগের নিকটে পাঠাইয়াছিলেন। সুবাদার এই পত্রে উল্লেখ করিয়াছিলেন যে, তিনি এবং তাহার সৈনিকদল কোম্পানির অধীনতার উচ্ছেদ করিয়া, ফতেগড়ের কয়েক মাইল দূরে আসিয়াছেন। এখন ১০সংখ্যক সিপাহীদল যেন আফিসরদিগকে নিহত ও ধনাগারের অর্থ হস্তগত করিয়া,

তাহাদের সহিত সম্মিলিত হয়। ১০ সংখ্যক সিপাহীদলের যে অফিসার এই পত্রের বিষয় কর্ণেল স্মিথের গোচর করেন, তিনি উক্ত ইংরেজ অধিনায়ককে স্পষ্টভাবে কহেন, উপস্থিত পত্রের উত্তর এই ভাবে দেওয়া হইয়াছে যে, তাহারা বহু বৎসর কোম্পানির কার্য্য করিয়াছে, এখন বিশ্বাসঘাতক হইতে পারে না। ৪১ সংখ্যক সিপাহীরা যদি অগ্রসর হয়, তাহা হইলে তাহারা সদলে তাহাদের বিরুদ্ধে দণ্ডায়মান হইবে। ইহার পরক্ষণে কর্ণেল স্মিথ গঙ্গার নৌসেতু ভাঙ্গিয়া ফেলিতে উদ্যত হয়েন, এই সেতু দ্বারা অযোধ্যার সহিত কতেগড়ের সংযোগ ছিল। অযোধ্যা উত্তেজিত সিপাহীদলে পরিপূর্ণ ছিল। স্মৃত্যং ঐ প্রদেশ হইতে কতেগড়ের গন্তব্য পথ অবরুদ্ধ করাই সম্ভব বোধ হইয়াছিল। কর্ণেল স্মিথ যখন অযোধ্যার সহিত কতেগড়ের সংযোগের প্রধান অবলম্বন নৌসেতুর ধ্বংসসাধনে উদ্যত হয়েন, তখন তদীয় সিপাহীদল তাঁহার যথোচিত সাহায্য করে। কিন্তু জুন মাসের দ্বিতীয় সপ্তাহ অতীত হইলেই সমস্ত আশা অন্তর্হিত হয়। মহাবিপ্লবসাগরের প্রবল তরঙ্গ ক্রমে কতেগড়ের নিকটবর্তী হইতে থাকে। ১০ সংখ্যক সিপাহীদল এই তরঙ্গের গতিরোধ করা অসম্ভব মনে করিয়া উহার সহিত মিশিয়া যায়। নৌসেতুর ধ্বংস হইলেই উক্ত সিপাহীদলের এতদ্দেশীয় অফিসারগণ কর্ণেল স্মিথকে কহেন যে, সময় অতীত হইয়াছে, এখন তাঁহার এবং তদীয় অধীন লোকের দুর্গে আশ্রয় গ্রহণ করাই শ্রেয়ঃ।

সিপাহীগণ যখন স্পষ্টভাবে আপনাদের মনোগত কথা বলিল, তখন কর্ণেল স্মিথ আর কোন দিকে দৃষ্ণাত না করিয়া, আপনার অধীন লোকের সহিত দুর্গে আশ্রয় গ্রহণ করিলেন। তিনি ভাবিলেন যে, তাঁহাকে এই দুর্গে থাকি-
য়াই বহুসংখ্যক লোকের আক্রমণ হইতে আশ্রয়লাভ করিতে হইবে; কিন্তু দুর্গ দৃঢ় ছিল না। যথোপযুক্ত অস্ত্রাদি যথাস্থানে সন্নিবেশিত ছিল না। ঋতুগামগ্রীও পর্যাপ্তপরিমাণে সংগৃহীত ছিল না। বহুক্ষেত্রে ১১ সংখ্যক দলের এক জন সিপাহীর সাহায্যে চল্লিশ, পঞ্চাশটি মেঘ দুর্গপ্রাচীরের অভ্যন্তরে লইয়া যাওয়া হইল। এক শত কুড়ি জন ব্রীষ্টান দুর্গে আশ্রয় গ্রহণ করিয়াছিল। ইহাদের মধ্যে এক চতুর্থাংশ অস্ত্রধারণে সমর্থ ছিল। অবশিষ্ট প্রধানতঃ মহিলা ও বালকবালিকা। কর্ণেল স্মিথ অস্ত্রধারণে সমর্থ লোকদিগকে যথাস্থানে সন্নিবেশিত করিয়া, আশ্রয়লাভ উদ্যত হইলেন।

দুর্গস্থিত ইংরেজ অধিনায়ক যখন এইরূপে লোকের সন্নিবেশ, খাণ্ডের আয়োজন ও অস্ত্রাদির সংগ্রহে ব্যাপৃত ছিলেন, তখন ১০ সংখ্যক সিপাহীদল প্রকাশ্যভাবে গবর্ণমেন্টের বিরোধী হইয়া উঠিল। ফরক্কাবাদের নবাব তফ্ফুজল হোসেন খাঁ পূর্বেই গবর্ণমেন্টের বিরুদ্ধপক্ষ অবলম্বন করিয়াছিলেন, এখন ১০ সংখ্যক দলের সিপাহীগণ তাঁহার অনুবর্তী হইল। তাহার সন্মানসূচক তোপধ্বনি করিয়া নবাবকে সিংহাসনে প্রতিষ্ঠিত করিল। তাহার আপনাদের দল পরিপুষ্টির জন্ত কারাগারের কয়েদীদিগকে ছাড়িয়া দিল। তাহার উদ্দাম লালসার তৃপ্তির জন্ত ধনাগারের অর্থরাশি আপনাদের অধিকারে রাখিল। পঞ্জাবকেশরী মহারাজ রণজিৎ সিংহের পুত্র মহারাজ দলীপ সিংহের মণিযুক্তা ও অজ্ঞাত বহুমূল্য দ্রব্য এই স্থানে ছিল। উহাও তাহাদের অধিকৃত হইল। এইরূপে তাহাদের অভীষ্ট সিদ্ধ হইল। তাহার নবাবের প্রাধান্য ঘোষণা করিল বটে, কিন্তু ধনাগারের একটি টাকাও নবাবকে দিতে সম্মত হইল না। এদিকে সীতাপুরের ৪১ সংখ্যক সিপাহীদল নৌকার গব্বা পার হইয়া, ফরক্কাবাদের উপস্থিত হইল। ১০ সংখ্যক দলের সিপাহীগণ ইহাদিগকে আপনাদের অধিকৃত অর্থের অংশ দিতে সম্মত হইল না। ৪১ সংখ্যক দলের সিপাহীরা এজন্ত ফ্রুদ্ধ হইয়া উঠিল, এবং ইউরোপীয় অফিসারদিগকে অক্ষতশরীরে ছাড়িয়া দিয়াছে বলিয়া, তাহাদিগকে যথোচিত ভৎসনা করিল। কিন্তু ১০ সংখ্যক দলের সিপাহীগণ এই তিরস্কারবাক্যে কণপাত করিল না। তাহার অর্থের লালসায় অধিনায়কদিগের বিরুদ্ধাচরণে প্রবৃত্ত হইয়াছিল। এখন অর্থলাভের সহিত তাহাদের আকাঙ্ক্ষার পরিতৃপ্তি হইয়াছিল। তাহার ইউরোপীয়দিগের শোণিতপাতে আগ্রহ প্রকাশ করিল না, অধিনায়কদিগকে আক্রমণ করিতেও তাহাদের প্রবৃত্তি হইল না। ইউরোপীয়দিগের দ্রব্যাদি লুণ্ঠন বা ইউরোপীয়দিগের গৃহসমূহের ভস্মীকরণেও তাহার দলবদ্ধ হইয়া উঠিল না। তাহার টাকার জন্ত ধনাগার আপনাদের অধিকারে রাখিয়াছিল, এখন টাকা পাইয়া অনেকে সমুদ্রতটে আপনাদের গৃহাভিমুখে প্রস্থান করিল। যাহারা রহিল, তাহাদের সহিত ঘটনাক্রমে কাওয়াজের ক্ষেত্রে ৪১ সংখ্যক দলের সিপাহীদিগের যুদ্ধ ঘটিল। এই যুদ্ধে উভয়পক্ষের কতিপয় ব্যক্তি নিহত হইল। ১০ সংখ্যক দলের হতাবশিষ্ট সিপাহীগণ অতঃপর উপারান্তর না দেখিয়া,

৪১ সংখ্যক দলের মতামতবর্তী হইল। এইরূপে উভয় দলের সিপাহীরা সম্মিলিত হইয়া, ইংরেজদিগের আশ্রয়ভূগর্ভ আক্রমণের জন্ত শুভকর দিন নির্ধারণ করিতে লাগিল। তাহাদের মতে ২৫শে জুন সর্বাংশে শুভজনক দিন বলিয়া নির্দ্ধারিত হইল। তাহারা ঐ দিনে ইংরেজদিগের ভূগর্ভ আক্রমণে কৃতসঙ্কল্প হইল।

ফরকাবাদে এখন ৪১ সংখ্যক দলেরই প্রাধান্য হইল। নবাব ইহাদের পরিপোষক হইলেন। তিনি ইহাদের বলবৃদ্ধির জন্ত খাজসামগ্রীর আয়োজন করিয়া দিতে লাগিলেন, ইহাদের উৎসাহবৃদ্ধির জন্ত অস্ত্রশস্ত্রসংগ্রহে ব্যাপৃত হইলেন, ইহাদের শৃঙ্খলারক্ষার জন্ত যথোপযুক্ত আদেশ প্রচার করিতে লাগিলেন। এইরূপে নবাবের ক্ষমতায় যাহা হইতে পারে, তৎসমুদয়ই সম্পন্ন হইল। কিন্তু সিপাহীরা ভূগর্ভ আক্রমণে উদ্বৃত্ত হইল না। তাহারা নির্দিষ্ট শুভকর দিনের প্রতীক্ষায় রহিল। এইরূপ বিলম্ব ভূগর্ভস্থ ইংরেজদিগের স্বার্থসাধনের অন্তকূল হইল। ইংরেজেরা এই সুযোগে আত্মরক্ষার জন্ত যাহা কিছু হইতে পারে, তাহা সম্পন্ন করিলেন।

ক্রমে নির্দিষ্ট দিন সমাগত হইল। সিপাহীরা আপনাদের এই শুভকর দিনে, যে সবল কুলি ভূগর্ভের সংস্কারকার্যে নিয়োজিত ছিল, তাহাদের উপর গুলিবৃষ্টি করিল। পরদিন প্রত্যুষে সিপাহীদিগের দুইটি কামান হইতে গোলা-বর্ষণ হইতে লাগিল। কিন্তু ইহাতে কোন ফল না হওয়াতে কামানের গোলা-বৃষ্টি বন্ধ করা হইল। পর দিন প্রাতঃকালে আক্রমণকারিগণ মই দ্বারা ভূগর্ভে উত্তীর্ণ হইয়া উঠিল। কিন্তু তাহারা মই ভূগর্ভপ্রাচীরের যথাস্থানে সন্নিবেশিত করিতে সমর্থ হইল না। তৎপরদিনেও তাহারা এইরূপ চেষ্টা করিল। কিন্তু কিছুতেই তাহাদের চেষ্টা ফলবর্তী হইল না। এদিকে ভূগর্ভস্থ ইউরোপীয়দিগের কামান ও বন্দুকে তাহারা যার পর নাই ক্ষতিগ্রস্ত হইল। পঞ্চম দিনে তাহারা আপনাদের কার্যপ্রণালীর পরিবর্তন করিল। ভিন্ন ভিন্ন উপায় ব্যর্থ হইল দেখিয়া, তাহারা অভিনব উপায়ের উদ্ভাবন করিল। ভূগর্ভের সন্নিকটে হোসেনপুর নামক একটি পল্লী ছিল। এই পল্লীস্থিত গৃহের ছাদের উপর উঠিলে ভূগর্ভের অভ্যন্তরভাগের একাংশ ভালরূপে দেখা যাইত। সিপাহীগণ পঞ্চম দিনে এই সকল গৃহের ছাদের উপর উঠিয়া লক্ষ্য নির্দেশপূর্বক গুলি চালাইতে লাগিল। ইহাতে তাহাদের নিকৃষ্ট গুলি সর্বিশেষ কার্যকর হইয়া

উঠিল। এই সময়ে তাহাদের দলের কতকগুলি লোক দুর্গের প্রায় ৭ গজ দূরবর্তী একটি ক্ষুদ্র গৃহ অধিকার করিল। এই স্থান হইতে তাহারা দুর্গ-প্রাচীরের সম্মুখে আসিল এবং উক্ত প্রাচীরে ছিদ্র করিয়া দুর্গস্থিত গোলন্দাজ-দিগের উপর গুলি চালাইতে লাগাইল। গোলন্দাজগণ তাহাদের গুলিবৃষ্টিতে একান্ত বিব্রত ও বিশৃঙ্খল হইয়া পড়িল। তাহাদের কামান অকর্মণ্য হইয়া গেল। পরে আক্রমণকারিগণ কুল্যাখননে প্রবৃত্ত হইল। কুল্যা ফুটিয়া উঠাতে সমগ্র দুর্গ কম্পিত হইল এবং উহার বহিঃপ্রাচীরের ৫৬ গজপরিমিত অংশ উড়িয়া গেল। সিপাহীরা অত্যন্ত দলবদ্ধ হইয়া দুই বার দুর্গ আক্রমণ ও অধিকার করিবার চেষ্টা করিল, কিন্তু রুতকার্য্য হইতে পারিল না। দুর্গস্থিত ইংরেজদিগের মধ্যে তাহারা আক্রমণকারীদিগের কার্য্যপার্থ্যবেক্ষণে নিয়োজিত ছিলেন, তাহাদের এক জন সিপাহীদিগকে দুর্গের ভগ্নস্থানের নিম্নে সমবেত দেখিয়া গুলি চালাইতে থাকেন। এই সময়ে দুর্গস্থিত এক জন ইংরেজ বাজকের নিক্ষিপ্ত গুলির আঘাতে দুর্গাক্রমণকারীদিগের অধিনায়ক নিহত হয়। ইহার নাম মুলতান খাঁ। এই ব্যক্তি প্রথমে বদায়ুনের মাজিষ্ট্রেট এডওয়ার্ডস সাহেবের পলায়নসময়ে তাহার সহচর ছিল। কিন্তু ইহাতেও আক্রমণকারিগণ ভয়োৎসাহ হয় নাই। তাহারা পুনর্বার গুলিবৃষ্টি করিতে প্রবৃত্ত হয়, এবং পুনর্বার কুল্যাখননের আয়োজন করে।

এদিকে দুর্গস্থিত ইউরোপীয়গণ বিশিষ্ট সাহস ও পরাক্রমের সহিত আত্ম-রক্ষা করিতে থাকেন। তাহারা সংখ্যায় কম হইলেও হতাশাস হইয়েন নাই, অস্ত্রাদি পর্য্যাপ্তপরিমাণে না থাকিলেও আত্মসমর্পণের ইচ্ছা করেন নাই। বাগবালিকা, কুলমহিলাগণ নিকটে থাকিলেও অধৈর্য্য হইয়া সাহসিক কার্য্য-সাধনে উদাসীন থাকেন নাই। দিনের পর রাত্রি আসিয়াছে। প্রতিদিন প্রাতি রাত্রিতেই তাহারা সমান উত্তম, সমান উৎসাহ, সমান পরিশ্রমের সহিত কামানের পার্শ্বে থাকিয়া, সিপাহীদিগের আক্রমণ নিরস্ত করিয়াছেন। তাহারা কিছুতেই পশ্চাৎপদ হইয়েন নাই। জীবন যখন সঙ্কটাপন্ন হয়, প্রাতি-মুহূর্ত্তে যখন নানা বিপদ ঘটিতে থাকে, বিপদ যখন ছনিবার্য্য হইয়া উঠে, চারি দিক যখন অন্ধকারময় হইয়া বিভীষিকা দেখাইতে থাকে, তখন ইংরেজ যেমন নিভীকতার সহিত বিপত্তিময় কর্ম্মক্ষেত্রে অবতীর্ণ হইয়েন, যেমন সাহসের

সহিত আত্মরক্ষার আয়োজন করিতে থাকেন, যেমন তৎপরতার সহিত সমস্ত বিষয় সুশৃঙ্খল করিয়া তুলেন, জগতে তাহার দৃষ্ট যেমন প্রশংসনীয়, সেইরূপ মানবের মহৎগুণের পরিচায়ক। উপস্থিত সময়ে ইংরেজ যেখানে বিপদাপন্ন হইয়াছেন, সেইখানে তাঁহার উৎসাহ ও উত্তম পূর্ণমাত্রায় পরিক্ষুট হইয়াছে। ফতেগড়ের দুর্গে ইংরেজ ঘোরতর বিপত্তিতে পরিবেষ্টিত হইয়াছিলেন। তাঁহার। সংখ্যায় অল্প ছিলেন। তাঁহাদের রক্ষণীয় বালকবালিকা ও কুলকামিনীগণ তাঁহাদেরই সমক্ষে কাতরভাবে দেখাইতেছিল। তাঁহাদের গোলাগুলি নিঃশেষপ্রায় হইয়াছিল। তাঁহাদের দুর্গ স্থানে স্থানে ভগ্ন, তাঁহাদের দুর্গদ্বার নানাস্থানে ছিদ্রযুক্ত হইয়াছিল। তাঁহাদের দুইটি কামান অকর্মণ্য হইয়া পড়িয়াছিল। তথাপি তাঁহারা হতোভয় হইয়া নাই। তাঁহাদের গুলি নিঃশেষিত হইল। তাঁহারা হাতুড়ি, জুপ, চাকা, লোহা প্রভৃতি কামানের কারখানার যন্ত্রাদি গনি ব্যাগের মধ্যে সেলাই করিয়া গুলির কার্য চালাইতে লাগিলেন। তাঁহাদের মধ্যে যুদ্ধকার্যে অভ্যস্ত সৈনিকপুরুষের সংখ্যা অল্প ছিল। কিন্তু ইহাতেও তাঁহাদের উত্তম ভঙ্গ হইল না। শান্তির সময়ে বাহারা সংসারের অল্প কার্যে ব্যাপৃত থাকিতেন, তাঁহারা এখন সৈনিকব্রত অবলম্বন করিলেন। দেওয়ানি বিভাগের কর্মচারী অন্ত্রশস্ত্রে সজ্জিত হইয়া, বিপক্ষের আক্রমণ নিরস্ত করিতে লাগিলেন, ধর্মযাজক আপনার ধর্মপুস্তক ও ধর্মোপদেশ ছাড়িয়া, বন্দুক গ্রহণ করিলেন। অধিক কি, কুলমহিলা আপনার স্বাভাবিক কোমলতার বিসর্জন দিয়া, অন্ত্রপরিগ্রহপূর্বক বিপক্ষদিগকে নিহত করিতে লাগিলেন।* এইরূপে আক্রমণকারীদিগের সমক্ষে আক্রান্তগণ সাহস ও উত্তমের একশেষ দেখাইতে লাগিলেন। কিন্তু এইরূপ অসামান্য উত্তম ও সাহস দেখাইতে, তাঁহারা দীর্ঘকাল দুর্গে থাকিতে পারিলেন না। তাঁহাদের আত্মরক্ষার সম্বল নিঃশেষিত হইল। কামানের কারখানার যন্ত্রাদিও ক্রমে গোলাগুলির কার্যে নিঃশেষিত

* সৈনিকদিগের কাপড়ের কারখানার এক ব্যক্তি নিহত হয়। ইহার স্ত্রী স্বামিবিরোধে অধৈর্য না হইয়া যুদ্ধকার্যে মনোনিবেশ করেন। ইহার গুলিতে অনেক সিপাহী নিহত হয়। কেহ কেহ নির্দেশ করিয়াছেন যে, এই বিধবা নারী সিপাহীদিগের গুলিতে দেহত্যাগ করেন। অগ্নিতে কহিয়াছেন যে, ইনি কাপড়ের নিহত করেন। ইহার নাম বিবি অহারাং।—*Kaye, Sepoy War. Vol III. p. 298, note.*

হইয়া গেল। এদিকে তাহাদের সাহসী সৈনিকগণ বিপক্ষদিগের গুলির আঘাতে দুর্গপ্রাচীরে দেহভাগ করিতে লাগিল। কর্ণেল স্মিথ সাহায্যপ্রাপ্তির জন্ত ফরাসি ডাঘায় পত্র লিখিয়া আগ্রায় পাঠাইলেন। তাঁহার পত্র যথাস্থানে পৌঁছিল। আগ্রার সিপাহীগণ নিরস্ত্রীকৃত হইয়াছিল। সুতরাং কতিপয় ইউরোপীয় সৈনিকপুরুষ পাঠাইবার প্রস্তাব হইল। মেজর ওয়েলার এই সৈনিকদলের পরিচালনের ভারগ্রহণে সম্মত হইলেন। কিন্তু প্রস্তাব কার্যে পরিণত হইল না। কর্ণেল স্মিথ আশাবিহীনভাবে আগ্রার পথ চাহিয়া রহিলেন। কিন্তু কোন সাহায্যকারী সৈনিক উপস্থিত হইয়া তাঁহাকে আশ্বাস দিল না। কর্ণেল অতঃপর দুর্গরক্ষায় হতাশ্বাস হইয়া পড়িলেন। তিনি ঐ স্থানে আশ্রয়কার কোন অবলম্বন না পাইয়া, পলায়নের উপায় দেখিতে লাগিলেন।

মৌভাগ্যক্রমে এই সময়ে পলায়নের সুযোগ ঘটয়াছিল। বর্ষার আবির্ভাবে গঙ্গার জলবৃদ্ধি হইয়াছিল। সুতরাং কর্ণেল স্মিথ জলপথে কাণপুরে যাইবার ইচ্ছা করিলেন। তিন খানি বড় বড় নৌকা সংগৃহীত হইল। ৩রা জুলাই নিশীথকালের গভীর অন্ধকারে আত্মগোপন করিয়া বালকবালিকাসমেত ১০০ জন ব্রীষ্টান্দর্শাবলম্বী নৌকায় আরোহণ করিল। এইরূপে ক্ষতেগড় হইতে পলাতকদিগের দ্বিতীয় দল যাত্রা করিল। প্রথম দলের অদৃষ্টে কি ঘটয়াছিল তাহা জানা যায় নাই। অনেকে মনে করেন যে, কাণপুরের লোমহর্ষণকাণ্ডে ইহাদের প্রাণান্ত ঘটয়াছিল। দ্বিতীয় দল ইহাদের অপেক্ষা মৌভাগ্যশালী হয় নাই। এই দলের অদৃষ্টে যাহা ঘটে, তাহা বৈরাগ্য গভীর মর্শ্বেদনার উদ্দীপক, সেইরূপ উপস্থিত ভয়ঙ্কর সময়ের ভয়ঙ্কর ভাবের উত্তেজক। রাত্রি ২টার সময়ে সকলে নৌকার উঠিলে উহা ছাড়িয়া দেওয়া হয়। কর্ণেল স্মিথ, কর্ণেল গোল্ডি এবং মেজর রবার্টসন্ এক এক খানি নৌকার অধ্যক্ষ হইলেন। পলাতকদলে পরিপূর্ণ তিন খানি নৌকা তিন জন ইংরেজ সৈনিকপুরুষের তত্ত্বাবধানে ক্ষতেগড় হইতে যাত্রা করে। কিন্তু কিছু দূর যাওয়ার পর কর্ণেল গোল্ডির নৌকা চড়ায় আবদ্ধ হইয়া যায় এবং উহার হাল নষ্ট হয়। আরোহীগণ নৌকার উদ্ধারে বৃথা চেষ্টা করে। এই সময়ে সুলতানপুরনামক পল্লীর অধিবাসীগণ দলবদ্ধ হইয়া আরোহীদিগকে আক্রমণ করে। কতিপয় ইউরোপীয়

নোকা হইতে নামিয়া ইহাদিগকে তাড়াইয়া দেয়। কর্ণেল গোল্ডির নোকার লোকে উপায়ান্তর না দেখিয়া কর্ণেল স্মিথের নোকায় আশ্রয় গ্রহণ করে। ভয়াভূত ও নির্দাক জীবে বোকাই ছই থানি নোকা ভাগীরথীর প্রবাহবেগে অগ্রসর হইতে থাকে।

কিন্তু অদৃষ্টদোষে আরোহিণ শান্তিস্থলের অধিকারী হইতে পারিল না। তাহারা জীবনরক্ষার জন্য ফতেগড়ের দুর্গ পরিত্যাগ করিয়াছিল। কিন্তু তাহাদের সম্মুখে সহসা কালের করাল মূর্তি আবির্ভূত হইল। সিপাহীরা যখন জানিত পারিল যে, ফিরঙ্গিগণ নোকায় চড়িয়া ফতেগড় হইতে প্রস্থান করিয়াছে, তখন তাহারা তাড়াতাড়ি খেয়াঘাটের নোকা সংগ্রহ করিয়া পলাতকদিগের অহুসরণ করিল। এদিকে একটি কামান গঙ্গার দক্ষিণতটে স্থাপিত হইল। নদীর উভয়তীরস্থিত পল্লীর অধিবাসিগণ নিরতিশয় উত্তেজিত-ভাবে পলাতকদিগকে আক্রমণ করিল। মুসলমান পল্লীর লোকই এবিষয়ে অধিকতর উত্তেজনার পরিচয় দিতে লাগিল। এই সকল আক্রমণকারীর সমক্ষে পলাতকদিগের নিষ্কুতিলাভ ছুটি হইয়া উঠিল। ইহার মধ্যে মেজর রবার্টসনের নোকা সিংহরামপুর পল্লীর নিকটে চড়ায় আবদ্ধ হইয়া গেল। ইহার মধ্যে অহুসরণকারী সিপাহীগণ উপস্থিত হইয়া আরোহীদিগকে আক্রমণ করিল। কাণপুরের প্রান্তবাহিনী জাহ্নবীর ঘাটে যাহা ঘটয়াছিল, সিংহরামপুরের সমীপবর্তিনী জাহ্নবীর জলপ্রবাহের মধ্যে তাহাই ঘটিল। কুলমহিলাগণ অস্ত্র কোন উপায় না দেখিয়া, শিশুসন্তানদিগকে লইয়া ভাগীরথীর জলে ঝাঁপ দিয়া পড়িল। ইহাদের কেহ কেহ জলমগ্ন হইল, কেহ কেহ বিপক্ষদিগের গুলিতে দেহত্যাগ করিল, কেহ কেহ অসির আঘাতে মৃত্যুর ক্রোড়ে চিরনিদ্রিত হইল। রবার্টসন্ প্রভৃতি তিন ব্যক্তি কোনরূপে আত্মরক্ষা করিলেন। ধর্ম্মযাজক ফিশার সাহেব ফতেগড়ের দুর্গে সবিশেষ সাহসের পরিচয় দিয়াছিলেন, তিনি গুরুতররূপে আহত হওয়াতে আপনার স্ত্রী ও শিশুসন্তানকে বাহতে লইয়া গঙ্গার ঝাঁপ দেন, এবং ঐ অবস্থায় জলমগ্ন হইলেন। তাহার বাহদেশে ভদ্রীয়া স্ত্রী ও শিশুসন্তানের মৃত্যু হয়। তিনি কোনরূপে প্রাণ রক্ষা করিয়া, রাত্রিকালে লুকায়িতভাবে থাকেন, এবং প্রত্যুষে কর্ণেল স্মিথের নোকায় উঠেন। নোকায় উঠিয়াই তিনি প্রবলবেগে অশ্রপাত করিতে

করিতে কহিয়াছিলেন যে, “আমার স্ত্রী ও শিশুসন্তান আমার বাহাদেশেই দেহত্যাগ করিয়াছে”। জীবনরক্ষা হইলেও রবার্টসন সাহেবের অবস্থা নিরতিশয় শোচনীয় হইয়া উঠিল। তাঁহার স্ত্রী ও শিশুসন্তান ভাঁহা হইতে বিচ্ছিন্ন হইয়া জলমগ্ন হইল। রবার্টসন স্বয়ং আহত হইয়াছিলেন। এক জন ইউরোপীয় নীলকর তাঁহার সঙ্গে ছিলেন। তিনি আহত সহযোগীকে একটি দাঁড়ের উপর তুলিয়া ভাসিতে ভাসিতে চলিলেন। নিশীথকালে তাঁহারা তীরে উঠিয়া কোলহর নামক পল্লীতে লুকাইতভাবে রহিলেন। এই স্থানের সরল-প্রকৃতি কৃষাগণ তাঁহাদের শোচনীয় অবস্থা দর্শনে নিরতিশয় দয়াদ্র হইয়া, তাঁহাদিগকে আশ্রয় দিল। পলাতকগণ আশ্রয়দাতাদিগের প্রদত্ত খাদ্যসামগ্রীতে তৃপ্তিলাভ করিলেন। রবার্টসন সাহেব সাংঘাতিকরূপে আহত হইয়াছিলেন, স্তব্ধতা তাঁহার সঙ্গী নীলকর সাহেব তাঁহাকে একাকী ফেলিয়া বাইতে পারিলেন না। দুই মাস পরে সমুদয় শেষ হইল। রবার্টসন সাহেব গুরুতর আঘাতে দেহত্যাগ করিলেন। তাঁহার সহযোগী নীলকর সাহেব তদীয় সমাধিক্রিয়া সম্পন্ন করিয়া কাণপুরে উপনীত হইলেন। এদিকে যে সকল আরোহী উত্তেজিত সিপাহীদিগের বন্দী হইয়াছিল, তাহাদিগকে নবাবের আদেশে কামানে উড়াইয়া দেওয়া হইল। ইহার মধ্যে কর্ণেল স্মিথের নৌকা, অবশিষ্ট শোচনীয় দশাগ্রস্ত জীবদিগকে লইয়া, কাণপুরের অভিমুখে অগ্রসর হইতে থাকে। পথে দয়াদ্র পল্লীবাসিগণ ইহাদের যথোচিত সাহায্য করে। পলাতকগণ পল্লীবাসীদিগের সদয়ভাবে আশ্রয়লাভ হইয়া, তাহাদের গৃহে আশ্রয়গ্রহণ পূর্বক তাহাদের প্রদত্ত খাদ্য ভোজন করিয়া পরিতৃপ্ত হয়। এই সকল জীবের অদৃষ্টে কি ঘটয়াছিল, ইতিহাস সুস্পষ্টরূপে তাহার নির্দেশ করিতে সমর্থ হয় নাই। অনেকে অহুমান করেন যে, ইহারা কাণপুরে অত্যাচার ইউরোপীয়দিগের সহিত বিনষ্ট হয়। কথিত আছে, পুরুষ, স্ত্রীলোক, বালকবালিকাতে দুই শতেরও অধিক খ্রীষ্টধর্মাবলম্বী জুন মাসের প্রারম্ভে ফতেগড় ও উহার পার্শ্ববর্তী স্থানে ছিল। ইহাদের প্রায় সকলেই জলপথে বা যে স্থানে নিরাপদ হইবে জাবিয়া বাইতেছিল, সেই স্থানে নিহত হয়।

এইরূপে ইংরেজেরা ফরক্কাবাদ হইতে তড়িত হইলেন। ফরক্কাবাদে তাঁহাদের আধিপত্য, তাঁহাদের প্রাধান্য, তাঁহাদের ক্ষমতার সমস্ত চিহ্ন বিলুপ্ত

হইয়া গেল। পলায়নসময়ে তাঁহাদের অনেকের প্রাণান্ত ঘটিল, অনেকে ছদ্মবেশে ভারতবাসীর অসামান্য দয়ালুতার নিৰ্জন স্থানে লুকায়িতভাবে রহিলেন। নবাব ডফফুলহোসেন খাঁ ফরক্কাবাদের গদিতে প্রতিষ্ঠিত হইয়া শাসনদণ্ডের পরিচালনায় প্রযুক্ত হইলেন। কিন্তু তাঁহার তাদৃশ গুণ বা ক্ষমতা ছিল না। অমিতাচার ও অতিব্যয় প্রযুক্ত তাঁহার বৈবয়িক কার্য বিশৃঙ্খল হইয়া পড়িয়াছিল। ব্রিটিশ গবর্ণমেন্টের যত্নে উহা স্ফুৰ্ণিত হয়। নবাব তখন নিশ্চিন্তমনে আপনার ভোগবাননার তৃপ্তিসাধন করিতে থাকেন। ফরক্কাবাদের লোকে যাহাকে এক সময়ে ব্রিটিশ গবর্ণমেন্টের অল্পগ্রহপ্রার্থী ও ব্রিটিশ গবর্ণমেন্টের পেন্সনগ্রাহী ভিন্ন আর কিছুই ভাবিত না, তিনি এখন স্বাধীন নবাব হইলেন। যাহাদের অল্পগ্রহে ও যত্নে তাঁহার সম্পত্তিরক্ষা হইয়াছিল, তিনিই শেষে তাহাদিগকে নিৰ্জিত, নিকশিত ও নিহত করিলেন। এইরূপে কৃতজ্ঞতার পরিচয় দিয়া, তিনি এখন ফরক্কাবাদের গদিতে প্রতিষ্ঠিত হইলেন। এখন তাঁহার নামে আদেশপত্র প্রচারিত, তাঁহার নামে রাজস্ব সংগৃহীত এবং তাঁহার নামে শাসনকার্য্য নিৰ্ব্বাহিত হইতে লাগিল। জমাদার, রেসলাদার প্রভৃতি উচ্চপদস্থ সৈনিক পুরুষেরা অধিকতর ক্ষমতাপ্রাপ্তির আশাতেই হউক, বা অর্থলোভেই হউক, তাঁহার অধীনতা স্বীকার করিলেন। যাহারা দেওয়ানি-বিভাগের কার্য্যে নিয়োজিত ছিলেন, তাঁহাদেরও অনেকে নবাবের কার্য্য করিতে অসম্মতি প্রকাশ করেন নাই। কথিত আছে, ছয় জন তহশীলদারের মধ্যে তিন জন এবং এগার জন প্রধান পুলিশ কর্ম্মচারীর মধ্যে ছয় জন নবাবের কর্ম্ম গ্রহণ করেন। নয় জন পেকারের মধ্যে পাঁচ জন এবং এক জন ব্যতীত সমুদয় কাননগু নবাবের সরকারে নিয়োজিত হইলেন। এতদ্ব্যতীত মোহেরর, নাজীর, বরকন্দাজ প্রভৃতিও অভিনব শাসনকর্ত্তার অধীনতা স্বীকার করে। কিন্তু কোজদারী ও রাজস্ববিভাগের সেয়েস্তাদারগণ এবং কোজদারীর নাজীর নবাবের সরকারে কর্ম্ম গ্রহণ করেন নাই। এই শেষোক্ত কর্ম্মচারী এতদ্ব্যতীত নিপীড়িত হইলেন। তাঁহার সম্পত্তির কিয়দংশ বিলুপ্তিত হয়। তিনি নিজে জরিমানা দিতে বাধ্য হইলেন।* যাহা হউক, ইংরেজেরা তাদৃশ হইলেও এবং

* Kaye, Sepoy War Vol. III. p. 305, note.

আগাততঃ তাঁহাদের ক্ষমতা ও প্রাধাত্যের কোন নিদর্শন না থাকিলেও, কোনও স্থানে দীর্ঘকাল শৃঙ্খলার সহিত শাসনকার্য সম্পন্ন হয় নাই। বাঁহারা পূর্বতন বংশ-গৌরব বা পূর্বপুরুষের প্রাধাত্য ও ক্ষমতার বলে অপ্রধানভাবে শাসনকার্য-নির্বাহে অগ্রসর হইয়াছিলেন, তাঁহাদের বাসনা সিদ্ধ হয় নাই। তাঁহারা সকলকে জাতীয়ভাবে সম্বন্ধ করিতে পারেন নাই, সুতরাং সকলের মধ্যে একপ্রাণতা ও সমবেদনার সঞ্চার হয় নাই। অনেকে কেবল দুর্নিবার ভোগলালসার পরিতৃপ্তির জন্ত অভিনব শাসনকর্তার নাম মাত্র অধীনতা স্বীকার করিয়াছিল। কিন্তু কাহ্যতঃ ইহারা অপ্রধান হইয়া, আপনাদের আকাঙ্ক্ষার তৃপ্তি করিয়াছিল। সংযতচিত্ত, দূরদর্শী লোকে ইহাদের অসুবত্তা হয় নাই। তাহারা কেবল ভয়প্রযুক্ত অভিনব শাসনকর্তাদিগের অধীন হইয়াছিল। কিন্তু এই শাসনকর্তাদিগের উপর তাহাদের কিছুমাত্র শ্রদ্ধা ছিল না। তাহারা ব্রিটিশ গবর্ণমেন্টের প্রাধাত্যপ্রাপ্তির প্রতীক্ষায় ছিল। * ইংরেজ ইহাদেরই সদাশয়তার আশ্বাস দেন এবং প্রধানতঃ ইহাদেরই সাহায্যে আপনাদের বিলুপ্তপ্রায় ক্ষমতার পুনরুদ্ধারে উত্তত হইলেন।

ফতেপুরের কথা শেষ করিবার পূর্বে বদায়ুনের মাজিষ্ট্রেট এডওয়ার্ডস সাহেবের অদৃষ্টে কি ঘটিয়াছিল, তাহার উল্লেখ করা আবশ্যক। পূর্বে উক্ত হইয়াছে যে, এডওয়ার্ডস সাহেব উপরাস্তর না দেখিয়া বদায়ুন হইতে পলায়ন করিয়াছিলেন। তাঁহার স্ত্রী ও শিশুসন্তান নৈনিতালে প্রেরিত হইয়াছিল। মাজিষ্ট্রেট সাহেবকে ছদ্মবেশ পরিগ্রহ করিতে হইয়াছিল। তিনি হিন্দুস্থানীর বেশে এক পল্লী হইতে অগ্র পল্লীতে গিয়া, আশ্বগোপন করিয়াছিলেন। পথে সদাশয় ভারতবর্ষীয়গণ তাঁহার যথোচিত সাহায্য করে। এক দিন তিনি প্রচণ্ড আভ্যুতপাতে ও ও পথের ধূলিতে একান্ত অবসন্ন হইয়া একটি পল্লীতে উপস্থিত হইলেন। এই স্থানে গবর্ণমেন্টের পেম্পনপ্রায় একজন বৃদ্ধ সিপাহী বাস করিতেছিল। এই ব্যক্তি কালেক্টর সাহেবের দ্রববস্থা দেখিয়া দুঃখিত হয়। কালেক্টর সাহেব জল চাহিলেন, বৃদ্ধ সিপাহী দুধ ও চাপাটী দিয়া তাঁহার তৃপ্তিসাধন করিল। পলাতকগণ আতিথেয় সিপাহীর পরিচর্যায় পরিতুষ্ট হইয়া, এক ঘণ্টার পর সেই

* Syed Ahmed Khan, Causes of the Indian revolt, p. 48.

স্থান হইতে বার্তা করেন । যাইবার সময়ে কালেক্টর সাহেব সিপাহীকে কিছু টাকা দিতে চাহিয়াছিলেন, কিন্তু সিপাহী উহা গ্রহণ না করিয়া, দুঃখিতভাবে বলিয়াছিল—“এখন আমার অভাব অপেক্ষা আপনাদের অভাব বেশী । আমি বাড়ীতে বাস করিতেছি, আপনারা জঙ্গলে জঙ্গলে বেড়াইতেছেন । যদি আপনাদের আধিপত্য পুনঃপ্রতিষ্ঠিত হয়, তাহা হইলে আমাকে এবং আমার এই সামান্য কার্যের বিষয় মনে রাখিবেন ।” * এইরূপে নানা স্থানে নানা লোকের নিকটে সাহায্য পাইয়া, তিনি অযোধ্যার অন্তর্গত ধরমপুরনামক স্থানে উপনীত হইলেন । এই স্থানে হরদেব বক্স নামক এক জন সম্ভ্রান্ত ভূস্বামী ছিলেন । তিনি বিপন্ন পলাতকদিগকে সবিশেষ আদর ও যত্নের সহিত আশ্রয় দেন । এডওয়ার্ডস সাহেব ও তাঁহার সহযোগীগণ হরদেব বক্সের আশ্রয়ে কিছুকাল অবস্থিত করেন । সদাশয় ভূস্বামী আশ্রিতদিগের তৃপ্তিসাধনে ও শান্তিবিধানে কিছুমাত্র অমনোযোগী হইলেন নাই । ধরমপুরের অত্যন্ত সম্ভ্রান্ত হিন্দুগণ ইঁহাদের সুখশান্তির জন্ত সবিশেষ প্রয়াস স্বীকার করেন । যখন ফতেগড়ের সিপাহীরা প্রবল হইয়া হইয়া উঠে ; ইংরেজেরা যখন আত্মরক্ষায় অসমর্থ হইয়া দুর্গ পরিত্যাগপূর্বক জলপথে আশ্রয়স্থানের প্রত্যাশায় যাত্রা করেন ; ফরক্কাবাদের নবাব যখন ইউরোপীয়দিগকে তাড়িত বা বিনষ্ট করিবার জন্ত উত্তেজিত সিপাহীদিগকে উৎসাহিত করিতে থাকেন ; তখন হরদেব বক্স ইউরোপীয়দিগকে আশ্রয় দিয়াছেন ভাবিয়া, সাতিশয় উদ্ভিগ্ন হইয়াছিলেন বটে, কিন্তু বিপন্ন আশ্রিতদিগকে বিপক্ষদিগের হস্তে সমর্পণপূর্বক আত্মমর্য্যাদার সহিত দয়া ও হিতৈষিতার সম্মান বিনষ্ট করেন নাই । পলাতকগণ ধরমপুর হইতে প্রতিদিন কামানের গভীর শব্দ শুনিতেছিলেন, প্রতিদিন এই গভীর শব্দে তাঁহাদের হৃদয়ে গভীর আশঙ্কা বা আত্মাঙ্গের সঞ্চার হইতেছিল । ক্রমে কামানের ধ্বনির নিরন্তর হইল । পলাতকদিগের হৃদয় ক্রমে গভীর নৈরাশ্রে অভিভূত হইতে লাগিল । এই সময়ে হরদেব বক্স বিপদের আশঙ্কায় তাঁহাদিগকে অদূরবর্তী কোন নির্জন স্থানে পাঠাইয়া দেন । যেহেতু, ফরক্কাবাদের নবাব শুনিয়াছিলেন যে, তাঁহার আশ্রয়ে কতিপয় ইউরোপীয় অবস্থিত করিতেছে । নবাব এই

* *Edwards, Personal Adventures, p. 37.*

সংবাদ শুনিয়াই হরদেব বন্ধকে বলিয়া পাঠাইয়াছিলেন যে, ইউরোপীয়দিগকে যেন অবিলম্বে তাঁহার নিকটে পাঠান হয়। অত্যাচার হরদেব বন্ধের জীবন ও সম্পত্তি কখন নিরাপদ হইবে না। কিন্তু ভৈরবী হরদেব বন্ধ এই কথায় কর্ণপাত করেন নাই। তিনি আশ্রিতদিগের রক্ষায় দৃঢ়প্রতিজ্ঞ হইয়াছিলেন। এই প্রতিজ্ঞাপালনের জন্ত এখন আপনার লোকদিগকে অত্যাধিকার সজ্জিত করিয়া রাখিলেন। যে কয়েক দিন নবাবের প্রাধান্য ছিল, পলাতকগণ সেই কয়েক দিন পূর্বোক্ত দুর্গম স্থানে দুর্গতির একশেষ ভোগ করেন। তাঁহাদের বাসস্থান নিরতিশয় অপরিষ্কৃত ছিল। কুটীর গায়ই গোরু ও মহিষের মলে পরিপূর্ণ থাকিত। ইউরোপীয়গণ এই সকল বাক্শকিশুজ্ঞ জীবের সহিত নির্দোষ ও নিস্তরুভাবে অবস্থিতি করেন। এই সময়ে হরদেব বন্ধ বা তাঁহার প্রতিবাসী হিন্দুগণ নানারূপ আশঙ্কা করিয়া, ইহাদের সহিত সাক্ষাৎ করিতে যাইতেন না। যাহা হউক, তিনি কাহারও নিকটে পলাতকদিগের সন্ধান বলিয়া দেন নাই। শেষে ফরক্কাবাদের সংবাদ পাইয়া, এই দয়ালু ভূস্বামী পলাতকদিগকে পুনর্বার ধরমপুরে আনয়ন করেন। এইরূপে ভারতবাসীর অসীম করুণার ও সদাশয়তার বিপর্যয় জীবনরক্ষা হয়।

ফতেগড়ের বিপ্লবে গঙ্গা ও যমুনার মধ্যবর্তী বিস্তৃত ভূখণ্ডে ইংরেজের আধিপত্য বিলুপ্ত হইল। ইংরেজ এক সময়ে অপূর্ণ বীরত্বপ্রকাশপূর্বক যে প্রদেশে আধিপত্য স্থাপন করিয়াছিলেন, এবং গভীর রাজনীতির পরিচয় দিয়া, যে প্রদেশে শাসনশৃঙ্খলা অব্যাহত রাখিয়াছিলেন, অকস্মাৎ অভাবনীয় শক্তিতে সেই প্রদেশে তাঁহারা ক্ষমতাভ্রষ্ট হইলেন। যাহারা এক সময়ে ইংরেজের পদানত ছিল, ইংরেজের সন্তুষ্টিসাধনে যত্ন প্রকাশ করিত, এবং ইংরেজের দেহরক্ষার জন্ত সর্বদা সতর্ক থাকিত, তাহারা ইংরেজের বিরোধী হইয়া উঠিল, এবং অস্ত্রপরিগ্রহপূর্বক ইংরেজের শোণিতপাতের জন্ত আগ্রহ প্রকাশ করিতে লাগিল। রোহিলখণ্ড এবং গঙ্গাযমুনার দোয়াবের বিপ্লব, কেবল শোচনীয় নরহত্যার বা জনসাধারণের অচিন্তনীয় শক্তির জন্ত ইতিহাসে অসিদ্ধি লাভ করে নাই। উহা অভাবনীয় ব্যাপকতার জন্তও ঐতিহাসিকের গভীর বিস্ময়ের উদ্দীপক হয়। ঐতিহাসিক যদি উহার উৎপত্তি, বিস্তৃতি ও -স্থিতির বিষয় ভাবিয়া দেখেন, তাহা হইলে তাঁহার উদ্বোধ হইবে যে, এই দশা-

বিপ্লব কেবল সৈনিকনিবাসে আবদ্ধ থাকে নাই, যাহারা ইংরেজ সৈনিক-প্রধানের নিকটে ইংরেজী প্রণালী অল্পসারে সামরিক কৌশলে অভ্যস্ত হইয়াছিল, ইংরেজের প্রদত্ত সামরিক ভূষণে ও অস্ত্রশস্ত্রে সজ্জিত হইয়া, ইংরেজের ইঙ্গিতমাत्रে যুদ্ধস্থলে শুরঙ্গ প্রকাশ করিত, তাহারা কেবল সহসা ইংরেজকে বিপত্তিজালে পরিবেষ্টিত করিতে অগ্রসর হয় নাই। সিপাহীগণ যারাক্রমক কার্যসাধনে উত্তম হইয়াছিল বটে, কিন্তু তাহাদের উত্তম দীর্ঘায়ী হয় নাই এবং উহা ইংরেজের প্রাধান্য ও আধিপত্যের মূলদেশও ক্ষয় করিতে পারে নাই। ইতিহাস দেখাইয়া দিতেছে যে, সিপাহীগণ যেখানে উত্তেজনার পরিচয় দিয়াছে, সেইখানেই তাহারা ধনাগার লুণ্ঠন করিয়াছে, কয়েদামিগকে ছাড়িয়া দিয়াছে, এবং সম্মুখে যে সকল ইউরোপীয়কে পাইয়াছে, তাঁহাদিগকে নিহত ও তাহাদের অধ্যুষিত গৃহ ভস্মীভূত করিয়া, অতীষ্ট অর্থ সংগ্রহপূর্ব্বক আপনাদের গৃহাভিমুখে প্রস্থান করিয়াছে, অথবা দিল্লীতে গিয়া, অপরাপর সিপাহীর সহিত সম্মিলিত হইয়াছে। তাহারা ভিন্ন ভিন্ন স্থানে থাকিয়া ইংরেজের প্রাধান্যনাশ এবং আপনাদের আধিপত্যরক্ষার চেষ্টা করে নাই, এবং ইংরেজকে স্বদেশ হইতে দূরীভূত করিবার জন্ত একটি নির্দিষ্ট প্রণালী অল্পসারে কর্মক্ষেত্রে অবতীর্ণ হয় নাই। তাহাদের অনেকে এই বিপ্লবের সময়েও ধীরতার পরিচয় দিয়াছে। বেরেলীর অনিয়মিত সৈনিকগণ সহসা তাহাদের উত্তেজিত স্বদেশবাসীর সহিত সম্মিলিত হয় নাই। একদল যখন ইংরেজের বিরুদ্ধাচরণে সমুখিত হইয়াছে, অল্প দল তখন গভীর আশঙ্কায় বিচলিত হইয়া, তাহাদের পথাহার্য করিয়াছে। তাহারা ভাবিয়াছে যে, ইংরেজের ক্রোধে সকলেই সমভাবে বিনষ্ট হইবে। এক দলের অদৃষ্টে যাহা ঘটিয়াছে, অল্প দলের অদৃষ্টে তাহাই ঘটিবে। তাহারা হয় নিরস্ত্রীকৃত ও ঘোরতর দুর্দশাগ্রস্ত হইবে, না হয়, তাহাদের দেহ কামানে বিচ্ছিন্ন বা ইতস্ততঃ বিক্ষিপ্ত হইয়া যাইবে। এইরূপ গভীর আশঙ্কায় তাহারা সন্তপ্তহৃদয়ে ইংরেজের বিপক্ষে অস্ত্রপরিগ্রহ করিয়াছিল। মীরাটের ঘটনার পর সিপাহীদিগের হৃদয় এইরূপে বিচলিত হইয়াছিল। এইরূপ মনোবেদনায় অধীর হইয়া, তাহারা ইংরেজের প্রদত্ত অস্ত্রই ইংরেজের বিরুদ্ধে প্রয়োগ করিয়াছিল, কিন্তু অস্ত্রপরিগ্রহ করিলেও তাহারা আপনাদের মনোবেদনা গোপনে রাখে নাই। ইংরেজ যখন দিল্লী

আক্রমণ করেন, দিল্লীর ছরারোহ প্রাচীর ও সিপাহীদিগের ব্যূহ যখন ইংরেজের দৃষ্টিস্তর বিষরীভূত হয়, তখন যে সকল সিপাহী ইংরেজের বিরুদ্ধে অস্ত্রধারণ করিয়াছিল, তাহারা কহিয়াছিল যে, অদৃষ্টক্রমে তাহারা এই কার্যে প্রবৃত্ত হইয়াছিল। ইংরেজের বিরুদ্ধাচারী হওয়া ব্যতীত তাহাদের গত্যন্তর ছিল না। গবর্ণমেন্ট যখন তাহাদের প্রতি প্রদ্বাশূচ্য হইয়াছেন, তখন তাহাদিগকে যে, করূপ শাস্তিভোগ করিতে হইবে, তাহা তাহারা জানে না।* উত্তরপশ্চিম-প্রদেশের লেফ্টেনেন্ট-গবর্ণর যাহাকে “দৌরাওয়া ও দাঙ্গাহাঙ্গামা পরিপূর্ণ” বলিয়াছিলেন, এবং গবর্ণর-জেনারেল যাহা “তাঁহাদের অধিকারভ্রষ্ট” বলিয়া নির্দেশ করিয়াছিলেন, সেই বিস্তৃত প্রদেশ কেবল সিপাহীদিগের উত্তেজনার জগ্ন তাদৃশ অবস্থাপন্ন হয় নাই। কিন্তু গবর্ণমেন্টের দূরদর্শিতার অভাবেই হউক, দ্রাষ্টৃত্যেই হউক, বা অনভিজ্ঞাতেই হউক, আর একশ্রেণীর লোক সাতিশর অসদৃষ্ট হইয়া উঠিয়াছিল। ইহারা কয়েদীদিগের শৃঙ্খলমোচনের বিষয় ভাবে নাই, ধনাগারের লৌহ-সিন্দুক ভাঙ্গিবার বিষয় চিন্তা করে নাই, বা ইউরোপীয়দিগের গৃহ ও দ্রব্যাদিনাশের বিষয়ও মনে স্থান দেয় নাই। ইহারা কেবল ভাবিয়াছিল যে, ইংরেজ ক্রমে ইহাদিগকে সামান্য লোকের মত করিয়া তুলিয়াছেন, ইহাদের বংশের গৌরব ও সম্মান বিলুপ্ত করিয়া ফেলিয়াছেন, ইহাদের চিরন্তন নীতি-নীতির, আচারব্যবহারের অবমাননা করিয়াছেন। ইংরেজের সম্মুখে ভারত-বাসিগণ অপমানিত হইতেছে।† তাঁহাদের রাজনীতির কৌশলে পররাজ্য গৃহীত ও পরস্বত্ব বিনষ্ট হইতেছে। তাঁহাদের আধিপত্যপ্রিয়তায় উচ্চশ্রেণী নিম্নশ্রেণীর অবস্থায় পতিত হইয়াছে এবং তাঁহাদের ছনিবার ভোগাকাঙ্ক্ষার ক্ষমতাপন্ন ও বহুগুণবিশিষ্ট ভারতবাসী উচ্চতর রাজকীয় পদে বঞ্চিত হইয়াছে। কোন দূরদর্শী ভারতবর্ষীয় এ সময়ে ভারতবর্ষীয় ব্যবস্থাপকসভায় সদস্যরূপে বসিয়া, ভারতবর্ষের প্রকৃত অবস্থা ও ভারতবাদীদিগের এইরূপ মনোগতভাব

* Syed Ahmed Khan, *Causes of the Indian Revolt*, p. 53.

† Ibid, p. 43, স্থার সৈয়দ আহম্মদ খাঁ লিখিয়াছেন, উচ্চপদস্থ সাহেব কর্ণটারিগণ কাছারি আমলাদিগকে আদালতের কাগজপত্র পড়িবার সময় যে, কটু কথা কহেন, তাহা অনেকেই জানেন। এ সকল আমলাদিগের অনেকে সম্ভ্রান্ত, তাহারা মনে মনে কহিরা থাকেন যে, ইহা অপেক্ষা রাস্তার ধারে ঘাস কাটিরা খাওয়া ইহাদের পক্ষে ভাল।

গবর্নর-জেনারেল বা তাঁহার সহযোগিবর্ষের গোচর করেন নাই । অতরাং বাহার উপর সমগ্র রাজ্যের শাসন ও পালনভার সমর্পিত রহিয়াছিল, তিনি প্রজালোকের মনের কথা জানিতে পারেন নাই । শাসকের সমক্ষে শাসিতগণ অপরিচিতভাবেই ছিল ।* বন্ধমূল বৃক্ষ যেমন সহজে উৎপাটিত হয় না, জনসাধারণের এই দৃঢ়বন্ধ ধারণাও সেইরূপ সহজে বিলুপ্ত হয় নাই । ইহা হইতে যে বিষময় কলের উৎপত্তি হইয়াছে, তাহা নগরের পর নগরে, পল্লীর পর পল্লীতে আপনার অভাবনীয় শক্তির পরিচয় দিয়াছে । বাহার বা বংশগোরবে সম্মানিত, বাহাদের পূর্বপুরুষ-গণের ক্ষমতা ও প্রাধাত্যের বিষয় সাধারণের মধ্যে প্রচারিত রহিয়াছে, ভারত-বাসিগণ বিচারবিতর্ক না করিয়া চর্যটনার সময়ে নামেই হউক, বা কার্যেই হউক, তাঁহাদের অধীনতা স্বীকার করিয়া থাকে । তাহার জানে যে, এইরূপ বংশ-গোরব এবং এইরূপ প্রাধাত্য অসময়ে শত শত ব্যক্তিকে এক উদ্দেশ্যের সাধনে প্রবর্তিত করিতে পারে । উপস্থিত সময়ে ভারতবাসীদিগের এইরূপ প্রকৃতির পরিচয় পাওয়া গিয়াছিল । বংশগোরবে প্রসিদ্ধ এবং পূর্বতন আধিপত্যের মহিমায় গোরবান্বিত ব্যক্তিগণ যখন এই সময়ে কার্যক্ষেত্রে দণ্ডায়মান হইলেন, তখন উত্তেজিত লোকে দলে দলে তাঁহাদের অহুবর্তী হইতে লাগিল । কেহ কেহ তাঁহাদের আদেশ কার্যে পরিণত করিতে সচেষ্ট হইল, কেহ কেহ তাঁহাদের নামমাত্র অধীনতা স্বীকার করিয়া, অত্যাচারের পরাকাষ্ঠা দেখাইতে লাগিল । কারাগারবিমুক্ত কয়েদীগণে সমগ্র স্থান পরিব্যাপ্ত হইল । পরস্বাপহারক গুজরগণ আপনাদের অভিষ্টসাধনে দলবদ্ধ হইয়া উঠিল । শৃঙ্খলা ও শান্তির স্বথময় বন্ধন বিচ্ছিন্ন হইয়া গেল । বিদ্রোহী বিদ্রিষ্ট ব্যক্তির সর্বস্বহরণে বা জীবনগ্রহণে উত্তত হইল । অর্থলোলুপ ছবৃত্ত লোকের হস্তে নিরীহ ব্যক্তির সর্বস্বান্ত ঘটিতে লাগিল । উত্তমের আক্রমণে অধমের জীবন ও সম্পত্তি বিঘ্নসঙ্কুল হইয়া উঠিল । অত্যাচারপরায়ণ লোকে এইরূপে নানা দোরায়া করিতে লাগিল । ইংরেজের ক্ষমতাত্যয়ে অনেক স্থানে সম্ভ্রান্ত ব্যক্তিগণ

* ভার সৈয়দ আহম্মদ খাঁ নির্দেশ করিয়াছেন যে, ব্যবস্থাপক সভায় ভারতবাসীদিগকে সদস্যরূপে গ্রহণ না করাই উপস্থিত বিপ্লবের মূল কারণ ।—*Causes of the Indian Revolt, p. 11.*

আপনাদের বংশগৌরবের বলে অধিপতির সম্মানিত পদে প্রতিষ্ঠিত হইয়াছেন, অনেক স্থানে তাঁহাদের আদেশে ইংরেজের সৰ্বনাশ ঘটয়াছে, অনেক স্থানে হুৰ্ভ লোকের হস্তে নিরীহ লোকে নিপীড়িত ও নিগৃহীত হইয়াছে। বেরেলীর খাঁ বাহাদুর খাঁ, ফরুকাবাদের তকফুজলাহোসেন খাঁর বিবরণে এ বিষয়ের বাথার্থ্য পরিস্ফুট হইবে।

পক্ষান্তরে অনেক ভারতবাসী এই দুঃসময়েও ইংরেজের পার্শ্বে দণ্ডায়মান রহিয়াছিল। ইংরেজ কোন স্থান হইতে তাড়িত হইলেও, ইহারা সেই স্থানে ইংরেজের শাসনগৌরব অব্যাহত রাখিয়াছিল। ইহারা জর্ধের বিনিময়ে যে প্রভুত্বের পরিচয় দিয়াছিল, তাহা কখনও বিচলিত হয় নাই। অধিকন্তু পূর্বে উক্ত হইয়াছে যে, অনেকে কেবল ভয়প্রযুক্ত উত্তেজিত লোকের পক্ষে ছিল। ইংরেজের বিরুদ্ধাচরণে ইহাদের প্রবৃত্তি হয় নাই। ইংরেজের সৰ্বনাশসাধনে ইহাদের উদ্যম দেখা যায় নাই। স্বদেশকে ইংরেজের শাসন হইতে বিমুক্ত করিতেও ইহাদের অধ্যবসায় পরিস্ফুট হইয়া উঠে নাই। ইহারা ইংরেজের প্রাধাত্য পুনঃপ্রতিষ্ঠার প্রতীক্ষায় ছিল। বাহা হউক, ঘটনাচক্রে উপস্থিত সময়ে ইংরেজদিগের হুর্গতির একশেষ ঘটয়াছিল। তাঁহারা যখন আপনাদের প্রাধাত্য পুনঃস্থাপন করেন, তখন যে সকল ভারতবাসী এক সময়ে বিরুদ্ধাচারীর দলে মিশিয়াছিল, তাহারা উৎফুল্লভাবে সৰ্বসাক্ষী ভগবানের নিকটে তাঁহাদের কুশলকামনা করিয়াছিল। ইংরেজ আপনায় অনভিজ্ঞতা ও অদূরদর্শিতার ফল ভোগ করিয়াছেন। নিম্নকর ভারতবাসীও আপনাদের অনভিজ্ঞতা ও অদূরদর্শিতা প্রযুক্ত ইংরেজের বিরুদ্ধাচারী হওয়াতে যথোচিত প্রতিকূল পাইয়াছে।

তৃতীয় অধ্যায় ।

গোবালিয়র—ইন্দোর—রাজপুতনা ।

উত্তরপশ্চিমপ্রদেশের লেফটেনেন্ট-গবর্ণরের দৃষ্টিভঙ্গি—মহারাজ জয়াজী রাও শিন্দে—
তাঁহার সৈন্য—তাঁহার রাজধানীর ঘটনা—তাঁহার সৈনিকদলের উদ্ভেদনা ও বিরুদ্ধাচরণ—
ইংরেজদিগের পলায়ন—মহারাজ তুকাজী রাও হোলকর—ইন্দোরের ঘটনা—রাজপুতনা ।

উত্তরপশ্চিমপ্রদেশের ঘটনায় মহামতি কল্বিন্ সাহেবের হৃদয় ব্যথিত
হইয়াছিল । কিছুকাল পূর্বে ইংরেজ যে প্রদেশে অপ্রতিহতপ্রভাবে শাসনদণ্ডের
পরিচালনা করিয়াছিলেন, এবং ইংলণ্ড বা স্কটলণ্ডের ভ্রায় যাহা সর্বাংশে
আপনাদের আয়ত্ত ও সর্কবিষয়ে আপনাদের পদানত রাখিয়াছিলেন, সহসা
তাহা অতর্কিতকারণে বিপ্লবময় ও বিপত্তিপূর্ণ হইয়া উঠিল, সহসা তাহাতে
ইংরেজের আধিপত্য বিলুপ্ত হইল, মহামতি কল্বিন্ সাহেব এই অভাবনীয়
ঘটনা দেখিয়া স্তম্ভিত হইলেন । যাহারা এক সময়ে তাঁহার ইঙ্গিত মাত্রে
পরিচালিত হইত, তাঁহার আদেশ শিরোধার্য্য করিয়া লইত, তাঁহার নিয়মামুসারে
নিরীহভাবে সমুদয় কর্ম্ম সম্পন্ন করিত, তাহারা হঠাৎ উদ্ভেজিত হইয়া যখন
সমুদয় শৃঙ্খলার বন্ধন বিচ্ছিন্ন করিল, এবং সমুদয় স্থান অশান্তিময় করিয়া তুলিল,
তখন সহায়সম্পন্ন ও অর্থশালী ভূপতিগণ বিরোধী হইলে কিরূপ বিপত্তি
ঘটিবে, তাহা লেফটেনেন্ট-গবর্ণর মহোদয়ের চিন্তনীয় বিষয় হইয়াছিল ।

এই সময়ে মহারাষ্ট্রীয় ভূপতিদিগের মধ্যে মহারাজ জয়াজী রাও শিন্দে উত্তর-
পশ্চিমপ্রদেশের রাজধানীর ৩৫ মাইল মাত্র দূরবর্তী গোবা-
গোবালিয়র ।

স্বয়ং আধিপত্য করিতেছিলেন । ভারতের বিভিন্ন স্থানে
যখন ভিন্ন ভিন্ন ভূপতিগণ স্বতন্ত্রতা রক্ষা করিতেছিলেন, ইংরেজের প্রাধান্ত
যখন সন্ধীর্ণ সীমার মধ্যে আবদ্ধ ছিল, তখন একজন দৃঢ়প্রতিজ্ঞ, রাজনীতিজ্ঞ
যুবক গবর্ণর-জেনেরলের পদে নিয়োজিত হইয়া আইসেন । ভারতের সমগ্র-
স্থানে ইংরেজের প্রাধান্ত অপ্রতিহতভাবে রাখাই তাঁহার প্রধান উদ্দেশ্য ছিল ।

এই উদ্দেশ্যসাধনে তিনি যৌবনোচিত উত্তম ও সাহসের পরিচয় দেন। লর্ড মণিংটনের চেষ্টায় ইংরেজের অধিকার সম্প্রসারিত হয়। ভিন্ন ভিন্ন ভূপতিগণ ইংরেজের ক্ষমতার সমক্ষে মস্তক অবনত করেন, এবং ইংরেজের সাহায্যের জন্য আপনাদের ব্যয়ে স্বরাজ্যে ইংরেজ সেনানায়কদিগের তত্ত্বাবধানে এক এক দল সৈন্ত রাখিতে প্রতিশ্রুত হইলেন। ১৮৪৬ অব্দে মহারাজ শিন্দের রাজ্যে নানা গোলযোগ ঘটে। এই সময়ে জয়াজী রাও অপ্রাপ্তবয়স্ক ছিলেন। স্মতরাং চক্রান্তকারিগণ স্বযোগ বুঝিয়া রাজ্যের অবস্থা বিশৃঙ্খল করিয়া তুলিয়াছিল। লর্ড এলেনবরা এই সময়ে গবর্নর জেনেরলের পদে প্রতিষ্ঠিত ছিলেন। তিনি মহারাজ শিন্দের রাজ্যে ইংরেজ আফিসারদিগের তত্ত্বাবধানে একদল সৈন্ত রাখেন। ঐ সৈনিকদলের ব্যয়ভার মহারাজের উপর সমর্পিত হয়।

মহারাজ শিন্দের রাজ্যে ৮,০০০ হাজারেরও অধিক সৈনিকপুরুষ এবং ২৬টি কামান ইংরেজ আফিসারদিগের তত্ত্বাবধানে পরিচালিত হইত। এতদ্ব্যতীত কেবল ভারতবর্ষীয় আফিসারদিগের অধ্যক্ষতায় ১০ হাজার সৈনিকপুরুষ ছিল। এই সকল সৈন্ত যে, অপরাপর উদ্ভেজিত সৈনিকদলের পথামুসরণ করিবে না, তদ্বিষয়ে কল্বিন্ সাহেব উপস্থিত সময়ে নিঃসন্দেহ হইতে পারিলেন না। মহারাজ জয়াজী রাও আপন সৈনিকদলের সাহায্যে স্বপ্রধান হইতে পারেন, স্বাধিকার প্রসারিত করিতে পারেন, স্বকীয় বংশের পূর্বতন গৌরবের পুনঃপ্রতিষ্ঠার জন্য ইংরেজের অধীনতাপাশের উচ্ছেদে কৃতসঙ্কল্প হইয়া উঠিতে পারেন এবং মহারাজপুর ও পনিয়ারের যুদ্ধে পরাজয়ের প্রতিশোধ দিবার জন্য আপনাদিগের সৈন্তসংখ্যা বৃদ্ধি করিতে পারেন। এইরূপে চারিদিকেই তাঁহার প্রলোভনের বিষয় ছিল। স্মতরাং মহারাজ শিন্দের বিষয় ভাবিয়া, আগরার কর্তৃপক্ষ যেরূপ চিন্তিত হইলেন, লোকেও সেইরূপ সন্দেহসমাকুল হইয়া উঠিল। “মহারাজ শিন্দে এখন কি করিবেন?” ইহাই সকল স্থানে সকলে ওৎসুক্যসহকারে জিজ্ঞাসা করিতে লাগিল।

উপস্থিত সময়ে মহারাজ জয়াজী রাও শিন্দের বয়স ২৩ বৎসর হইয়াছিল। রাঁহাদিগের বংশ বীরত্বগৌরবে চিরপ্রসিদ্ধ, বাঁহাদের পূর্বপুরুষগণ বীরোচিত গুণগ্রামের জন্য বীরেন্দ্রসমাজের বরণীয়, এই তরুণ বয়সে তাঁহাদের সমরামুগ্ধাৎ বর্ধিত হয় এবং তাঁহারা বীরত্বের পরিচয় দিতে আগ্রহবৃত্ত হইয়া থাকেন।

প্রাকৃতিক নিয়মানুসারে মহারাজ শিন্দের বয়োবৃদ্ধির সহিত এই অমুরাগ বর্ধিত এবং তাঁহার শক্তিবিকাশের সহিত এই আগ্রহ বদ্ধমূল হইতে পারে। কিন্তু তিনি যে সময়ে সংসারক্ষেত্রে প্রোছূর্ত হইয়াছিলেন, সেই সময় তাঁহার উক্তরূপ আগ্রহপ্রকাশের অমূল ছিল না। উপস্থিত সময়ের ভারতবর্ষ পঞ্চাশ বৎসর পূর্বের ভারতবর্ষ অপেক্ষা সর্বাংশে ভিন্নরূপ ছিল। মহারাজ শিন্দে যদি পঞ্চাশ বৎসর পূর্বে কৰ্মক্ষেত্রে অবতীর্ণ হইতেন, তাহা হইলে তাঁহার চরিত্র ঘটনাবৈচিত্র্যে পরিপূর্ণ হইত। কিন্তু উপস্থিত সময়ে ইংরেজের প্রাধাত্যে ভারতীয় ভূপতিবর্গের ক্ষমতা সঙ্কুচিত হইয়াছিল। তাঁহাদের যাবতীয় রাজকাৰ্য্যের পরিদর্শনের জন্ত ইংরেজ রেসিডেন্ট ছিলেন। তাঁহাদের সৈনিকদলের পরিচালনার জন্ত ইংরেজ সেনানায়কগণ নিয়োজিত হইতেন। সর্বোপরি ভারতের ইংরেজ গবর্নর-জেনারেল তাঁহাদের সর্বপ্রকার কাৰ্য্যের প্রতি সৰ্ব্বদা দৃষ্টি রাখিতেন। এ সময়ে কেবল ইংরেজই অপ্রতিহতপ্রভাবে রাজকীয় শক্তির বিনিয়োগ করিতেন। কেবল ইংরেজ সৈনিকপুরুষগণই যাবতীয় যুদ্ধসংক্রান্ত ক্ষমতার পরিচালক ছিলেন। রাজপুত, মহারাত্রী, শিখ, পাঠান অথবা ভারতের অন্য কোন জাতি স্বাধিকার বৃদ্ধির জন্তই হউক, স্বকীয় ক্ষমতা বদ্ধমূল করিবার নিমিত্তই হউক, পরস্পরের প্রতিবন্দী হইয়া যুদ্ধক্ষেত্রে অবতীর্ণ হইতে পারিতেন না। ইংরেজ ইহাদের ক্ষমতা সঙ্কুচিতভাবে রাখিয়া আপনারাই সমগ্র সাম্রাজ্যের রক্ষার ভার গ্রহণ করিয়াছিলেন। সুতরাং সামরিক গুণে অলঙ্কৃত ও সামরিক কাৰ্য্যে অমুরক্ত হইলেও, মহারাজ শিন্দে সমরসজ্জার আয়োজন ও সমরক্ষেত্রে গমনের সুযোগ প্রাপ্ত হয়েন নাই। তিনি পুস্তক অধ্যয়নে, পরিচ্ছদপারিপাট্যে, বহুগণের সহিত নানা আমোদে, এবং সৈনিকবর্গের সহিত সামরিক ক্রীড়াকৌশলে পরিতৃপ্ত থাকিতেন।

কিন্তু সামরিক ব্যাপারে অমুরাগ থাকিলেও, মহারাজ জয়াজী রাও গবর্নমেন্টের বিরুদ্ধে সমরসজ্জার আয়োজন করেন নাই। পূর্বপুরুষের বীরত্বগৌরব তাঁহার সাহসের উদ্দীপক ছিল। মহারাজপুর যুদ্ধক্ষেত্রের কথা তাঁহার স্মৃতিপটে অঙ্কিত রহিয়াছিল। তাঁহার স্বদেশীয় বীরপুরুষগণ এক সময়ে যুদ্ধক্ষেত্রে অবতীর্ণ হইয়া, “বীরভোগ্যা বহুধন” এই বাক্য সার্থক করিয়া তুলিয়াছিলেন। এ বিষয় তাঁহার কল্পনার উত্তেজক হইয়াছিল। কিন্তু এইরূপ উদ্দীপনা,

এইরূপ উত্তেজনা এবং এইরূপ পূর্বস্বত্তির কারণ বর্তমান থাকিলেও, উপস্থিত সময়ে তরুণবয়স্ক মহারাজ শিন্দের হৃদয় বিচলিত হয় নাই। যদি তিনি উদ্ধত, অদূরদর্শী ও চঞ্চলপ্রকৃতি লোকের পরামর্শে পরিচালিত হইতেন, তাহা হইলে তাঁহার নিজের ও তদীয় প্রজাবর্গের অনিষ্ট ঘটবার সম্ভাবনা ছিল। কিন্তু সৌভাগ্যক্রমে এ সময়ে এক জন দূরদর্শী, প্রশান্তপ্রকৃতি রাজনীতিজ্ঞ তাঁহার পরিচালক হইয়াছিলেন। সম্রাট আকবর তরুণবয়সে বিস্তৃত রাজ্যের শাসন-ভার গ্রহণ করেন। আবুলফজল তাঁহার প্রধান মন্ত্রণাদাতা হওয়াতে তদীয় সাম্রাজ্যের বলবৃদ্ধি হয়, শাসনশৃঙ্খলায় সমগ্রজনপদ স্থাব্যস্থিত হইয়া উঠে। ভারতবর্ষে ঊনবিংশ শতাব্দীর ধোরতর বিপত্তিময় সময়ে আবুলফজলের অভাব ছিল না। মধ্যভারতবর্ষে দিনকর রাও যেমন মহারাজ শিন্দের পরিচালক ছিলেন, দক্ষিণাপথে সলারজঙ্গ সেইরূপ নিজামের রাজ্য অশৃঙ্খলভাবে রাখিয়া-ছিলেন। রাজ্যশাসনে দিনকর রাওয়ের যেরূপ অভিজ্ঞতা, যেরূপ দূরদর্শিতা, সেইরূপ ক্ষমতা ছিল। কয়েক বৎসরের মধ্যে তাঁহার যত্নে প্রজাবর্গের সবিশেষ উন্নতি সাধিত হয়। তিনি প্রজালোকের দারিদ্র্যদশামোচন করেন, এবং মহারাজ শিন্দের রাজ্য এরূপ অশৃঙ্খল করিয়া তুলেন যে, ব্রিটিশশাসিত সর্কোপেক্ষা ক্রীসম্পন্ন জনপদ অপেক্ষা উক্ত রাজ্য কোন অংশে নিকৃষ্ট বলিয়া পরিগণিত হয় নাই। পলিটিকাল এজেন্ট সাহেব তাঁহাকে ভারতবাসীদিগের মধ্যে সর্কোপেক্ষা ক্ষমতাপন্ন ও সর্কোপেক্ষা যোগ্যপুরুষ বলিয়া নির্দেশ করেন। মহারাজ-শিন্দের রাজ্যে সর্বপ্রথম এই ক্ষমতাপন্ন কর্মচারীর কার্যকাল দীর্ঘস্থায়ী হয় নাই। মহারাজের দরবারে যে সকল কর্মচারী স্থায়মার্গ হইতে পরিভ্রষ্ট ছিলেন, তাঁহারা মন্ত্রিপ্রবর দিনকর রাওকে দেখিতে পারিতেন না। যেহেতু দিনকর রাও তাঁহাদের অবৈধ উপায়ে আয়ের পথ অবরুদ্ধ করিয়া দিয়াছিলেন। এইরূপ অপকর্মের প্রত্নদ্রব্যাদিগের কুমন্ত্রণায় পরমবিশ্বস্ত মন্ত্রী ইন্দোরের দয়বায় হইতে অপসারিত হইলেন। কিন্তু তাঁহার অপসারণে রাজ্যের শৃঙ্খলা রক্ষিত হয় নাই। দিনকর রাও দুই বৎসরের মধ্যে রাজ্যে যে সকল অনিয়ম স্থাপন করিয়াছিলেন, তৎসমুদয় অন্তর্হিত হয়। রাজ্যের যাবতীয় কর্ম সাতিশয় বিশৃঙ্খল হইয়া উঠে। মহারাজ শিন্দে নানারূপ গোলযোগে বিভ্রত হইয়া পড়েন। তখন তিনি আপনার ভ্রম বুঝিতে পারেন। তাঁহার উরোধ হয় যে, বিশ্বস্ত

মন্ত্রীকে পদচ্যুত করাতে রাজ্যের এইরূপ শৃঙ্খলাহানি ঘটয়াছে । দিনকর রাও অবিলম্বে প্রধান মন্ত্রীর পদে পুনঃপ্রতিষ্ঠিত হইলেন । এ দিকে মেজর ম্যাকফারসন্ সাহেব ইন্দোরের দরবারের পলিটিকাল এজেন্টের কার্যভার গ্রহণ করেন । মেজর ম্যাকফারসন্ খন্দদিগের মধ্যে অবস্থিতি করিয়া, তাহাদের নরবলিপ্রথা তুলিয়া দিতে মনোযোগী হইয়াছিলেন । তাঁহার যত্নে এই ভয়ঙ্কর প্রথা তিরোহিত হয় । তিনি এইরূপে মানবকুলের হিতসাধন করিয়া একটি প্রধান প্রাদেশীয় ভূপতির শাসনশৃঙ্খলা পরিদর্শনার্থে নিয়োজিত হইলেন । তাঁহার সহিত তরুণ-বয়স্ক মহারাজ ও তদীয় অভিজ্ঞ প্রধান মন্ত্রীর সত্তাব বদ্ধিত হয় । তিনি দিনকর রাওকে বিপদকালে প্রধান সহায় ও সম্পদের সময়ে প্রধান আত্মীয় ভাবিয়া কর্মক্ষেত্রে স্বকীয় অভ্যস্ত কর্মপটুতার পরিচয় দিতে উদ্বৃত্ত হইলেন ।

এই সময়ে মহারাজ শিন্দে ব্রিটিশাধিকৃত ভারতের রাজধানীতে উপস্থিত হইয়া গবর্নর-জেনারল লর্ড ক্যানিংয়ের সহিত সাক্ষাৎ করেন । তিনি কলিকাতায় ইংরেজের আধিপত্য ও ক্ষমতার পরিচয় প্রাপ্ত হইলেন, এবং ভারতের সর্বপ্রধান রাজপুরুষের বিনয়সৌজন্ত ও আতিথেয়তায় পরম পরিতোষ লাভ করেন । স্মরণ্য ইংরেজের উপর মহারাজ শিন্দের কোনরূপ বিরাগের কারণ ঘটে নাই । পূর্বে উক্ত হইয়াছে যে, সিপাহীদিগের মধ্যে সর্বপ্রথম উদ্ভেজনা পরিস্ফুট হইলে মহারাজ শিন্দে, গোবালিয়রের সৈন্ত উত্তরপশ্চিম-প্রদেশের লেফটেনেন্ট-গবর্নরের সাহায্যাথ প্রস্তুত রাখেন । কিন্তু এই সৈন্তের উপর রেসিডেন্ট ম্যাকফারসন্ সাহেবের সন্দেহ জন্মিয়াছিল । যেহেতু ইহারা কোম্পানির পদাতি সিপাহীদিগের সহিত এক শ্রেণীতে সমাবেশিত ও একবিধ উপকরণে সজ্জিত ছিল । এজন্ত রেসিডেন্ট সাহেব মহারাজ শিন্দের নিকটে তাঁহার নিজের শরীররক্ষক সৈনিকদল পাঠাইবার প্রার্থনা করেন । মহারাজ জয়াজী রাও এই প্রার্থনাপূরণে কিছুমাত্র ওদাস্ত প্রকাশ করেন নাই । তাঁহার সজাতীয়গণ তদীয় শরীররক্ষার ভার গ্রহণ করিয়াছিল । তিনি ইহাদের সামরিক কৌশলে আমোদিত হইতেন, ইহাদের অঙ্গচালনার চাতুরী দর্শনে পরিতোষ প্রকাশ করিতেন, ইহাদিগকে স্তম্ভিত করিতে মুক্তহস্ত হইতেন, এবং ইহাদের গোরবে আপনাকে গোরবাষিত বোধ করিতেন । তাঁহার এইরূপ আদর ও প্রীতির পাত্রগণ যখন তদীয় রাজধানী হইতে যাত্রা করে,

তখন তিনি আশ্বগৌরবে আমোদিত হইয়া, কিয়দূর পর্য্যন্ত ইহাদের আশ্বাসন করেন। গোবালিয়রে ইংরেজের যে সৈন্য ছিল, তাহাদের উপর মহারাজ বা রেসিডেন্টের বিশ্বাস ছিল না। কোম্পানির সিপাহীদিগের প্রতি তাহাদের সমবেদনা ছিল। তাহার ঐক্যসহকারে ঐ সকল সিপাহীর সংবাদ লইত। কথিত আছে, উপস্থিত সময়ে তাহারারাত্রিকালে পরস্পর সমবেত হইত, পবিত্র গঙ্গাজল হস্তে লইয়া, ইংরেজের বিরুদ্ধে সমুখিত হইবার জন্ত শপথ করিত, দিল্লী বা কলিকাতা হইতে আগত চরদিগকে আদরসহকারে গ্রহণপূর্ব্বক তাহাদের সহিত নানারূপ পরামর্শে ব্যাপৃত থাকিত। তাহার আপনাদের সনাতন ধর্ম্মের বিলোপের আশঙ্কায় বিচলিত হইয়াছিল, সমভাবে প্রতিজ্ঞাপাশে আবদ্ধ হইয়া ইংরেজের নিধন বা নিষ্কাশনের উপায় দেখিতেছিল। মহারাজ জয়াজী রাও তাহাদের চরিত্রে সন্দিহান হইয়াছিলেন। রেসিডেন্ট ম্যাকফারসন সাহেব তাহাদের উপর বিশ্বাসস্থাপনে অমত প্রকাশ করিয়াছিলেন। তথাপি তাহাদের পরিচালক ব্রিগেডিয়ার রামজি এবং তদীয় আকিসারগণ এইরূপ সন্দেহ বা অবিশ্বাসের বশবর্তী হইয়েন নাই। কিন্তু রেসিডেন্ট স্থির থাকিতে না পারিয়া, আপনাদের কুলমহিলা ও বালকবালিকাদিগকে কোন নিরাপদ স্থানে রাখিতে ইচ্ছা করিলেন। রেসিডেন্টের আবাসগৃহ এই উদ্দেশ্যে নির্দিষ্ট হইল। গোবালিয়রস্থিত কোম্পানির সৈনিকগণ উক্ত স্থানের রক্ষক ছিল। তাহাদের পরিবর্তে দরবারের খাস সৈনিকদিগকে রাখিবার প্রস্তাব হইল। রেসিডেন্ট যখন এই বিষয় ব্রিগেডিয়ার রামজিকে জানাইলেন, তখন ব্রিগেডিয়ার এতদ্বারা সিপাহীদিগের উপর বিশ্বাসের হানি হইবে, সিপাহীগণ ইহাতে উত্তেজিত হইয়া উঠিবে বলিয়া, উক্ত প্রস্তাবে আপত্তি প্রকাশ করিলেন।

মহারাজের প্রাসাদ লঙ্ঘরে অবস্থিত। মোরারে সৈনিকনিবাস। লঙ্ঘর হইতে মোরার প্রায় ছয় মাইল দূরবর্তী। মহারাজ এই দূরবর্তী সৈনিকনিবাসের ইউরোপীয়দিগকে নিরাপদ করিতে সর্ব্বদা সচেষ্ট থাকিতেন। ২০শে মে সৈনিকনিবাসে সহসা গোলযোগ ঘটিল। লোকে আতঙ্কগ্রস্ত হইয়া উঠিল। ইউরোপীয় বালকবালিকা ও কুলমহিলারা সভয়ে আপনাদের জীবন-রক্ষার জন্ত রেসিডেন্সের অভিমুখে ধাবিত হইল। ইউরোপীয়গণ ভাবিয়া

ছিল যে, গোবালিয়রের সৈন্য ঐ রাজ্যে তাহাদের বিরুদ্ধে সমুখিত হইবে।
 কিন্তু এইরূপ ধারণা শেষে অলীক বলিয়া প্রতীপন্ন হইল। সিপাহীগণ ঐ সময়ে
 ইউরোপীয়দিগের বিরুদ্ধে অস্ত্রধারণ করিল না। সৈনিকনিবাস যুদ্ধোন্মুখ
 সৈনিকদিগের সমুখানে বিশৃঙ্খল হইল না। ইংরেজেরা আপনাদের অলীক
 আতঙ্কে আপনাদিগে লজ্জিত হইলেন। যাহা ইউক, যখন এই ঘটনার সংবাদ
 মহারাজ শিল্পের গোচর হইল, তখন তিনি অবিলম্বে কতিপয় সৈনিকে পরি-
 বেষ্টিত হইয়া অশ্বারোহণে রেসিডেন্টের আবাসগৃহে উপস্থিত হইলেন, এবং
 ঐ স্থান রক্ষার জন্ত উহার চারি দিকে সৈনিকদিগকে সন্নিবেশিত করিয়া,
 রেসিডেন্টকে আপনাদিগে প্রাসাদসংলগ্ন সুবিস্তৃত গৃহে বালকবালিকা ও কুল-
 মহিলাদিগকে পাঠাইতে অনুরোধ করিলেন। পরদিন মহিলাগণ আপনাদের
 সন্তানদিগকে লইয়া মহারাজের নির্দিষ্ট প্রাসাদে উপস্থিত হইলেন। কিন্তু
 সিপাহীগণ ইহাতে সাতিশয় আপত্তি করিতে লাগিল। তাহারা কহিতে
 লাগিল যে, কুলমহিলাদিগকে এইরূপে স্থানান্তরিত করাতে তাহাদের বিশ্বস্ততার
 উপর সন্দেহ করা হইয়াছে। তাহাদের নির্বন্ধাতিশয়ে আফিসারদিগের মত-
 পরিবর্তন হইল। আফিসারগণ আপনাদের পরিবারবর্গকে পুনরায় সৈনিক-
 নিবাসে আনয়ন করিলেন। তৎপরে মহারাজ আপনাদিগে রাজধানীস্থিত
 অসহায় ইংরেজগণ ও তাহাদের পরিবারবর্গের রক্ষার জন্ত বিশেষ যত্নশীল
 ছিলেন। তিনি তাহাদের অবস্থিতির জন্ত আপনাদিগে প্রাশস্ত প্রাসাদ ছাড়িয়া দিয়া-
 ছিলেন। তাহাদের রক্ষার জন্ত আপনাদিগে বিশ্বস্ত লোকদিগকে নিযুক্ত করিয়া-
 ছিলেন। তাহাদের সর্বপ্রকার সুবিধা ও সন্তোষের জন্ত আবশ্যক দ্রব্যাদি
 সংগ্রহ করিয়া রাখিয়াছিলেন। এইরূপে তাহাদের যত্ন ও আগ্রহে যাহা হইতে
 পারে, তিনি তৎসমুদয়েরই অচ্যুতান করিয়াছিলেন। কিন্তু ইউরোপীয়দিগের
 মধ্যে কেহ কেহ এই সমাশয় হিতৈষী ভূপতির প্রতিও সন্তোষ প্রকাশ করেন
 নাই। কুপলাণ্ডনামক এক জন খৃষ্ট-ধর্মপ্রচারক এবং তাহার সহধর্মিণী এই
 সময়ে মহারাজ শিল্পের রাজধানীতে অবস্থিতি করিতেছিলেন। কুপলাণ্ডনাম
 এইরূপ স্পষ্ট ভাষায় মহারাজের প্রতি অসন্তোষের কারণ নির্দেশ করিয়াছেন—
 “হৃদ্যাগ্যক্রমে মহারাজ হিন্দু, এজন্য গোত্র তাহার নিকটে পবিত্র বলিয়া পরি-
 গণিত। আমরা তাহার রাজ্যে গোমাংস খাইতে পারি না। উহা কখন

কখন কেবল আগরী হইতে আমাদের জ্ঞাত আইসে। এইরূপ বিরক্তিকর কুসংস্কারের জ্ঞাত মহারাজের উপর আমার যে, বিরূপ আক্রোশ জন্মিয়াছে, তাহা তাঁহার জানা উচিত।” পত্নী চিরপ্রিয় গোমাংস না পাওয়াতে মহারাজের উপর এইরূপ জাতক্রোধ হইয়াছিল। পতি ভারতবাসীদিগের উপর অজ্ঞ ভাবে ক্রোধপ্রকাশ করিয়াছিলেন। তিনি ১৭ই মে গোবালিয়র হইতে এই ভাবে লিখিয়াছিলেন—“মিরাট এবং দিল্লীর সিপাহীদিগের সমুখানে পরমেশ্বর নিজীব পৌত্তলিক এবং অতি নিকৃষ্ট কুসংস্কারে আচ্ছন্ন (দৃষ্টান্তরূপ বলা যাইতে পারে যে, হিন্দুরাজ্যে গোবধ নিষিদ্ধ) লোকদিগকে ঘোরতর শাস্তি দিবেন।” * যিনি খৃষ্ট-ধর্ম-প্রচারে ত্রুটি হইয়াছিলেন, তিনি এইরূপে সেই ধর্মের মাহাত্ম্য-রক্ষার চেষ্টা করিয়াছিলেন। সমদর্শিতা, উদারতা ও মার্কজর্জের দম্য যে ধর্মের ভিত্তি, সেই ধর্মের প্রচারভার এইরূপ ব্যক্তির হস্তে হস্ত হইয়াছিল, এবং এইরূপ ব্যক্তিই আপনাদের ভোগাভিলাষসিক্তির জ্ঞাত ভারতবাসীদিগকে সমূলে বিনষ্ট করিবার ব্যবস্থা করিয়া, স্বকীয় ধর্মের গৌরব দেখাইতে প্রবৃত্ত হইয়াছিলেন।

পূর্বে উক্ত হইয়াছে যে, ব্রিগেডিয়ার রামজে উপস্থিত সময়ে আশ্চর্যকর-সম্মুখে কোনরূপ কার্য করা আবশ্যক বোধ করেন নাই। গোবালিয়রের সৈনিকদলের উপর তাঁহার প্রগাঢ় বিশ্বাস ছিল। রেসিডেন্ট সাহেব মহারাজ শিল্পের শরীররক্ষক সৈনিকদিগকে কিরাইয়া পাঠাইতে লেফটেনেন্ট-গবর্নর কলবিন সাহেবের নিকটে টেলিগ্রাম করেন। এই টেলিগ্রামের বিষয় ব্রিগেডিয়ারের গোচর করা হয়। কিন্তু ব্রিগেডিয়ার ইহাতে লেফটেনেন্ট-গবর্নরের নিকট লিখিয়া পাঠান যে, এখানে কোন গোলযোগ নাই। সৈনিকদিগের উপর বিশ্বাস ক্রমে বাড়িতেছে। শিল্পে বোধ হয়, সিপাহীদিগকে দূর করিয়া, আপনার বলবৃদ্ধি করিবার চেষ্টা করিতেছেন। এই পত্রাশ্রমারে লেফটেনেন্ট-গবর্নর গোবালিয়রে এই মর্মে টেলিগ্রাম পাঠাইলেন যে, সিপাহীগণ প্রকৃত-ভাবে গবর্নমেন্টের বিরুদ্ধে সমুথিত না হইলে কুলমহিলা ও বালকবালিকাদিগকে যেন আগরায় পাঠান না হয়।

* *Martin, Indian Empire, Vol. II. p. 335, note.*

এইরূপে গোবালিয়রস্থিত ইউরোপীয়দিগের অদৃষ্টচক্র আবর্তিত হইল। ত্রিগেডিয়ার যাহাদের উপর বিশ্বাসস্থাপন করিয়াছিলেন এবং যাহাদের ব্যবহারে আত্মবিশ্বাস বৃদ্ধি পাইতেছে বলিয়া, লেফ্টেনেন্ট-গবর্নর মহোদয়ের নিকটে লিখিয়াছিলেন, এখন তাঁহার সেই বিশ্বাসের পাত্র ও বিশ্বাসবৃত্তিকারিগণই বিরক্তি ও বিদ্বেষবৃত্তির পরিচয় দিতে উত্তত হইল। প্রদেশীয় রাজাদিগের অধিকারে ব্রিটিশ গবর্নমেন্টের যে সকল সৈনিকদল থাকিত, জুন মাসের প্রাথমার্দ্ধে তাহাদের অনেকেই শত্রুতাচরণে উত্তত হয়। ৪ঠা জুন নীমতে একদল সৈন্য উত্তেজিত হইয়া উঠে। ৭ই একদল বাঁসিতে ইংরেজের বিরুদ্ধে অস্ত্র ধারণ করে। সিপ্রি এবং জবলপুরের দলের মধ্যেও শত্রুতাচরণের নিদর্শন লক্ষিত হয়। এতদ্ব্যতীত ব্রিটিশাধিকৃত জনপদ হইতে প্রতাহ ভয়ঙ্কর সংবাদ লেফ্টেনেন্ট-গবর্নরের নিকটে উপস্থিত হইতে থাকে। অনেক স্থানেই ইংরেজদিগের কেহ কেহ নিহত হইয়েন, কেহ কেহ বা প্রাণভয়ে পলায়ন করেন। তাঁহাদের ক্ষমতা ও আধিপত্য অনেক স্থানেই বিলুপ্ত হইয়া যায়। বিলুপ্তপ্রিয় লোকের আক্রমণে অনেক স্থানই বিশৃঙ্খল হইয়া উঠে।

এই সময়ে অদূরদর্শী জনসাধারণের বিশ্বাস জন্মিয়াছিল যে, ভারতবর্ষে ইংরেজের ক্ষমতা ও আধিপত্য অন্তহিতপ্রায় হইয়াছে। গোবালিয়রে অনেকের মনে এইরূপ বিশ্বাস বদ্ধমূল হইয়াছিল। ইহারা এজ্ঞাত উৎসাহিত হইয়া মহারাজ শিন্দেকে আপনাদের পক্ষে আনিতে চেষ্টা করে। কিন্তু দূরদর্শী দিনকর রাও এই সময়ে রাজ্যরক্ষার প্রধান অবলম্বন ছিলেন। গবর্নমেন্টের বিপক্ষগণ ইহার অভ্যুদয়ে চিন্তিত হইয়াছিল। ইহার প্রাধাত্যদর্শনে বিরক্ত হইয়া উঠিয়াছিল। ইহাকে ব্রিটিশ গবর্নমেন্টের একান্ত অজ্বরক্ত ও ব্রিটিশ গবর্নমেন্টের পক্ষসমর্থনকারী জানিয়া, ইহার প্রতি নিরতিশয় ক্রোধ প্রকাশ করিতেছিল। ইহারা এইরূপে চিন্তিত, বিরক্ত ও ক্রুদ্ধ হইয়া উঠিয়াছিল। কিন্তু দিনকর রাও কিছুমাত্র বিচলিত হইলেন না। বিপক্ষগণ মনে করিয়াছিল যে, ইহারা মহারাজকে এই বলিয়া বুঝাইবে যে, ইংরেজদিগের নিক্ষেপনে তাঁহার ক্ষমতা ও প্রাধান্য যখন বর্ধিত হইবে, তখন বিজয়ী সিপাহীদিগের সহিত সন্মিলিত না হওয়া তাঁহার পক্ষে একান্ত নিবৃদ্ধিতার কার্য্য। তাহারা তরুণবয়স্ক মহারাজকে এইরূপ নানা প্রলোভন দেখাইতে লাগিল। মহারাজ তাহাদের কথা

শুনিলেন। তাহাদের কথার যথাযোগ্য উত্তর দিলেন। তাহাদিগকে হির-ভাবে থাকিতে কহিলেন। কিন্তু কোনরূপে তাহাদের পক্ষসমর্থন বা উৎসাহ-বর্ধন করিলেন না। মহারাজের এইরূপ প্রশান্তভাবে দরবারের সৈনিকগণ সহসা কোনরূপ গোলযোগ ঘটাইল না। কিন্তু সৈনিকনিবাসে যে সকল সিপাহী ইংরেজ সৈন্যাদ্যক্ষের অধীন ছিল, মহারাজ এবং রেসিডেন্ট সাহেব যাহাদের উপর সন্দেহ প্রকাশ করিয়াছিলেন, তাহারা দীর্ঘকাল হিরভাবে থাকিল না। তাহারা জাতীয় ধর্ম্মনাশের আশঙ্কায় উত্তেজিত হইয়া উঠিয়াছিল, এখন এই উত্তেজনার পরিচয় দিবার প্রতীক্ষা করিতে লাগিল।

১৪ই জুন রবিবার—এই রবিবার ধর্ম্মনিষ্ঠ ইংরেজের নিকটে চিরপবিত্র বলিয়া পরিগণিত। উপস্থিত সময়ে এই পবিত্র দিনে নানা স্থানে ইংরেজদিগের দুর্গতির একশেষ হয়। ইংরেজেরা যখন উপাসনাগৃহে সমবেত হইয়া, ঈশ্বরের আরাধনায় নিবিষ্টচিত্ত হয়েন, তখন উত্তেজিত সিপাহীগণ স্বেচ্ছা বুলিয়া, তাহাদিগকে আক্রমণ করে। ১৪ই জুন রবিবার গোবালিয়রেও এই ভয়ঙ্কর দৃশ্যের আবির্ভাব হয়। ঐ দিন গোবালিয়রের খৃষ্টধর্ম্মাবলম্বীরা উপাসনামন্দিরে গমনপূর্ব্বক আপনাদের পবিত্র কর্তব্য সম্পাদন করেন। প্রাতঃকালে এক জন ইংরেজ সেনানায়কের একটি শিশুপুত্রের সমাধি হয়। গোবালিয়রের অনেক ইউরোপীয় সমাধিস্থানে গমন করেন। সৈনিকনিবাসের সিপাহীগণ প্রশান্তভাবে ইহাদিগকে সমাধিক্ষেত্রে বাইতে দেখে এবং প্রশান্তভাবে ইহাদের শোচনীয় ঘটনায় সমবেদনার চিহ্ন প্রকাশ করে। কিন্তু তাহাদের এই প্রশান্তভাব শীঘ্র অন্তহিত হয়, সমবেদনার চিহ্নও শীঘ্র বিলুপ্ত হইয়া যায়। বিনা গোলযোগে দিন অতিবাহিত হয়। কিন্তু সায়ংকালে সমগ্র সৈনিকনিবাস বিশৃঙ্খল ও গোলযোগে পূর্ণ হইয়া উঠে। ইউরোপীয়গণ তাহাদিগকে আক্রমণ করিতে আসিতেছে, এইরূপ জনরবে একান্ত অধীর হইয়া, তাহারা বিকট চীৎকার করিতে করিতে চারি দিকে ধাবিত হয়। গোবালিয়েরা সসজ্জমে আপনাদের কামান সজ্জিত করিতে থাকে। পদাতিগণ আপনাদের বন্দুক গ্রহণ করে। চারি দিকের ভয়াবহ কোলাহল, বন্দুকের শব্দ, ধুমোদগম সারস্তন শাস্তি দূরীভূত করিয়া, ইউরোপীয়দিগকে যার পর নাই অতিক্রান্ত করে। আকিসারগণ এই সময়ে বিশ্রামস্থল উপভোগ করিতেছিলেন। তাহারা সহসা

কল্লয়বে ও অস্ত্রাদির শব্দে সন্ত্রস্ত হইয়া, সাময়িক পরিচ্ছদ পরিধানপূর্বক সৈনিকনিবাসের অভিমুখে ধাবিত হইলেন। ইহাদের কেহ কেহ আবাসগৃহে প্রত্যাবর্তিত বা স্বদেশীয়গণের দৃষ্টিপথবর্জী হইলেন না। অধিনায়কদিগের মধ্যে অনেকেই নিহত হইলেন। মহিলা ও বালকবালিকারা নিরাপদ স্থান প্রাপ্তির আশায় তাড়াতাড়ি গৃহ হইতে বাহির হইল। কিন্তু সিপাহীরা এই গভীর উত্তেজনায় সময়ে হৃদয়ের সঙ্গুণে এক বারে বিসর্জন দেয় নাই। মেজর বেকনামক এক জন অধিনায়ক দ্বিতীয় পদাতিদলের পরিচালক ছিলেন। এই দলের সিপাহীগণ তাঁহার প্রতি সাতিশয় অধরক্ত ছিল। তিনি অপর দলের সৈনিকগণকর্তৃক নিহত হইলেন। ইহাতে তাঁহার দলের সৈনিকগণ একপক্ষ হইয়া, তাহারা স্বতঃপ্রবৃত্ত হইয়া তদীয় ভ্রাতৃত্বপ্রিয়তার স্মরণোত্তর করিয়া দেয়। ইহাদের অদৃষ্ট অপেক্ষাকৃত প্রসন্ন ছিল, তাহারা রেশিডেন্সিতে বা মহারাজ শিবের প্রাসাদে গিয়া আশ্রয়প্রার্থী করেন। এ সময়ে কোন কোন সিপাহী দয়া ও শৌভ্রের পরিচয় দিতে বিমুগ্ধ হয় নাই। কতিপয় সিপাহী মৃত ও মুমূর্ষু অধিনায়কদিগকে হাসপাতালে লইয়া যাইবার চেষ্টা করে। ইহাদের পরামর্শে তিন জন ইউরোপীয় পলয়নে উত্তত হইলেন। এক জন ইংরেজ অধিনায়ক পদব্রজে যাইতেছিলেন, স্ততরাং তিনি তাড়াতাড়ি অগ্রসর হইতে পারিলেন না। তিন জন সিপাহী তাঁহার এই সঙ্কটাপন্ন অবস্থা দেখিল এবং মুহূর্ত্ত মাত্র বিলম্ব না করিয়া পলাতককে কহিল যে, তাহারা তদীয় জীবনরক্ষার জন্য সবিশেষ চেষ্টা করিবে। ইহা কহিয়াই, তাহারা বিপন্ন ইউরোপীয়ের টুপি ফেলিয়া দিল, পেটলুন ছিঁড়িয়া ফেলিল, জুতা দুইে নিক্ষেপ করিল, এবং তাহাকে ঘোড়ার পৃষ্ঠদেশের কাপড়ে সম্পূর্ণরূপে আচ্ছাদিত করিয়া ছই জনে কাঁধে লইয়া চলিল। তৃতীয় ব্যক্তি তাহাদের অগ্রে যাইতে লাগিল। যে সকল উত্তেজিত সিপাহীদিগের সহিত ইহাদের সাক্ষাৎ হইল, তাহাদিগকে কহিল যে, ইহারা আপনাদের এক জনের জীকে লইয়া বাইতেছে। এইরূপে ইহারা যুদ্ধোত্তম সিপাহীদিগকে ছাড়িয়া একটি নদী অতিক্রম পূর্বক নিরাপদে আপনাদের বহনীয় পদার্থ আনিল। অতঃপর তাহারা বিপন্ন পলাতককে অগ্নি-রায় বাইতে কহিল। কিন্তু পলাতক আপনায় সহধর্ম্মিণীকে পরিত্যাগ করিয়া কোথাও যাইতে স্বীকৃত হইলেন না। সিপাহীগণ এই বিপত্তিকালে তাঁহাকে

কাহারও জ্ঞাত কোথাও প্রতীক্ষা না করিয়া সম্বর ঘাইতে কহিল। কিন্তু পলাতক কিছুতেই বিচলিত হইলেন না। তিনি পত্নীকে পরিত্যাগ করিয়া একপদও অগ্রসর হইতে সম্মত হইলেন না। তিন জন সিপাহী তাঁহার আগ্রহাতিশয় দেখিয়া, নদীর যে তটে উত্তেজিত সিপাহীগণ পলাতক ইউরোপীয়দিগকে ধরিবার জন্ত অবস্থিতি করিতেছিল, তাহার অপর তটে উক্ত ইউরোপীয়কে লইয়া গেল। অনন্তর এক জন সিপাহী তাহাকে কহিল, “যদি আপনার জী জীবিত থাকেন, তাহা হইলে আমি এখনই তাঁহাকে আপনার নিকটে আনিয়া দিতেছি।” এই বলিয়া সিপাহী চলিয়া গেল। কুড়ি মিনিটের মধ্যে উক্ত ইউরোপীয়ের পত্নী স্বামীর সহিত সম্মিলিত হইলেন। তাঁহাদের গৃহ বিলুপ্ত হইয়াছিল; টাকাকড়ি বাহা কিছু এক জন বিশ্বস্ত ভৃত্যের নিকটে ছিল, উত্তেজিত লোকে উক্ত ভৃত্যের নিকট হইতে তাহা কাড়িয়া লইয়াছিল। বিলুপ্তনগর সিপাহীগণ উক্ত পলাতক ইউরোপীয়ের পত্নীর ঘড়ি ও চেক ছিনাইয়া লইয়াছিল। কিন্তু তাহাদের সমক্ষে তদীয় দেহ অক্ষতভাবে ছিল। উক্ত তিন জন সিপাহী এই হৃদশাগ্রস্ত দম্পতির প্রতি দয়া ও মৌজতের একশেষ দেখায়। তাহারা পূর্বে ঘোড়ায় যে চাদরে পলাতককে আচ্ছাদিত করিয়াছিল, এখন সেই চাদর ব্যাগের মত করিয়া বন্ধকের সহিত বাঁধিল, এবং উহার মধ্যে পলাতকের পত্নীকে স্থাপন পূর্বক দুই জনে কাঁধে করিয়া লইয়া চলিল। বিপন্ন ইউরোপীয় নগ্নপদে এই অপূর্ব ডুলির পার্শ্বে পার্শ্বে ঘাইতে লাগিলেন। সিপাহীগণ এইরূপে ৭ মাইল পথ অতিক্রম পূর্বক রেসিডেন্সিতে উপস্থিত হইল। এই সময়ে আর তিন জন ইউরোপীয় পলাতক তাঁহাদের সহিত সম্মিলিত হইলেন। সোভাগ্যক্রমে এই সময়ে একটি হাতী পাওয়া গেল। সকলে সেই হাতীতে চড়িয়া আশ্রয়লাভের উদ্দেশ্যে মহারাজের বাসস্থান লক্ষের অভিমুখে যাত্রা করিলেন। তাঁহার অর্ধকোশ পথ অতিক্রম করিয়াছেন, এমন সময়ে ছয় খানি ঘোড়ার গাড়ি তীরবেগে তাঁহাদের নিকটে উপস্থিত হইল। মহারাজের কতিপয় শরীররক্ষক সৈনিকপুরুষ এই সকল গাড়ির সঙ্গে ছিল। পলাতকগণ নিরাপদ হইলেন। উৎকৃষ্ট যান ও দেহরক্ষক উৎকৃষ্ট সৈনিকপুরুষ পাইয়া, তাহারা নিরুদ্বেগে আশ্রয়স্থানে উপনীত হইলেন। আরও অনেকগুলি ইউরোপীয়, কুলমহিলা ও বালকবালিকাদিগকে

লইয়া, ইহাদের সহিত সহিত মিলিত হইয়াছিলেন ।* এইরূপে বিশ্বস্ত সিপাহী-দিগের সাহসে ও সৌজন্তে বিপন্ন বিদেশীয়দিগের জীবনরক্ষা হইল ।

এই ঘটনায় মহারাজ শিন্দে যেমন উদ্বিগ্ন, সেইরূপ ছুঃখিত হইলেন । উপস্থিত সময়ে কি করিতে হইবে, তিনি সহসা তাহা নির্ধারণ করিতে পারিলেন না । রেসিডেন্ট মাক্ফারসন্ সাহেব তাড়াতাড়ি মহারাজ শিন্দের প্রাসাদে উপনীত হইলেন । পথে কতিপয় গাজী তাঁহাকে আক্রমণ করিতে উত্তত হইয়াছিল । কিন্তু এই সময়ে এক জন মহারাজীরের প্রত্যুৎপন্নমতিতে তিনি রক্ষা পাইলেন । উক্ত মহারাজীয়, আক্রমণকারীদিগকে কহিলেন যে, রেসিডেন্ট সাহেবকে বন্দী করিয়া মহারাজের নিকটে লইয়া যাওয়া হইতেছে । গাজীগণ এই কথায় নিরস্ত হইল । মাক্ফারসন্ সাহেব প্রাসাদে উপনীত হইয়া দেখিলেন যে, মহারাজ ও তাঁহার মন্ত্রী এক স্থানে উপবিষ্ট রহিয়াছেন । দরবারের সৈনিকগণ অস্ত্রশস্ত্রে সজ্জিত হইয়া, তাঁহাদের চারি দিকে দণ্ডায়মান রহিয়াছে । মহারাজ ও তদীয় মন্ত্রী উভয়েই চিন্তাকুল হইয়াছেন । রেসিডেন্ট সাহেব ইহাদের সহিত পরামর্শ করিতে লাগিলেন । পরামর্শে স্থির হইল যে, পলাতকদিগকে চম্বলের দিকে অথবা যদি সম্ভব হয়, আগরার পাঠাইয়া দিবার জন্ত যথোপযুক্ত যান সংগ্রহ করা হইবে । মাক্ফারসন্ সাহেব একাকী মহারাজের নিকটে থাকিতে চাহিলেন, কিন্তু মহারাজ শিন্দে এই প্রস্তাবের বিরুদ্ধে আপত্তি করিতে লাগিলেন । মহারাজ ভাবিলেন যে, রেসিডেন্ট সাহেব তাঁহার নিকটে থাকিলে, উদ্ভেজিত সিপাহীগণ অধিকতর উত্তেজনার পরিচয় দিবে । তাহার প্রাসাদ আক্রমণ করিবে এবং রেসিডেন্ট সাহেবের নিধনের জন্ত নানারূপ উপায় অবলম্বন করিতে থাকিবে । সুতরাং মহারাজ মাক্ফারসন্ সাহেবকে তাঁহার বহুমূল্য জীবন রক্ষার জন্ত পলায়ন করিতে পরামর্শ দিলেন । ইংরেজের পরিচালিত সিপাহীগণ ইংরেজের বিরুদ্ধে অস্ত্রধারণ করিয়াছিল । দরবারের সৈনিকগণ সশস্ত্রেও সন্দেহ করা হইয়াছিল । জনসাধারণ ইংরেজের আধিপত্য বিলুপ্ত হইল ভাবিয়া, অসংসাহসিক কার্যসাধনে অভিনিবিষ্ট হইয়াছিল । এসময়ে ইংরেজদিগের গোবালিয়রে থাকা সঙ্গত বোধ হইল না ।

* *Martin, Indian Empire, Vol II. p. 338-339.*

সুতরাং রেসিডেন্ট সাহেব মহারাজের নিকট বিদায় লইলেন। মহারাজ যথোচিত অর্থ দ্বারা সিপাহীদিগকে সন্তোষিত করিয়া আপন আপন বাড়ীতে পাঠাইয়া দিবার প্রস্তাব করিলেন। কিন্তু রেসিডেন্ট সাহেব এই প্রস্তাবে সন্মত হইলেন না। তিনি সমগ্র সৈনিকদলকে গোবালিয়রে একত্র রাখিতে ইচ্ছা করিয়া কহিলেন যে, যাবৎ সৈনিকগণ আপনাদের কর্মস্থলে থাকিবে, তাবৎ তাহাদিগকে কশ্মে বহাল রাখা যাইবে। এইরূপ আশ্বাস দিয়া, মহারাজ সিপাহীদিগকে গোবালিয়রে রাখিবে। মহারাজ শিলে রেসিডেন্ট সাহেবের পরামর্শ অল্পসারে কার্য্য করিতে প্রতীক্ষিত হইলেন। সুতরাং ইংরেজদিগের নিক্কাশনের পর দরবারের ও সৈনিকনিবাসের সিপাহীগণ কিছু কাল গোবালিয়রে থাকিল। সিপাহীগণ অর্থ পাইয়া গোবালিয়র পরিত্যাগ করিলে নানারূপ আশঙ্কার কারণ বর্তমান থাকিবে। তাহার হ্রদ স্থানান্তরে গিয়া, অপরাপর সিপাহীর দল পরিপুষ্ট করিবে। যে পর্য্যন্ত আগ্রা সুরক্ষিত, অথবা দিল্লী অধিকৃত না হয়, সে পর্য্যন্ত মাক্ফারদন্ সাহেব ঐ সকল সিপাহীকে কোনরূপে গোবালিয়রে রাখা সঙ্গত মনে করিয়াছিলেন। তাঁহার প্রস্তাবানুসারে এইরূপ কার্য্যপ্রণালী অবলম্বিত হইয়াছিল।

পলাতকগণ গোবালিয়র হইতে চম্বলের অভিমুখে যাত্রা করিয়াছিলেন। ইহাদের দুর্দশার একশেষ হইয়াছিল। পতিপ্রাণা কামিনী পতি হইতে জন্মের মত বিচ্ছিন্ন হইয়াছিলেন। সুখোচিত ও দৌভাগ্যে বর্দ্ধিত বালক-বালিকাগণ অনাথ হইয়াছিল। সৈনিকনিবাস পরিত্যাগকালে অনেকে নিহত হইয়াছিলেন। কিন্তু সিপাহীগণ গভীর উত্তেজনার আবেগে দয়াধর্ম্মে বিসর্জন দিলেও মহিলা বা বালকবালিকাদিগের প্রতি অস্ত্র প্রয়োগ করে নাই। ধর্ম্মপ্রচারক কুপলাও এবং ও ডাক্তার কার্ক সাহেব সিপাহীদিগের অস্ত্রাঘাতে দেহত্যাগ করিয়াছিলেন, কিন্তু তাঁহাদের বনিতারা অক্ষত-শরীরে ছিলেন। জীর সমক্ষে ডাক্তার সাহেব গুলির আঘাতে মুত্থমুখে পতিত হইলেন। তাঁহার পত্নী স্বামীর এইরূপ শোচনীয় পরিণাম দেখিয়া, উচ্চৈঃস্বরে বলিলেন, “আমাকেও মার”। সিপাহীগণ কহিল, “না”। ডাক্তার সাহেবের চারি বৎসর বয়সের পুত্র মাতার নিকটে ছিল। এক জন উত্তেজিত সিপাহী সহযোগীদিগকে কহিল, “বোচাকে (শিশুকে) মারিও না”। ডাক্তার সাহেব

প্রাণবিসর্জন করিলেন, তাঁহার পত্নী ও শিশুপুত্রের প্রাণ রক্ষা পাইল। কয়েকটি কুলমহিলা সিপাহীদিগকে আসিতে দেখিয়া তাহাদিগকে ধোড়হস্তে কহিলেন, “মাং মারো, মাং মারো” (আমাদিগকে মারিও না)। সিপাহীগণ কহিল, “না, আমরা মেমসাহেবদিগকে মারিব না। কেবল সাহেবদিগকে মারিব”। কথিত আছে, সিপাহীগণ কুলমহিলাদিগের প্রতি অন্ত্রচালনা না করিলেও, তাহাদের টাকা বা অলঙ্কারাদি লইতে সঙ্কুচিত হয় নাই। যাহা হউক, পলাতকগণ শোচনীয় দশাগ্রস্ত হইয়া ভীতচিত্তে আপনাদের অভাবনীয় দুর্দৃষ্টের স্থান পরিত্যাগ করিলেন। পথেও তাঁহাদিগকে নানারূপ বিপন্ন হইতে হইল। চম্বলের দুই মাইল দূরবর্তী একটি পল্লীতে উপস্থিত হইলে, দুই শত গাজী পলাতকদিগকে আক্রমণ করিতে উত্তত হয়। জাহাঙ্গীর খাঁ নামক এক জন হাবিলদার ইহাদের অধ্যাক্ষতা গ্রহণ করে। এই ব্যক্তি পূর্বে গুবর্ণমেন্টের সৈনিকবিভাগে নিয়োজিত ছিল। পরে মহারাজ শিন্দের দরবারে কর্ম গ্রহণ করে। জাহাঙ্গীর খাঁ সবুজ বর্ণের পরিচ্ছদ পরিয়া মাক্ফারসন্ সাহেবের নিকটে উপস্থিত হয়। এই ব্যক্তি প্রথমতঃ ইউরোপীয়দিগের কোনরূপ অনিষ্ট করিবেনা বলিয়া ভাণ করে, কিন্তু পলাতকগণ ইহাতে নিশ্চিত হইয়েন নাই। সৌভাগ্যক্রমে দিনকর রাওর আদেশে ঠাকুর বলদেব সিংহ নামক এক জন বর্ণিষ্ঠ যুদ্ধকুশল ব্রাহ্মণ আপনায় সশস্ত্র অমুচরদিগকে সঙ্গে লইয়া নিশীথকালে পলাতকদিগের নিকটে উপস্থিত হইলেন। ইহার আগমনে ইউরোপীয়গণ অনেকাংশে নিরুদ্বেগ ও নিশ্চিত হইলেন। ঠাকুর বলদেব সিংহ কতিপয় অমুচরকে জাহাঙ্গীর খাঁর গতিবিধি পর্যবেক্ষণে নিয়োজিত করিলেন, এবং স্বয়ং অবশিষ্ট অমুচরদিগকে লইয়া ইউরোপীয়দিগের সঙ্গে চলিলেন। ইহার সাহায্যে ইউরোপীয়েরা চম্বলনদ পার হইলেন। মাক্ফারসনের প্রার্থনা অনুসারে ঢোলপুরের অধিপতি হস্তী ও শরীররক্ষক সৈন্য পাঠাইয়া দিয়াছিলেন। চম্বলের অপর তটে এই সকল হস্তী ও সৈন্য সজ্জিত ছিল। পলাতকগণ হস্তীতে আরোহণপূর্বক অগ্রসর হইলেন, শরীররক্ষক সৈনিকেরা ইহাদের সঙ্গে যাইতে লাগিল। ঢোলপুররাজ ইহাদের প্রীতি দয়া ও সৌজন্যের একশেষ প্রদর্শন করিলেন। তাঁহার প্রেরিত বাহনে পরিশ্রান্ত ও সর্ববিষয়ে বিপন্ন পলাতকদিগের পথশ্রান্তি দূর হইল, তাঁহার সৈনিকগণের উপস্থিতিতে পলাতকদিগের সাহস বৃদ্ধি পাইল, তাঁহার যত্নে ও আগ্রহে

পলাতকগণের নিকটে গোবালিয়রের প্রকৃত সংবাদ উপস্থিত হইতে লাগিল। ১৫ই জুন আগরার কর্তৃপক্ষ উপস্থিত বিপ্লবের সংবাদ অবগত হইলেন। পলাতকগণ এইরূপে নানা বিষয়বিশিষ্ট অতিক্রমপূর্বক ১৭ই জুন আগরায় উপনীত হইলেন। ইহাদের অল্প ছুইদল যথাক্রমে ১৯শে ও ২২শে জুন নিরতিশয় শোচনীয় অবস্থায় আপনাদের নির্দিষ্ট স্থানে পদার্পণ করেন।

গোবালিয়রে সর্বসমেত ২০ জন ইউরোপীয় নিহত হয়। ইহাদের কাহারও দেহ কোনরূপে ছিন্নবিচ্ছিন্ন হয় নাই। মহারাজ শিন্দের আদেশে যথানিয়মে ইহাদের সমাধি হয়। পূর্বে উক্ত হইয়াছে যে, উত্তেজিত সিপাহীগণ আপনাদের এক জন অধিনায়ককে সমাধিস্থ করে। এই অধিনায়কের নাম মেজর ব্লেক। সিপাহীগণ ব্লেকের পত্নীর-প্রতি সদ্যবহার করিতে বিমুগ্ধ হয় নাই। মেজর ব্লেকের মীর্জা নামক খিদমতগার এই সময়ে তদীয় বিধবা পত্নীর সহায় হয়। এইরূপ বিশ্বস্ততার জন্য গবর্ণমেন্ট অতঃপর ইহাকে পুরস্কৃত করেন।

পূর্বে উক্ত হইয়াছে যে, রেসিডেন্ট সাহেবের পরামর্শ অনুসারে মহারাজ শিন্দে উত্তেজিত সৈনিকদলকে কোনরূপে গোবালিয়রে রাখিতে সম্মত হইয়াছিলেন। সুতরাং গোবালিয়রের সিপাহীগণ কর্তৃক আপাততঃ আগরা আক্রান্ত হইবার আশঙ্কা না থাকিলেও, স্থানান্তরের ঘটনায় লেফটেনেন্ট-গবর্ণর কলবিন সাহেব শঙ্কিত হইয়াছিলেন। তাঁহার নিকটে সংবাদ আসিয়াছিল যে, নীমচের সৈনিকদল গবর্ণমেন্টের বিরুদ্ধে সমুথিত হইয়া আগরায় দিকে আসিতেছে। নীমচ মহারাজ শিন্দের রাজ্যের প্রান্তভাগে অবস্থিত। উহা পূর্বে শিন্দের অধিকৃত ছিল। পরে উহাতে গবর্ণমেন্টের প্রধান সৈনিকনিবাস প্রতিষ্ঠিত হয়। ঐ স্থান বরুণ মনোরমা, সেইরূপ স্বাস্থ্যকর। এই স্বাস্থ্যকর ও রমণীয় স্থানে ব্রিটিশ গবর্ণমেন্টের বহুসংখ্যক সৈনিকপুরুষ অবস্থিত করিতেছিল। উত্তর-পশ্চিমপ্রদেশের লেফটেনেন্ট-গবর্ণরের শাসনাধীন জনপদের পশ্চিম সীমান্তে অবস্থিত হওয়াতে বোম্বাই প্রেসিডেন্সির সৈনিকদলও বাঙ্গালার সিপাহীদিগের সহিত এই স্থানরক্ষায় নিয়োজিত থাকিত। ১৮৫৭ অব্দের প্রারম্ভে বোম্বাই প্রেসিডেন্সির পদাতিদলের স্থলে বাঙ্গালার সিপাহীগণ অবস্থিতি করিতে থাকে। উপস্থিত সময়ে নীমচে দুই দল পদাতি এবং প্রথম অশ্বারোহীদের কতকগুলি

সৈনিক ছিল। নীমচের ১৫০ শত মাইল উত্তরদিক্‌বর্তী নসীরাবাদে ছই দল পদাতি, এক দল গোলন্দাজ এবং বোম্বাইয়ের এক দল সৈন্ত অবস্থিতি করিতে-ছিল। ইহাদের মধ্যে পদাতি ও গোলন্দাজদিগের তাদৃশ প্রশাস্তভাব পরিলক্ষিত হয় নাই। তাহারা কিছু দিনের মধ্যে উত্তেজনার পরিচয় দিতেছিল। ২৮শে মে অপরাত্নকালে তাহাদের মধ্যে কেহ কেহ সহসা কামানের পার্শ্বে গমন করে, বন্দুক পুরিতে থাকে এবং গবর্ণমেন্টের বিরুদ্ধে সমরবেশে সজ্জিত হইয়া উঠে। পদাতি ও গোলন্দাজ সৈন্ত এইরূপে পূৰ্ণতন প্রশান্তভাব ও বিশ্বস্ততা হইতে স্থলিত হয়। কিন্তু বোম্বাইয়ের সৈনিকদল সহসা ইহাদের অন্তর্যবর্তী হয় নাই। যখন ইহাদের প্রতি, উত্তেজিত সিপাহীদিগকে আক্রমণ ও কামান অধিকার করিতে আদেশ দেওয়া হয়, তখন এই আদেশপালনে তাহারা ঔদাস্য দেখায়। সুতরাং পদাতি ও গোলন্দাজগণ উৎসাহসম্পন্ন হইয়া আফিসারদিগকে আক্রমণ করে। ছই জন আফিসার নিহত এবং ছই জন আহত হইলেন। ব্রিটিশ কোম্পানির সৈনিকদলের রীতিপদ্ধতি একরূপ ছিল না। উপহিত সময়ে এই পার্থক্য ও তৎপ্রযুক্ত অনিষ্টজনক কল সম্পূর্ণরূপে পরিস্ফুট হয়। বাঙ্গালার সিপাহীগণ আপনাদের পরিবারবর্গ হইতে বিচ্ছিন্ন হইয়া কর্মস্থলে অবস্থিতি করিত, পক্ষান্তরে বোম্বাইয়ের সৈনিকদিগের পরিবারবর্গ তাহাদের সঙ্গে থাকিত। বোম্বাইয়ের যে সৈনিকদল নসীরাবাদে অবস্থিতি করিতেছিল, তাহাদের জীপুজাদিও ঐ স্থানে ছিল। সুতরাং এই সময়ে আপনাদের জীপুজাদি তাহাদের প্রধান চিন্তনীয় বিষয় হইয়াছিল। বাঙ্গালার সৈনিকদলের বিরুদ্ধে অগ্রসর হইলে পাছে তাহাদের প্রীতিভাজন পরিজনগণ আক্রান্ত হয়, এই আশঙ্কায় তাহারা নিশ্চেষ্টভাবে থাকে। ইউরোপীয়গণ নিঃসহায় ও নিরবলম্ব হইয়া পড়েন। তাহারা উপায়ান্তর না দেখিয়া, আপনাদের সমস্ত বিষয় পরিত্যাগপূর্বক জীপুজাদির সহিত ৩০ মাইল দূরবর্তী বেওল্লারে পলায়ন করেন। উত্তেজিত সিপাহীগণ তাহাদের অপরাপয় উত্তেজিত স্বদেশীয়ের অচ্যুত কথ—গৃহদাহ, সম্পত্তিলুপ্তন প্রভৃতি সম্পাদন পূর্বক দিল্লীর অভিমুখে প্রস্থান করে।

নসীরাবাদের সৈনিকগণ যখন এইরূপে গবর্ণমেন্টের বিরোধী হয়, তখন নীমচের সিপাহীরা যে, স্থিরভাবে থাকিবে, তাহার সম্ভাবনা ছিল না। ইহাদের

উপর পূর্বেই সন্দেহ করা হইয়াছিল। ৩রা জুন ইহার প্রকাশ্যভাবে গবর্ণ-
মেন্টের বিরুদ্ধে সমুখিত হয়, এবং বিলুপ্ত, ভয়ঙ্কর প্রভৃতি অহুতের কর্ম
সম্পাদনপূর্বক দিল্লীতে যাত্রা করে। ইহার আফিসার ও তাঁহাদের পরিবার-
বর্গের জীবনহানি করে নাই। ইহাদের অত্যধিক উত্তেজনার আবেগে কেবল
এক জন ইউরোপীয় গোলন্দাজের স্ত্রী নিহত হয়। এই সময়ে মোগলের
চিরপ্রসিদ্ধ রাজধানী উত্তেজিত সিপাহীদিগের প্রধান লক্ষ্য ছিল। তাহার
সুদূরবর্তী স্থান হইতে দিল্লীর অভিমুখে অগ্রসর হইতেছিল। উত্তরপশ্চিম
প্রদেশের রাজধানী আগরা দিল্লীর পথে। সুতরাং আগরার কর্তৃপক্ষ, নীমচের
উত্তেজিত সিপাহীগণের দিল্লীতে অভিযানবার্তা শুনিয়া, নিরতিশয় শঙ্কিত
হয়েন। কিন্তু সিপাহীগণ এক পরামর্শে পরিচালিত হইত না। এক
সময়ে তাহাদের যে কার্যপ্রণালী নির্ধারিত হইত, অল্প সময়ে তাহা বিপর্যস্ত
হইয়া যাইত। এইরূপ অব্যবস্থিত সমরব্যবসারিগণ যে, সহসা দিল্লীতে যাই-
বার সময়ে আগরা আক্রমণ করিবে, তাহার সম্ভাবনা কম ছিল। নীমচ হইতে
আগরা ৩০০ শত মাইলের অধিক দূরে অবস্থিত। এজন্য উত্তরপশ্চিমপ্রদেশের
লেফটেনেন্ট-গবর্ণরের তাদৃশ আশঙ্কার কারণ বর্তমান ছিল না। এই সময়ে
মহারাজ শিন্দের ভ্রাতা আর এক জন মহারাষ্ট্রীয় অধিরাজের উপর সাধারণের
দৃষ্টি ছিল। মহারাজ শিন্দের ভ্রাতা ইহার রাজ্যের সহিতও উত্তেজিত সিপাহী-
দিগের উত্তেজনামূলক কর্মের সংস্রব ছিল। আগরা অপেক্ষা ইহার
অধিকৃত স্থান উক্ত উত্তেজিত সিপাহীদের নিকটবর্তী ছিল। এই মহা-
রাষ্ট্রীয় ভূপতির রাজ্যে উপস্থিত সময়ে কি ঘটয়াছিল, তাহা এখন বর্ণিত
হইতেছে।

ইন্দোর মহারাজ হোলকরের রাজধানী। ১৭৬৭ খ্রীষ্টাব্দে প্রাতঃস্মরণীয়
ইন্দোর অহল্যাবাই কর্তৃক এই রাজধানী প্রতিষ্ঠিত হয়। অহল্যাবাইয়ের
সংস্রবে এবং প্রসিদ্ধ মহারাষ্ট্রীয় অধিরাজের প্রাধাভ্যে এই রাজধানী
ভারতে চিরপ্রসিদ্ধ হইয়া উঠে। ইন্দোর মহারাজ হোলকরের রাজ্যের পশ্চিমাংশে
ও আগরার চারি শত মাইল অন্তরে অবস্থিত। এই স্থান হইতে বোম্বাই ৩০ মাইল
দূরবর্তী। রাজনৈতিক বিষয়ে ইন্দোর মধ্যভারতবর্ষের প্রধান স্থান। এই

স্থানে রেসিডেন্সি অবস্থিত। রেসিডেন্সিতে ব্রিটিশ গবর্নমেন্টের প্রতিনিধি বৎসরের অধিকাংশ সময় বাপন করেন। রাজধানীর ১৩ মাইল দূরে নো-নামক স্থানে সৈনিকনিবাস। ১৮৫৭ অব্দের গ্রীষ্মকালে সৈনিকনিবাসে ২৩ সংখ্যক এতদেশীয় পদাতি, প্রথম সংখ্যক এতদেশীয় অশ্বারোহিদলের একাংশ, এবং একদল গোলন্দাজ সৈন্য ছিল। পদাতিদলে ১৬ জন ইউরোপীয়, ১,১৭৯ এতদেশীয়; অশ্বারোহিদলে ১৩ জন ইউরোপীয়, ২৮২ জন এতদেশীয়; গোলন্দাজদলে ৯১ জন ইউরোপীয়, ৯৮ জন এতদেশীয় সৈনিক পুরুষ অবস্থিত করিতেছিল। বিপত্তিকালে ইউরোপীয়দিগকে স্বদেশীয় গোলন্দাজদিগের উপরে সর্বাংশে নির্ভর করিতে হইত। ২৩ সংখ্যক পদাতিদলের অধিনায়ক কর্ণেল প্রাটের উপর সৈনিকনিবাসের কত্বে ছিল।

রেসিডেন্সি ইন্দোরের ছয় মাইল দূরে অবস্থিত। রেসিডেন্টের আবাসগৃহ দ্বিতল, প্রস্তরে নির্মিত এবং বৃক্ষবাটিকায় পরিবেষ্টিত। বাজার ও সহকারী রেসিডেন্টের আবাসগৃহ রেসিডেন্সির সুবিস্তৃত অঙ্গনের মধ্যে অবস্থিত। উহার পশ্চিমদিকে মোতে ঘাইবার পথ। পথের দক্ষিণপূর্ব দিক উত্তান ও বৃক্ষশ্রেণীতে সুশোভিত। উহার ঠিক পশ্চিমে বাজার এবং বিভিন্ন প্রকারের অনেকগুলি গৃহ। এই দিকে রেসিডেন্সিরক্ষার জন্য মহারাজ হোলকরের সৈন্য অবস্থিত করিতেছিল। উত্তর দিকে ডাকঘর, টেলিগ্রাফ অফিস এবং ধনাগার। এই দিকে ভূপালের অশ্বারোহী সৈন্য ছিল। শ্রার রবার্ট হামিল্টন ইন্দোরের রেসিডেন্ট ছিলেন। কিন্তু তিনি অসুস্থতাপ্রবৃত্ত স্বদেশে গমন করেন। তৎপক্ষে কর্ণেল হেনরি ডুরাণ্ড প্রতিনিধিস্বরূপ নিয়োজিত হইলেন। সামরিক কর্মে কর্ণেল ডুরাণ্ডের নৈপুণ্য ছিল। প্রথম আফগানযুদ্ধে গজনির প্রবেশদ্বার ভগ্ন করিয়া, তিনি সৈনিকসমাজের প্রশংসনীয় হইলেন। ইহার পর তিনি স্বদেশে গমন করেন। লর্ড এলেনবরা গবর্নর-জেনেরলের পক্ষে প্রতিষ্ঠিত হইলে, কর্ণেল ডুরাণ্ড তাঁহার খাসমুখী হইলেন। ডুরাণ্ড অভিনব গবর্নর-জেনেরলের সহিত ভারতবর্ষে প্রত্যাগত হইয়া, অভিনব কর্ম সম্পাদন করিতে থাকেন। ক্রমে তিনি রাজনৈতিক ও দেওয়ানি বিভাগের অস্ত্রান্ত কর্মের ভার গ্রহণ করেন। ১৮৫৭ অব্দে তিনি মধ্যভারতবর্ষে গবর্নর-জেনেরলের এজেন্ট হইলেন। শ্রার রবার্ট হামিল্টন এবং কর্ণেল ডুরাণ্ড বিভিন্ন প্রকৃতির লোক

ছিলেন। একের অভিমতের সহিত অপরের অভিমতের সামঞ্জস্য ছিল না। যে সকল ভূপতি এক সময়ে ক্ষমতার ও প্রাধান্বে অপ্রতিহতভাবে শাসনদণ্ডের পরিচালনা করিয়া, শেষে আপনাদের অদৃষ্টের নিকটে মস্তক অবনত করিয়াছেন, সেই পরাম্ভুগত ও পরাম্ভুগ্রহপ্রার্থী ভূপতিদিগের প্রতি স্মার রাবার্ট হামিলটনের বখোচিত সমবেদনা ছিল। দীর্ঘকালের অভিজ্ঞতার হামিলটন বুঝিয়াছিলেন যে, সহিষ্ণু না হইলে সিদ্ধির পথ সুগম হয় না। বিশেষতঃ যাহাদের সজ্জিত ভাষা, ধর্ম, রীতিনীতি, দেশাচার প্রভৃতি বিষয়ে একতা নাই, তাহাদের মধ্যে কার্য্য করিতে হইলে সর্ব্বক্ষণ সহিষ্ণুতার পরিচয় দেওয়া আবশ্যিক। স্মার রাবার্ট হামিলটন এইরূপ ধারণার বশবর্ত্তী হইয়া, ধীরভাবে মহারাজ হোলকরের দরবারের কক্ষ পরিদর্শন করিতেন, এবং কোনরূপ অসঙ্গত বিষয় লক্ষিত হইলে, ধীরতা ও সহিষ্ণুতার সহিত উহার প্রতীকারে উত্তত হইতেন। কিন্তু তাঁহার প্রতিনিধি কর্ণেল ডুরাও এইরূপ প্রকৃতির লোক ছিলেন না। তাঁহার বিশ্বাস ছিল যে, কর্তব্যসম্পাদনে কঠোরতা না দেখাইলে কোন কর্তব্যই সম্পন্ন হয় না। তাঁহার নিকটে কোন বিষয় অনিষ্টজনক বলিয়া প্রতিপন্ন হইলে, তিনি কঠোরভাবে উহার প্রতীকার করিতেন। তাঁহার সহিষ্ণুতা ছিল না, অগ্র পশ্চাৎ দেখিয়া, ধীরভাবে কার্য্য করিতে ও তাঁহার অভ্যাস ছিল না। তিনি কন্ননাগ্রয় ছিলেন, নিজের কন্ননার প্রমত্ত হইয়া, উদ্ধতভাবে কার্য্য করিতেই ভালবাসিতেন। তিনি যে কার্য্যে অভ্যস্ত ছিলেন, যদি সেই কার্য্যে নিয়োজিত থাকিতেন, তাহা হইলে তাঁহার গুণগৌরব অধিকতর প্রকাশিত হইত, এবং তিনি এক জন প্রধান ও সাহসী যোদ্ধা বলিয়া প্রসিদ্ধিলাভ করিতেন। কিন্তু রাজনৈতিক বিষয়সম্পাদনের ক্ষমতা তাঁহার তাদৃশ গুণ ছিল না। যে হেতু এতদদেশীয় অধিরাজবর্ণের প্রতি তাঁহার সমবেদনা ছিল না, এতদদেশীয়দিগের সহিত ব্যবহারে তাঁহার সহিষ্ণুতা পরিলক্ষিত হইত না। যে ভূপতির দরবারে তিনি ব্রিটিশ গবর্ণমেন্টের প্রতিনিধিরূপে নিয়োজিত ছিলেন, সেই ভূপতিকে তিনি যোগলদরবারের সৈরদ জাতীয় অপেক্ষা অধিকতর রাজতন্ত্র বলিয়া মনে করিতেন না। এই ধারণা তাঁহাকে উপস্থিত সময়ে হঠকারিতাপ্রদর্শনে প্রবর্ত্তিত করিয়াছিল। এখন যে ঘটনা বর্ণিত হইতেছে, তাহাতে এই বিষয় পরিস্ফুট হইবে।

উপস্থিত সময়ে মহারাজ তুকাजी রাও হোলকর একবিংশ বর্ষে উপনীত হইরাছিলেন। তিনি ধীরপ্রকৃতি, সুশিক্ষিত ও বুদ্ধিমান ছিলেন। রেসিডেন্ট স্যার রবার্ট হামিল্টন তাঁহার শিক্ষার সুবন্দোবস্ত করিয়া দিয়াছিলেন। উমেদ সিংহ নামক একজন অভিজ্ঞ ও দূরদর্শী ব্রাহ্মণ তাঁহার শিক্ষক হয়েন। মরাঠা প্রভৃতি অনেকগুলি ভারতবর্ষীয় ভাষায় উমেদ সিংহের অধিকার ছিল। এতদ্ব্যতীত উমেদ সিংহ ইংরেজী ভাষা বিশুদ্ধরূপে বলিতে ও লিখিতে পারিতেন। এই বহু-দর্শী ব্রাহ্মণ আপনার প্রসিদ্ধ ছাত্রকে সুশিক্ষিত করিতে যথোচিত যত্ন করেন। তাঁহার যত্ন কোন অংশে নিষ্ফল হয় নাই। মহারাজ তুকাजी রাও ব্রাহ্মণ অধ্যাপকের শিক্ষার শুণে সুলীল, শাস্ত্রামুরাগী এবং বিনয়ী হইয়া উঠেন। ইন্দোরের সর্দারদিগের পুত্রগণও মহারাজ তুকাजी রাওয়ের সহিত শিক্ষালাভ করিতেন। এই সকল সমবয়স্ক সহাধ্যায়ীর সহিত একত্র থাকাতে তুকাजी রাওর শিক্ষামুরাগের সহিত প্রীতি, মেহ ও সমবেদনা বর্দ্ধিত হইরাছিল।

স্যার রবার্ট হামিল্টন যত দিন ইন্দোরের দরবারে ছিলেন, তত দিন মহারাজের কোন বিষয়ে কোন অসুবিধা ঘটে নাই। কোন বিষয়ে অভিযোগ উপস্থিত হইলে, রেসিডেন্ট সাহেব ধীরভাবে উহা শুনিতেন, এবং সঙ্গত বোধ হইলে, উহার প্রতীকার করিতেন। হামিল্টনের প্রতিনিধি যখন কার্যভার গ্রহণ করেন, তখনও এইরূপ অভিযোগ উপস্থিত হইত। কিন্তু পূর্বে উক্ত হইরাছে যে, কর্ণেল ডুরাও ভিন্ন প্রকৃতির লোক ছিলেন। সমবেদনার অভাবপ্রযুক্ত তিনি ভারতবর্ষীয়দিগকে প্রীতির চক্ষে দেখিতেন না। এক জন মরাঠা ভূপতি যে, ব্রিটিশ গবর্ণমেন্টের প্রতিনিধির সমক্ষে আপনার অভিযত প্রকাশ বা কোন অভিনব প্রস্তাবের উত্থাপন করিবেন, তাহা তিনি সহিতে পারিতেন না। সুতরাং মহারাজ হোলকরের ব্যবহারে তিনি বিরক্ত হইলেন। তাঁহার ধারণা ছিল যে, ব্রিটিশ গবর্ণমেন্টের প্রতিনিধি সর্বশক্তিমান এবং সকলের প্রভুর প্রভু। এই সর্বশক্তির কেন্দ্রস্থল প্রভুর প্রভুর সম্মুখীন হওয়া কাহারও উচিত নহে। মহারাজ হোলকর যত বড় লোকই হউন না কেন, অহংজ্ঞানী ব্রিটিশ রেসিডেন্ট তাঁহাকে সামান্ত বলিয়াই মনে করিতেন। সুতরাং তৎকালবয়স্ক মহারাজের প্রতি তাঁহার সমবেদনা রহিল না। মহারাজ তুকাजी রাও এই কঠোরপ্রকৃতি রেসিডেন্টের ব্যবহারে দুঃখিত হইলেন।

উপস্থিত সময়ে চারি দিকে বিপদের সূচনা হইতেছিল। গোবালিয়রের মৈনিক-নিবাসে বিপ্লবের বিকাশ হইয়াছিল। নসীরাবাদ ও নীমচের সিপাহীগণ আপনাদের প্রাতিপালক গবর্ণমেন্টের বিরুদ্ধে অস্ত্র ধারণ করিয়াছিল। দিল্লী ইংরেজের হস্ত হইতে অধিকৃত হইয়া পড়িয়াছিল। ইংরেজসৈন্য দিল্লীর পুরোভাগে দুর্ধর্ষ সিপাহীগণ-কর্তৃক অবরুদ্ধভাবে অবস্থিত করিতেছিল। সমগ্র উত্তরপশ্চিম প্রদেশে ইংরেজের প্রাধান্য বিলুপ্ত প্রায় হইয়াছিল। ইন্দোরের চারি দিকেই করাল বক্ষি-শিখার বিস্তার হইতেছিল। উক্ত লোকে ইংরেজের নিক্শনে এবং ইংরেজের সাম্রাজ্যের বিধ্বংসসাধনে বদ্ধপরিকর হইয়া উঠিয়াছিল। মহারাজ তুকাজী রাও চতুর্দিকে ভয়ঙ্কর বিপ্লবের সূচনা দেখিয়া হেরুপ ছুঃখিত, সেইরূপ চিন্তিত হইয়াছিলেন। রেসিডেন্টের ব্যবহারে তাঁহার অধিকতর বিরক্তি ও হুশিঙ্কা জন্মিয়াছিল। কিন্তু রেসিডেন্টের প্রতি বিরক্ত হইলেও, তিনি সমগ্র ইংরেজের প্রতি বিরক্তি প্রকাশ করেন নাই। বয়সের অল্পতায় তাঁহার ধীরতা ও অভিজ্ঞতা বিপর্যস্ত হয় নাই। ইংরেজের ক্ষমতার উপর তাঁহার অটল বিশ্বাস ছিল। তিনি সিদ্ধান্ত করিয়াছিলেন যে, ইংরেজ এই বিপত্তিকালে আপনাদের ক্ষমতা অব্যাহত রাখিতে পারিবেন। ইংরেজের দৃঢ়তা, ইংরেজের চরিত্রবল, ইংরেজের সাহস ও সহায়সম্পত্তি কিরূপ, তাহা তিনি জানিতেন। স্মরণ্য কর্ণেল ডুরাণ্ডের চরিত্রের অল্পপাতে তিনি সমগ্র ইংরেজের চরিত্রের পরিমাণ করেন নাই। তিনি ডুরাণ্ডকে ভাল না বাসিলেও, ইংরেজজাতির প্রতি তাঁহার ভালবাসা ও শ্রদ্ধা ছিল। তিনি ইংরেজের বিরোধী হইতে চাহেন নাই বা ইংরেজের সমক্ষে আপনাকে কলঙ্কিত করিতেও ইচ্ছা করেন নাই।

মহারাজ তুকাজী রাও আর এক বিষয়ে নিরতিশয় চিন্তিত হইয়াছিলেন। তাঁহার অস্ত্রাগার প্রায় শূন্য ছিল। উত্তেজিত সিপাহীদিগকে বাধা দিবার জন্য যথোপযুক্ত অস্ত্রশস্ত্র সংগৃহীত ছিল না। ইন্দোরের দরবার, রেসিডেন্ট ঘারা বোম্বাই গবর্ণর লর্ড এলিফিন্‌ষ্টোনের নিকটে দুই হাজার বন্দুক, তিনশত জোড়া পিস্তল এবং চারি লক্ষ ক্যাপের জন্য প্রার্থনা করেন। বোম্বাই গবর্ণর ইহার উত্তরে কর্ণেল ডুরাণ্ডের নিকট লিখিয়া পাঠান যে, প্রার্থিত বিষয়ের অর্দ্ধাংশ দিলেই বোধ হয়, মহারাজের সন্তোষ জন্মিতে পারে। কর্ণেল ডুরাণ্ড যখন মহারাজ হোলকরের প্রার্থনা বোম্বাইয়ের গবর্ণরের গোচর করেন, তখন তিনি হোলকরের

বিশ্বস্ততা সৰ্ব্বক্ষেপে সন্দেহান্বিত হইল। ইন্স্টোরের দরবারে যে, গবর্ণমেন্টের বিরোধী হইয়া উঠিবেন, তাঁহার মনে এইরূপ ধারণার আবির্ভাব হয় নাই। তিনি মহারাজ হোলকরকে বিশ্বস্ত বলিয়া মনে করিতেন, সুতরাং গবর্ণমেন্টের শত্রুগণের সমক্ষে তাঁহার বলবৃদ্ধির ক্ষমতা তদীয় অন্তরাগারে পর্যাপ্তপরিমাণে যুদ্ধোপকরণ রাখা আবশ্যক মনে করিয়াছিলেন।

এ পর্যাপ্ত পার্শ্ববর্তী স্থানের সিপাহীদিগের উত্তেজনা ও তৎপ্রযুক্ত গবর্ণমেন্টের প্রতি তাহাদের শত্রুতা পরিলক্ষিত হয় নাই। নসীরাবাদ ও নীমচে কোনরূপ গোলযোগ ঘটে নাই। ডুরাও পার্শ্ববর্তী স্থানের প্রশান্তভাব দেখিয়া আশ্বস্ত হইয়াছিলেন। কিন্তু জুন মাস শেষ হইতে না হইতেই ছশিক্তার গভীর আবেগে তাঁহার হৃদয় বিচলিত হয়। আশ্বস্তভাবের স্থলে বোরতর অশান্তিতে তিনি অভিভূত হইয়া পড়েন। নসীরাবাদ ও নীমচের সিপাহীগণ প্রকাশ্যভাবে শত্রুতা প্রকাশ করে, এবং আপনাদের অবস্থিতির স্থলে ভয়াবহ বিপ্লবের নিদর্শন রাখিয়া মোগলের রাজধানীর অভিমুখে ধাবিত হয়। কিন্তু এ সময়ে মোতে সিপাহীদিগের উত্তেজনা ঘটে নাই। কর্ণেল প্লাট সমস্ত বিষয় সুশৃঙ্খলভাবে রাখিতে যথোচিত চেষ্টা করিয়াছিলেন। তিনি ৩০ বৎসর কাল আপনাদে ২৩ সংখ্যক সৈনিকদলে ছিলেন। দীর্ঘকালের অভিজ্ঞতা তাঁহাকে সহসা কোনরূপ আশঙ্কাপ্রদর্শনে নিরস্ত রাখিয়াছিল। জুন মাসের মধ্যভাগে আফিসারগণ সিপাহীদিগের প্রতি বিশ্বস্ততাপ্রদর্শন ও অমূলক আশঙ্কার নিবারণের জন্ত রাত্রিকালে সৈনিকনিবাসে শয়ন করিয়া থাকিতেন। জুন মাস এইরূপে বিনা গোলযোগে অতিবাহিত হইল। কিন্তু জুন মাসের সহিত শান্তি ও আশ্বস্তভাবের ত্রয়োদশ ঘটিল। ১লা জুলাই বেলা পূর্বাহ্ন ৮টার পর কর্ণেল ডুরাও প্লাটের নিকটে লিখিয়া পাঠাইলেন—“যত শীঘ্র পারেন, ইউরোপীয় গোলন্দাজদিগকে প্রেরণ করুন ; আমরা হোলকরকর্তৃক আক্রান্ত হইয়াছি।”

সিপাহীদিগের এই আকস্মিক সমুত্থানসম্বন্ধে মতভেদ আছে। ভিন্ন ভিন্ন ব্যক্তি ভিন্ন ভিন্ন মত প্রকাশ করাতে এ পর্যাপ্ত ইতিহাসে এই বিপ্লবের সূক্ষ্ম বিবরণ প্রকাশিত হয় নাই। বাহা হউক, এ সম্বন্ধে স্মৃতিঃ এইরূপ জানা গিয়াছে যে, ১লা জুলাই প্রাতঃকালে সিপাহীগণ এবং তাহাদের আফিসারবর্গের মধ্যে কোনরূপ গোলযোগ ঘটে নাই। সে সময়ে সকলেই নিশ্চিন্তভাবে ছিল।

সিপাহীরা সামরিক পরিচ্ছদ ছাড়িয়া, ইতস্ততঃ বিচ্ছিন্নভাবে ছিল। কেহ কেহ স্থান করিতেছিল, কেহ কেহ রক্তনে ব্যাপ্ত ছিল। এতদ্দেশীর আফিসারগণ প্রাতঃকালের কার্যানির্বাহের জন্য নিশ্চিন্তচিত্তে ও প্রশান্তভাবে পরস্পর সমবেত হইয়াছিলেন। কর্ণেল ট্রাবার্স নামক এক জন সেনানায়ক তাহাদের কাহারও কাহারও সঙ্গে কথোপকথন করিতেছিলেন। এমন সময়ে সহসা কামানের ধ্বনিতে সকলে চমকিত হইলেন। হোলকরের অশ্বারোহিনদের সাদত থা নামক একজন সৈনিক এবং আট জন সওয়ার সাতিশয় উত্তেজিতভাবে চীৎকার করিয়া কহিতে লাগিল—“সকলে প্রস্তুত হও, সাহেবদিগকে মার, মহারাজের এইরূপ আদেশ।” দেখিতে দেখিতে তাহার পশ্চাতে বহুসংখ্যক উচ্ছল লোক সমবেত হইল। দরবারের সৈনিকদল সাদত থান্ন কথার উত্তেজিত হইয়া উঠিল। তাহাদের অধিনায়ক বংশগোপাল তাহাদিগকে স্তম্ভশূলভাবে রাখিতে পারিলেন না। তাহারা কাহারও নিষেধ না মানিয়া, ইংরেজদিগের বিরুদ্ধে অগ্রসর হইতে লাগিল। গোলন্দাজেরাও আপনাদের কামানগুলি সজ্জিত করিয়া গোলাবর্ষণে প্রবৃত্ত হইল। ১লা জুলাই প্রাতঃকালে কর্ণেল ডুরাণ্ড বোম্বাইয়ের গবর্ণরের নিকটে তারযোগে পাঠাইবার জন্য কোন সংবাদ লিখিতেছিলেন। এমন সময়ে তিনি এই কামানের ধ্বনি শুনিয়াই, চমকিত হইয়া উঠিলেন। কর্ণেল ডুরাণ্ড রেসিডেন্সি ও ধনাগার রক্ষার জন্য মহারাজ হোলকরের নিকট হইতে যে সকল কামান আনাইয়াছিলেন, সেই সকল কামান হইতে গোলাবৃষ্টি হইতেছে শুনিয়া, তিনি গভীর বিষয়ে একান্ত অভিভূত হইয়া পড়িলেন। বেলা পূর্বাঙ্ক ৮টার সময়ে হোলকরের দুই শত পদাতি গবর্ণমেন্টের বিরোধী হইয়া উঠিল। হোলকরের ৩টি কামান হইতে সর্বপ্রথম ভূপালের অশ্বারোহী ও পদাতিদলের শিবিরে গোলাবৃষ্টির আরম্ভ হইল। কর্ণেল ট্রাবার্স ভূপালের সৈনিকদের অধ্যক্ষ ছিলেন। কামানের ধ্বনি শুনিবামাত্র তিনি সামরিকবেশে সজ্জিত ও শকীর অঙ্গে অধিষ্ঠিত হইয়া, বিপক্ষদিগের বিরুদ্ধে অগ্রসর হইলেন। কিন্তু ছয় জন অশ্বারোহী ব্যতীত কেহই তাহার অনুবর্তী হইল না। বিপক্ষগণ অনবরত গুলিবৃষ্টি করিতেছিল। এই গুলিবৃষ্টির মধ্যে ভূপালের পদাতি সৈন্য নিকর হইয়া রহিল। যাহারা তাহাদের উপর গুলি চালাইতেছিল, তাহারা তাহাদিগকে

প্রতিগ্রহণ করিতে অসম্মত হইল। কর্ণেল ট্রাবার্স এই বিসদৃশ ঘটনা দেখিয়া, বিস্মিত হইলেন। তাঁহার অধিষ্ঠিত অশ্ব আহত হইল। তাঁহার হস্তহিত তরবারির বাটের ছিলা বিচ্ছিন্ন হইয়া গেল। বিপক্ষদিগের নিক্ষিপ্ত গুলি এবং নিক্ষেপিত তরবারির মধ্যে অতি আশ্চর্য্যরূপে তাঁহার প্রাণরক্ষা হইল। ভূপালের অধিকাংশ অস্বারোহী ও সমগ্র পদাতিদল কর্ণেল ট্রাবার্সের আদেশ পালন না করিলেও, ভূপালের দুইটি কামান হইতে বিপক্ষদিগের প্রতি গোলাবৃষ্টি হইতে লাগিল। কিন্তু এইরূপ গোলাবর্ষণ তাদৃশ কার্য্যকর হইল না। স্ত্রুতরাং এই সময়ে প্রায় সমুদয় বিষয়ই ইউরোপীয়দিগের অতিকূল হইয়া উঠিল।

উপস্থিত ঘটনা সম্ভবপর হইলেও সহস্র! যে, উহার হৃৎপাত হইবে, তাহা কি ইউরোপীয়, কি এতদেশীয় প্রধান কর্মচারী, কাহারও উদ্বোধ হয় নাই। উত্তেজিত সিপাহীগণ যখন কামান সজ্জিত করিয়া, গোলাবর্ষণে প্রবৃত্ত হইল, তখন কেহ কেহ অতিমাত্র বিষ্ময়ে, কেহ কেহ বা অতিশয় ভয়ে অভিভূত হইলেন। অনিয়মিত সৈনিকদল সম্ভ্রান্ত ও কিংকর্তব্যবিমূঢ় হইয়া পড়িল। উত্তেজিত সিপাহীদিগের উপর ইউরোপীয় বা এতদেশীয় আফিসারদিগের কোনরূপ ক্ষমতা রহিল না। সকলেই আকস্মিক গোলাঘোণে উদ্ভূত হইয়া পড়িল। সিপাহীগণ রেসিডেন্সিতে গোলাবর্ষণের নিমিত্ত যখন ঐদিকে কামান স্থাপন করিল, তখন শিবলাল নামক এক জন সুবাদার তাহাদের আক্রমণ নিরস্ত করিতে উদ্রত হইলেন। তিনি আপনাদের কামান হইতে এমন তীব্রবেগে গোলা চালাইতে লাগিলেন যে, আক্রমণকারিগণ দূরীভূত হইল। তাহাদের একটি কামান অকর্ম্মণ্য হইয়া গেল।

কর্ণেল ডুরাও এখন ঘোরতর মানসিক যাতনায় একান্ত অবসন্ন হইলেন। ষেন শত শত কালভূজঙ্গ তাঁহাকে তীব্রভাবে দংশন করিতে লাগিল, অথবা ষেন নিদারুণ ভূয়ানল তাঁহার শরীরের প্রতিস্থানে প্রসারিত হইল। তিনি যাহাদের উপর সন্দেহ ছিলেন, যাহাদের প্রতি বিদ্বেষভাব প্রকাশ করিতেন, যাহাদিগকে সর্ব্বক্ষণ পদানত করিয়া রাখিতে ভালবাসিতেন, তাহাদের এই রূপ অভাবনীয় ক্ষমতা দর্শনে তাঁহার মনস্তাপের অবধি রহিল না। তিনি পলায়নে কৃতসঙ্কল্প হইলেন, আপনাদের রক্ষণীয় লোকদিগকে একত্র করিলেন এবং যানবাহনাদি যাহা পাওয়া গেল, তৎসমুদয় এক স্থানে আনিলেন।

এই কার্যে ডুরাণ্ডের হুঃসহ মনোযাতনার একশেষ ঘটিল। তিনি উপস্থিত ঘটনা প্রসঙ্গে এই ভাবে নিজের মানসিক অবস্থার বিষয় লিখিয়া গিয়াছেন—
 “জীবিতকালের মধ্যে আমার যতরূপ বিরক্তি ঘটিয়াছে, তাহার মধ্যে এই ঘটনাই সর্বাপেক্ষা বিরক্তিজনক। যেহেতু, আমি কখনও রক্ষণীয় স্থান ত্যাগ করিতাম না। স্থানত্যাগ করাত দূরের কথা, নিজে স্থান ত্যাগ করিতেও আদেশ দিতাম না। এসময়ে যদি স্বস্থানে থাকিতাম, তাহা হইলে যাহাদিগকে এইরূপ দশাগ্রস্ত করিতে আমার কোন অধিকার নাই, তাহারা নিঃসংশয়ে নিহত হইত। তথাপি আমি সৈনিক পুরুষ বলিয়া যে, গর্ব করি, ইহাতে যে সেই গর্ব কতদূর খর্ব হইয়াছে, বলিতে পারি না। যদি কেহ এই সময় গুলি করিয়া আমার প্রাণ নাশ করিত, তাহা হইলে আমি তাহাকে ধৃত্বাদ দিতাম।” এইরূপ সন্তপ্তহৃদয়ে, এইরূপ বিরক্তিসহকারে কর্ণেল ডুরাও পলায়নে উত্তত হইলেন। কুলমহিলা ও বালকবালিকাগণকে কামানের গাড়িতে তুলিয়া দেওয়া হইল। পুরুষেরা হস্তী ও অশ্বে আরোহণ করিলেন। ১০০ শত ভীল সৈন্ত, ভূপালের কতিপয় পদাতি এবং প্রায় ২০০ শত অশ্বারোহী পলাতকদিগের রক্ষক হইয়া চলিল। কর্ণেল ট্রাবার্স এই সৈনিকদলের অধিনায়ক হইয়া ইহাদের পার্শ্ব-ভাগে যাইতে লাগিলেন। পলাতকগণ রেসিডেন্সি পরিত্যাগপূর্বক নিরাপদে অগ্রসর হইলেন। পশ্চাৎগে প্রজ্বলিত বহ্নিশিখা ও নিবিড় ধূমস্তূপ, তাঁহাদের সম্পত্তি ও অধ্যুষিত গৃহ ভস্মীভূত হওয়ার নিদর্শন স্পষ্ট প্রকাশ করিয়া দিতে লাগিল। পলাতকগণ ভূপালে উপনীত হইয়া দগ্ধাশীলা বেগমের আশ্রয়ে তদীয় ভূর্গে অবস্থিতি করিতে লাগিলেন। কিন্তু বেগম পলাতকদিগকে কহিলেন যে; তাহারা দীর্ঘকাল ঐ স্থানে থাকিলে তদীয় রাজ্যের অনিষ্ট হইবে। সুতরাং পলাতকগণ ভূপাল পরিত্যাগপূর্বক আবার আশ্রয়স্থান পাইবার জন্ত পরিশ্রমণ করিতে লাগিলেন। কিন্তু জুন মাস শেষ হইবার পূর্বে অগ্রগামী ব্রিটিশ সৈন্তের আগমনে এবং দরবারের দৃঢ়তায় তাঁহারা ইন্দোরে প্রত্যাবৃত্ত হইতে সমর্থ হইলেন।

ইহার মধ্যে মৌর্য ব্রিটিশ সৈনিকনিবাসের সিপাহীদিগের ভাবান্তর ঘটিতে লাগিল। ইহারা কর্ণেল প্লাটের একান্ত বিশ্বাসের পাত্র ছিল। কর্ণেল এই

বিশ্বস্তনিগের বিরুদ্ধে কোন কার্য করিতে প্রস্তুত ছিলেন না। গোলন্দাজ সৈনিকদলের অধ্যক্ষ কাপ্তেন হান্সারফোর্ড সিপাহীদিগের উপর সর্বাংশে বিশ্বাস স্থাপন না করিয়া, আপনার কামানগুলি খোলা জায়গায় সাজাইয়া রাখিবার জন্ত প্রার্থনা করিলেন। কর্ণেল প্লাট তাঁহাকে প্রার্থনামুত্থাপন করিতে অনুমতি দিলেন। হান্সারফোর্ড অতঃপর আপনাদের কুল-মহিলা ও বালকবালিকাদিগকে রক্ষা করিবার জন্ত আর একটি কামান যথাস্থানে সম্মিবেশিত করিয়া রাখিতে চাহিলেন। কিন্তু কর্ণেল প্লাট সেই পুরাতন হেতুবাদ—বিশ্বাসের পাত্রদিগের প্রতি অবিশ্বস্তভাব প্রদর্শনের নিদর্শন দেখাইয়া তাঁহাকে নিরস্ত করিলেন। সৈনিক-নিবাসের পুরোভাগে কামান সকল সম্ভিত হইল, কিন্তু ইউরোপীয়দিগের রক্ষার জন্ত কিছুই করা হইল না। বিশ্বাসপ্রদর্শনের যুক্তি এ স্থলে প্রবল হইল। হোলকরের সৈনিকদল প্রকাশ্যভাবে যুদ্ধোন্মুখ হইয়াছে শুনিয়া, কাপ্তেন হান্সারফোর্ড ১লা জুলাই আপনার কামান লইয়া ইন্দোরে যাত্রা করেন। কিন্তু অর্দ্ধ-পথ অতিক্রম করিতে না করিতে ভূপালের অশ্বারোহীদের এক জন সওয়ারের সহিত তাঁহার সাক্ষাৎ হয়। সওয়ার কর্ণেল ট্র্যাবার্সের নিকট হইতে এই সংবাদ আনিয়াছিল যে, কর্ণেল ডুরাণ্ড এবং অত্যাচার ইউরোপীয় রেসিডেন্সি পরিত্যাগ পূর্বক শীহোরের অভিমুখে পলায়ন করিয়াছেন। হান্সারফোর্ড এই সংবাদ পাইয়া ইন্দোরে গেলেন না ; আপনার কামান লইয়া সৈনিকনিবাসে প্রত্যাবৃত্ত হইলেন।

হান্সারফোর্ড একবারে সেনাপতির নিকটে গিয়া রেসিডেন্সির সংবাদ জানাইলেন। তিনি দুর্গে কামান সাজাইয়া রাখিবার বন্দোবস্ত করিতে চাহিলেন। কিন্তু তাঁহার প্রার্থনা গ্রাহ্য হইল না। কর্ণেল প্লাট আবার সেই পুরাতন যুক্তির প্রাধান্য কর্ত্তন করিলেন। ক্রমে দিন অতিবাহিত হইতে লাগিল, কিন্তু হান্সারফোর্ড অতীষ্ট বিষয়সম্পাদনে অনুমতি পাইলেন না। তিনি পুনঃ পুনঃ বাধা প্রাপ্ত হইলেও নিরস্ত না হইয়া, আগ্রহসহকারে সেনাপতির নিকটে আপনার প্রস্তাব-মুত্থাপন করিয়া রাখিবার জন্ত পুনর্বার প্রার্থনা করিলেন। হান্সারফোর্ডের আগ্রহাতিশয় দর্শনে সেনাপতির হৃদয় বিচলিত হইল। সাযংকালে তিনি অনিচ্ছার সহিত অনুমতি দিলেন। হান্সারফোর্ড আপনার কামান দুর্গে লইয়া

গেলেন। এ সময়ে অশান্তি ও অশান্ত বিপদের সূচনা দেখা যাইতে লাগিল। ২৩ সংখ্যক দলের সৈনিক পুরুষদিগের সাধারণ ভোজনগৃহ অকস্মাৎ দগ্ধীভূত হইল। সৈনিক-নিবাসের অন্যান্য গৃহ অগ্নিসংস্কৃত হইয়া রাত্রির গভীর অন্ধকারের মধ্যে চারি দিক আলোকিত করিয়া তুলিল। পূর্বে অন্যান্য স্থানে বিপ্লবের প্রাক্কালে গৃহদাহ হইয়াছিল, এ স্থলেও সেইরূপ গৃহদাহ দেখিয়া, ইউরোপীয়গণ চমকিত হইলেন। রাত্রি ৯টার সময়ে কর্ণেল প্লাট ডুরাণ্ডের নিকটে লিখিলেন—“সমস্ত মঙ্গল; পদাতি এবং অশ্বারোহী, উভয় দলেই সন্তুষ্টচিত্ত ও আজ্ঞাবহ রহিয়াছে।” ১ ঘণ্টার মধ্যেই এই সন্তোষময় ও শান্তিময় দৃশ্যের পরিবর্তন ঘটিল। রাত্রি ১০টার সময়ে সন্তুষ্টচিত্ত ও আজ্ঞাবহ সৈনিকগণ উচ্ছ্বসিত, স্বপ্রধান ও ইউরোপীয়দিগের শোণিতপাতে দৃঢ়প্রতিজ্ঞ হইয়া উঠিল। অধিনায়কের বিশ্বাস দুরীভূত হইল। আশ্বাসময়ী কল্পনার বিলয় ঘটিল। অধিনায়ক এখন কালবিলম্ব না করিয়া, অশ্ব আরোহণ করিলেন, জুর্গাভিমুখে ধাবিত হইলেন, হাজারফোর্ডকে কামান সকল সজ্জিত করিয়া রাখিতে আদেশ দিলেন। নিমিষের মধ্যে এই কার্য সম্পন্ন হইল। অতঃপর তিনি অস্ত্র এক জন সৈনিকপ্রধানের সহিত সৈনিকদিগের আবাসস্থানের অভিমুখে প্রধাবিত হইলেন। রসদধানার নিকটে তিনি অশ্বের রশ্মি সংযত করিয়া আপনার লোকদিগকে বুঝাইতে লাগিলেন। কিন্তু তাঁহার বিশ্বস্ত সৈনিকদলের নিক্ষিপ্ত গুলিতে তদীয় বক্তৃতা সংক্ষিপ্ত হইয়া আসিল। কর্ণেল প্লাট এবং তাঁহার সহচর, উভয়েই গুলিতে আহত ও ভূপতিত হইলেন। আর তাঁহাদের চেতনার সঞ্চায় হইল না। প্রথম অশ্বারোহীদের এক জন অধিনায়কের প্রতি ঠিক ঐ সময়ে গুলি নিক্ষিপ্ত হইল। প্রথম গুলিতে তাঁহার অধিষ্ঠিত অশ্বের দেহপাত হইল। তিনি উঠিয়া অন্ধকারের মধ্যে আশ্রয়গোপনের চেষ্টা করিলেন। কিন্তু তাঁহার চেষ্টা বিফল হইল। তিনি গুলিতে আহত হইয়া পড়িয়া গেলেন। অতঃপর তৎপরিচালিত দলের লোকের তরবারির আঘাতে তাঁহার প্রাণবিয়োগ হইল। সেই রাত্রিতে এই কয়েক জন অধিনায়ক নিহত হইলেন। অপরাপর আফিসারের আশ্চর্য্যরূপে প্রাণরক্ষা হইল।

এদিকে কাপ্তেন হাজারফোর্ড নিরক্ষর ছিলেন না। তিনি আপনার কামান-

গুলি সজ্জিত করিয়া রাখিয়াছিলেন। কিন্তু প্রথমতঃ উত্তেজিত সিপাহীগণ তাঁহার দৃষ্টিপথবর্তী হইল না। তিনি জুর্গের অর্ধ মাইল দূরবর্তী সৈনিকনিবাসের দিকে অগ্রসর হইলেন। অন্ধকারের মধ্যে তাঁহার দিকে গুলি নিক্ষেপ হইতে লাগিল। কিন্তু সিপাহীগণ তাঁহাকে লক্ষ্য করিতে পারিল না। এদিকে ইংরেজ আফিসারদিগের অধ্যুষিত বাংলা ভস্মীভূত হইতে লাগিল। কিন্তু সৈনিক-নিবাস অনলের ক্রীড়া-ক্ষেত্র হইল না। বাহা হউক, হাঙ্গার-ফোর্ড সৈনিক-নিবাসের দিকে কামানের গোলা চালাইতে লাগিলেন। সিপাহীগণ কামানের বিকট শব্দে সমস্ত হইয়া, দলে দলে ইন্দোরের পথে অগ্রসর হইল। ইন্দোরের উত্তেজিত সিপাহীগণ ইহাদের কার্যে আহ্লাদ প্রকাশ করিতে লাগিল। এইরূপে ব্রিটিশ গবর্ণমেন্টের সিপাহীদল আপনাদের কাপড়, তৈজস-পত্র, বন্দুক প্রভৃতি ফেলিয়া মৌর সৈনিক-নিবাস পরিত্যাগ করিল। কাপ্তেন হাঙ্গারফোর্ড এখন স্বকীয় কর্মক্ষেত্রের সর্বময় কর্তা হইলেন। তিনি সৈনিক-দলের অধ্যক্ষতা গ্রহণপূর্বক নিহত আফিসারদিগের যথাবিধানে সমাধির বন্দোবস্ত করিলেন, সামরিক আইনের প্রচারে মনোযোগী হইলেন, এবং আশঙ্কিত বিপদের প্রতীকারের জন্ত বাহা করা আবশ্যক, তৎসমুদয় সম্পন্ন করিয়া, মহারাজ হোলকরের দিকে মনোনিবেশ করিলেন। প্রথমে তাঁহার ধারণা হইয়াছিল যে, মহারাজ উত্তেজিত সিপাহীদিগের সহযোগী হইতে পারেন। এ সম্বন্ধে অনেক বেনামী পত্র তাঁহার হস্তগত হইয়াছিল। কিন্তু তিনি সবিশেষ পর্যালোচনা না করিয়া, তৎসমুদয়ের প্রতি আস্থা প্রকাশ করেন নাই। বাহা হউক, তিনি মহারাজ হোলকরের নিকটে এই ভাবে পত্র লিখিলেন—“আমি আপনার দেশীয় অনেক ব্যক্তির নিকটে শুনিলাম যে, আপনি ব্রিটিশ গবর্ণমেন্টের বিরোধী সিপাহীদিগকে খাতিয়া দিয়াছেন। ইহাও আমার গোচর হইয়াছে যে, আপনি তাহাদিগকে কামান দিয়াছেন এবং আপনার অনিয়মিত অখারোহী সৈনিক দিয়া তাহাদের সাহায্য করিয়াছেন। সম্ভবতঃ এই সংবাদ অতিরঞ্জিত হইতে পারে। আমি ইহাতে বিশ্বাস স্থাপন করিব কি না, বুঝিতে পারিতেছি না। অতিরঞ্জিত সংবাদ আমার বিশ্বাসযোগ্য নহে। আপনি ব্রিটিশ গবর্ণমেন্টের নিকটে অনেক বিষয়ে ঋণী। ব্রিটিশ গবর্ণমেন্টের বিরুদ্ধ পক্ষ অবলম্বন করিলে, আপনার সর্বনাশ ঘটতে পারে। আপনি যে, ব্রিটিশ

গবর্ণমেন্টের শত্রুদিগের সাহায্য করিয়া এবং তাহাদের প্রতি মিত্রতা দেখাইয়া, আপনার স্বার্থহানি করিবেন, তাহাতে আমি বিশ্বাস করিতে পারি না।” হান্সারফোর্ডের পত্র প্রাপ্তিমাত্র তরুণবয়স্ক মহারাজ এই ভাবে উহার উত্তর দিলেন,—“আপনি যে সংবাদ পাইয়াছেন তাহা কেবল অতিরঞ্জিত নয়—সম্পূর্ণ মিথ্যা । ইন্দোর এবং মোতে যাহা ঘটিয়াছে, তাহার জ্ঞাত আমি যেরূপ ব্যথিত হইয়াছি, বোধ হয়, আর কেহ নেক্রপ হয়েন নাই । ব্রিটিশ গবর্ণমেন্টের সহিত বন্ধুত্ব হইতে আমি বিচ্ছিন্ন হইব, ইহা কখন স্বপ্নেও ভাবি না । আমি তাঁহাদের ছায়পন্নতার বিষয় অবগত আছি । যে বন্ধু অধিপতি তাঁহাদের সহিত কৃতজ্ঞতাপাশে আবদ্ধ এবং তাঁহাদের নিকটে সেই কৃতজ্ঞতার পরিচয় দিতে সর্বদা উত্তম, সেই ভূপতির প্রতি সন্দেহপ্রকাশের পূর্বে তাঁহাদের আত্ম-সম্মানই তাঁহাদিগকে নিরস্ত রাখিবে।” এই ভাবে পত্র লিখিয়া, মহারাজ হোলকর কাপ্তেন হান্সারফোর্ডকে ১ জুলাইয়ে সমস্ত ঘটনা জানাইবার জ্ঞাত হই জন বিশ্বস্ত কর্মচারীকে মোতে পাঠাইয়া দিলেন । হান্সারফোর্ড তাঁহাদের নিকটে সমস্ত গুনিয়া সন্তুষ্ট ও নিঃসন্দেহ হইলেন ।

এইরূপে ইন্দোরে রাজকীয় প্রাধাণ্য বিলুপ্ত প্রায় হইল । গোলন্দাজদের সাহসী সৈনিকপুরুষ এখন আপনার গুরুতর দায়িত্ব বুঝিয়া সকল বিষয়ে সুবন্দোবস্ত করিতে লাগিলেন । তিনি দুর্গরক্ষার জ্ঞাত যথোপযুক্ত লোক-নিয়োগ ও খাদ্যদ্রব্যসংগ্রহ করিলেন । তিনি সৈনিক-নিবাসের অঙ্গাগার উড়াইয়া দিলেন । তিনি দুর্গপ্রাচীরে কামান সকল স্থাপিত করিলেন । তিনি এক মাস কালের উপযোগী যুদ্ধোপকরণ প্রভৃতির সংগ্রহ করিয়া রাখিলেন । এখন তিনি উক্তজন কর্মচারীর অহুমতির প্রতীক্ষায় রহিলেন ; কিন্তু বৃথা প্রতীক্ষা করিতে লাগিলেন । কোন আদেশলিপি তাঁহার নিকটে উপস্থিত হইল না । তিনি কর্ণেল ডুরাণ্ডের নিকটে পত্র লিখিলেন, কিন্তু তাঁহার পত্রের কোন উত্তর আসিল না । অগত্যা তিনি গবর্ণর-জেনারেলের প্রতিনিধিরূপে গোবাই গবর্ণর লর্ড এল্‌ফিন্‌ষ্টোনের সহিত পত্র লেখালেখি করিতে লাগিলেন । এইরূপে কাপ্তেন হান্সারফোর্ড সাহসসহকারে সমগ্র বিষয়ের কর্তৃত্বগ্রহণপূর্বক গুরুতর কর্তব্যপালনে প্রস্তুত হইলেন । যে কার্যে তাঁহার কোন অধিকার নাই, তিনি সেই কার্য সম্পাদন করিলেন । কর্ণেল ডুরাণ্ড “অনধিকার-চর্চায়”

দোহাই দিয়া তাঁহাকে তিরস্কার করেন। কিন্তু এ সময়ে ঠাহারা এইরূপে “অনধিকার-চর্চা” করিয়াছিলেন, তাঁহারাও ভারতবর্ষে ইংরেজের প্রাধান্ত্যরক্ষায় সমর্থ হইয়াছিলেন। ইতিহাস এ বিষয়ের যথাগা্য প্রতাপন করিতে বিমুখ হইবে না।*

এই সপ্তকালে মহারাজ তুকার্জীরাও হোলকরের মানসিক শাস্তি তিরো-
হিত হইয়াছিল। অকস্মাৎ কামানের গভীর শব্দে কর্ণেল ডুরাণ্ডের জ্ঞায়
মহারাজ ও চমকিত এবং বিস্মিত হইয়াছিলেন। তিনি বুঝিয়াছিলেন যে, তাঁহার
সৈনিকেরাই কামান দাগিতেছে, কিন্তু কি উদ্দেশ্যে তাহারা এই কার্য্যে প্রবৃত্ত
হইয়াছে, ইংরেজের কি তাঁহার নিজের বিরুদ্ধে এইরূপ কার্য্যের অমুষ্ঠান
হইতেছে, ইহা তাঁহার উদ্বোধ হয় নাই। তাঁহার প্রাসাদে নিরতিশয় গোল-
যোগ ঘটয়াছিল। তাঁহার অন্তঃস্বামী সন্তানের আতিশয্যে ইতস্ততঃ প্রধাবিত
হইতেছিল। তাঁহার সংবাদবাহকেরা ভিন্ন ভিন্ন সময়ে ভিন্ন ভিন্ন সংবাদ দিয়া,
তাঁহাকে অধিকতর উদ্ভ্রান্ত করিয়া তুলিতেছিল। স্তূত্রাং উপস্থিত সময়ে
কি কর্তব্য, কোন পথ অবলম্বনীয়, কাহার পরামর্শের অনুবর্তী হওয়া আবশ্যিক,
তাঁহা তিনি ঠিক করিতে পারেন নাই। এক বার এক রূপ সংবাদ তাঁহার
গোচর হইল; পরক্ষণেই আর এক রূপ সংবাদ উপস্থিত হইয়া, পূর্বতন সংবাদ
বিপর্য্যস্ত করিয়া ফেলিল। এইরূপে কোন বিষয়েরই স্থিরতা রহিল না।
কিয়ৎক্ষণ পরে তরুণবয়স্ক মহারাজ যখন কিয়দংশে প্রকৃতিস্থ হইলেন, তখন
আর একটি বিষয় তাঁহাকে নিরতিশয় অশ্রিত করিয়া তুলিল। তিনি শুনিলেন
যে, গবর্নর-জেনারেলের প্রতিনিধি—বীরত্বসম্পন্ন ব্রিটিশ সৈনিকপুরুষ রেসিডেন্সি
পরিচ্যাগপূর্বক পলায়নপর হইয়াছেন। কিন্তু তিনি কোন স্থানের অভিমুখে
গিয়াছেন, তাহা প্রাসাদের কেহই বলিতে পারিল না। এক জন রাজনীতিজ্ঞ
ও সাহসী ব্রিটিশ কর্মচারী যে, বিপত্তির সূত্রপাতমাত্রেই স্বকীয় কর্মস্থল পরি-
ত্যাগপূর্বক আত্মগোপনে উদ্যত হইবেন, ইহা তিনি স্বপ্নেও ভাবেন নাই।
এখন এইরূপ অচিন্ত্যপূর্ব ব্যাপারে তাঁহার যেরূপ বিষয়ের পরিসীমা রহিল না,

* *Kaye, Sepoy War. Vol. III. p. 338.*

সেইরূপ দৃষ্টিভঙ্গিও অবসান হইল না। তরুণবয়স্ক মহারাজ এখন আপনার চারি দিকে ঘোরতর বিপদ দেখিতে লাগিলেন।

কিন্তু ঘোরতর বিপদ, গভীর দৃষ্টিভঙ্গিও বিবাদে একান্ত অভিব্যক্ত হইলেও, মহারাজ হোলকর নৈরাশ্রে অবসন্ন হইয়া পড়িলেন না। তিনি বুঝিয়াছিলেন যে, ব্রিটিশ রেসিডেন্ট যখন পলায়ন করিয়াছেন, অধিকন্তু তাঁহার সৈন্য যখন রেসিডেন্সি আক্রমণ করিয়াছেন, তখন তাঁহার মুখে কলঙ্কের চিহ্ন পড়িয়াছে। ব্রিটিশ গবর্ণমেন্টের সমক্ষে এই কলঙ্ক ক্ষালন করা, তিনি সর্বতোভাবে কৰ্ত্তব্য বলিয়া স্থির করিয়াছেন। বেলা ৮টার মধ্যে সিপাহীরা উত্তেজিত হইয়া রেসিডেন্সি আক্রমণ করে। ১০।০টার সময়ে ব্রিটিশ রেসিডেন্ট প্রভূতি রেসিডেন্সি পরিত্যাগ করেন। এই দুই ঘণ্টার মধ্যে মহারাজ হোলকরের সমক্ষে নানারূপ সংবাদ উপস্থিত হয়। পরক্ষণে তরুণবয়স্ক মহারাজ কিয়দংশে স্তব্ধ হইয়া, আপনার কৰ্ত্তব্যসাধনে উদ্বৃত্ত হইলেন। ইন্দোরে যে কয়েকটি ইউরোপীয় এখন পর্য্যন্ত অবস্থিতি করিতেছিলেন, মহারাজ তাঁহাদিগকে আপনার প্রাসাদে লুকাইয়া রাখিলেন। বেলা ৯টার পূর্বে সাদত খাঁ আহত ও রুধিরে রঞ্জিত হইয়া অশ্বারোহণে মহারাজের সমক্ষে উপস্থিত হইল, এবং মহারাজকে কহিল যে, সে রেসিডেন্সি আক্রমণপূর্ব্বক একজন সাহেবকে আহত করিয়াছে। মহারাজ অবিলম্বে তাঁহাকে অবরুদ্ধ করিয়া রাখিতে আদেশ দিলেন। ১লা জুলাই এইরূপে অতিবাহিত হইল। ইহার পর দুই দিন ইন্দোরে নানারূপ গোলযোগ ঘটিতে লাগিল। সিপাহীদিগের দ্বারা সাধারণ লোকেও সাতিশয় উত্তেজিত হইয়া উঠিল। শান্তি ও শৃঙ্খলার মঙ্গলময় নিয়ম সর্ব্বাংশে অস্তিত্ব হইল। উত্তেজিত লোকে নানা স্থানে দৌরাড্যা করিতে লাগিল। নানাস্থানে সম্পত্তি বিলুপ্ত হইল। মহারাজের প্রভুত্ব ও ক্ষমতা যেন কোন অচিস্তনীয় শক্তিতে বিলুপ্ত হইয়া গেল। মহারাজ দুই দিন প্রতীক্ষা করিলেন। এই দুই দিনের মধ্যে ব্রিটিশ সৈন্য তাঁহার সাহায্যার্থে উপস্থিত হইল না। উত্তেজিত লোকে অধিকতর উত্তেজনার পরিচয় দিতে লাগিল। তাহারা মহারাজের নিকটে প্রাপ্তি স্থানদিগকে চাহিল। মহারাজের শিক্ষক উমেদ সিংহকেও তাঁহার নিকটে পাঠাইতে কহিল। এইরূপে প্রতি কার্য্যে তাঁহাদের বলবত্তী জিহাংসার

পরিচয় পাওয়া যাইতে লাগিল। চারি দিকে ভয়ঙ্কর কাণ্ড দেখিয়া, মহারাজ আর স্থির থাকিতে পারিলেন না। তিনি ৪ঠা জুলাই কতিপয় বিধ্বস্ত অল্পচর সমভিব্যাহারে অঝোরোহণপূর্বক এক হস্তে শাগিত বড়শা ধরিয়া, উত্তেজিত সিপাহীদিগের শিবিরে উপস্থিত হইলেন। তাঁহার উপস্থিতিতে জনকোলাহল-ময় শিবিরে অপূর্ব দৃশ্যের আবির্ভাব হইল। যাহারা মুহূর্ত্তকাল পূর্বে উচ্ছ্বস-ভাবের একশেষ দেখাইতেছিল, তাহারা সহসা প্রশান্তভাবে অবলম্বন করিল, এবং গভীরভাবে গভীর ঔৎসুক্যসহকারে মহারাজের দিকে দৃষ্টিযোজনা করিয়া রহিল। মহারাজের নবকিশলয়দলের স্তায় সুগঠিত স্কন্দ-দেহ, দীপ্তিময় লোচনযুগল এবং অসামান্য দৃঢ়তার পরিচয়সূচক মুখমণ্ডল দর্শনে তাহাদের বলবতী জিহাংসা ও বিলুপ্তপ্রবৃত্তি তিরোহিত হইল। মহারাজ বীরভাবে, যথোচিত গান্ধীর্ঘ্যসহকারে, স্পষ্টস্বরে তাহাদিগকে কহিলেন—“প্রাসাদে যে সকল ইউরোপীয় আশ্রয় গ্রহণ করিয়াছে, তাহারা যত দিন জীবিত থাকিবে, ততদিন আমি তাহাদিগকে রক্ষা করিব। তাহারা লোকান্তরিত হইলেও তাহাদের দেহ কাহাকেও দেওয়া হইবে না। আমি নিজের জীবন দিব, তথাপি আশ্রিতদিগকে তোমাদের হস্তে সমর্পণ করিব না। তোমরা ইংরেজদিগকে আক্রমণ করিয়া, আমার আদেশের প্রতি উপেক্ষা দেখাইয়াছ। ধর্মের নামে কাহাকেও আক্রমণ করা কোন শাস্ত্রের অমুমোদিত নহে। প্রকৃত ধর্ম এক জনকে অপরের প্রতি অস্ত্র প্রয়োগ করিতে উপদেশ দেয় না। এখন তোমরা ধর্মের নামে বিলুপ্তনে নিরন্ত হও, নচেৎ আমি রাজার কর্তব্যপালনের জন্ত তোমাদের বিরুদ্ধে অস্ত্র ধারণ করিব।” উত্তেজিত সিপাহীগণ আপনাদের সঙ্কল্প পরিত্যাগ করিল না। তাহারা এই ভাবে মহারাজের কথার উত্তর দিল—“আপনি আপনার পূর্বতন মহারাজ যশোবন্ত রাও হোলকরের বীরত্বের কথা মনে করিয়া দেখুন, অধিক গর্ব ও ক্রুতহৃতা প্রযুক্ত ভারতবর্ষে ইংরেজদিগের সৌভাগ্যভারকা অন্তর্মিত হইয়াছে। এখন আপনি হস্তধৃত বড়শা কাঁধে লইয়া, আমাদিগকে দিল্লীর অভিমুখে পরিচালিত করুন। আপনি এ বিষয়ে বিমুখ হইয়া, স্বকীয় কাপুরুষত্বের পরিচয় দিবেন না।” কিন্তু মহারাজ হোলকর এই কথার যথোচিত উত্তর দিতে বিমুখ হইলেন না। তিনি পূর্বের স্তায় প্রশান্তভাবে এবং গভীর ও উন্নত স্বরে কহিলেন যে, তিনি পূর্ব-

পুরুষদিগের জ্ঞান সাহসী ও ক্ষমতাসালী নহেন, অধিকন্তু তিনি মহিলা ও বালক-বালিকাদিগকে বধ করা ধর্মের অঙ্গ বলিয়া স্বীকার করেন না। বাহারা ইহা করে, তিনি তাহাদের উপযুক্ত সহচর নহেন। মহারাজের এই কথায় উত্তেজিত হিন্দু সিপাহীগণের অনেকে বুলিল যে, এই সকল নৃশংসজনক কর্ম হিন্দুশাস্ত্রের অমুমোদিত নহে। মহারাত্রিসাম্রাজ্যের স্থাপিতা শিবাজী ব্যবস্থা করিয়া গিয়াছেন যে, যুদ্ধের সময়ে গাভী, কৃষক এবং স্ত্রীলোকের অনিষ্ট করা কোন-ক্রমে বিধের নহে।

মহারাজ হোলকর অতঃপর প্রাসাদে প্রত্যাবৃত্ত হইলেন। উত্তেজিত সিপাহীগণ কিয়দংশে প্রশান্তভাবে অবলম্বন করিল। জনসাধারণ নগরবিলুপ্তনে নিবৃত্ত হইল। সিপাহীরা সংগৃহীত কামান ও অর্থাদি লইয়া, দিল্লীর অভিমুখে প্রস্থান করিল। মহারাজ ব্রিটিশ কোম্পানির যত টাকা রক্ষা করিতে পারিয়াছিলেন, তৎসমুদয়ের সহিত আশ্রিত ইউরোপীয়দিগকে বিশ্বস্ত অহুচরণ দিয়া, মৌর দুর্গে কাপ্তেন হাঙ্গারফোর্ডের নিকটে পাঠাইয়া দিলেন। এতদ্ব্যতীত তাঁহার মণিমুক্তা ও কোম্পানির কাগজ প্রভৃতি নিরাপদে রাখার জন্য ঐখানে প্রেরিত হইল। যে দিন সিপাহীরা উত্তেজিত হইয়া রেসিডেন্সি আক্রমণ করে, সেই দিনেই মহারাজ, বলবন্ত রাও নামক এক জন বিশ্বস্ত কর্মচারীর হাত দিয়া রেসিডেন্সিতে কর্ণেল প্লাটের নিকটে এক খানি পত্র পাঠাইয়া দেন। এই পত্রে তিনি স্পষ্ট উল্লেখ করিয়াছিলেন যে, তাঁহার সৈনিকদল এখন তদীয় আদেশ অতিক্রম করিয়া চলিতেছে। ইহাদের উপর এখন তাঁহার কোন কর্তৃত্ব নাই। ইহারা গবর্ণমেন্টের বিরোধী সৈনিকদিগের বিপক্ষে দণ্ডারমান হইতে অসম্মত হইয়াছে। ঐ দিন তিনি গোদাইয়ের গবর্ণর লর্ড এলকিনস্টোনের নিকটেও এক খানি পত্র প্রেরণ করেন। এই পত্রেও তিনি ঘটনার আত্মপূর্বিক বিবরণ দিয়া, আপনার বিশ্বস্ততা প্রতিপন্ন করেন, এবং সেনাপতি উড্‌বরগকে যত শীঘ্র সম্ভব, ঘটনাস্থলে পাঠাইয়া দিবার জন্য লিখেন। কর্ণেল ডুরায়ের নিকটেও তিনি এই ভাবে পত্র পাঠাইতে বিমুখ করেন নাই। এইরূপে তিনি সকল বিষয়েই ব্রিটিশ গবর্ণমেন্টের প্রতি সৌহৃদ্য ও বিশ্বস্ততার পরিচয় দেন।

ইহার মধ্যে মহারাজ এক বিষয়ে নিরতিশয় উদ্বিগ্ন হইয়া উঠিলেন। তিনি শুনিতে পাইলেন যে, কাপ্তেন হাটিন্সন মালবের অন্তর্গত আমজীরার

অধিকতর কর্তৃক তপ্পীর দুর্গে অবরুদ্ধ হইয়াছেন। আমজীরার মহারাজ শিল্পের একটি করম জনপদ। কাণ্ডেন হাচিন্সন্ ইন্দোরের রেসিডেন্টের অধীনে ভীলদিগের মধ্যে গবর্ণমেন্টের এজেন্টের কর্মে নিয়োজিত ছিলেন। তিনি ভার রবার্ট হামিল্টনের একটি ছুহিতার পাণিগ্রহণ করেন। মহারাজ হোলকর হামিল্টনের পরিবারবর্গকে ঘনিষ্ঠ আত্মীয় বলিয়াই মনে করিতেন। সুতরাং তিনি কাণ্ডেন হাচিন্সনের বিপদে স্থির থাকিতে পারিলেন না। কিন্তু কাণ্ডেন এবং তাঁহার সহচরগণ বন্দীভাবে ছিলেন না। তাঁহারা ভূপাবরনামক স্থানে ভীল সৈনিকদিগের সহিত অবস্থিত করিতেছিলেন। ভূপাবর আমজীরার একটি নগর। এই স্থানের রাজপুত রাজার এক হাজার পদাতি ছিল। ইনি মাগবের ভীল সৈন্তের ব্যয় নির্বাহার্থে প্রতিবর্ষে নির্দিষ্ট টাকা দিতেন। ২রা জুলাই ভূপাবরে এই সংবাদ পহঁছে যে, মহারাজ হোলকরের সৈন্ত ইন্দোরের রেসিডেন্সি আক্রমণ করিয়াছে এবং মহারাজ স্বয়ং আক্রমণকারী সৈনিকদিগের সহিত সম্মিলিত হইয়াছেন। এই সংবাদে মাগবের ক্ষুদ্র ক্ষুদ্র জনপদের অধিপতিগণ সাতিশর চঞ্চল হইয়া উঠেন। কাণ্ডেন হাচিন্সন্ ভূপাবরে ছিলেন; তিনি শুনিতে পাইলেন যে, আমজীরার সৈনিকগণ তাঁহাদিগকে আক্রমণ করিতে উদ্যত হইয়াছে। ভূপাবরে দুই শত ভীল সৈন্ত ছিল। হাচিন্সন্ এই সৈনিকদল লইয়া, আপনাদের অধ্যুষিত স্থানরক্ষার কৃতসঙ্কল্প হইলেন। ২রা জুলাই নিশীথকালে তাঁহাদের নিকটে আমজীরার নিকটবর্তী ধারনামক এক ক্ষুদ্র জনপদ হইতে এই সংবাদ উপস্থিত হয় যে, কতকগুলি মুসলমান সৈনিক উদ্ভেজিত হইয়া, ভূপাবরের অভিমুখে অগ্রসর হইতেছে। এই সময়ে কেবল ৩০ জন ভীল সৈনিক মাত্র হাচিন্সনের নিকটে ছিল। অবশিষ্ট ভীলগণ সঙ্কল্প হইয়া পলায়ন করিয়াছিল। এজন্য কাণ্ডেন হাচিন্সন্ এবং তাঁহার এক জন ইউরোপীয় সহচর রক্ষণীয় মহিলা ও বালক-বালিকাদিগকে লইয়া ছদ্মবেশে পলায়নের সঙ্কল্প করিলেন। তাঁহারা বিখ্যত ভূতাদিগকে বলিয়া দিলেন যে, কেহ জিজ্ঞাসা করিলেই যেন, তাহারা বরদাগামী পায়সীক বণিক বলিয়া আপনাদের পরিচয় দেয়। কাণ্ডেন হাচিন্সন প্রভৃতি এইরূপ বণিকের বেশে জব্বানামক স্থানের অভিমুখে প্রস্থান করেন।

জব্বা ইন্দোর এবং আমজীরার মধ্যবর্তী একটি ক্ষুদ্র করমরাজ্য। এই

জনপদের অধিপতি ঘোড়পুরের রাঠোর ভূপতিদিগের বংশসম্মত। জব্বার রাজ্যে প্রধানতঃ অপেক্ষাকৃত সভ্যতাসম্পন্ন ভীলের অধিবাস। পলাতকগণ জব্বার সমীপবর্তী হইয়া, আপনাদের রক্ষার্থে কতিপয় সৈনিককে পাঠাইয়া দিবার জন্ত তদ্রূপ তরুণবয়স্ক ভূপতির নিকটে এক জন সওয়ার প্রেরণ করেন। পলাতকেরা জব্বারে পদার্পণ করিতে না করিতেই শুনিতে পাইলেন যে, আমরজীর একদল সৈন্ত তাঁহাদের অনুসরণ করিতেছে। যাহা হউক, যথাসময়ে জব্বার হইতে এক শত ভীল সৈন্ত উপস্থিত হওয়াতে তাঁহাদের আশঙ্কা দূর হইল। তাঁহারা নিরাপদে একটি গ্রামে উপনীত হইলেন। গ্রামাধ্যক্ষ আপনায় আহারীয় দিয়া তাঁহাদিগকে পরিতোষিত করিলেন। তাঁহারা রাজিকালে এক জন মজ্জব্যবসায়ীর বাড়ীতে অবস্থিতি করিয়া পরদিন জব্বার অতিমুখে চলিতে লাগিলেন। এই জুলাই প্রাতঃকালে তাঁহারা অক্ষতশরীরে নির্দিষ্ট স্থলে উপনীত হইলেন।

জব্বার অধিপতি ঘোড়পুরবর্ষীয় বালক। অপ্রাপ্তবয়স্ক হওয়াতে ইহার পিতামহী রাজ্যাশাসন করিতেন। ইনি আশ্রিত পলাতকদিগকে রক্ষা করিবার স্বন্দোষবস্ত করিলেন। কতিপয় বিখ্যাত রাজপুত এই উদ্দেশ্যে নিয়োজিত হইল। রাজসরকারে কতকগুলি আরব ছিল। ইহার কাকেরের আগমনে উত্তেজিত হইয়া উঠিল। কিন্তু রক্ষক রাজপুতগণ ইহাদিগকে পলাতকদিগের আশ্রয়স্থানের নিকটে আসিতে দিল না। পলাতকগণ এইরূপে রাজপিতামহীর অসামান্য দয়া ও সৌজন্মে নিরাপদে রহিলেন। জব্বার অধিপতি পলাতকদিগকে বলপূর্ব্বক আবদ্ধ করিয়া রাখিয়াছেন শুনিয়া, মহারাজ হোলকর তাঁহাদের উদ্ধারার্থে এক দল সৈন্ত পাঠাইলেন। কিন্তু বখন প্রকৃত সংবাদ তাঁহার গোচর হইল, তখন তিনি প্রেরিত সৈনিকদিগকে প্রত্যাবৃত্ত হইতে আদেশ দিয়া, পলাতকদিগকে আনিবার জন্ত কতিপয় রক্ষক পাঠাইলেন। রক্ষকগণ ১০ই জুলাই জব্বার উপস্থিত হইল। পলাতকগণ ১২ই আপনাদের আশ্রয়দাত্রী সদাশয় রাজপিতামহীর নিকটে বিদায় লইলেন। মহারাজ হোলকর লেক্সটেনেন্ট হাটিন্সনকে ইন্দোরে আসিতে লিখিয়াছিলেন। হাটিন্সন এ সম্বন্ধে উল্লেখ করিয়াছেন যে, মহারাজ হোলকরের বন্ধুত্বের উপর তাঁহার দৃঢ়বিশ্বাস ছিল। তিনি ভদ্রীয় সৈনিকদিগের হস্তে আপনার পরিবার-

বর্ণের রক্ষার ভার দিতে সম্মুচিত হয়েন নাই। কিন্তু মোতে যে সকল ইউরোপীয় ছিল, তাঁহারা উপস্থিত সময়ে এতদ্বন্দ্বী সৈনিকদলের মধ্যে উত্তেজনার নিদর্শন দেখিয়া, লেফ্টেনেন্ট হাচিন্সনকে ইন্সোরে থাকিতে পরামর্শ দিলেন না। যাহা হউক, হাচিন্সন উপস্থিত বিপত্তিকালে মহারাজকে সুপরামর্শ দিবার জন্য রেসিডেন্টের কার্যভার গ্রহণ করিলেন। কাপ্তেন হান্সারফোর্ড সবিশেষ ক্ষিপ্তকারিতার সহিত যে কার্যের ভার গ্রহণ করিয়াছিলেন এবং সাতিশয় দফতার সহিত যাহা সম্পন্ন করিয়া তুলিয়াছিলেন, এইরূপে তাহা কাপ্তেন হাচিন্সনের উপর সমর্পিত হইল।

উপস্থিত সময়ে ব্রিটিশ রেসিডেন্ট কর্ণেল ডুরাও যে ভাবে মহারাজ হোলকরকে দেখিয়াছিলেন এবং মহারাজ স্বয়ং যে ভাবে কার্য করিয়া, রেসিডেন্টের নিকটে আপনার প্রতি আরোপিত কলঙ্কের ক্ষালন করিয়াছিলেন, তদ্বিয়ে মতভেদ আছে। এক পক্ষ ডুরাওর অনুষ্ঠিত কার্যের সমর্থন করিয়াছেন; অপর পক্ষ সমুদয় বিষয়ের আলোচনা পূর্বক মহারাজকে সর্বাংশে নির্দোষ ও রেসিডেন্ট আক্রমণসংক্রান্ত ব্যাপারে নিগিণ্ড বলিয়া নির্দেশ করিয়াছেন। এখন মহারাজ ও রেসিডেন্ট, উভয়েই কালের পরাক্রমে সংসারক্ষেত্র হইতে অপসারিত হইয়াছেন। উভয়েই এখন নিন্দা বা প্রশংসার অতীত হইয়া পড়িয়াছেন। উভয়ের কার্যই এখন বহু বৎসরের অতীত ঘটনার মধ্যে পরিগণিত হইয়াছে। এখন অগম্যপাতে উভয়ের কার্যের আলোচনা করিলে উদ্বোধ হইবে যে, কর্ণেল ডুরাও সবিশেষ বিচারবিতর্ক না করিয়া, মহারাজকে মিথ্যাপবাদে দূষিত করিয়াছেন। মহারাজ স্পষ্ট নির্দেশ করিয়াছিলেন যে, তাঁহার দরবারের যে সকল সৈন্য রেসিডেন্ট আক্রমণ করিয়াছে, তাহারা স্বপ্রধান হইয়া উঠিয়াছে। এই সকল উচ্ছ্বল সৈনিকদিগের উপর এখন তাঁহার কোনরূপ কর্তৃত্ব নাই। তিনি কর্ণেল ডুরাওকে সাবধান করিয়া দিয়াছিলেন। তিনি ধনাগারের অর্থ এবং আপনার রত্নাদি নিরাপদে রাখিবার জন্য মোতে ব্রিটিশ রেসিডেন্টের নিকটে পাঠাইয়াছিলেন। তিনি উত্তেজিত সিপাহীদিগের পরাক্রম পর্য্যবেক্ষণ করিবার জন্য সেনাপতি উদ্বরণকে যত শীঘ্র সম্ভব, পাঠাইয়া দিতে বোঝাই গবর্নর লর্ড এল্ফিনষ্টোনের নিকটে প্রার্থনা করিয়াছিলেন। তিনি ইহা অপেক্ষাও বিশ্বস্ততার পরিচয় দিয়াছিলেন। তিনি উত্তেজিত সিপাহীদিগের

সৈনিকগণ গবর্ণমেন্টের বিরুদ্ধ পক্ষ অবলম্বন করিয়াছিল ; কিন্তু কোম্পানির ডিরেক্টরগণ বিরোধী হওয়াতে প্রস্তাব কার্যে পরিণত হয় নাই । ডিরেক্টরগণ ভারত-গবর্ণমেন্টের নিকটে এ সম্বন্ধে লিখিয়াছিলেন—“আমরা এ বিষয়ে শাস্তি-বিধান করিতে পারি না । যখন সমগ্র জগতের বিদিত হইয়াছে যে, গোবালিয়র ও ইন্দোরের জায় পরাক্রান্ত রাজ্য, অধিক কি, ব্রিটিশ গবর্ণমেন্টও আপনাদের সৈন্যশালনে সমর্থ হয়েন নাই, তখন ধার অথবা অন্য কোন ক্ষত্র, হুর্কল রাজ্য আপনাদের সৈনিকদিগকে শাসনে রাখিতে পারে নাই বলিয়া, আমরা কোনরূপ শাস্তিবিধান করিতে পারি না । আপনার ঘরে আপনি আগুন দিবার পর, যখন অনলশিখা প্রজ্জ্বলিত হইয়া উঠে, এবং যখন উহা পার্শ্ববর্তী প্রতিবাসীদিগের গৃহে পর্য্যন্ত বিস্তৃত হয়, তখন ঐ সকল প্রতিবাসীকে অপরাধী স্থির করা যেরূপ জায়সঙ্গত, কর্ণেল ডুরাণ্ডের উপস্থিত কার্য্যও সেইরূপ জায়সঙ্গত বলিয়া বোধ হইবে ।” ফলতঃ কর্ণেল ডুরাণ্ডের অবৈধ কার্য্যের অনুমোদনপ্রযুক্ত যে, মহারাজ হোলকরের বৈধকার্য্যের অবমাননা এবং তজ্জন্ত তাঁহার স্বার্থহানি হইয়াছে, তাহা বিস্ময়ে সন্দেহ নাই । *

ডুরাণ্ড মহারাজকে যে জালে আবদ্ধ করিয়াছিলেন, মহারাজ দীর্ঘকাল পর্য্যন্ত তাহা বিচ্ছিন্ন করিতে পারেন নাই । উজ্জ্বলতম কর্তৃপক্ষ তাঁহার সম্মান-রক্ষার জন্য সচেষ্ট হইয়াছিলেন, কিন্তু ভারত-গবর্ণমেন্টের পররাষ্ট্রবিভাগের কর্মচারী এই কাণ্ডে বাধা দিতে বিমুখ হয়েন নাই । বোর্ড অব কন্ট্রোলার সভাপতি লর্ড ষ্টান্‌লি (পরে লর্ড ডার্বি) ১৮৫৮ অব্দের ৩ই জুলাই গবর্ণর-জেনেরলের নিকটে এই ভাবে লিখিয়াছিলেন—“যে সকল ভূপতি ও সর্দার প্রভৃতি ব্রিটিশ গবর্ণমেন্টের প্রতি বিশ্বস্তভাব দেখাইয়াছেন, তাহাদিগকে, ভ্রমস্পত্তি দান করিয়াই হউক, বা অন্য কোনরূপেই হউক, সম্মানিত করিবার জন্য যেরূপ অভিপ্রায় প্রকাশ করেন, তাহা ঐ সকল বিশ্বস্ত ভূপতিদিগের নামের তালিকার সহিত অবিলম্বে আমাদিগকে জানাইবেন । আমাদের বিশ্বাস যে, আপনি এই তালিকার সর্ব্বাগ্রে মহারাজ শিন্দে, হোলকর এবং নেপালরাজের নাম স্থাপন করিবেন । কিন্তু গবর্ণর-জেনেরল লর্ড কানিং মহারাজ হোলকরকে পুরস্কৃত

করিতে সম্মত হইলেন নাই। তিনি ইন্দোরের ঘটনার উল্লেখপূর্বক বোর্ডের সভাপতির নিকটে মহারাজকে পুরস্কার দানের অযোগ্য বলিয়া নির্দেশ করেন। ১৮৬৪ অব্দের ৪ঠা জুলাই ভারতবর্ষের ষ্টেট সেক্রেটারী সার্ চার্লস উড্ (পরে লর্ড হালিফাক্স), মহারাজ হোলকর কি অল্প অল্প ভূপতিদিগের দমকে সম্মানের অযোগ্য হইলেন, তাহা তদানীন্তন গবর্নর-জেনেরল সার্ জন্ লরেন্সের (পরে লর্ড লরেন্স) নিকটে জানিতে চাহেন। এই সময়ে কর্ণেল ডুরাণ্ড পররাষ্ট্রবিভাগের সেক্রেটারী ছিলেন। তিনি কারণ নির্দেশস্থলে সেই পুরাতন কথার পুনরুল্লেখ করেন। লর্ড মেয়ো গবর্নর-জেনেরলের পদে প্রতিষ্ঠিত হইয়া, মহারাজের এইরূপ অসম্মানের কারণ জিজ্ঞাসা করেন। কিন্তু এ সময়েও পররাষ্ট্রবিভাগে পক্ষতের ছায় অটল ছিলেন। ঐ বিভাগের তদানীন্তন সেক্রেটারী এডিসন্ সাহেব (পরে সার্ চার্লস এডিসন্) আবার সেই ১৮৫৭ অব্দের ১লা জুলাইয়ের ঘটনার উল্লেখ পূর্বক নির্দেশ করেন যে, মহারাজ এই জুলাই পর্য্যন্ত এ বিষয়ে সর্বতোভাবে উদাস্তের পরিচয় দিয়াছিলেন।* এইরূপে এক ষ্টেট সেক্রেটারীর পর অত্র এক ষ্টেট সেক্রেটারী, এক গবর্নর-জেনেরলের পর অত্র এক গবর্নর-জেনেরল মহারাজ হোলকরের বিষয় অহুসন্ধান করেন। কর্ণেল ডুরাণ্ডের নির্দিষ্ট এক পুরাতন ও যুক্তিবহির্ভূত কথাতে সকলকে নিরস্ত হইতে হয়। কিন্তু ইতিহাস এই আরোপিত কলঙ্কের প্রকালনে উদাসীন থাকে নাই। কে, মালিসন্ প্রভৃতি ঐতিহাসিকগণ মহারাজ হোলকরের সম্মান রক্ষা করিয়াছেন। মহারাজও গবর্নমেন্টের নিকট হইতে “ভারতনক্ষত্র” উপাধি প্রাপ্ত হইলেন। এদিকে কর্ণেল ডুরাণ্ডও উচ্চ হইতে উচ্চতর পদে নিয়োজিত হইতে থাকেন। তিনি পররাষ্ট্র-বিভাগের সেক্রেটারী, গবর্নর-জেনেরলের কোম্পিলের সদস্য এবং শেষে পঞ্জাবের লেফটেনেন্ট-গবর্নর হইলেন। কিন্তু নিতান্ত দুঃখের বিষয় যে, তিনি দীর্ঘকাল আপনার প্রাধান্ত ও উচ্চ আশার ফল ভোগ করিতে পারেন নাই। নিয়তি এ বিষয়ের বিরোধী হইয়া উঠে। রাজকীয় সম্মান ও উচ্চপদের মধ্যে সার্ হেনরি ডুরাণ্ড বেহত্যাগ করেন।

* Evans Bell, A letter to H. M. Durand, Notice, p. VI-VII.

উত্তরপশ্চিমের লেফটেনেন্ট-গবর্ণর কলবিন্ সাহেব মধ্যপ্রদেশের মহারাষ্ট্র ভূপতিদিগের শাসিত জনপদসম্বন্ধে যেরূপ চিন্তিত হইয়াছিলেন, সেইরূপ আর একটি বিস্তৃত জনপদও তাঁহার চিন্তার বিষয়ীকৃত হইয়াছিল। রাজপুতানা-প্রদেশের রাজপুত ভূপতিগণ আপনাদের অধিকৃত ভূখণ্ডে শাসনদণ্ডের পরিচালনা করিতেছিলেন। ইহাদের পরস্পরের মধ্যে তাদৃশ ঐক্য বা সমবেদনা ছিল না। স্তত্রাং উপস্থিত সময়ে পরস্পর-বিচ্ছিন্ন জনপদগুলি একসূত্রে গ্রথিত হইবার সম্ভাবনা ছিল না। রাজপুত ভূপতিগণ স্ত্রথে ও শান্তিতে কাণযাপন করিতে-ছিলেন। ব্রিটিশ গবর্ণমেন্টের উপর তাঁহাদের কোন বিষয়ে বিরক্তি জন্মে নাই। তাঁহাদের পূৰ্বপুরুষগণ মুসলমান, মরাঠা ও পিণ্ডারীদিগের হস্তে ক্রুরপ নিগৃহীত হইয়াছিলেন, তাহা তাঁহারা বিস্মৃত করেন নাই। ইংরেজের অধিকারে এই উপদ্রব নিরাকৃত হইয়াছিল। সিপাহী-বিপ্লবের পূৰ্বে এক বার জনরব উঠিয়াছিল যে, গবর্ণমেন্ট রাজপুতরাজ্য আপনাদের অধিকারভুক্ত করিবেন, এই জনরব যে, সৰ্ব্বাংশে অলাক, তাহা বিলাতের ডিরেক্টর-সভা স্পষ্টাক্ষরে নির্দেশ করেন। কিন্তু অল্প একটি বিষয়ে রাজপুতনার অধিবাসীদিগের হৃদয় নিরতিশয় চঞ্চল হইয়া উঠিয়াছিল। সিপাহী-স্বজের প্রারম্ভে অশ্রান্ত স্ত্রলে যেরূপ হইয়াছিল, সেইরূপ রাজপুতানাতেও লোকের বিশ্বাস জন্মিয়াছিল যে, গবর্ণমেন্ট তাঁহাদের ধৰ্ম্মনাশ ও জাতিনাশে কৃতসঙ্কল্প হইয়াছে। কেহ কেহ দিল্লীর বাদশাহের আধিপত্যের পুনঃপ্রতিষ্ঠা সম্বন্ধে নানা কথা বলিতেছিল। এইরূপ বিশ্বাস, এইরূপ ধারণা লোকের অজ্ঞতা হইতে উৎপন্ন হইয়াছিল। ইহা হইতে সহসা যে, কোনরূপ অনিষ্ট ঘটবে, তাহা বোধ হয় নাই। কিন্তু আগরার কর্তৃপক্ষ বীরত্বপ্রসিদ্ধ রাজপুতদিগের বিষয় ভাবিতেছিলেন। আশঙ্কিত বিপদের ভয়কর দৃশ্য ও অমূলক গভীর চিন্তা তাঁহাদের হৃদয় হইতে অপ-সারিত হয় নাই।

রাজপুতনা সিবার, জয়পুর, মাড়বার প্রভৃতি ১৮টি রাজ্যে বিভক্ত। ইহার মধ্যে ১৭টি রাজ্যে রাজপুত হিন্দু নৃপতিগণ শাসনদণ্ডের পরিচালনা করিয়া থাকেন। অষ্টাদশ রাজ্যটি মুসলমান নৃপতির শাসনাধীন। বিখ্যাত পিণ্ডারী সর্দার আমীর খাঁর বংশধরেরা এই রাজ্যে আধিপত্য করিয়া থাকেন। ব্রিটিশ-গবর্ণমেন্টের অল্পগ্রাহ্য রাজপুতনার অন্তর্ভুক্ত উক্ত অষ্টাদশ রাজ্য—টঙ্কের কর্তৃত্ব

পাইয়া ইঁহার টঙ্কের নীচের বসিয়া পরিচিত হইতেছেন। যাহা হউক, এই আঠারটি রাজ্যের মধ্যে ছয়টি রাজ্যের শাসনকার্য্য ব্রিটিশ গবর্ণমেন্টের নিয়োজিত এজেন্ট কর্তৃক পরিলক্ষিত হইয়া থাকে। রাজপুতনার অনেক স্থান বৃক্ষলতাপরিশ্রুত মরুভূমিতে সমাবৃত। কোন কোন স্থান উন্নত পর্বতমালায় ও হরিদ্রণ বৃক্ষরাজিতে স্নশোভিত, দূর হইতে দেখিলে উহা স্তুতিপ্রিত আলোখোর জায় রমণীয়ভাবে দর্শকের হৃদয় উৎফুল্ল করিতে থাকে। এই সকল উন্নত শৈলশিখরে রাজপুতদিগের অসামান্য গৌরবের সাক্ষী, অপূৰ্ণ মহেশ্বের পরিচয়-স্থল, অনন্তসাধারণ বীরত্বের বিক্ষুব্ধ-ক্ষেত্র হুগ্ন সকল নির্মিত। পূৰ্বে উক্ত হইয়াছে যে, রাজপুত ভূপতিগণ ব্রিটিশ-গবর্ণমেন্টের প্রতি কোন বিষয়ে অসন্তোষ প্রকাশ করেন নাই। কিন্তু রাজপুতনার ঠাকুরগণ গবর্ণমেন্টের আধিপত্যে সন্তুষ্ট ছিলেন না। যেহেতু ইহাতে তাঁহাদের অভীষ্টসিদ্ধির পথ অবরুদ্ধ হইয়াছিল। গবর্ণমেন্ট মধ্যবর্তী থাকাতে তাঁহারা সম্পত্তিসংগ্রহের জন্ত রাজপুত রাজাদিগের সহিত বিবাদ করিতে অসমর্থ ছিলেন।

পূৰ্বে উক্ত হইয়াছে যে, রাজপুতনার ষণ্ড রাজ্যগুলিতে গবর্ণমেন্টের এজেন্ট থাকিতেন। সকলের উপর কর্তৃত্ব করিবার জন্ত গবর্ণর-জেনেরলের এক জন রেসিডেন্ট অবস্থিত করিতেন। উপস্থিত সময়ে স্যার হেনরি লরেন্সের অন্যতম ভ্রাতা কর্নেল জর্জ লরেন্স রাজপুতনার এজেন্টের পদে নিয়োজিত ছিলেন। স্যার হেনরি লরেন্সের জায় জর্জ লরেন্স ও সাহসী, নির্ভীক ও কর্তব্যপারায়ণ ছিলেন। যখন মিরাতের গোলযোগের সংবাদ তাঁহার নিকটে উপস্থিত হয়, তখন তিনি আব্দুল কর্নাতে অবস্থিত করিতেছিলেন। এই সংবাদ পাইয়াই, তিনি আপনাদিগের গুরুতর দায়িত্ব বুঝিতে পারিলেন। এক লক্ষ ত্রিশ হাজারের অধিক পরিমাণের বিস্তৃত ভূখণ্ড এখন তাঁহার রক্ষণীয় হইল। তিনি এই সুবিস্তৃত জনপদের শান্তিবিধানে অমনোযোগী হইলেন না। মিরাতের সংবাদ-প্রাপ্তির চারি দিবস পরে তৎকর্তৃক ঘোষণা-পত্র প্রচারিত হইল। তিনি এই ঘোষণা-পত্রে সমগ্র ভূপতিকে আপনাদের সৈন্ত সজ্জিত করিয়া রাখিতে, এবং সাধারণের মধ্যে শান্তি রক্ষা করিতে অত্নরোধ করিলেন। এদিকে তাঁহার সহযোগীরাও আগ্রহসহকারে তদীয় পক্ষসমর্থনে উদ্ভূত হইলেন। উত্তরপশ্চিমপ্রদেশের লেফ্টেনেন্ট-গবর্ণর কল্‌বিন্ সাহেব, কর্নেল লরেন্সকে

বাবতীর ইউরোপীয় সৈন্ত ও আফিসার এবং কোম্পানির টাকা লইয়া আগরা-রক্ষার জন্ত আসিতে অহুরোধ করিলেন। কর্ণেল লরেন্স্ এই অহুরোধে বিম্বিত ও চমকিত হইয়া উঠিলেন। রক্ষণীয় স্থান পরিত্যাগ করিলে রাজপুতনার নাতিশয় বিপদ ঘটবার সম্ভাবনা ছিল। রাজপুতনার কেন্দ্রস্থলে ব্রিটিশ-গবর্ণমেন্টের অধিকৃত আজমীর অবস্থিত। উত্তরপশ্চিমপ্রদেশের মধ্যে যেরূপ দিল্লী, রাজপুতনার মধ্যেও সেইরূপ আজমীর। এই স্থানে বিবিধ যুদ্ধোপকরণে পরিপূর্ণ অস্ত্রাগার ছিল। এই স্থানের ধনাগারে বহু অর্থ রক্ষিত হইতেছিল। হিন্দু ও মুসলমানদিগের মধ্যে এই স্থান পৃথ্যতীর্থ বলিয়া পরিগণিত ছিল। রাজপুতনার মহাজন ও কুঠীওয়ালদিগের সঞ্চিত অর্থ এই স্থানে রাশীকৃত রহিয়াছিল। কর্ণেল লরেন্স্ বুঝিয়াছিলেন যে, যদি এই গোলজানক স্থান উত্তেজিত সিপাহীদিগের হস্তগত হয়, তাহা হইলে সমগ্র রাজপুতনার করাল বিপ্লববহির বিকাশ হইবে। সুতরাং তিনি আপনার দ্রাঘত্বের জ্ঞান দৃঢ়তাসহকারে স্বকীয় দায়িত্ব বুঝিয়া, কর্তব্যসম্পাদনে অগ্রসর হইলেন। এদিকে কল্বিন্ সাহেবও আপনার অহুরোধের অযৌক্তিকতা বুঝিয়া, কর্ণেল লরেন্স্কে আর কোন কথা বলিলেন না। বরং তিনি কর্ণেল লরেন্সের হস্তে অধিকতর ক্ষমতা সমর্পণ করিবার জন্ত তাঁহাকে ব্রিগেডিয়ার-জেনেরলের পদ দিয়া, রাজপুতনার সমগ্র সৈনিকদলের অধ্যক্ষ করিলেন। এদিকে ব্রিগেডিয়ার লরেন্স্ সর্বপ্রায়ে আজমীররক্ষায় কৃতসঙ্কল্প হইলেন। আজমীরে এক দল সিপাহী এবং এক দল মাহীর নামক নিম্নশ্রেণীর সৈনিক ছিল। মাহীরগণ পূর্বে তাদৃশ সভ্যতাসম্পন্ন ছিল না। আজমীরের কমিশনার লেক্টেনেন্ট-কর্ণেল ডিক্সনের যত্নে ইহাদের অবস্থা উন্নত হয়। মাহীরগণ গবর্ণমেন্টের সৈনিকশ্রেণীতে প্রবেশ করে। দেওয়ার নামক স্থানে ইহাদের প্রধান আড্ডা ছিল। কর্ণেল ডিক্সন উপস্থিত সময়ে দেওয়ারে মৃত্যুশয্যা পন্ন ছিলেন। নিয়তির পরাক্রমে তাঁহার দেহত্যাগ হইল। কিন্তু তৎপ্রদত্ত শিক্ষার উন্নত মাহীরদিগের কর্তব্যকর্ষ অসম্পন্ন রহিল না। সিপাহীদিগের উপর মাহীরদিগের তাদৃশ সমবেদনা ছিল না। এই জন্ত ব্রিগেডিয়ার লরেন্স্ কোন-রূপ অনিষ্টসংঘটনের পূর্বেই সিপাহীদিগকে আজমীর হইতে সরাইয়া ভৎস্থলে মাহীর সৈন্ত রাখিতে ইচ্ছা করিলেন। তদীয় সঙ্কল্প কার্যে পরিণত হইল।

তাহার আদেশে লেফটেনেন্ট কার্ণেল নামক এক জন সৈনিকপুরুষ মাহীর সৈনিকদল লইয়া দেওয়ার হইতে আজমীরে উপস্থিত হইলেন। আজমীর রক্ষা পাইল। সেই সঙ্গে সমগ্র রাজপুতনাও উপস্থিত ভীষণ বিপ্লবের সম্মুখে রক্ষিত হইল।

রাজপুত ভূপতিদিগের মধ্যে উদয়পুরের মহারাণাগণ সৰ্ব্বপ্রধান। ইঁহারা অসামান্য বংশগৌরবে যেরূপ সর্বশ্রেষ্ঠ, সেইরূপ অপরিসীম বীরত্ব-কাঁষ্টি ও অতুল্য স্বার্থত্যাগে সকলের বরণীয়। যখন অজ্ঞান রাজপুত ভূপতি মোগলের সহিত বৈবাহিক সম্বন্ধ স্থাপন পূৰ্ব্বক আপনাদিগকে কৃতকৰ্ম্মা বলিয়া মনে করিয়াছিলেন, তখন উদয়পুরের মহারাণা তাঁহাদের পক্ষসমর্থন করেন নাহি। তিনি মোগলের সহিত এইরূপ সম্বন্ধস্থাপনে ঘৃণা প্রকাশ করিয়াছিলেন। তাঁহারা এইরূপ সম্বন্ধ আপনাদের গৌরবজনক মনে করিয়া, আত্মলাদে উৎক্লম্ব হইয়াছিলেন, তাঁহাদের সহিত সমুদয় সামাজিক সংস্রব উঠাইয়া দিয়াছিলেন। এই আভিজাত্যগৌরব এবং জাতীয়ভাবের সম্মানরক্ষার জন্ত তিনি কোনরূপ কষ্টকে কষ্ট বলিয়া মনে করেন নাহি। ভীষণ সংগ্রামে তাঁহার সহস্র সহস্র সৈন্য দেহত্যাগ করিয়াছে, তিনি স্বয়ং পৰ্ব্বতে পৰ্ব্বতে, অরণ্যে অরণ্যে বেড়াইয়া, কষ্টের একশেষ ভোগ করিয়াছেন, তথাপি আভিজাত্যগৌরবে ও জাতীয়-ভাবে বিসৰ্জন দেন নাহি। এইরূপ স্বার্থত্যাগ সমগ্র রাজস্থানের অনন্ত গৌরবের পরিচয় দিতেছে। রাজপুত এক মুহূর্ত্তের জন্ত এই গৌরবের কথা বিস্মৃত হয় নাহি এবং এক মুহূর্ত্তের জন্ত দেবতুল্য প্রতাপসিংহের মহাব্যোমগায় বিরত থাকে নাহি।

উপস্থিত সময়ে এইরূপ সৰ্ব্বপ্রধান ও সৰ্ব্বমাত্র রাজপুত ভূপতির প্রতি ইংরেজ কর্তৃপক্ষের তীক্ষ্ণ দৃষ্টি ছিল। ক্যাপ্টেন সাওয়ার্স এই রাজদরবারে ব্রিটিশ-গবর্ণমেন্টের পক্ষে এজেন্ট ছিলেন। ১৮৫৫ অব্দে মিবারের কতিপয় সর্দারের কার্যে স্যার হেনরি এবং তৎসহোদর কর্ণেল লরেন্সের অসন্তোষ জন্মে। ইঁহারা উভয়েই এই সকল অবাধ্য সর্দারের দমনের জন্ত ইংরেজ-সৈন্য পাঠাইবার প্রস্তাব করেন। মিবারের মহারাণার প্রাধাত্মরক্ষার জন্তই ইঁহাদিগকে ঐরূপ কার্য করিতে হইয়াছিল। ১৮৫৭ অব্দে যখন চারি দিকে ভয়ঙ্কর বিপ্লব ধটে, তখন মিবারের মহারাণার সহিত ব্রিগেডিয়ার লরেন্সের সন্তাব বা সম্প্রীতির

কোনরূপ ব্যত্যয় হয় নাই।* বাহা হউক, এই সময়ে মহারাণা একটি স্ত্রীশূদ্র হ্রদের তীরে তাঁহার গ্রীষ্মাবাসের জন্ত মন্দিরপ্রস্তুতনির্মািত রমণীয় প্রাসাদে কাপ্তেন সাওয়ার্সের সহিত সাক্ষাৎ করেন। তিনি এই সঙ্কটকালে আপনার বিখ্যাত সৈনিক-পুরুষ দিয়া গবর্ণমেন্টের সাহায্য করিতে প্রতিশ্রুত হইলেন। দরবারের প্রধান কর্মচারীদিগকে এই উদ্দেশ্যে কাপ্তেন সাওয়ার্সের নিকটে পাঠাইবার বন্দোবস্ত করেন এবং এই উদ্দেশ্যসাধনের জন্ত অধীন সর্দারদিগের মধ্যে আদেশপত্র পাঠাইয়া দেন। এইরূপে তিনি সকল বিষয়েই গবর্ণমেন্টের পক্ষসমর্থনে প্রস্তুত হইলেন।

ইহার মধ্যে কাপ্তেন সাওয়ার্সের নিকটে সংবাদ পড়িছে যে, নীমচের এবং নসীরাবাদের সিপাহীগণ গবর্ণমেন্টের বিরুদ্ধে সমুথিত হইয়াছে। ৪০টি পলাতক ইউরোপীয় কুলমহিলা, বালকবালিকা প্রভৃতি নিরতিশয় শোচনীয় অবস্থায় পঞ্চাশ মাইল দূরে অবস্থিতি করিতেছে। সংবাদ প্রাপ্তিমাত্র কাপ্তেন সাওয়ার্স দুই জন সহযোগীর সহিত মিবারের কতিপয় সওয়ার লইয়া ঐ শোচনীয় দশাপ্রাপ্ত জীবদিগের উদ্ধারের জন্ত যাত্রা করেন। মহারাণা এ বিষয়ে যথোচিত সাহায্য করিতে বিমুখ হইলেন নাই। তিনি বেদলা নামক জনপদের সর্দারকে পলাতকদিগকে আনিবার জন্ত পাঠাইয়া দেন। সাওয়ার্স তাহাদিগকে এই সর্দারের তত্ত্বাবধানে রাখিতে বিমুখ হইলেন নাই। সাহসী রাজপুতবীর নিরাপদে একটি রমণীয় ধীরের মধ্যবর্তী সুরমা প্রাসাদে পলাতকদিগকে আনয়ন করেন।

এদিকে জয়পুররাজ গবর্ণমেন্টের সাহায্য করিতে প্রস্তুত হইলেন। তাঁহার সৈনিকদল আগরার সীমান্তভাগরক্ষায় নিয়োজিত হয়। মাড়বারের অধিপতিও এ সময়ে আপনার বিখ্যাতপ্রদর্শনে বিমুখ হইলেন নাই। সাহসে ও বীরত্বে মাড়বার চিরপ্রসিদ্ধ। মরুস্থলীর বীরপুরুষগণের বীরত্বে এক সময়ে দিল্লীর ভূপতি-

* কে সাহেব লিখিয়াছেন যে, মিবারের দরবারের সহিত জর্জ লরেন্সের বিবাদ ঘটনা ছিল। লরেন্স মিবারে ইংরেজ সৈন্য স্থাপিত, মহারাণাকে গরীভূত এবং তাঁহার কতিপয় প্রধান সর্দারকে নিরাসিত করিবার প্রস্তাব করিয়াছিলেন।—*Kaye, Sepoy War, Vol. III. p. 355.* কিন্তু জর্জ লরেন্স ইহা পড়িয়া কে সাহেবের নিকটে লিখিয়া পাঠাইয়াছিলেন যে, তিনি কখনও মহারাণাকে পদচ্যুত করিবার প্রস্তাব করেন নাই। মহারাণার সহিত তাঁহার সদ্ভাব ছিল। তিনি এবং তাঁরাজাত্য হেনরি লরেন্স কেবল মিবারের কতিপয় সর্দারের ক্ষমতারোধের জন্ত ব্রিটিশ সৈন্য রাখিবার এবং আবদ্ধক হইলে এক জন প্রধান সর্দারকে পদচ্যুত করিবার প্রস্তাব করিয়াছিলেন। মহারাণার আশঙ্ক্যরক্ষায় রাজ্যট এইরূপ করিতে হইয়াছিল।—*Kaye, Sepoy War, Vol. III. Appendix p. 683.*

গণও বিস্মিত হইয়াছিলেন। এই স্থানের এক জন সেনানায়কের অপূর্ণ বিশ্বস্ততাসহকৃত অসামান্য বীরত্বের পরিচয় পাইয়া, মাড়বারের অধুর্বীরতার নির্দেশ-পূর্বক তেজস্বী শের শাহ এক সময়ে কহিয়াছিলেন—“আমি একমুষ্টি ভূঁট্টার জন্ত এখনি ভারতসাম্রাজ্য হারাইতেছিলাম।” কিন্তু উপস্থিত সময়ে অন্তবিস্ত্রোহে যোধপুররাজ হীনবল হইয়া পড়িয়াছিলেন। কতিপয় প্রধান ঠাকুর তাঁহার বিরুদ্ধাচরণ করিতেছিলেন। তথাপি তিনি গবর্ণমেন্টকে অশ্বারোহী ও পদাতিতে দুই হাজার সৈন্ত এবং ৬টি কামান দিয়া বিশ্বস্ততা প্রদর্শন করেন। এইরূপে জুন মাসের মধ্যে রাজপুতনার সমুদয় কার্য্য সুশৃঙ্খল হয়। কর্ণেল জর্জ লরেন্স এ সম্বন্ধে লিখিয়া গিয়াছেন,—“এইরূপে জুন মাসে—দিল্লীর সংবাদপ্রাপ্তির ১৫ দিনের মধ্যে ভরতপুর, জয়পুর, যোধপুর এবং উলবারের সৈন্ত আমাদের সহিত যুদ্ধক্ষেত্রে একত্র কার্য্য করিবার জন্ত প্রস্তুত থাকে।” * রাজপুতনার আপাততঃ কোন গোলাযোগ না ঘটিলেও, এবং রাজপুত ভূপতিগণ দিল্লীর বৃদ্ধ মোগলের সহিত কোনরূপ সংগ্রহ না রাখিলেও, কল্বিন সাহেব একবারে নিশ্চিত হইয়েন নাই। সিপাহীযুদ্ধের ইতিহাসলেখক কে সাহেব এই প্রসঙ্গে নির্দেশ করিয়াছেন যে, ষাঁহারা এক সময়ে মোগলের সহিত বৈবাহিক সম্বন্ধ স্থাপন করিয়াছিলেন, মোগলের কার্য্যসাধনে উৎসাহ দেখাইয়াছিলেন, মোগলের নাম মুলায় অঙ্কিত করিয়া দিয়াছিলেন, তাঁহাদের বিধয় উত্তরপশ্চিমপ্রদেশের হুস্মদর্শী লেকটেনেন্ট-গবর্ণরের স্মৃতিপটে জাগরুক ছিল। উপস্থিত সময়ে এই ইতিহাসপ্রসিদ্ধ ঘটনা হইতে কিরূপ ফলের উৎপত্তি হইয়াছিল, তাহা পরে বিবৃত হইতেছে।

* এড্‌মন্ড জর্জ লরেন্স মিবারের মহারাণা এবং তাঁহার দরবারের এজেন্ট কাপ্তেন সাওয়ার্সের নাম উল্লেখ করেন নাই বলিয়া, কে সাহেব প্রতিবাদ করিয়াছেন। জর্জ লরেন্স ইহার উত্তরে নির্দেশ করিয়াছেন যে, তিনি উল্লেখলে মিবারের মহারাণার নাম নির্দেশ করেন নাই বটে, কিন্তু স্বকীয় বিজ্ঞাপনীর স্বানাম্বরে মহারাণার বিশ্বস্ততা এবং নীমচের ইউরোপীয় পলাতকদিগের প্রতি তাঁহার সৌজন্যপ্রকাশের কথা উল্লেখ করিয়াছেন, এবং এই জন্ত যে, ব্রিটিশ-গবর্ণমেন্ট তাঁহাকে ধন্যবাদ দিয়াছেন, তাহাও নির্দেশ করিয়াছেন। কাপ্তেন সাওয়ার্সের সম্বন্ধে তিনি লিখিয়াছেন যে, কাপ্তেন তাঁহার আদেশপালন করেন নাই বলিয়া, গবর্ণর-জেনারেল কর্তৃক ভৎসিত হইয়াছিলেন।—*Kaye, Sepoy War, Vol. III. Appendix pp. 683, 684.* ষাাঁ হটক, জর্জ লরেন্স, জম্মু রাজপুত ভূপতিদিগের নামের সহিত মিবারের মহারাণার নাম নির্দেশ করিলে বোধ হয়, সমীচীন হইত।

চতুর্থ অধ্যায় ।

আগরা ।

আগরা—নীমচের সিপাহী—কলসিন্ সাহেবের গুরুত্ব—শাসনকার্যের বন্দোবস্ত—
কোটার সিপাহী—আগরার নিকটে যুদ্ধ—ইংরেজসৈন্যের প্রত্যাবর্তন—সৈনিক নিবাসের
ধ্বংস—আগরার দুর্গবাসীদের অবস্থা—কলসিন্ সাহেবের দেহভ্যাগ ।

আগরার সিপাহীগণ নিরস্ত্রীকৃত হইয়াছিল। তাহারা টাকার থলিয়া কোমরে
বাঁধিয়া, নিত্যব্যবহায্য দ্রব্যাদি কাঁধে লইয়া, প্রশান্তভাবে গৃহাভিমুখে প্রস্থান
করিয়াছিল। কেহ কেহ বাড়ীতে না গিয়া, দিল্লীর অভিমুখে অগ্রসর হইয়া-
ছিল, এবং তত্রতা সিপাহীদের সহিত মিশিয়া, বাদশাহের প্রাধাণ্যরক্ষার
জন্ত অভিনব অস্ত্রশস্ত্রে সজ্জিত হইয়াছিল। এই সকল নিরস্ত্রীকৃত সিপাহীর
মধ্যে কেহই আগরায় প্রত্যাবৃত্ত হয় নাই। কলসিন্ সাহেব ইহাদের বিষয়
ভাবিয়া উদ্বিগ্ন হইয়া নাই। কিন্তু ইহাতেও উত্তরপশ্চিমপ্রদেশের রাজধানী
শাস্তিপূর্ণ হয় নাই, বিপদের চিহ্ন সর্বাংশে দূরীভূত হইয়া যায় নাই, ইউরোপীয়-
দিগেরও অদৃষ্ট সুপ্রসন্ন হইয়া উঠে নাই। আগরা যমুনার দক্ষিণ তীরে অব-
স্থিত। জুন মাসের মধ্যে এই তীরস্থিত প্রায় সমগ্র জনপদ ব্রিটিশ-গবর্ণমেণ্টের
প্রাধাণ্য হইতে স্থলিত হইয়াছিল। বামতীরস্থিত জনপদের অবস্থাও তাদৃশ
আশাজনক ছিল না। জুন মাসের শেষে অনেকে আগরা পরিত্যাগ করিয়া
গিয়াছিল। ঝটিকার প্রাক্কালে প্রকৃতি যেমন প্রশান্তভাবে থাকে, আগরাও
সেইরূপ প্রশান্ত ও নিস্তরুভাবে ছিল। কিন্তু এই প্রশান্ততার স্থলে তুমুল
ঝটিকার স্তূপপাত হইল। তৎপ্রযুক্ত শান্তি ও শৃঙ্খলা বিপর্যস্ত হইয়া গেল।

পূর্বে উক্ত হইয়াছে যে, নীমচের সিপাহীগণ সাতিশয় উত্তেজিত হইয়া,
গবর্ণমেণ্টের বিরুদ্ধ পক্ষ অবলম্বন করিয়াছিল। জুলাই মাসে এই উত্তেজিত
সৈনিকদল আগরার অভিমুখে অগ্রসর হয়। এদিকে গোবালিয়র হইতে পলা-
তক ইউরোপীয়গণ আসিয়া আগরার দুর্গে আশ্রয়গ্রহণ করে। যাহার উপর

যাবতীর কর্ণের কর্তৃক সমর্পিত হইয়াছিল, যিনি এই জ্বলন্ত জনপদে শাস্তিস্থাপন, বিপর ইউরোপীয়দিগের বিপত্তিনিবারণ এবং উচ্ছৃঙ্খল লোকের নিকাশনে ব্রতী হইয়াছিলেন, এই সঙ্কটকালে তাঁহার স্বাস্থ্যভঙ্গ হইয়াছিল। কলবিন্ সাহেব স্রগঠিত ও সবলদেহ ছিলেন বটে, কিন্তু চশিত্ব, অনিদ্রা ও অতিশ্রমে তাঁহার শক্তির অপচয় ঘটিল। তাঁহার উপর পরকীয় বিরুদ্ধভাব বাতীত আত্মকলহেও তাঁহার মানসিক শান্তি তিরোহিত হইল। অধীন লোকের উত্তেজনা ও বিরুদ্ধাচরণে তিনি যখন বিরক্ত হইয়া পড়িয়াছিলেন, তখন তাঁহার সহযোগিগণ তাঁহার প্রতিকূলতাদ্বাধনে উদ্ধত হইলেন। কেহ কেহ তাঁহার সহিত একরূপ ব্যবহার করিতে লাগিলেন যে, উহাতে সহজেই লোকের মনে ঘৃণার উদ্রেক হইতে পারে। তাঁহারা আপনাদের অধ্যক্ষ ও পরিচালকের উপর নানা দোষের আরোপ করিয়া, পত্র লিখিতে লাগিলেন। এই সকল পত্রে তাঁহাদের অপরিণীম বিদ্বেষভাব পরিস্ফুট হইতে লাগিল। কেহ কেহ অকথা ভাষায় তাঁহার নিন্দা করিয়া, গবর্ণর-জেনেরলের নিকটেও পত্র লিখিতে লাগিলেন। এমন কি ঐ সকল পত্রে তাঁহাকে পদচ্যুত করিবার প্রার্থনাও হইতে লাগিল। কেহ কেহ পার্লামেন্ট মহাসভায় এ বিষয়ের উত্থাপনের জন্য পরামর্শ করিতে লাগিলেন। লর্ড কানিং অপবাদকারীদিগের এইরূপ অপবাদদরটনাকে “আগরার দিকট পেচকাব” বলিয়া নির্দেশ করেন। এইরূপ কতকগুলি পত্র দিল্লীতে প্রেরিত হয়। তত্রত্য ইউরোপীয়গণ এই সকল পত্র পাঠিয়া বলিতেন যে, আগরাওয়ালারা পুনর্বার চাঁৎকার আরম্ভ করিয়াছে। অতিশ্রম, অনিদ্রা প্রভৃতিতে কলবিন্ সাহেবের বেক্রম স্বাস্থ্যভঙ্গ হইল, এই বিকটরবে সেইরূপ তাঁহার মানসিক শান্তিও তিরোহিত হইয়া গেল। কিন্তু তিনি ইহাতেও ধীর-ভ্রায় বিসর্জন দিলেন না। এইরূপ শোচনীয় অবস্থাতেও তিনি ধীরভাবে আপনায় কর্তব্য সম্পাদন করিতে লাগিলেন।

জুন মাসের তৃতীয় সপ্তাহের শেষে জনরব উঠিল যে, নীমচ এবং নসীরাবাদের উত্তেজিত সিপাহীগণ চারি দিকের উচ্ছৃঙ্খল লোকের সমবায়ে বহুলসংখ্যক ও শক্তিসম্পন্ন হইয়া আগরার অভিমুখে আসিতেছে। এই জনরবের সত্যতা সন্দেহ সন্দেহ রহিল না। আগন্তক সৈনিকদলের সংখ্যা তখন ছই হাজার ছয় শত এবং তাহাদের কামানের সংখ্যা ১২ বলিয়া নির্দ্ধারিত হইয়াছিল।

জনরব যখন সত্য হইল, তখন কলবিন্ সাহেব স্থির থাকিতে পারিলেন না। তিনি জুন মাসের শেষে নিরস্ত্র ও যুদ্ধানিভঞ্জ খণ্ডানদিগকে দুর্গে ঘাইতে আদেশ দিলেন। কেবল নির্দিষ্ট জব্য বাতীত অস্ত্রাস্ত্র জব্যাদি সঙ্গে লইয়া যাওয়া নিষিদ্ধ হইল। এই আদেশে শেষে যাবতীয় পুস্তক, তৈজসপত্র, নখী কাগজপত্রাদি বিনষ্ট হইয়া গিয়াছিল। * ২রা জুলাই নীমচের সিপাহীগণ আগরার ২৩ মাইল দূরবর্তী ফতেপুরসিক্রীতে উপস্থিত হইল। কর্তৃপক্ষ এখন আগরারক্ষার সুললোবস্ত করিতে উত্তত হইলেন। কোটারাজ্যে ব্রিটিশ গবর্ণমেন্টের যে সৈনিকদল ছিল, তাহা আগরায় উপস্থিত হইলেন। এতদ্ব্যতীত নবাব সৈয়ফ-উল্লা খাঁ নামক এক জন উচ্চপদস্থ রাজপুরুষের অধীনে কেরোলীর ছয় শত পদাতি, ভরতপুরের তিন শত অখারোহী এবং দুইটি কামান ছিল। এক জন ইংরেজ সৈনিকপুরুষ লেফটেনেন্ট গবর্ণরের এজেন্ট স্বরূপ এই সৈন্তের সহিত অবস্থিতি করিতেছিলেন।

যখন জানা গেল যে, বিপক্ষগণ ফতেপুরসিক্রীতে উপস্থিত হইয়াছে, তখন উক্ত দুইদল সৈন্তকে ভিন্ন ভিন্ন স্থানে রাখা হইল। কোটার সৈন্ত আগরার সৈনিকনিবাসরক্ষার জন্য সন্নিবেশিত হইল। সৈয়ফ-উল্লা খাঁর সৈন্ত আগরার ৪ মাইল দূরে ফতেপুরসিক্রীর পথের পার্শ্বে শাহগঞ্জ নামক গল্লীর নিকটে রহিল। এইরূপে ২রা জুলাই আগন্তুক বিপক্ষদিগকে বাধা দিবার জন্য বিভিন্ন স্থানে ব্যবস্থা হইল।

পর দিন কলবিন্ সাহেব সাতিশর অস্ত্রস্থ হইয়া পড়িলেন। তাঁহার দেহে পক্ষাঘাতের লক্ষণ প্রকাশ পাইল। তিনি অগত্যা একটি সমিতির উপর চক্ৰিশ ঘণ্টার জন্য আবশ্যক কার্যনির্বাহের ভার সমর্পণ করিলেন। রেবিনিউ বোর্ডের প্রাচীন কর্মচারী রিড সাহেব, ব্রিগেডিয়ার পলহোয়েল এবং লেফটেনেন্ট-গবর্ণরের সেক্রেটারী কাপ্তেন মাকলিয়ড্ এই সমিতির সদস্য হইলেন। তৎপর-দিন (৪ঠা জুলাই) ব্রিগেডিয়ারের গৃহে এই সমিতির অধিবেশন হইল। লেফটেনেন্ট-গবর্ণর তাঁহার চিকিৎসককে নিকটে রাখিয়া, পার্শ্ববর্তী কুঠরীতে অবস্থিতি করিতে লাগিলেন। সমিতি নগররক্ষা ও আগন্তুক বিপক্ষদিগের

* *Raikes, Notes on the Revolt &c. p. 54.*

গতিরোধের উপায় নির্ধারণে প্রবৃত্ত হইলেন। কারাগারে বহুসংখ্যক কয়েদী ছিল, ইহারা বন্দি হইতে বিমুক্ত হইলে, বিপক্ষদিগের দল পরিপুষ্ট ও শক্তি বর্দ্ধিত হইবার সম্ভাবনা ছিল। একজ্ঞ সমিতি, কয়েদীদিগের মধ্যে যাহারা দৃঢ়কায় ও বলিষ্ঠ, তাহাদিগকে নদীর অপর পারে লইয়া গিয়া, ছাড়িয়া দিবার প্রস্তাব করিলেন। দুর্গের নিকটে যমুনার উপর যে সেতু ছিল, সমিতি উহা ভাঙ্গিতে ইচ্ছা করিলেন। খৃষ্টধর্মাবলম্বীগণকে দুর্গে আনিবার এবং নবাব সৈয়ফুদ্দা খাঁর দুইটি কামান অস্ত্রাগারে স্তানাস্থরিত করিবার প্রস্তাব হটল। এতদ্ব্যতীত কোটার সৈনিকদলের অধ্যক্ষকে অগ্রসর হইয়া আগন্তুক বিপক্ষদিগকে আক্রমণ করিতে আদেশ দেওয়ার বিষয় ধার্য্য হইল।

প্রথম তিনটি প্রস্তাব বিনা বাধায় ও বিনাবিপত্তিতে কার্য্যে পরিণত হইল। শেষ দুইটি প্রস্তাব অল্পসারে কার্য্য করিবার সময়ে ঘোরতর বিষবিপত্তি ঘটিল। কোটার সৈনিকদলের বিশ্বস্ততা সন্দেহ হইয়াছিল। কেহ কেহ ইহাদিগকে নিরস্ত্র করিবার প্রস্তাব করিয়াছিলেন। কিন্তু ব্রিগেডিয়ার উক্তরূপ কঠোর কার্য্যসাধনে ইচ্ছা করেন নাই, শেষে যখন বুঝা গেল যে, ইহারা নিকটে থাকিলে সবিশেষ অসুবিধা ঘটিবার সম্ভাবনা আছে, তখন বিপক্ষদিগের গতিরোধের জ্ঞাত ইহাদিগকে ৪ঠা জুলাই কতেপুরসিক্রীর পথে পাঠাইয়া দেওয়ার আদেশ হইল। কিন্তু ইহারা বিপক্ষদিগের বিরুদ্ধে না গিয়া ব্রিটিশ গবর্ণমেণ্টের বিরুদ্ধেই দণ্ডায়মান হইল। এক জন ইউরোপীয় সৈনিকপ্রধান ইহাদের গুলিতে ভূগত হইলেন। ইংরেজ আফিসারদিগের উপরেও ইহাদের গুলিবৃষ্টি হইতে লাগিল। ইহারা নৌমচের সৈনিকদলের সহিত সম্মিলিত হইবার জ্ঞাত্য বার্তা করিল। কিন্তু এই সময়ে ইংরেজ সেনানায়কেরা নিশ্চেষ্ট থাকেন নাই। এক জন সেনানায়ক কতিপয় স্বেচ্ছাপ্রবৃত্ত অস্বারোহী সৈনিক লইয়া ইহাদিগকে আক্রমণ করেন। এই আক্রমণে ইহাদের কতকগুলি লোক নিহত এবং যুদ্ধের দ্রব্যাদি বোঝাই কতকগুলি উট অবরুদ্ধ হয়। এই দিন সন্ধ্যাকালে নবাব সৈয়ফুদ্দা খাঁ প্রকাশ করেন যে, তাহার অধীন সৈনিকগণ বিশ্বস্ত নয়, তিনি ইহাদের উপর নির্ভর করিতে পারেন না। ভরতপুরের অস্বারোহিগণ তাহার পক্ষ পরিভ্রাণ করিয়াছে, তাহার দলের কামান অপসারিত হওয়াতে কেরোলীর সৈনিকেরা নিকংসাহ হইয়াছে। ইহাতে অবিলম্বে সৈয়ফুদ্দা খাঁর

সৈনিকগণ শাহপুত্র পরিত্যাগপূর্বক কেরোনীতে বাইতে আদিষ্ট হইল। ঐ রাত্রিতেই সৈয়দুল্লা খাঁ এই আদেশ অনুসারে সৈনিকদল লইয়া কেরোনীতে যাত্রা করিলেন।

কোটার সৈনিকদল গবর্নমেন্টের বিরুদ্ধ পক্ষ অবলম্বন করিলে, পীড়িত লেফটেনেন্ট-গবর্নরকে অপেক্ষাকৃত নিরাপদস্থল—তুর্গে লইয়া যাওয়া আবশ্যক হয়। ব্রিগেডিয়ারের গৃহ তাদৃশ নিরাপদ ছিল না। বিপক্ষগণ কর্তৃক উহা আক্রান্ত হইবার আশঙ্কা ছিল। এ জ্ঞাত কতিপয় স্বেচ্ছাপ্রবৃত্ত সৈনিকগুরুষ গৃহরক্ষার জন্য উহার পুরোভাগে সন্নিবেশিত ছিল। লেফটেনেন্ট গবর্নর অনিচ্ছার সহিত তুর্গে যাইবার জ্ঞাত প্রস্তুত হইলেন। রক্ষণে পরিবেষ্টিত হইয়া, তিনি যথাস্থানে উপনীত হইলেন। কিন্তু পরে যখন শুনিলেন যে, কোটার সৈনিকেরা পরস্পরবিচ্ছিন্ন হইয়া চারি দিকে ধাবিত হইয়াছে, তখন তিনি আবার ব্রিগেডিয়ারের গৃহে বাইতে হুজা করিলেন। কিন্তু ব্রিগেডিয়ার ইহাতে সন্মত হইলেন না। তৎপরাদিন কণবিন্ শাহেবের অবস্থা এক্রূপ মন্দ হইল যে, তাহার বন্ধু ও সহযোগীগণ উহাতে নিরীশ্বর চিন্তিত হইলেন। যাহা হউক, তিনি এ অবস্থাতেও স্বকীয় কর্তব্যে শৈথিল্য প্রকাশ করিলেন না। তাহার আগ্রহ দেখিয়া চিকিৎসকগণ নিতান্ত অনিচ্ছার সহিত তাহাকে কর্তব্য করিতে কহিলেন।

এই দিন (৫ই জুলাই) প্রাতঃকালে সংবাদ আসিল যে, বিপক্ষগণ আগরার অভিমুখে অগ্রসর হইতেছে। এক জন ইংরেজ অধিনায়ক ব্রিগেডিয়ারকে, আগন্তুক বিপক্ষদিগকে আক্রমণ করিবার জন্য অগ্রসর হইতে অহরোধ করিয়াছিলেন, কিন্তু ব্রিগেডিয়ার প্রথমতঃ এই প্রস্তাবে সন্মত হয়েন নাই। শেষে যখন বিপক্ষদিগের উপস্থিতিসংবাদ তাহার নিকটে পৌঁছিল, তখন তিনি ভাবিলেন যে, এই সময়ে উইটি উপায় অবলম্বনীয় হইতে পারে। এক উপায় দুর্ধে থাকিয়া আত্মরক্ষা করা, অন্য উপায় অগ্রসর হইয়া বিপক্ষদিগকে পরাজিত করা। সাহসী সেনানায়কদিগের পক্ষে শেষোক্ত উপায়ই প্রশস্ততর বলিয়া পরিগণিত হইয়া থাকে। সাহসী ব্রিগেডিয়ারের নিকটেও এই শেষোক্ত উপায়ই প্রশস্ততর বোধ হইল। সুতরাং তিনি অবিলম্বে বিপক্ষদিগের বিরুদ্ধে যাত্রা করিবার আদেশ প্রচার করিলেন।

ত্রিগেডিয়ারের আদেশে বেলা এক টার সময়ে ইংরেজসৈনিকেরা কাওয়ারের বিত্তৃত ক্ষেত্র পরিত্যাগ করিল। বিপক্ষদলে দুই হাজারের অধিক সৈন্য ছিল। ইংরেজ অধিনায়কগণ যাহাদিগকে ইউরোপীয় প্রণালী অনুসারে বুদ্ধবিজ্ঞান সুশিক্ষিত করিয়াছিলেন, তাহাদের অনেকে এই দলভুক্ত ছিল। কোটার সৈনিকদলও ইহাদের সহিত সম্মিলিত হইয়াছিল। ইংরেজের পক্ষে ৮০০ শত সৈনিক পুরুষ সম্বিষ্ট ছিল। বুদ্ধ ত্রিগেডিয়ায় পল্‌হোয়েল্ ইহাদের অধ্যাক্ষতা গ্রহণ করিয়াছিলেন।

ইংরেজ সৈনিকদল শাহগঞ্জ নামক পল্লীতে উপস্থিত হইলে, ত্রিগেডিয়ায় তথায় কিয়ৎক্ষণ অবস্থিতির জন্য আদেশ দিয়া, বিপক্ষদিগের গতিবিধিপৰ্য্যবেক্ষণ করিতে লাগিলেন। প্রায় ১ মাইল দূরবর্তী শানিয়া নামক পল্লীর নিকটে বিপক্ষদল তাহার দৃষ্টিপথবর্তী হইল। বিপক্ষদিগের পদাতিকগণ পল্লীর পশ্চাভাগে সম্মিলিত ছিল। গোলান্দাজ সৈন্য আপনাদের কামান লইয়া পল্লীর উভয় পার্শ্বে অবস্থিত করিতেছিল। ইহাদের পুরোভাগে উন্নত ভূখণ্ড ও ঘনসন্নিবিষ্ট বৃক্ষশ্রেণী ছিল। ইংরেজসৈন্য সমুদান হইলে, সিপাহীদিগের বামপার্শ্বস্থ কামান হইতে গোলাবৃষ্টির আরম্ভ হইল। ইংরেজসৈন্যাদ্যক্ষ তৎক্ষণাৎ পদাতিদিগকে শয়ানভাবে থাকিতে আদেশ দিয়া, কামানগুলি বিপক্ষদিগের কামানের ছায় দুই ভাগে স্থাপন করিলেন এবং বিপক্ষদিগের ছায় আপনাদের কামান হইতে গোলাবৃষ্টি করিতে কহিলেন। কিন্তু বিপক্ষদলের গোলান্দাজগণ প্রাকৃতিক পদার্থে সুসজ্জিত ছিল। ইংরেজপক্ষের কামানের গোলা তাহাদের তাদৃশ ক্ষতি হইল না। সিপাহীদলের গোলান্দাজেরা বৃক্ষশ্রেণী ও উন্নত ভূখণ্ডের অন্তরালে থাকিয়া, গোলাবর্ষণপূর্ব্বক প্রতিপক্ষের দিক্তর ক্ষতি করিতে লাগিল। তাহাদের দুইখানি কামানের গাড়ী পুড়িয়া গেল। বাম ভাগেরও একটি কামান অক্ষৰ্ণ্য হইল। অবশেষে আপনাদের গোলা বারুদ ইত্যাদি নিঃশেষপ্রায় দেখিয়া, ইংরেজ অধিনায়কগণ অগ্রসর হইয়া বিপক্ষদিগকে আক্রমণ করিতে চাহিলেন। যে সকল পদাতি শয়ানভাবে ছিল, তাহারাও উঠিয়া বিপক্ষদিগকে আক্রমণ করিবার জন্য উৎসাহ প্রকাশ করিতে লাগিল। কিন্তু সৈন্যাদ্যক্ষ আগরার এই অল্পমাত্র বৃক্ষদিগের ক্ষয় হইবার আশঙ্কা করিয়া, এ বিষয়ে সন্মত হইলেন না। এ দিকে ইংরেজ অধিনায়কগণ প্রকৃত বীর-

পুরুষের ভ্রায় বিপক্ষের সমক্ষে পরাক্রম প্রকাশ করিতে লাগিলেন। তাঁহাদের যুদ্ধোপকরণ প্রায় নিঃশেষিত হইয়াছিল, তাঁহাদের সৈন্য বিপক্ষের সংখ্যাধিক্যে ক্রমে অল্প হইয়া পড়িতেছিল, তাঁহাদের জয়াশা, প্রবলপরাক্রান্ত, যথোচিত-যুদ্ধোপকরণসম্পন্ন ও বলবহুল শত্রুর রণকৌশলে ক্রমে অন্তহিতপ্রায় হইতেছিল। তথাপি তাঁহারা সাহসে বিসর্জন দিলেন না, আপনাদের শৃঙ্খলারক্ষায় উদাত্ত প্রকাশ করিলেন না, বা বীরত্বের পরিচয় দিতে বিমুখ হইলেন না। গোলন্দাজ সেনানায়ক কাপ্তেন ডয়লি অস্বাক্ষত হইয়া অধীন সৈনিকদিগকে পরিচালিত করিতেছিলেন। তাঁহার অবস্থিত অস্ত্র বিপক্ষের গুলির আঘাতে তাঁহাকে লইয়া ভূপতিত হইল। বাহন নিহত হওয়াতে কাপ্তেন যুদ্ধস্থলে দাঁড়াইয়া সময়ো-পযোগী আদেশ দিতে লাগিলেন। কিন্তু তাঁহার এইরূপ অবস্থা দীর্ঘকাল থাকিল না। বিপক্ষের নিক্ষিপ্ত গুলিতে তিনি পার্শ্বদেশে মাংঘাতিকরূপে আহত হইলেন। কাপ্তেন ডয়লি কামানের গাড়িতে স্থাপিত হইলেন। দেই গাড়িতে শয়ান থাকিয়া, কামানপরিচালকদের শৃঙ্খলারক্ষার জন্য পূর্বের ভ্রায় ধীরতাসহকারে, পূর্বের ভ্রায় প্রশান্তভাবে আদেশ দিতে লাগিলেন। ক্রমে তাঁহার যাতনা এরূপ প্রবল হইয়া উঠিল যে, তিনি দীর্ঘকাল ঐ অবস্থায় থাকিতে পারিলেন না। গুরুতর আঘাতে তাহার তেজস্বিতার অগচয় ঘটিল। মৃত্যুকাল আসন্ন জানিয়া তিনি কহিলেন—“আমার কর্ম সম্পন্ন হই-
 যাছে, আমার সমাধির উপর এক খণ্ড প্রস্তর স্থাপন পূর্বক তাহাতে ক্ষোদিত করিবে যে, আমি আমার কামানের পার্শ্বে থাকিয়াই দেহত্যাগ করি-
 য়াছি”। সাহসী কাপ্তেন যুদ্ধস্থল হইতে ভ্রূর্গে নীত হইলেন এবং তাহার পর-
 দিন পুনর্বীর ঐ কথাই বলিতে বলিতে দেহত্যাগ করিলেন। আর এক জন
 যুদ্ধকুশল অধিনায়কও আপনার অধীন সৈন্তের পরিচালনাকালে গুরুতর
 আঘাত প্রাপ্ত হইলেন। ক্রমে রণক্ষেত্রে ইংরেজপক্ষের বহু অস্ত্র নিহত এবং
 বহু সৈন্য দেহত্যাগ করিল। যে দুই ভাগে কামানগুলি সজ্জিত হইয়াছিল,
 তাহার এক ভাগের কামান অকর্মণ্য হইয়া গেল। এই সকল বিপত্তি দেখিয়া,
 ব্রিগেডিয়ার পদাতিদিগকে শত্রুদল আক্রমণ করিতে আদেশ দিলেন, কিন্তু
 এ সময়ে কেবল পদাতির সাহায্যে আত্মপক্ষ রক্ষা করা অসম্ভব হইয়া উঠিল।
 যেহেতু কামানগুলি অকর্মণ্য হওয়াতে তৎসমুদয় দ্বারা পদাতিদিগের পক্ষ

প্রবল করার সুবিধা হইল না। এ দিকে অখারোহী সৈনিকদল তাদৃশ পটু ছিল না। বিভিন্ন শ্রেণীর বিভিন্ন ব্যবসায়ী লোকে এই দল গঠিত হইয়াছিল। উহাতে সিবিలిয়ান কর্মচারী ছিলেন। বেতনভোগী কেরানী উহার পরিপুষ্টির জন্ত নিয়োজিত হইয়াছিলেন। ইউরোপীয় এবং এতদেশীয় সৈনিক-দলের খৃষ্টধর্মাবলম্বী বাস্তকর ও গায়কেরা উহাতে স্থান পরিগ্রহ করিয়াছিল। অধিকতর আশ্চর্যের বিষয় এই যে, এই সময় ফরাসী দেশ হইতে কতকগুলি দড়িবাজীকর আপনাদের ক্রীড়াকৌশল দেখাইতে আসিয়াছিল। তাহাদের কেহ কেহ উক্ত দলে সৈনিকব্রত গ্রহণ করিয়াছিল। এই দড়িবাজীকর-দিগের সাত জন যুদ্ধক্ষেত্রে দেহত্যাগ করে। ঐদৃশ বিচিত্র অখারোহিদলকর্তৃক আশাত্মকরূপে কর্ম সম্পন্ন হইল না। বিপক্ষ অখারোহীদিগের আক্রমণে এই অল্প সংখ্যক অখারোহীদিগের পরাক্রম পর্য্যদন্ত হইয়া গেল। বিপক্ষগণ শাহগজ পল্লীর পার্শ্ববর্তী স্থানে সমাগত হইয়া, তাহাদের নিকটে রণকৌশলে অভ্যস্ত ও অভিনব অস্ত্রাদিতে সুসজ্জিত হইয়াছিল, তাহাদেরই ক্ষমতানাশে উত্তমের একশেষ দেখাইতে লাগিল। বর্ষায়ান্ ইংরেজ সেনাপতির সমক্ষে বিপক্ষের বলহ্রাসের জন্ত আর কোন উপায় রহিত না। তাহার গোলন্দাজদলের গোলা-বারুদ প্রভৃতি নিঃশেষিত হইয়াছিল, তাহার অখারোহীদিগের বলহ্রাস হইয়া গিয়াছিল, তাহার কামানগুলি অকর্মণ্য হইয়া পড়িয়াছিল, শেষে কেবল পদাতি দ্বারা আত্মরক্ষাসমর্থনের সুবিধা ঘটিল না। বৃদ্ধ সেনাপতি হতাশাস হইয়া, নিতান্ত অনিচ্ছা ও ক্ষোভের সহিত পশ্চাৎ হটিয়া যাইবার আদেশ দিলেন।

সেনাপতির আদেশে হতাবশিষ্ট সৈন্য দুর্গে ফিরিয়া যাইতে উদ্যত হইল। প্রত্যাবর্তনকালে তাহাদের মধ্যে কোন রূপ শৃঙ্খলাহানি ঘটিল না। এক জন ইংরেজ ঐতিহাসিক এ সম্বন্ধে এই ভাবে লিখিয়াছেন—“যদিও সৈনিকেরা শৃঙ্খলার সহিত প্রত্যাবর্তিত হইয়াছিল, তথাপি এইরূপ প্রত্যাবর্তন যেরূপ ক্ষতিজনক, সেইরূপ অবমাননাকর। অখারোহী সৈনিকের অভাবই এইরূপ ছরদুট্টের কারণ। আমরা আপনাদের ভ্রান্তির জন্তই উৎসন্ন হইয়াছি। গোলাগুলি বারুদ প্রভৃতি বাহা বাকিয়া রাখা হইয়াছিল, তাহা আমাদের সৈনিকদলের সহিত বা সৈনিকদলের গমনের পরে প্রেরিত হয় নাই এবং যাবৎ আমাদের কামানগুলি অকর্মণ্য হইয়া না পড়িয়াছে, তাবৎ আমাদের পদাতিদিগকেও বৃদ্ধ করিতে

দেওয়া হয় নাই। ইহা নিরতিশয় বাতুলতার কাৰ্য্য। এই বাতুলতার জন্তই ডয়েলি আপনার জীবন সমর্পণ করিয়াছেন এবং পলহোয়েল আপনার অবলম্বিতরতোচিত সম্মান হারাইয়াছেন।”*

যাহারা দুর্গে অবস্থিত করিতেছিল, তাহারা ঔৎসুক্যের সহিত যুদ্ধক্ষেত্রের দিকে দৃষ্টিযোজনা করিয়া রহিয়াছিল। কামানের ধ্বনিতে প্রতিমুহূর্তে তাহাদের হৃদয়ে যুগপৎ আশঙ্কা ও আশা, হর্ষ ও বিষাদের আবির্ভাব হইতেছিল। দুর্গস্থিত কুলমহিলাগণ অধিকতর উদ্বিগ্ন হইয়া উঠিয়াছিলেন। এই যুদ্ধের উপর তাহাদের বিপদ ও সম্পদ নির্ভর করিতেছিল। যাহাদের স্বামিগণ যুদ্ধক্ষেত্রে গিয়াছিলেন, তাহাদের মুখমণ্ডলে অধিকতর অশান্তির অভিযুক্তি হইতেছিল। তাহারা তিন ঘণ্টা কাল সমান ব্যাকুলতা ও সমান উত্তেজনের সহিত কামানেন্ন গভীর গর্জন শুনিলেন, তিন ঘণ্টা কাল, সমান ঔৎসুক্যের সহিত ধূমাক্কাদিত রণস্থলের দিকে দৃষ্টিপাত করিয়া রহিলেন। কেহ কেহ ঔৎসুক্যের আবেগে দুর্গের উচ্চ চূড়ায় গিয়া, উভয় সৈনিকদলের গতিবিধি পর্য্যবেক্ষণ করিতে লাগিলেন। কিন্তু শেষে তাহাদের আশা নিস্কূল হইল। ভয় শতশৃঙ্গে বৃদ্ধি পাইল, গভীর নৈরাশ্রে দেহ যেন ভাঙ্গিয়া পড়িল। তাহারা দূর হইতে আপনাদের সাহসের অবলম্বন, আশার আশ্রয়স্থল সৈনিকদলকে বিপক্ষগণের তাড়নায় নিরতিশয় শোচনীয়ভাবে দুর্গে ফিরিয়া আসিতে দেখিলেন। যাহারা প্রত্যাবৃত্ত সৈনিকদলের অবস্থা দেখিয়াছেন, তাহারা নিঃসন্দেহ দৃষ্টির নিকটে প্রার্থনা করিয়াছেন যে, একপ শোচনীয়, একপ ভীত প্রদ, একপ মনঃকষ্টের উদ্দীপক দৃশ্য যেন আর কখনও তাহাদের সমক্ষে উপস্থিত না হয়। সিপাহীগণ ভীরবেগে ইংরেজ সৈনিকদিগের অস্ত্রসরণ করিয়াছিল। এই সকল সৈনিকের মুখ ধুলিতে সমাবৃত ও ধূমে বিবর্ণ হইয়াছিল। যাহারা আহত হইয়াছিল, তাহাদের দেহনিঃসৃত রক্তিরস্রোতে ধূলিপটল পরিলিপ্ত হইয়া গিয়াছিল। সকলেই পিপাষায় কাতর, সকলেই পানীর অভাব ব্যাকুল, সকলেই যাতনায় অবসন্ন। ইহাদের দুঃস্বপ্নের একশেষ হইয়াছিল। ইহাদের কামান সকল যুদ্ধক্ষেত্রে হইতে আনিবার সুবিধা হয় নাই ইহাদের সহযোগীদিগের গতানুগত দেহও সঙ্গে আনিবার সুযোগ

* Kaye, Sepoy War, Vol. III. p. 391.

বটে নাই। দুইটি হস্তী আগরা হইতে প্রেরিত হইয়াছিল, কিন্তু উহা দ্বারা কেবল আহত সৈনিকগণই যুদ্ধক্ষেত্র হইতে আসিতে পারিয়াছিল। যুদ্ধান্ত, নিহত সৈনিকগণের দেহ, রণক্ষেত্রে অরক্ষিত অবস্থাতেই পড়িয়া রহিয়াছিল। প্রত্যাবৃত্ত সৈনিকেরা, দুর্গে প্রবেশ করিয়াই, শশ্যান্তে পানীয়ের আধারের দিকে খাণ্ডিত হইল। মহিলাগণ আপনাদের যাবতীয় দ্রুথ বিস্মৃত হইয়া, এই শোচনীয় দশাগ্রস্ত জীবদিগের পরিচর্যায় প্রবৃত্ত হইলেন। তাঁহারা অবিলম্বে চা ও জুয়া দিয়া, ইহাদের পিপাসাশান্তি করিলেন। ইহাদের যাতনা দূর করিতে ইহাদিগকে সুখে ও শান্তিতে রাখিতে, তাঁহাদের কোনরূপ ওদাস্ত বা যত্নের ক্রটি লক্ষিত হইল না। মেহময়ী জননীর তায়, স্ত্রীতিময়ী কস্তার তায়, শাস্তিময়ী ধাত্রীর তায়, ইহারা আহতদিগের শুশ্রূষা করিতে লাগিলেন। এইরূপ অসামান্য মিত্রভাব দেখিয়া, এক জন পরিদর্শক ক্রিয়ামুদ্রে আহত-দিগের শুশ্রূষাকারিণী জগদ্বিখ্যাত ফ্রোয়েন্স নাইটিঙ্গেলের শ্রেণীতে ইহাদিগকে স্থান দিয়াছেন। সৈনিকেরা এইরূপ পরিচর্যায় পরিতোষিত হইল বটে, কিন্তু যাহাদের সহিত ইহারা এক গুরুতর নিকটে শিক্ষিত হইত, এক স্থানে অবস্থিতি করিত, একবিধ জীড়াকোতুকে উৎকলিতাবে থাকিত, তাহারা যুদ্ধক্ষেত্রে দেহ-ত্যাগ করাতে ইহাদের যাতনার অধি রহিল না। ইহারা নিহত বহুদিগের নাম করিয়া, দুঃসহ শোকে হাহাকার করিতে লাগিল।* এদিকে উদ্ধত লোকের একান্ত উত্তেজিত হইয়া উঠিল। ইহারা এই সময়ে আপনাদের উদ্ধাম প্রকৃতির পরিচয় দিতে বিমুগ্ধ হইল না। দ্বিবিজ্ঞী ও পর্দুগীজেরা দুর্গে আশ্রয় গ্রহণ করে নাই। আপনাদের বাসস্থানের প্রতি মমতা প্রযুক্তই হউক, বা নগরবাসী-দিগের প্রতি বিশ্বাসবশতঃই হউক, ইহারা আবাসগৃহে থাকিয়াই, আপনাদিগকে নিরাপন্ন মনে করিয়াছিল। কিন্তু হতভাগ্যদিগের বিষমবিপত্তির শাস্তি হইল না। যে বাসগৃহে থাকিলে তাহারা নিরাপন্ন হইবে বলিয়া ভাবিয়াছিল এবং যে গৃহকে তাহারা সর্বপ্রকার সুখশান্তির আশ্রয়স্থল মনে করিয়াছিল, সেই গৃহেই তাহাদের অনেকের শোণিতস্রোত প্রবাহিত হইল। কুড়িটির অধিক অসহায় জীব উত্তেজিত লোকের অদ্রাঘাতে দেহত্যাগ করিল। ইউরোপীয়গণ

* Raikes, Notes on the Revolt &c. p. 62.

দুর্গে গমন করিয়াছিলেন, তাঁহাদের গৃহ সকল পরিত্যক্তভাবে ছিল। এখন ঐ সকল গৃহ সর্বভুক্ত অনলের একান্ত আয়ত্ত হইল। ইউরোপীয়গণ দুর্গ হইতে আপনাদের অধুষিত গৃহ, আপনাদের ব্যবহৃত দ্রব্যসমূহ, আপনাদের আমোদজনক ও তৃপ্তিকর গৃহসজ্জাদি ভস্মীভূত হইতে দেখিলেন। অগতে অভুলনীয় কীর্তি—সুনীল যমুনাভীরবর্তী তাজের ভূধারবর্ণ প্রদীপ্ত পাবকশিখার সহিত সম্মিলিত হওয়াতে অপূর্ব দৃশ্যের বিস্তার করিল। সরকারি কাগজপত্রের অধিকাংশ পুড়িয়া গেল। প্রায় ছয় মাইল বিস্তীর্ণ ভূখণ্ডের সমুদয় গৃহ করাল-হতাশনে পরিবাস্ত হইল। এই দৃশ্য যেরূপ ভয়ঙ্কর, সেইরূপ শোচনীয়, যেরূপ গভীর ভাবের উদ্দীপক, সেইরূপ বিষয়জনক। ইউরোপীয়গণ এই বিচিত্র দৃশ্যে ক্ষণকালের জন্ত একান্ত বিষময়রসে পরিপ্লুত ও উদ্বেলভাবসাগরে নিমজ্জিত হইলেন।

শাশিয়ার যুদ্ধের পর সিপাহীগণ ইংরেজ সৈন্তের পশ্চাৎকাবিত হইয়াছিল বটে, কিন্তু তাহারা আগরার দুর্গ আক্রমণ করে নাই। গোলা, গুলি, বারুদ প্রভৃতি অল্প হওয়াতে তাহাদিগকে শাহগঞ্জে ফিরিয়া যাইতে হয়। ৫ই জুলাই রাত্ৰিতে তাহারা দিল্লীতে প্রস্থান করে এবং ৮ই জুলাই তথায় উপনীত হয়। শাশিয়ার যুদ্ধে জয়শ্রীলাভ হওয়াতে দিল্লীস্থিত সিপাহীগণ মহোজ্ঞাসে কামানধ্বনি করিয়া, তাহাদের প্রতি সম্মান প্রদর্শন করে। *

কথিত আছে, যুদ্ধের পর দিন প্রাতঃকালে কোতওয়াল মোরাদআলির অমুমতিক্রমে, সমগ্রনগরে দিল্লীর বৃদ্ধ মোগলভূপতির আধিপত্য ঘোষণা করা হয়। এই উদ্দেশ্যে সশস্ত্র লোকে দলবদ্ধ হইয়া, রাজপথে পরিভ্রমণ করে। দলের মধ্যে পুলিশের অধিকাংশ মুসলমান কর্মচারী ছিল। কোতওয়াল স্বয়ং দলপতি হইরাছিলেন। নিয়ন্ত্রণীয় উচ্ছৃঙ্খল লোকও এই দলে মিশিয়াছিল। † সিপাহীরা দিল্লীর অভিমুখে প্রস্থান করিলেও নগর শান্তিপূর্ণ হয় নাই; দুর্গস্থিত ইউরোপীয়গণও আপনাদিগকে নিরাপদ মনে করেন নাই। নগরে এবং উহার পার্শ্ববর্তী পল্লীসমূহে যে সকল বদম্যরস অবস্থিতি করিতেছিল,

* Malleon, *Indian Mutiny*, Vol. I. p. 276-277.

† *Ibid*, p. 277, note.

তাহারা সর্বত্র অশান্তি ও উচ্ছৃঙ্খলভাব অব্যাহত রাখে। সম্পত্তিনুষ্ঠান, গৃহদাহ প্রভৃতি ভয়াবহ কৰ্ম দুই দিন পর্য্যন্ত তাহাদের রক্তকাৰ্য্যাতার পরিচয় দিতে থাকে।

কিন্তু এই দুঃসময়ে আগরার অধিবাসীদিগের মধ্যে ইংরেজের সাহায্যকারী ও ইংরেজের হিতৈষী লোকের অভাব হয় নাই। পুনঃ পুনঃ উক্ত হইয়াছে যে, ভারতের সম্রাট লোক হইতে নিরক্ষর কৃষকগণ পর্য্যন্ত উপস্থিত সঙ্কটকালে ইংরেজের উপকারসাধনে অগ্রসর হইয়াছিল। আগরার বিপত্তিময় কৰ্মক্ষেত্রেও এইরূপ লোকের অভাব লক্ষিত হয় নাই। ইংরেজ যখন আগরার দুর্গে অবরুদ্ধভাবে ছিলেন, দুর্গের বহিঃস্থ ভূখণ্ডে যখন তাঁহাদের প্রাধান্ত অস্তিত্ব প্রায় হইয়াছিল, মহাবিপ্লবের ভয়ঙ্কর দৃশ্য যখন প্রতিমুহূর্ত্তে তাঁহাদিগকে গভীর আতঙ্কগ্রস্ত করিয়া তুলিতেছিল, যথোচিত অবলম্বন ও সাহায্যের অভাবে যখন তাহারা চারি দিক্ অন্ধকারময় দেখিতেছিলেন, তখন আগরার লোকে তাঁহাদের উপকারসাধনে নিশ্চেষ্ট থাকে নাই। ৭ই জুলাই, রাজারাম নামক এক ব্যক্তি অতিকৌশলে দুর্গে মাজিষ্ট্রেট সাহেবের নিকটে এই সংবাদ প্রেরণ করেন যে, আগরায় গবর্ণমেন্টের বিপক্ষ সিপাহীসৈন্য নাই। দুর্গের বহির্ভাগে কেবল উচ্ছৃঙ্খল ও উদ্ধত লোক দ্বারা নানা গোলযোগ ঘটতেছে। মাজিষ্ট্রেট যদি যথোপযুক্ত সৈন্য লইয়া, দুর্গের বাহিরে আইসেন, তাহা হইলে শৃঙ্খলা ও শান্তি পুনঃস্থাপিত হইতে পারে। মাজিষ্ট্রেট এই সংবাদ পাইয়া, আশঙ্কিত হইলেন। তিনি যে বিষয়ের প্রত্যাশা করেন নাই, এখন সেই বিষয় তাহার সমক্ষে উপস্থিত হওয়াতে তদীয় অন্তঃকরণে যুগপৎ বিপুল উৎসাহ ও গভীর আশার সঞ্চার হইল। পর দিন প্রাতঃকালে মাজিষ্ট্রেট সাহেব কতিপয় ইউরোপীয় সৈনিক ও কামান লইয়া, দুর্গ হইতে বহির্গত হইলেন এবং প্রধান প্রধান পথে পরিলম্বণ পূর্ব্বক ব্রিটিশ গবর্ণমেন্টের আধিপত্য প্রতিষ্ঠিত ও শান্তি স্থাপিত হইল বলিয়া, সাধারণের মধ্যে ঘোষণা প্রচার করিলেন।

কিন্তু ইহাতেও ইংরেজেরা দুর্গের বহির্ভাগে বাস করিতে সাহসী হইলেন না। তাহারা উত্তেজিত সিপাহীদিগের ভয়ে দুর্গে অবরুদ্ধ হইয়াছিলেন।

এ সময়ে ঐ সকল সিপাহীকে আক্রমণ করিতে তাঁহাদের সামর্থ্য ছিল না। নানা বর্ণের, নানা প্রেণীর প্রায় ছয় হাজার লোক ছুর্গে স্থান পরিগ্রহ করিয়া ছিল। ইহাদের অধিকাংশ ইউরোপীয় ও ইউরেনীয় ছিল। বালকবালিকা, যুবকযুবতী, বর্ষীয়ান বর্ষীয়সী, সকলেই একবিধ অদৃষ্টের ভাগী হইয়া, এক স্থানে রহিয়াছিল। ছুর্গে হিন্দু ও মুসলমানেরও অভাব ছিল না। ২৭শে জুলাই যে লোকগণনা হয়, তাহাতে হিন্দু ও মুসলমানের সংখ্যা প্রায় ১৫০০ পনের শত স্থির হইয়াছিল। প্রথমে ইহাদের সংখ্যা অল্প ছিল। ইউরোপীয়গণ কৃষ্ণবর্ণ ও এতদেশীয়পরিচ্ছদধারী লোক দেখিলেই সন্দেহান হইতেন। এ সময়ে কৃষ্ণবর্ণ তাঁহাদের অভূতপূর্ব বিভীষিকার উদ্দীপক ছিল। এইরূপ সন্ত্রস্ত এবং এইরূপ বিভীষিকায় বিচলিত হইলেও, শেষে তাঁহাদিগকে কৃষ্ণবর্ণ লোকের উপর নির্ভর করিতে হইয়াছিল। প্রথমতঃ ইউরোপীয়গণ মনে করিয়াছিলেন যে, তাঁহারা আপনাদের প্রয়োজনীয় কৰ্ম্ম আপনাবাই সম্পন্ন করিবেন, অথবা এতদেশীয় খ্রীষ্টানদিগের দ্বারা তৎসমুদয় সম্পাদন করাইয়া লইবেন। কিন্তু এক পক্ষের বিরক্তি ও অপর পক্ষের অযোগ্যতা এইরূপ সঙ্কল্পসিদ্ধির অন্তরায় হইয়াছিল। স্বাবলম্বন একটি প্রধান গুণ। বিশেষতঃ বিপত্তিকালে এই গুণ স্বকীয় প্রয়োজন-সাধনের পক্ষে নিরতিশয় আবশ্যক হইয়া থাকে। ইউরোপীয়গণ স্বাবলম্বনে অনভ্যস্ত নহেন। কিন্তু স্থানভেদে তাঁহাদের প্রকৃতিভেদ ঘটয়াছিল। তাঁহারা ভারতবর্ষীয়দিগের মধ্যে আত্মপ্রাধান্ত দেখাইতে ভারতবর্ষে সমাগত হইয়াছিলেন। সহসা তাঁহাদের অবস্থাবিপর্ধ্যায় ঘটিলেও তাঁহারা ভারতবাসীর করণীয় কৰ্ম্ম সম্পাদনে বিরক্তি বোধ করিয়াছিলেন। অধিকন্তু বিদেশের জলবায়ু এ বিষয়ে তাঁহাদের বিরোধী হইয়া উঠিয়াছিল। আঘাতপ্রবণের ধারাসম্পাত ও গ্রীষ্মাতিশয্যের মধ্যে উষ্ণপ্রধান ছুর্গে অবরুদ্ধভাবে থাকিয়া, তাঁহারা গৃহকৰ্ম্মসম্পাদন সাতিশয় কষ্টকর বলিয়া বোধ করিয়াছিলেন। পক্ষান্তরে ভারতবর্ষীয় খ্রীষ্টানদিগের সংখ্যা একে অল্প, তাহার উপর, তাহারা উপস্থিত কৰ্ম্মের একান্ত অযোগ্য ছিল। রন্ধন, পরিবেশন ও গৃহমার্জন করিতে পারে, পাখা টানিতে পারে, ঘানের আয়োজন, খাদ্য দ্রব্যাদির সংগ্রহ এবং বস্ত্রাদি পরিকার করিতে পারে, ইউরোপীয়দিগের মধ্যে এরূপ লোকের একান্ত অভাব হইয়াছিল। সুতরাং ইউরোপীয়গণ বাধ্য হইয়া, আপনাদের দিত্যপ্রয়ো-

জনীয় কর্মসম্পাদনার্থ অতদেহীয়দিগের প্রবেশের জন্য দুর্গদ্বার উন্মোচিত করিয়া-
ছিলেন। মাজিষ্ট্রেট সাহেবের নগরপরিভ্রমণের পর উচ্ছ্রাল লোকের দোরাখ্য
তিরোহিত হইলে ইহাদের সংখ্যা ক্রমে বৃদ্ধি পাইয়া, প্রায় পনের শত পর্য্যন্ত
হইয়াছিল। কিন্তু ইহারা পরিচর্যায় ব্যাপ্ত থাকিলেও আপনাদের প্রভু-
দিগের তাদৃশ বিশ্বাসভাজন হইতে পারে নাই। অবলম্বিত কর্মসম্পাদনে ইহাদের
ক্ষমতা ছিল না। ইহারা ইউরোপীয়দিগের ক্ষুধার সময়ে আহাৰ্য্য আনিতে, তৃষ্ণার
সময়ে পানীয়ের আহরণ করিতে, ঐয়জনিত অবসাদের সময়ে পাখা টানিতে,
বাসস্থানের আবর্জনা ফেলিয়া দিতে, পরিধের বস্ত্রাদি পরিচ্ছন্নভাবে রাখিতে।
এইরূপে প্রতিক্ষেপেই এই পরিচারকগণ দ্বারা ইউরোপীয়দিগের নানা অভাবের
মোচন হইত। তথাপি ইউরোপীয়গণ সন্দেহভাজিত ইহাদের কার্যকলাপ পরিদর্শন
করিতেন। এই সকল কর্মনিষ্ঠ ভৃত্য ব্যতীত সর্বসমেত আট শত আটান জন
অতদেহীয় খ্রীষ্টান ছিল। ইহাদের মধ্যে কেবল দুই শত সাতষট্টি জন প্রাপ্তবয়স্ক
পুরুষ। জুলাই মাসে দুর্গস্থিত ইউরোপীয়ের সংখ্যা এক হাজার নয় শত ঊন-
নব্বই হইয়াছিল। প্রাপ্তবয়স্ক মহিলার সংখ্যা ছয় শত কুড়ি। ইহাদের
সহিত প্রায় পনের শত বালকবালিকা অবস্থিত করিতেছিল।

কিন্তু কেবল ইউরোপীয়, অতদেহীয় বা ইউরোপীয়গণে দুর্গ পরিপূর্ণ হই
নাই। সুদূর নূতন মহাবীণের লোকও ঘটনাচক্রে পুড়িয়া, দুর্গে উপস্থিত
হইয়াছিল। ইংরেজ সিবিলিয়ান, ইংরেজ সৈনিক, ইংরেজ বণিক প্রভৃতির
সহিত লয়ার নদীর তীরবর্তী স্থলের চিরকুমারী তপস্বিনীগণ, দিসিলি ও রোমের
পুরোহিতগণ, ওহিয়োর ধর্মপ্রচারকগণ, পার্সী নগরীর দড়িবাঙ্গীকরণগণ,
আর্মেনিয়ান ব্যবসারিগণ এক কেন্দ্রে আবদ্ধ রহিয়াছিল। এতদ্ব্যতীত কলিকাতা-
বাসী বাঙ্গালী ও পারসীক বণিকগণও ইহাদের মধ্যে ছিল।* এইরূপে
ভীষণ বিপ্লবের প্রবল তরঙ্গ পৃথিবীর বিভিন্ন জনপদের লোককে বিভিন্ন দিক্
হইতে ঠেলিয়া এক স্থানে রাশীকৃত করিয়াছিল।

সদর কাছারি প্রভৃতি হইতে তিন মাইল এবং সৈনিকনিবাস হইতে এক
মাইল দূরে, সুনীল যমুনার দক্ষিণ তটে আগরার দুর্গ অবস্থিত। উহা রক্তবর্ণ

* Raikes, Notes on the Revolt &c. p. 66.

প্রস্তরে নির্মিত এবং গভীর পরিধার পরিবেষ্টিত । ১৫৭০ অব্দে সম্রাট আকবর শাহ কর্তৃক এই দুর্গ পুনর্নির্মিত ও সংস্কৃত হয় । আকবর দুর্গের সৌন্দর্য-সাধনে ও পরিপাটিবিধানে উদারীন থাকেন নাই । তিনি উহা যেমন দুর্গা-ক্রমা ও দুর্জয় করেন, সেইরূপ বহুমুলা উপাদানে উহার শ্রীসম্পাদন করিয়া তুলেন । দুর্গপ্রাচীরের অন্তর্ভাগে স্বর্ণখচিত, সুদৃশ্য প্রাসাদ নির্মিত হয় । ষেত প্রস্তরের সুপ্রসিদ্ধ মতিমসজিদ তাজের গৌরবস্পর্ধী হইয়া উঠে । অন্ত্রাগার এবং অস্ত্রাশ্রয় গৃহও স্থানে স্থানে আপনাদের সৌন্দর্য্যগৌরবের পরিচয় দিতে থাকে । সৌভাগ্যের সময়ে ইংরেজ এই সুদৃশ্য দুর্গে থাকিয়া, যমুনার সুস্পর্শ সমীর সেবন পূর্ব্বক গুলকিত হইতেন, প্রাসাদাবলীর রমণীয়তার তৃপ্তিলাভ করিতেন, মতিমসজিদের সৌন্দর্য্যদর্শনে ভারতের পূর্ব্বতন মহিমময় সম্রাটের বৈভব মনে করিয়া, বিস্মিত হইয়া উঠিতেন । অপরের অধিকৃত বিষয় যে, তাঁহাদের অধিকারে আসিয়া, ভোগাভিলাষ পূর্ণ করিয়া তুলিতেছে, ইহা ভাবিয়াও তাঁহারা গর্ষিত হইতেন । কিন্তু এই দুর্গেই যে, এক দিন তাঁহাদের অদেশেষণও সজ্ঞাতির ব্যক্তিগণ স্তূপীকৃতভাবে অবস্থিত করিবেন, ইহা তাঁহারা স্বপ্নেও ভাবেন নাই । এখন অদৃষ্টচক্রের আবর্তনে তাঁহাদের এইরূপ দশা ঘটিয়াছিল । যে স্থানে থাকিয়া, তাঁহারা এক সময়ে বিলাসতরঙ্গে আন্দোলিত হইতেন, এখন সেই স্থানই তাঁহাদের বিপত্তিকালের—তাঁহাদের জীবনরক্ষার—তাঁহাদের আধিপত্য পুনঃপ্রতিষ্ঠার অধিতীয় অবলম্বনরূপ হইয়াছিল ।

কেবল আগরার নিরাশ্রয় ও বিপন্ন প্রবাসিগণ চুগে অবস্থিত করে নাই । স্থানান্তর হইতে অনেক পলাতকগণও দুর্গে আশ্রয় গ্রহণ করিয়াছিল । ইহারা নিঃসম্বল অবস্থায় উপনীত হইয়াছিল । ইহাদের ব্যবহার্য্য দ্রব্যাদি বিনষ্ট বা বিলুপ্তিত হইয়া গিয়াছিল । পরিহিত বস্ত্রমাত্র লইয়া, ইহারা নানাকষ্ট নানা বিদ্বিগ্নবিশতির মধ্যে আপনাদের অমূল্য জীবন—কেবল জীবন রক্ষার জন্ত সাতিশয় কাতরভাবে দুর্গপ্রাচীরের মধ্যে প্রবেশ করিয়াছিল । আগরার অধিবাসীদিগের সম্পত্তি বিলুপ্তনপ্রিয় লোকের হস্তগত বা ভস্মীভূত হইয়াছিল । গৃহস্বামীর গৃহ গিয়াছিল, বণিকের অর্থ অপহৃত হইয়াছিল, দোকানদারের বাণিজ্যদ্রব্য অগ্নিতে নিক্ষিপ্ত, বিচূর্ণিত বা অপরের উদ্ভাসভোগাভিলাষ-সিদ্ধির জন্ত স্থানান্তরিত হইয়াছিল । ইউরোপীয়দিগের মধ্যে অনেকে

আগরা ।

কেবল পরিধেয় বস্ত্র ও এক একটি ব্যাগমাত্র লইয়া দুর্গে গিয়াছিল। সর্ব-প্রথম ইহাদের বাসস্থাননির্দেশ ও নিত্যপ্রয়োজনীয় দ্রব্যাদির সংস্থানের জন্য সাতিশর গোলযোগ ঘটয়াছিল। ক্রমে নগরের উপদ্রবের অন্তর্দ্বানের সহিত সকল বিষয়ের শৃঙ্খলা হইতে থাকে। দুর্গের সকলকে সমভাবে উৎকৃষ্ট স্থান দেওয়ার সম্ভাবনা ছিল না। এইরূপ দুঃসময়েও ইউরোপীয়দিগের কেহ কেহ আপনাদের স্বার্থপরতা ও আত্মজ্ঞপিতা পরিত্যাগ করিতে পারেন নাই। নির্দিষ্ট স্থানের অপকর্ষ দেখিয়া, অনেকে অসন্তোষ প্রকাশ করেন। প্রবল বিপদের পরাক্রমে যে সময়ে জীবন সংশয়দোলায় অধিক্রম হয়, সকলের অদৃষ্ট-চক্রে যে সময়ে সমানভাবে নিম্নাতিমুখে যাইতে থাকে, সে সময়ে বিলাসিতা ও আত্মসুখেচ্ছা পরিত্যাগ করাই শ্রেয়ঃ। কিন্তু এইরূপ সঙ্কটকালেও উদ্ধত ইউরোপীয়ের বলবতী আত্মজ্ঞপিতা শ্রেয়ঃপথের কণ্টকস্বরূপ হইয়াছিল। যাহা হউক, ক্রমে এই গোলযোগ দূরীভূত হইল। উপস্থিত ক্ষেত্রে একের স্বার্থপরতার পার্শ্বে অপরের নিঃস্বার্থতাবও পরিষ্কৃত হইয়া, সকলকে সহদয়তার উপদেশ দিতে লাগিল। রেবিনিউ বোর্ডের প্রধান কর্মচারী রীড সাহেব পদগোরবে লেফটেনেন্ট-গবর্নরের অব্যবহিত পরেই গণ্য হইতেন। স্মৃতির তাঁহার জন্য উৎকৃষ্টতর স্থান নিরূপিত হইয়াছিল। কিন্তু তাঁহার পরিবার-বর্গ ইংলণ্ডে থাকাতে তিনি ঐ স্মৃজনক স্থান গ্রহণ করেন নাই। তাঁহার স্থান কতিপয় আহত আফিসরকে দেওয়া হয়। তিনি স্বয়ং দুর্গস্থিত প্রাসাদের মার্শলহলের মেজতে বেহালার এক থানি পুরাতন আচ্ছাদন এবং দরমা বা খড়ের শয্যাতেই পরিতৃপ্ত হইলেন।

যাহারা পীড়িত এবং যুদ্ধে আহত হইয়াছিল, স্মরণ্য মতিমসৃজিত তাঁহাদের আরামস্থান হয়। সম্রাট্ আকবর যাহার নির্মাণে বহু অর্থব্যয় করিয়াছিলেন, এক সময়ে ধর্মনিষ্ঠ পীর ও ফকীরগণ যাহাতে অবস্থিতি করিতেন, তাহা এখন রোগার্ত ও আহতদিগের বাসস্থল হয়। এতদ্ব্যতীত দুর্গের অভ্যন্তরে বহুগুলি গৃহ ছিল, তৎসমুদয় ভিন্ন ভিন্ন খণ্ডে বিভক্ত এবং ভিন্ন ভিন্ন শ্রেণীর জন্য বর্ণাঙ্ক-ক্রমে সজ্জিত হয়। সিবিগিয়ানগণ এক খণ্ডে বাস করিতে থাকেন। সৈনিক-পুরুষদিগের জন্য অন্য খণ্ড নির্দিষ্ট হয়। যে সকল সৈনিক কর্মচারী বিবাহিত ও পরিবারপরিবৃত ছিলেন, তাঁহারা ঐ খণ্ডান্তরে অবস্থিতি করেন। দুর্গে যে সকল

গৃহ ছিল, কেবল তৎসমুদয়ই যাবতীয় লোকের পক্ষে পর্যাপ্ত হয় নাই। দুর্গস্থিত প্রাসাদের বহির্ভাগে তাক্তাতিড়ি খড়ের ঘর প্রস্তুত করা হয়। সম্রাট আকবরের সময়ে প্রাসাদের মার্সলের বারেন্কার পারশ্বদেশীয় রেসমী এবং বারানসীর স্বর্ণখচিত কাপড়ের পর্দা থাকিত, এখন সেই সকল স্থানে মাহুরের পর্দা করিয়া দেওয়া হয়। ভিন্ন ভিন্ন শ্রেণীর লোকে এই ভিন্ন ভিন্ন স্থানে আতপতাপ বা ঝুটপাত হইতে আপনাদিগকে রক্ষা করিতে থাকে। পাদরিদিগের জন্ত অপেক্ষাকৃত উৎকৃষ্ট স্থান নিরূপিত হইয়াছিল। কিন্তু ইউরোপীয় বণিক ও দোকানদারগণ এক্ষণ সৌভাগ্যবান হইতে পারেন নাই। তাহাদের বাসের জন্ত ছাদের উপর তৃণচ্ছাদিত গৃহ নির্মিত হয়। ফিরঙ্গীদিগের অদৃষ্টে কোন নির্দিষ্ট স্থান ঘটিয়া উঠে নাই। তাহারা ইউরোপীয় সমাজ হইতে যেমন চিরকাল বিচ্ছিন্নভাবে রহিয়াছে, উপস্থিত ক্ষেত্রেও গৃহের কোণে, বারেন্কার নীচে, যেখানে যে সুবিধা পাইয়াছে, সেইখানে সে সেইরূপ বিচ্ছিন্নভাবে অবস্থিতি করিতে থাকে। ইহারা কোন কালে গর্ভিত ইউরোপীয়দিগের নিকটে আদৃত হয় নাই, হিন্দু বা মুসলমান প্রভৃতির সহিতও মিশিতে পারে নাই। ইহাদের প্রকৃতসিদ্ধি গুণ যাহাই থাকুক না কেন, ইহাদের গুণাংশ কোন কালে ইহাদিগকে সমাজের উচ্চ স্তরে স্থাপন করিতে পারে নাই। ইহারা সাধারণতঃ দোবাংশেরই ফলভোগী হইয়াছে। উপহিত সন্ধ্যাকালেও ইহাদের এইরূপ অদৃষ্ট-কল—এইরূপ পার্থক্য সুস্পষ্ট পরিলক্ষিত হইয়াছিল।

পূর্বে উক্ত হইয়াছে যে, মতিমস্জিদ হাসপাতালে পরিণত হইয়াছিল। যাহার অতিশ্রম বা অনিয়মে অথবা অনভ্যস্ত জলবায়ুর পরাক্রমে রোগগ্রস্ত হইয়াছিল, যুদ্ধে যাহাদের দেহাংশ বিক্ষত, বিচূর্ণিত বা নিষ্পেষিত হইয়া গিয়াছিল, তাহাদিগকে হাসপাতালে স্থান দেওয়া হয়। তাহাদের শুশ্রূষায় কোনরূপ ঔদাস্য বা ক্রটি লক্ষিত হয় নাই। এক দিকে ইউরোপীয়দিগের আত্মসম্মতি বা আত্মসুখবাসনা যেরূপ অস্বীকৃত দৃশ্যের বিস্তার করিয়াছিল, অপর দিকে নারীর কোমলতা, পরার্থপরতা ও বলবতী দয়া সেইরূপ দুর্গবাসীদিগকে বিমুগ্ধ করিয়া তুলিয়াছিল। ইংরেজ মহিলাগণ যেরূপ যত্ন ও আগ্রহের সহিত যুদ্ধাহত-দিগের পরিচর্যা ভার গ্রহণ করেন, তাহা পূর্বে উল্লিখিত হইয়াছে। ইহারা রোগীদিগের জন্ত লেপ, বালিশ, তোষক প্রভৃতি প্রস্তুত করেন। এদিকে

তাড়াতাড়ি বাট নির্মিত হইতে থাকে। মহিলারা ভিন্ন ভিন্ন দলে বিভক্ত হইলেন। প্রত্যেক দল নির্দিষ্ট সময়ের জন্ত রোগীদিগের শুশ্রূষা করিতে থাকেন। হাঁহারা চিকিৎসকের নির্দেশানুসারে রোগীদিগের আহৃত স্থান পরিষ্কার এবং উহাতে ঔষধলেপন ও পটিবন্ধন করিতেন, তাহাদের সেবনের জন্ত ঔষধ আনিয়া দিতেন, যথানিয়মে পথ্য দিয়া, তাহাদিগকে অপেক্ষাকৃত সুখে ও শান্তিতে রাখিতেন। এইরূপে প্রতি কার্যোই হাঁহাদের অপরিচীত কোমলভাবের নিদর্শন পরিষ্কৃত হইত। রথ ও আহৃত সৈনিকগণও তাহাদের শুশ্রূষাকারিণী মহিলাদিগের সমক্ষে কোমলভাবের পরিচয় দিত। বাহাতে হৃদয়ে আঘাত লাগিতে পারে, এরূপ কোন ক্রতিকঠোর কথা তাহাদের মুখ হইতে বহির্গত হইত না। গোলযোগ নিরাকৃত এবং আপনারা নীরোগ হইলে তাহারা শুশ্রূষাকারিণীদিগের প্রতি কৃতজ্ঞতা জানাইতে উদ্যত প্রকাশ করে নাই। তাজের মনোহর উত্থানে তাহারা শুশ্রূষাকারিণী মহিলাদিগের সহিত নগরের সম্ভ্রান্ত ব্যক্তিদিগকে আমন্ত্রণ করে। এই মনোরম্য স্থানে তাহাদের উৎসবের অনুষ্ঠান হয়। তাহারা অতুলনীয় খেত হর্ম্যের পাশ্বে—উত্থানের প্রক্ষুটিত পুষ্পরাজির মধ্যে গানবাত্ত প্রভৃতিতে নানারূপ আমোদ করিয়া, বাহারা, পাড়ার সময়ে, তাহাদিগকে পরিধানের জন্ত বস্ত্র আনিয়া দিয়াছিলেন, রোগশান্তির জন্ত যথানিয়মে ঔষধ সেবন করাইয়াছিলেন, আহারের জন্ত পথ্যাদি প্রস্তুত করিয়া দিয়াছিলেন, শান্তিসুখে রাখিবার জন্ত সর্বদা পর্যবেক্ষণ করিয়াছিলেন, তাহাদিগকে ধন্যবাদ দিয়া, আপনাদের কৃতজ্ঞতা প্রকাশ করে।

এ দিকে সৈনিকদিগের মধ্যে বজ্রাদি যোগাইবার বন্দোবস্ত হয়। দরজীগণ ক্রমে-দুর্গে প্রবেশ করিবার অসুমতি পাইয়া, জামা তত্বাদি প্রস্তুত করিতে থাকে। এক জন ভারতবাসীর ক্ষমতায় হংরেজের যাবতীয় অয়োজনীয় বিষয়ের সংগ্রহচিন্তা দূরীভূত হয়। পালা জ্যোতিঃপ্রসাদ আকগানিস্তান, পঞ্জাব এবং গোবালিসরের বৃদ্ধে কমিশারিয়েট্রাভাগে কন্ট্রাক্টরের কার্যে সাতিশয় প্রসিদ্ধি লাভ করিয়াছিলেন। এ সময়ে তিনি ঐ কার্যের ভার গ্রহণ করেন। দুর্গরক্ষক সৈনিকদল—তিন হাজার ইউরোপীয় এবং গনর শত এতদ্দেশীয়ের ছয় মাসের উপযোগী খাদ্যদ্রব্যসংগ্রহের জন্ত কণ্ট্রপক্ষ জুন মাসের শেষে আদেশ প্রচার করেন। এই অন্ত্যাবশ্যক কার্যের তত্ত্বাবধানের ভার

রেবিনিউ বোর্ডের রীড সাহেবের উপর সমর্পিত হয়। কমিশরিয়েটের এক জন কর্মচারী জব্বাদির আয়োজনে ব্যাপ্ত হইলেন। জালা জ্যোতিঃপ্রসাদ ইঁহাদের সাহায্য না করিলে ইঁহারা কখনও এই গুরুতর কর্ম সম্পন্ন করিয়া তুলিতে পারিতেন না। জ্যোতিঃপ্রসাদের কার্যপ্রণালীর গুণে প্রয়োজনের অতিরিক্ত রসদ সংগৃহীত হয়। দুর্গপ্রাচীরের বাহিরে খোলা জায়গা ছিল। উহা পরিষ্কৃত হইলে ইংরেজদিগের পক্ষে সাতিশর কার্য্যকর হইয়া উঠে। সৈনিক-নিবাস ভস্মীভূত ও বিধ্বস্ত হইবার সময়ে যে সকল গাড়ি ইত্যাদি রক্ষা পাইয়াছিল, তৎসমুদয় ঐ স্থানে রাখা হয়। ক্রমে উহাতে লোকে নিত্যব্যবহার্য্য জব্বাদির বিক্রয় আরম্ভ করে। এইরূপে ক্রমশঃ উহা একটি উৎকৃষ্ট বাজারে পরিণত হয়। দুর্গস্থিত লোকের প্রয়োজনীয় জব্বাদির প্রায় সমস্তই ঐ বাজারে পাওয়া যাইতে থাকে।

যখন ভিন্ন ভিন্ন লোকের জন্ত ভিন্ন ভিন্ন বসতিস্থান নির্দিষ্ট হয়, খাজ ও পরিধেয় সংগৃহীত এবং রোগীর পরিচর্য্যার সুবন্দোবস্ত হয়, গোলযোগ দূরীভূত ও সমগ্রবিষয়ের শৃঙ্খলা স্থাপিত হয়, তখন কর্তৃপক্ষ আপনাদের অধিতীয় আশ্রয়স্থান—সুবিস্থিত দুর্গের রক্ষার উদ্যোগে থাকেন নাই। শাসিয়ার যুদ্ধে পরাজয়ের পর রিগেডিয়ার পল্‌হোয়েল্‌ গবর্নর-জেনারেলের আদেশ অনুসারে সৈনিকদের অধ্যক্ষতা হইতে অপসারিত হইয়াছিলেন। কপেল কটন তাঁহার স্থান পরিগ্রহ করিয়াছিলেন। এই নবনিয়োজিত অধ্যক্ষ আপনার গুরুতর কর্মসম্পাদনে কিছুমাত্র উদাত্ত প্রকাশ করেন নাই। তাঁহাদের আশ্রয়স্থল বহু লোকে পরিপূর্ণ হইয়াছিল। তাঁহারা অনেক অসহায় ও অসমর্থ জীবের রক্ষার ভার গ্রহণ করিয়াছিলেন। এ সময়ে বিপক্ষদিগকে আক্রমণ করিতে তাঁহাদের সাহস বা সামর্থ্য ছিল না। তাঁহারা, অশিক্ষিত সৈন্য ও যুদ্ধোপকরণ, উভয়েই ক্ষীণবল ছিলেন। সুতরাং দুর্গের বহির্ভাগে যাইতে তাঁহাদের প্রবৃত্তি হয় নাই। তাঁহারা দুর্গে থাকিয়াই যে কোনরূপে হাউক, আত্মরক্ষার আয়োজনে তৎপর হইলেন। এই সময়ে সকল বিষয়ে লেক্টেনেন্ট-গবর্নরের কর্তৃত্ব থাকিলেও দুর্গ রক্ষা এবং খাজ ও পানীয় প্রভৃতির সংগ্রহ সম্বন্ধীয় যাবতীয় কর্ম সৈনিকবিভাগের কর্মচারিগণের হস্তে জ্ঞস্ত ছিল। এখন এই সৈনিকপ্রধানগণ আশ্রয়দুর্গ সুরক্ষিত করিতে লাগিলেন। দুর্গ-

প্রাচীরে বহুসংখ্যক কামান সন্নিবেশিত হইল। গোলন্দাজদিগের সংখ্যা অল্প ছিল। সবলকায় ফিরঙ্গীদিগকে এই দলে গ্রহণ করা হইল। এই শ্রেণীর লোকে স্বচ্ছাশ্রবস্ত্র দৈনিকদলে প্রবেশপূর্বক কামানপরিচালকের কার্যভার গ্রহণ করিল। দুর্গের চারি পার্শ্বে যে সকল উন্নত ভূখণ্ড ছিল, বিপক্ষগণ তৎসমুদয়ের অন্তরালে থাকিয়া, দুর্গ আক্রমণ করিতে পারে, এই আশঙ্কায় উহা পরিষ্কৃত ও সমভূমিতে পরিণত হইল। গোলাগুলি প্রভৃতি পর্যাপ্তপরিমাণে সংগৃহীত হইতে লাগিল। কর্তৃপক্ষ বারুদখানারক্ষার জন্য সবিশেষ মনোযোগী হইলেন। তাহাদের বিশ্বাস ছিল যে, দুর্গপ্রাচীরের অন্তর্ভাগে তাহাদের শত্রুগণ অলক্ষ্যভাবে বিচরণ করিতেছে। ফকীরের বেশেই হউক, ভ্রমণকারী পথিকের ভাবেই হউক, ইহারা দুর্গস্থিত ভারতবর্ষীয়দিগের হৃদয় উত্তেজিত এবং দুর্গের যাবতীয় গোপনীয় বিষয় জানিতে চেষ্টা করিতে পারে। দুর্গে ছয় সাতটি অস্ত্রাগার ছিল। এগুলি মৃৎপ্রাচীরে পরিবেষ্টিত হইল। গৃহের ছাদ পুরু এবং যুদ্ধিকার আচ্ছাদিত করিয়া দেওয়া গেল। ইউরোপীয় রক্ষকের সংখ্যা দিগুণ হইল। যে সকল আফিসর অস্ত্রাগারগুলির রক্ষার ভার গ্রহণ করিয়াছিলেন, তাহারা সর্বদা তৎসমুদয় পর্যবেক্ষণ করিতে লাগিলেন এবং যে সকল লোকের উপর সন্দেহ হইতে লাগিল, তাহাদিগকে অস্ত্রাগারের সমীপবর্তী দেখিলে নিষ্কাশিত করিয়া দিতে লাগিলেন।

ইংরেজেরা যখন এইরূপ আয়োজন করিতেছিলেন, এইরূপ সতর্কভাবে সমস্ত বিষয়ের পর্যবেক্ষণে ব্যাপৃত হইতেছিলেন, এইরূপ শ্রমশীলতা ও যত্নপরতার পরিচয় দিতেছিলেন, তখন গোবালিয়রের উত্তেজিত সিপাহীদল বহুসংখ্যক ছোট ও বড় কামান লইয়া, আগরার সমুদয় মাইল অন্তরে অবস্থিত করিতেছিল। ইংরেজের সমক্ষে ইহাদের প্রাধান্যতাপন-বাসনা অন্তর্হিত হয় নাই, বরং উহা বলবতী হইয়া ইহাদিগকে কঠোর কার্যসাধনে প্রবৃত্তি করিয়াছিল। ইহাদের অধিনায়কগণ আগরা আক্রমণ করিবে বলিয়া, অভিমত প্রকাশ করিতেছিল। মহারাজ শিন্দে অনেক কষ্টে ইহাদের প্রবল জিগীষা কিয়দংশে সংযতভাবে রাখিয়াছিলেন বটে, কিন্তু তাহার চেষ্টা যে দীর্ঘকাল পর্যন্ত ফলজনক হইবে, ইংরেজেরা এরূপ আশা করেন নাই। গোবালিয়রের সিপাহীদল সাতিশর পরাক্রান্ত ছিল। সংখ্যাধিক্য তাহাদের বলবৃদ্ধি করিয়াছিল, উৎকৃষ্ট যুদ্ধোপকরণ

তাহাদের সাহসিক কার্যসাধনের সহায় হইয়াছিল, ইহার উপর ইংরেজের প্রদত্ত সামরিক শিক্ষা তাহাদিগকে যুদ্ধক্ষেত্রে বীরত্বের পরিচয় দিতে সর্বদা উৎসাহ-বৃত্ত করিয়া তুলিতেছিল। এইরূপ পরাক্রমশালী, এইরূপ সহায়সম্পন্ন, এইরূপ ভয়ঙ্কর শত্রুর আক্রমণের আশঙ্কায় আগরার দুর্গস্থিত ইংরেজেরা বিচলিত হইয়াছিলেন। তাহারা যত শীঘ্র সম্ভব, দুর্গ সুরক্ষিত করিবার বন্দোবস্ত করিয়াছিলেন।

যাঁহারা এক সময়ে গঙ্গাবমুনার তীরবর্তী শস্তশ্রামল ও সম্পত্তিসম্পন্ন অসুস্থিত ভূখণ্ডে আধিপত্য করিতেছিলেন, লোকে যাঁহাদিগকে দেখিলে সম্মান-প্রদর্শনে অগ্রসর হইত, যাঁহাদের কথায় মন্তক অবনত করিত, যাঁহাদের সম্ভটি-সাধনে সর্বদা উত্তত থাকিত, তাঁহারা এইরূপে আপনাদের অধীন ব্যক্তিদ্বিগেরই আক্রমণভয়ে আগরার দুর্গে অবস্থিতি করিতে লাগিলেন। দুর্গে তাঁহাদের যে নানারূপ অসুবিধা ঘটিয়াছিল, তাহা পূর্বে বর্ণিত হইয়াছে। ক্রমে অনেক বিষয়ের শৃঙ্খলা হইয়াছিল বটে, কিন্তু অত্যধিক লোকসংখ্যার জন্ত গোলাধোণ একবারে দূর হয় নাই। এক দিকে মলমুক্ত পরিভ্রমণের স্থান, অপর দিকে বিশুদ্ধ বায়ুর গমনাগমনের জন্ত নিমুক্ত স্থল, এই উভয় বিষয়ের নিমিত্তই নানা অসুবিধা হইয়াছিল। প্রথমটির অভাবপূরণের জন্ত চেষ্টা করিলে দ্বিতীয়টির অভাবের জন্ত কষ্টান্বিত হইত। সমভাবে দুই দিক রক্ষা করা একরূপ অসাধ্য হইয়া উঠিয়াছিল। অনেক স্থান মশামাছিতে পরিপূর্ণ ছিল। দেওয়ানি ও মৈনিকবিভাগের কর্মচারীরা বিশেষতঃ ইঞ্জিনিয়ারগণ সূর্য্যোদয় হইতে সূর্যাস্ত পর্য্যন্ত দুর্গস্থিত লোকসমষ্টির নানা অভাবমোচন এবং অন্তঃশত্রু ও বহিঃশত্রুর আক্রমণনিবারণের জন্ত কার্যে ব্যাপৃত থাকিতেন। কিন্তু যাঁহাদের কর্মক্ষেত্র তাদৃশ বিস্তৃত ছিল না,—যাঁহারা কেবল জীবনের জন্ত স্থানান্তর হইতে দুর্গে আশ্রয় লইয়াছিলেন, সেই সকল সুবোধিত নরনারীদিগকে কষ্টে কালযাপন করিতে হইত। শান্তির সময়ে তাঁহাদের আমোদে কোনরূপ অন্তরায় ঘটিত না। তাঁহারা সূর্য্যোদয়ের প্রাক্কালে শকটে বা অশ্বে আরোহণপূর্ব্বক প্রভাত-বায়ু সেবনে বহির্গত হইতেন, সূর্য্যাস্তসময়ে সায়ন্তন সমীরে পুলকিত হইতেন। দুর্গে তাঁহাদের একরূপ সুযোগ ছিল না। কিন্তু এ বিষয়ে অন্তরূপ অসুবিধা ছিল। দুর্গপ্রাচীর উন্নত। উহার পাদদেশ দিয়া যমুনা তরঙ্গরঙ্গে বহিয়া যাইতেছে। ইউরোপীয়গণ এই উন্নত দুর্গপ্রাচীরে পরিভ্রমণ করিতেন। বিশুদ্ধ বায়ু যমুনা-

প্রবাহে পরিমুক্ত হইয়া, স্পর্শে স্পর্শে তাঁহাদিগকে পুলকিত করিত। এইরূপ ভ্রমণ ব্যতীত তাঁহারা পুস্তকাদি পাঠে আমোদিত হইতেন। সন্ধ্যার পর তাঁহারা ভিন্ন ভিন্ন ভোজনস্থলে সমবেত হইয়া, বিবিধ আলাপে সুখানুভব করিতেন। কখন কখন আতঙ্কজনক বাজারশব্দ প্রচারিত হইলে তাঁহাদের মধ্যে উহার আন্দোলন হইত। কেহ কেহ কল্পনাবশে উহা অতিরঞ্জিত করিয়া তুলিতেন, কেহ কেহ উহার সত্যতা সম্বন্ধে সংশয় প্রকাশ করিতেন, কেহ কেহ বা দৃঢ়তাসহকারে নানা বৃত্তি দেখাইয়া, উহার অলীকত্ব প্রতিপন্ন করিতে অগ্রসর হইতেন। জনরব প্রায়ই অলীক হইত। তখন যাহারা শঙ্কিত হইয়াছিলেন, যাহারা সংশয় প্রকাশ করিয়াছিলেন, যাহারা দৃঢ়তাসহকারে কল্পনার লীলা বলিয়াছিলেন, তাঁহাদের মধ্যে কোতূকের সহিত হাস্যরসের অপূর্ণ উচ্ছ্বাস দেখা যাইত। আশঙ্কাকারিগণ আপনাদের ভীকৃত্য লজ্জিত হইয়া, বিষয়াস্তরের আলাপে প্রতিগন্ধদিগকে ব্যাপৃত রাখিতে চেষ্টা করিতেন। পূর্বে উক্ত হইয়াছে যে, আততায়ীর সমক্ষে আত্মরক্ষার জন্য অনেকে সৈনিকরূপে অবলম্বন করিয়াছিল। সেনাবিভাগের প্রধান ব্যক্তিগণ ইহাদিগকে রণকৌশল শিক্ষা দিতেন। বিপদ যখন অনিবার্য হয়, তখন সকল দিকেই উত্তমশীল ব্যক্তিদিগের যত্ন ও অধ্যবসায়ের নিদর্শন পরিলক্ষিত হইয়া থাকে। উপস্থিত স্থলেও এইরূপ নিদর্শন অপরিপূর্ণভাবে থাকে নাই। এ সময়ে সমগ্র দুর্গ যেন অদৃষ্টের সজীবভাবে স্বকীয় অভূতপূর্ব শক্তির পরিচয় দিয়াছিল।

এইরূপে জুলাই মাস অতিবাহিত হইল। আগষ্ট মাসও ক্রমে অতীতের সহিত মিশিয়া গেল। কিন্তু লেফটেনেন্ট-গবর্নর আশঙ্ক হইলেন না। তিনি যে ঘোর অন্ধকারে পরিবেষ্টিত ছিলেন, তাহা অপসারিত হইল না; সমুজ্জল আলোকের আবির্ভাবে তাঁহার চারি দিক প্রসন্ন হইয়া উঠিল না। তিনি দিল্লীর সংবাদ জানিবার জন্য সর্বদা উক্ত স্থানের কমিশনার গ্রিথেন্ড সাহেবের সহিত পত্র লেখালেখি করিতেছিলেন। কিন্তু কমিশনার এরূপ কোন সংবাদ পাঠাইতে পারিলেন না যে, বাহাতে লেফটেনেন্ট-গবর্নরের হৃদয় উৎফুল্ল হইতে পারে। মোগলের চিরপ্রসিদ্ধ রাজধানী উদ্ভেজিত সিপাহীদিগের হস্তে ছিল। নবাব ওয়াজিদ আলির প্রিয় বাসভূমিতে সিপাহীগণ আত্মপ্রাধান্ত রক্ষা করিতেছিল। সুতরাং এই দুই প্রধান স্থান হইতে কলবিন্ সাহেবের কোনরূপ সাহায্য-

প্রাণ্ডির সম্ভাবনা ছিল না। যদি দিল্লী অধিকৃত এবং লক্ষ্যের সিপাহীগণ পরাজিত ও দূরীভূত হইত, তাহা হইলে সমগ্র উত্তরপশ্চিম প্রদেশে ইংরেজের প্রাধান্যকার স্ববন্দোবস্ত ঘটিত। কিন্তু ইংরেজ বাহা ভাবিয়াছিলেন, অদৃষ্ট তাহার বিরোধী হইয়া উদ্ভিয়াছিল। দুর্গে সময়ে সময়ে নানাবিধ জনরব উঠিত; নানা প্রকারের বহুসংখ্য অধিবাসী থাকাতে ঐ জনরব ক্রমে পল্লবিত এবং লোকের মুখে মুখে নানাভাবে পরিকল্পিত হইত। ইহাতে আশঙ্কারূপী ও মনের অস্থিরতা ব্যতীত আর কোন ফল হইত না। কর্তৃপক্ষ এ বিষয়ে নীরবে থাকিতেন। তাহারা এ বিষয়ের আন্দোলনে ব্যাপৃত হইতেন না বা অপরকে এ বিষয় বলিয়াও তাহার আশঙ্কা ও উদ্বেগ বৃদ্ধি করিতেন না।

সমগ্র উত্তরপশ্চিম প্রদেশ বিপ্লবপূর্ণ হইয়াছিল। আগরার পার্শ্ববর্তী স্থানে ক্ষমতাসালী লোকে স্বপ্রধান হইয়া, দিল্লীর বৃদ্ধ মোগলের নামে শাসনদণ্ডের পরিচালনা করিতেছিল। আলীগড়ে ষাউন্ খাঁ নামক এক ব্যক্তি আপনাকে দিল্লীর বাদশাহের সুবাদার বলিয়া ঘোষণাপূর্বক জনপদশাসনে প্রবৃত্ত হইয়াছিল। কর্ণেল কটন ইহার বিরুদ্ধে সৈন্ত প্রেরণ করিলেন। বাহারা ইচ্ছা করিয়া, অখারোহী সৈনিকের কার্যে প্রবৃত্ত হইয়াছিল, তাহাদের কতিপয় ব্যক্তি এই অভিযানে নিয়োজিত হইল। মৈনপুরীর প্রসিদ্ধ সাহসী অধিনায়ক ডি কান্টজো এই সৈনিকদিগের পরিচালনভার গ্রহণ করিলেন। সমগ্র সৈনিকদলের কর্তৃত্ব মেজর মণ্টগোমরির উপর সমর্পিত হইল। বিপক্ষদিগের দমন ব্যতীত হাত্রাসনগর রক্ষা করা এবং স্থানীয় তালুকদারদিগকে আশ্বাস দেওয়া, এই সৈন্তপ্রেরণের উদ্দেশ্য ছিল। মেজর মণ্টগোমরি সৈন্ত লইয়া, ২০শে আগষ্ট আগরা হইতে বাত্রাপূর্বক ২৪শে তারিখ আলীগড়ে উপনীত হইলেন। ঠাকুর গোবিন্দ সিংহ কতিপয় অখারোহী দিয়া, ইহার সাহায্য করেন। ষাউন্ খাঁর মুসলমান সৈন্ত ধর্মভাবে উত্তেজিত হইয়া, এমন বেগে ইংরেজের পদাতি সৈন্তকে আক্রমণ করে যে, ইংরেজ অধিনায়ককে তাহাদের সম্মুখে কামান সন্নিবেশ করিতে হয়। গাজীগণ তরবারি হস্তে করিয়া, “দীন দীন” রবে অগ্রসর হইয়াছিল। তাহারা প্রথমতঃ বিচলিত হইল না। কয়েক ঘণ্টা কাল উভয় পক্ষে ধোরতর যুদ্ধ হইল। ইংরেজসৈন্ত সর্বপ্রকার যুদ্ধাস্ত্র লইয়া, সাহসের সহিত যুদ্ধ করিতে লাগিল। এ দিকে ধর্মোন্মত্ত গাজীগণও সাহস ও

পরাক্রমের পরিচয় দিতে বিমুখ হইল না। তাহারা কাফেরের শোণিতপাত করা আপনাদের ধর্মের অঙ্গ বলিয়া মনে করিয়াছিল, এই ধর্ম রক্ষার জন্ত তাহাদের উৎসাহ শতগুণে বৃদ্ধি পাইল। তাহারা কামানের মুখে বুক পাতিয়া, নিতীকচিত্তে অস্ত্র চালাইতে লাগিল। শেষে তাহাদের বলক্ষয় হইল। তাহারা ইংরেজের অসীম শক্তিসম্পন্ন আগ্নেয়াস্ত্রের সম্মুখে স্থির থাকিতে না পারিয়া, আলীগড় পরিত্যাগ করিল। টেলিগ্রাফবিভাগে যে সকল ইউরোপীয় বালক কর্ম করিত, তাহারা এই যুদ্ধের সময়ে সবিশেষ সাহস ও কর্মপটুতার পরিচয় দিয়াছিল। এই বালকদিগের চেষ্টায় আলীগড় ও আগরার মধ্যে টেলিগ্রাফের তার টিক ছিল। একটি বালক পালকীগাড়িতে বসিয়া, যুদ্ধের সমস্ত বিবরণ আগরার দুর্গে পাঠাইয়াছিল।

আগরার কর্তৃপক্ষ দুর্গে অবস্থিতি করিয়া পার্শ্ববর্তী স্থানে আত্মপ্রাধাত্য-স্থাপন ও গোলযোগনিবারণের জন্ত এইরূপ চেষ্টা করিয়াছিলেন। আলীগড়ের অভিযান তাহাদের সর্বপ্রধান ও সর্বশেষ চেষ্টা। তাহারা দুর্গের বহির্ভাগে থাকিতে সাহসী না হইলেও আপনাদের বসতিস্থানের চারি দিকে তীক্ষ্ণদৃষ্টি রাখিয়াছিলেন। যাহা হউক, অযোধ্যা এবং দিল্লীর বিষয় তাহাদের চিন্তনীয় হইয়াছিল। তাহারা বুদ্ধ মোগল এবং নবাব ওয়াজিদ আলির রাজধানীতে কি ঘটতেছে, জানিবার জন্ত সাতিশর উৎস্রু হইয়াছিলেন। কিরূপে তাহাদের প্রগাঢ় উৎস্রুক্যের পরিতৃপ্তি হইয়াছিল, তাহা পরবর্তী বিবরণে পরিষ্কৃত হইবে।

এই সময়ের মধ্যে লেফটেনেন্ট-গবর্নর কলবিন্ সাহেবের শারীরিক শক্তির সহিত মানসিক শক্তির ক্রমেই হীনতা ঘটিতেছিল। এই জুলাই শাসিয়ার যুদ্ধে আপনাদের সৈনিকদলের পরাজয় এবং আগরার দুর্গে গমনের পর তিনি যেরূপ ভয়ঙ্কর, সেইরূপ হতাশাস হইয়া পড়িয়াছিলেন। গভীর দুশ্চিন্তা তাহার, বোগজীর্ণ দেহের উপর সমধিক পরাক্রম প্রকাশ করিতেছিল। তিনি আগরার দুর্গে অপরূপভাবে ছিলেন। তাহার সম্মুখে দিল্লী উত্তেজিত সিপাহীদিগের অধিকারে ছিল, তাহার পার্শ্বভাগে লক্ষ্যে তাহাদের প্রাধাত্য হইতে পরিভ্রষ্ট হইয়াছিল, তাহার চারি দিকে প্রবল বিপক্ষগণ সংখ্যাধিক্যে ও যুদ্ধোপকরণে বল-সম্পন্ন হইয়া ইংরেজের শোণিতপাতের স্রোত প্রতীক্ষা করিতেছিল। এইরূপে লেফটেনেন্ট-গবর্নরের দক্ষিণে ও বামে, অগ্রে ও পশ্চাতে বিপক্ষতার নিদশ

পরিলক্ষিত হইতেছিল। লেফটেনেন্ট-গবর্নর ইহাতে ক্রমেই নিস্তেজ হইয়া পড়িতেছিলেন। কিন্তু তিনি যে সকল সহযোগীতে পরিবেষ্টিত ছিলেন, যে সকল বন্ধুর সহিত পরামর্শ করিয়া, বিপত্তিময় কর্মক্ষেত্রে অগ্রসর হইতেছিলেন, তাঁহাদের সমক্ষে আপনার কোনরূপ অবসন্নতা, কোনরূপ দুশ্চিন্তা বা কোনরূপ উদাত্ত দেখাইতে ইচ্ছা করেন নাই। তাঁহার শাসনাধীন প্রদেশে প্রচণ্ড বিপ্লবের অভিঘাতে তদীয় সজাতিদিগের জীবন যেরূপ সংশয়াগ্নয় হইয়া পড়িয়াছিল, দুশ্চিন্তাযুক্ত রোগের আক্রমণে তাঁহার নিজের জীবনও সেইরূপ সংশয়দোলায় অধিকৃত হইয়াছিল। ইহাতেও তাঁহার উদ্যমভঙ্গ হয় নাই, উৎসাহ বিলুপ্ত হইয়া যায় নাই বা শ্রমশীলতা অস্তিত্ব করে নাই। তিনি প্রতিদিন শয্যা হইতে উঠিয়া, কর্তব্য কর্মে অভিনিবিষ্ট হইতেন। কর্তব্যসম্পাদনে তাঁহার কখনও আলস্য দেখা যায় নাই। কোনরূপ অনুরোধ, কোনরূপ প্রার্থনা, কোনরূপ হেতুবাদ, তাঁহার অমূল্য জীবন রক্ষার জন্ত, তাঁহাকে এইরূপ পরিশ্রম হইতে নিরস্ত করিতে পারে নাই। তাঁহার সহযোগিগণ যেরূপ কর্মপটু যেরূপ দূরদর্শী, সেইরূপ বিশ্বস্ত ছিলেন, তথাপি তিনি কর্ম হইতে বিরত হইতেন না। অতি সামান্য বিষয়েও তাঁহাকে সমান উদ্যমের সহিত পরিশ্রম করিতে দেখা যাইত। আগরার জজ রেডক্‌স্ সাহেব জুলাই মাসে গিথিয়াছিলেন যে, যদি তিনি অস্ত্রাগার হইতে একখানি তরবারি বা একটি পিস্তল আনিতে চাহিতেন, তাহা হইলেও অল্পমতিপত্রে লেফটেনেন্ট-গবর্নরের স্বাক্ষরের প্রয়োজন হইত। এইরূপ সকল বিষয়েই কল্বিন্ সাহেবের তীক্ষ্ণদৃষ্টি ছিল। কোন বিষয় তাঁহার নিকটে অগরিজ্ঞাতভাবে থাকিত না বা কোন বিষয় তাঁহার বিনা অল্পমতিতে সম্পন্ন হইত না। তিনি কোন বিষয়ের সম্পাদনভার অপরের হস্তে দিতেন না এবং স্বয়ং কোন বিষয় সম্পাদনে কিছুমাত্র শৈথিল্য দেখাইতেন না। দিনের পর দিন অতিবাহিত হইত। প্রতিদিন তাঁহার রক্ষণীয় স্রবিশ্রুত প্রদেশের কর্মচারীদিগের নিকট হইতে কখনও ফরাসী, কখনও বা গ্রীক ভাষায় লিখিত সাহায্যপ্রার্থনার পত্র আসিত। এই সকল অস্পষ্টলিপির উদ্ধার করিতে অনেক কষ্ট হইত। কিন্তু লেফটেনেন্ট-গবর্নর কষ্টস্বীকারে পরাশ্রুত ছিলেন না। তিনি যত্ন ও ধীরতার সহিত উক্ত লিপিশুলির পাঠোদ্ধার করিতেন এবং যত্ন ও ধীরতার সহিত সমুদয় বিষয় অবগত হইয়া যথাযোগ্য আদেশ দিতেন।

রোগজনিত অবসাদের সহিত এইরূপ গুরুতর পরিশ্রম এবং এইরূপ গভীর হৃদয়স্তায় কল্বিন্ সাহেব ক্রমে জীবনের শেষ সীমায় উপস্থিত হইলেন। বাঁহারা এই বিপ্লবের সময়ে প্রধান রাজকীয় কর্ণে নিয়োজিত ছিলেন, সুবিশুদ্ধ জনপদ, বহুসংখ্য প্রজা, বাঁহাদের শাসন ও পালনের বিষয়ীভূত ছিল, তাঁহাদের কেহই উত্তরপশ্চিমপ্রদেশের লেফটেনেন্ট-গবর্ণরের জায় দুরদৃষ্টচক্রের আবর্তনে নিম্পেষিত হয়েন নাই। লেফটেনেন্ট-গবর্ণর একে রোগজীর্ণ হইয়াছিলেন, ইহার উপর তাঁহার শাসনাধীন প্রদেশে বিপ্লবের পূর্ণবিকাশ ঘটয়াছিল। তিনি এক বিভাগের পর অল্প বিভাগ আপনায় হস্ত হইতে স্থানিত হইতে দেখিতেছিলেন, তিনি সজ্ঞাতির ও স্বধর্মের শত শত স্ত্রী, পুরুষ, বালক, বালিকার নিধনের বিষয় অবগত হইতেছিলেন, তিনি প্রতিমুহূর্তে অধীন লোককে অসংসংহসিক কার্য-সাধনে ব্যাপ্ত হইতে দেখিয়াছিলেন, কিন্তু তিনি ইহার কোনরূপ প্রতীকারের সমর্থ হয়েন নাই। তাঁহার অধিকৃত জনপদ বিপ্লবের আক্রমণ হইতে বিমুক্ত হয় নাই। তাঁহার সজ্ঞাতির বা স্বধর্মের লোকেও বিপ্লবের হস্ত হইতে পরিত্রাণ পায় নাই। ভিন্ন ভিন্ন স্থান হইতে অনেকে জীবনরক্ষার জন্য নিরতিশয় শোচনীয় ভাবে তাঁহার সমক্ষে উপস্থিত হইয়াছিল। তিনি ইহাদিগকে অপেক্ষাকৃত স্নেহ ও শাস্তিতে রাখিবার জন্য চিন্তাশ্রিত হইয়াছিলেন। এইরূপে সকল বিষয়ই তাঁহার অনন্ত দুর্ভাগ্যের পরিচয় দিতেছিল। তিনি চই এক বার আকিসরদিগের সমাধির সময়ে উপস্থিত হইয়াছিলেন। তিনি চিকিৎসালয় দেখিতে যাইতেন, দুর্গপ্রাচীরে পরিভ্রমণ করিতেন, সকলের প্রতি সদয়ভাব প্রদর্শন এবং সকলের সহিত শিষ্টভাষ্যসহকারে আলাপ করিতেন, কিন্তু এইরূপ পরিদর্শন, পরিভ্রমণ ও কথোপকথনকালে তিনি যথোচিত আদরপ্রদান করিতেন না। অনেকে তাঁহার প্রতি অসন্তোষ প্রকাশ না করিলেও, অসৌজন্য প্রদর্শন করিত, অনেকে নানারূপ ভৎসনা করিয়া তাঁহার নিকটে পত্র লিখিত। তাঁহার বাক্স এইরূপ কুৎসাপূর্ণ পত্রসমূহে প্রায়ই পরিপূর্ণ থাকিত। তিনি বাঁহাদিগের উপর কর্তৃত্ব করিতেন, বাঁহারা তাঁহার আদেশে পরিচালিত হইতেন, তাঁহার ইচ্ছার পদচ্যুত হইতেন বা পদলাভ করিতেন, তাঁহারাই এইরূপ অসৌজন্য প্রকাশ ও ভৎসনা করিয়া, এই দুঃসময়ে তদীয় মানসিক শান্তি বিনষ্ট করিতে অগ্রসর হইয়াছিলেন। কিন্তু তাঁহাদের চেষ্টা ফলবতী হয় নাই। লেফটেনেন্ট-গবর্ণর আপনায় অধীন

কর্মচারীদিগের কঠোর ভৎসনার স্বকীয় প্রশান্তভাবে বিসর্জন দেন নাই। তিনি অসামান্য শক্তিসম্পন্ন পুরুষ ছিলেন। শারীরিক শক্তির সহিত মানসিক শক্তি সম্মিলিত হওয়াতে তিনি কোন বিষয়েই অবনত, কোন বিষয়েই পরাভূত এবং কোন বিষয়েই অস্থির হইতেন না। এখন নিয়তির অপরিবর্তনীয় বিধানে এই শক্তিসম্পন্ন পুরুষের শক্তিহীন হইল। তিনি আগরার প্রান্তভাগে দুর্গাভ্যন্তরে বাস করিতে বাধ্য হইলেন। স্থানান্তর হইতে তাঁহার সাহায্যপ্রাপ্তির কোন আশা রহিল না। অধীন কর্মচারিগণ তৎপ্রতি অসন্তোষ ও বিরক্তির একশেষ দেখাইতে লাগিলেন। তাঁহার চারি দিকে যে করালবাদধ্বনী বিভীষিকাময়ী ছায়া বিস্তার করিতেছিল, তাহা ক্রমে গাঢ়তর হইয়া উঠিল। তিনি সন্তোষহীন সন্তানদের জায় একান্ত নিঃসহায় ও নিরবলম্ব হইয়া সেই সর্বলোক-পালক ভগবানে আত্মসমর্পণ করিলেন। চিকিৎসকগণ তাঁহার শারীরিক অবস্থা নিত্যন্ত মন্য দেখিয়া, তাঁহাকে সর্বপ্রকার পরিশ্রমে বিরত থাকিতে অত্যাচার করিলেন। কিন্তু এই অত্যাচার রক্ষিত হইল না। লেফটেনেন্ট-গবর্নর পরিশ্রমে বিরত হইলেন না। তাঁহাকে কিয়ৎকালের জন্য দুর্গ হইতে সৈনিকনিবাসে লইয়া যাওয়া হইল, এইরূপ পরিবর্তনে কিয়দংশে উপকার হইল বটে, কিন্তু লেফটেনেন্ট-গবর্নর পুনর্বার কার্যে প্রবৃত্ত হইলেন। তিনি জানিতেন, তাঁহার অস্তিম কাল আসন্ন হইয়াছে। তিনি যে দেশে জন্ম গ্রহণ করিয়াছিলেন, মানসপটে যে দেশের মনোমোহন দৃশ্য অঙ্কিত করিয়া পুঙ্খিত হইতেন, সেই প্রিয়তম স্বদেশের সন্দর্শনলাভ তাঁহার অদৃষ্টে ঘটবে না। তিনি ইহা জানিয়াই স্বকীয় কর্মক্ষেত্রে কর্মশীল পুরুষশ্রেষ্ঠের জায় দেহভ্যাগে কৃতসম্বল হইলেন। সেপ্টেম্বর মাসের প্রারম্ভে তিনি রেইকস্ সাহেবকে উত্তরপশ্চিম-প্রদেশের পুলিশের সংস্কার সম্বন্ধে নিয়ম নির্দেশ করিতে আদেশ দেন। ৭ই তারিখ রেইকস্ সাহেব এ বিষয়ে আলাপ করিবার জন্য তাঁহার গৃহে উপস্থিত হইলেন। কিন্তু তিনি যাইয়া দেখেন যে, লেফটেনেন্ট-গবর্নর সাতিশর পীড়িত হইয়া পড়িয়াছেন। কল্বিন্ সাহেব রোগের এই আক্রমণ হইতে মুক্তিলাভ করিতে পারেন নাই। ৯ই সেপ্টেম্বর তিনি সর্বদর্শী ভগবানের নাম উচ্চারণ করিতে করিতে প্রশান্তভাবে দেহভ্যাগ করেন। যিনি গলাবন্দুকের তীরবস্ত্রী সুবিধিত জনপদের শাসন ও পালনে নিয়োজিত হইয়াছিলেন, অস্তিমশয্যায় থাকিবার

জঙ্গ হুর্গের বহির্ভাগে একটুকু স্থানলাভ তাঁহার অদৃষ্টে ঘটে নাই । ১০ই সেপ্টেম্বর হুর্গ প্রাচীরের অভ্যন্তরে তাঁহার সমাধি হয় । লর্ড কানিং তাঁহার মৃত্যুতে গভীর শোক প্রকাশপূর্বক বিজ্ঞাপন প্রচার করেন । কলিকাতা, যাজ্ঞাজ, বোম্বাই প্রভৃতি স্থানে তাঁহার অতি সম্মান প্রদর্শনের জন্ত নির্দিষ্ট দিনে ব্রিটিশ জাতির চিরজয়ী পতাকা অবনত এবং সত্তর বার তোপধ্বনি করিতে আদেশ দেওয়া হয়* । এইরূপে ইংলণ্ডের এক জন প্রধান কর্মবীরের দেহত্যাগ হয় । ইতিহাস তাঁহার সম্মানরক্ষায় উদাসীন থাকে নাই । যিনি অন্তিমকালে সজাতির অনেকের নিকটে ধিকৃত ও তিরস্কৃত হইয়াছিলেন, ইতিহাস তাঁহাকে বীরেন্দ্র-সমাজের বরণীয় রণবিজয়ী বীরপুরুষ অপেক্ষাও উচ্চাসনে স্থাপিত করিয়া, তদীয় গৌরবঘোষণায় প্রবৃত্ত হয় ।

* Calcutta Gazette, Extraordinary. Notification, September 19, 1857.

পঞ্চম অধ্যায় ।

লক্ষ্য—অযোধ্যা ।

অযোধ্যার অবস্থা—লোকের চরিত্র—জুয়ামিসম্রাট—নবাববংশীরদিগের দুর্দশা—
সৈনিকদল—জনসাধারণের অবস্থা—লক্ষ্য রক্ষার বন্দোবস্ত—সৈনিকনিবাসে সিপাহীদিগের
বিরুদ্ধাচরণ—অযোধ্যার ভিন্ন ভিন্ন বিভাগে গোলযোগ—দীতাপুর—মুলাওন—মোহম্মদী—
শাহজাহানপুরের পলাতকদিগের নিধন—ফৈজাবাদ—হুলতানপুর—বহরইচ—সিক্রোরা—
গণ্ডা—মোলাপুর—দরৌয়াবাদ—কাচানৌর পলাতকদিগের অবস্থা ।

উপস্থিত সময়ে ভারতের এক প্রান্ত হইতে অপর প্রান্ত পর্য্যন্ত সমগ্র
প্রদেশের মধ্যে বহুবিস্তৃত ও বহুসমৃদ্ধিপন্ন অযোধ্যা ব্যতীত আর কোন প্রদেশ
ব্রিটিশরাজপুরুষদিগের অধিকতর চরিত্র বা অধিকতর আশঙ্কার উৎপত্তি করে
নাই। অযোধ্যা বাঙ্গালার সিপাহীদিগের বসতিস্থল। সিপাহীগণ ইংরেজ
বীরপুরুষদিগের নিকটে শিক্ষিত হইয়া, ইংরেজের কার্যসাধনে রণক্ষেত্রে অসঙ্ক-
চিত্তিচেত্রে আত্মোৎসর্গ করিয়া থাকে। তাহারা যখন দেশান্তরে অবস্থিতি
করে, ইংরেজের বিপক্ষদিগের সহিত যুদ্ধ করিতে যখন প্রস্তুত হইতে থাকে,
ইংরেজ অধিনায়কের আদেশ অনুসারে যখন হুর্গম অরণ্য, ছুরারোহ পর্বত,
হস্তর তরঙ্গিণী অতিক্রম করে, তখন গরীয়সী জম্বুভূমির বিষয় তাহাদের মানস-
পট হইতে অন্তহিত হয় না। তাহারা স্বদেশের কথায় পুলকিত হয়, আত্মীয়
স্বজন স্বদেশে নিরাপদে সুখশান্তিতে অবস্থিতি করিতেছে শুনিয়া, নিশ্চিন্ত হয়,
এবং আপনাদের বহুপরিশ্রমলব্ধ যৎসামান্য সম্পত্তি স্বদেশে সুরক্ষিত রহিয়াছে
জানিয়া, বিদেশী প্রভুর আদেশপালনে অধিকতর উৎসাহসম্পন্ন হইয়া উঠে।

বাঙ্গালার সিপাহীদিগের এই প্রিয়তম বাসভূমি—ধনধান্ডে পরিপূর্ণ এই
সুবিহ্বৃত প্রদেশ কিরূপে ইংরেজের হস্তগত হইয়াছে, ইহার অধিপতি নবাব
ওয়াজি আলি কিরূপে আপনার হৃদৃষ্টের নিকটে মস্তক অবনত করিয়াছেন,
তাহা উপস্থিত গ্রন্থের প্রথম ভাগে বিবৃত হইয়াছে। ইংরেজ, অযোধ্যা অধিকার
করিবার যে কোন হেতু প্রদর্শন করুন না কেন, তাহাদের শাসনে অযোধ্যার

স্বাধীনতা ও সমৃদ্ধির যতই বৃদ্ধি হউক না কেন, অযোধ্যা পূর্বতন অধিপতি-দিগের আধিপত্য হইতে পরিলুপ্ত হওয়াতে ভারতের ভিন্ন ভিন্ন শ্রেণীর লোকের হৃদয় বিচলিত হইয়াছিল । এই ঘটনায় হিন্দু ও মুসলমান, সমভাবে শক্তিত হইয়া উঠিয়াছিল । ইহাতে ভারতের অধিপতিগণ বিরক্ত হইয়াছিলেন, যেহেতু তাঁহারা দেখিয়াছিলেন যে, গবর্ণমেন্টের প্রতি যতই অনুরাগ প্রকাশ করা যাউক না কেন—ঋণস্বরূপ অর্থ দিয়াই হউক, যুদ্ধের সময়ে সৈন্ত দিয়াই হউক, অথবা অন্য কোন রূপেই হউক, যে ভাবেই গবর্ণমেন্টের সাহায্য করা হউক না কেন, গবর্ণমেন্ট আপনাদের সুবিধা বুঝিয়া, অপরকে চিরন্তন সম্পত্তি হইতে বিচ্যুত করিতে বা অপরের অধিকৃত জনপদ স্বকীয় অধিকারে আনিতে কিছু মাত্র কুষ্ঠিত হয়েন না । ইহা ভূসম্পত্তিশালীদিগের বিরোধের কারণ হইয়াছিল, যেহেতু তাঁহারা বুঝিয়াছিলেন যে, গবর্ণমেন্টের অভিনব বিধান অনুসারে তাঁহারা সম্পত্তির অর্দ্ধাংশ বা উহা অপেক্ষা অধিক ভাগ হইতে সহসা পরিলুপ্ত হইতে পারেন । ইহা সম্রাট মুসলমানদিগের বিরোধের হেতু হইয়াছিল, যেহেতু তাঁহারা ভাবিয়াছিলেন যে, গবর্ণমেন্টের আদেশে তাঁহাদের সজাতির ও স্বদেশের ভূপতিগণ এইরূপে পদলুপ্ত হইলে, ঐ সকল ভূপতির আধিপত্যকালে তাঁহাদের যে সকল অধিকার ছিল, তৎসমুদয় বিলুপ্ত হইয়া যাইবে । ইহা নবাবের সৈনিক-দিগকে ব্রিটিশ গবর্ণমেন্টের উপর বিরক্ত করিয়া তুলিয়াছিল, যে হেতু তাঁহারা দেখিয়াছিল যে, তাহাদের পরিবারবর্গ নবাবের সরকার হইতে যে সাহায্য পাইত, তাহা বন্ধ হইয়া গেল । ইহাতে ব্রিটিশ গবর্ণমেন্টের অযোধ্যাবাসী সিপাহীগণ একান্ত বিরক্ত হইয়া উঠিয়াছিল, যেহেতু তাঁহারা দেখিয়াছিল যে, এত দিন নবাব যত্নসহকারে তাহাদের পরিবারবর্গের রক্ষণাবেক্ষণ করিতেন, তাহারা বিদেশে থাকিলেও অস্বীয়স্বজনের ভাবনায় ব্যাকুল হইত না, কোনরূপ অনিষ্টের প্রতী-কার করিতে হইলে তাহারা ব্রিটিশ রেসিডেন্ট দ্বারা আপনাদের আবেদনপত্র লক্ষ্যের দরবারে পাঠাইত ; গবর্ণমেন্টের সহিত মিত্রতাহেতু নবাব, গবর্ণমেন্টের সিপাহীদিগের প্রার্থনাপূরণে অধিকতর মনোযোগী হইতেন ; এখন তাহাদের এইরূপ সুবিধা অন্তর্হিত হইল । ইহা অযোধ্যার কৃষকসম্প্রদায় ও শ্রমজীব-িগণের অসন্তোষের কারণ হইয়াছিল, যেহেতু তাহারা ভাবিয়াছিল যে, নবাবের শাসনপ্রণালী বেরূপই হউক না কেন, এত দিন তাহারা করতারে নিপীড়িত

হয় নাই, এখন ইংরেজের অধিকারে তাহাদিগকে নানারূপ কর দিতে হইবে। সম্বন্ধে অযোধ্যাধিকারে উক্ত হইতে নিম্নশ্রেণীর লোক পর্যন্ত, সকলেই একরূপ অসন্তোষ ও অশান্তির তীব্র আলায় দগ্ধ হইতেছিল*।

ইংরেজ বিনা বাধায় একটি বহুবিস্তৃত ও বহুসম্পত্তিপূর্ণ প্রদেশের অধিপত্যকে যখন আপনাদের ভারতসাম্রাজ্যের রাজধানীর প্রান্তভাগে নির্বাসিত করিলেন, তখন অযোধ্যাবাসাদিগের বিষয়ের অবধি রহিল না। তাহারা ব্রিটিশসিংহের অসীম প্রতাপ ও অনন্ত প্রাধান্ত মনে করিয়া স্তম্ভিত হইয়া রহিল। পক্ষান্তরে নবাবের পদচ্যুতিতে তাহাদের ক্ষোভের সীমা রহিল না। নবাব অযোধ্যাবাসীদিগের প্রিয় ছিলেন। তাঁহার দুর্বলতা, তাঁহার স্বার্থপরতা, তাঁহার অমিতাচার যাহাই হউক না কেন, প্রজাবর্গ রাজা বলিয়া, তৎপ্রতি ভক্তিসহকৃত অমুরাগের পরিচয় দিত। নবাবের শাসনপ্রণালী যথেষ্টাচারমূলক হইলে ও তাহারা অসন্তোষ প্রকাশ করে নাই এবং উহাতে তাহাদের কোনরূপ অসুবিধাও ঘটে নাই। তাহারা এইরূপ শাসনপ্রণালীর বিষয়ে অভ্যস্ত ছিল, এবং অভ্যাস অনুসারে উহাতে সন্তুষ্ট থাকিয়া, সংসারযাত্রা নির্বাহ করিত। অধিকন্তু নবাবের অধিপত্যকালে অনেকের গ্রাসাচ্ছাদনের কোনরূপ কষ্ট ছিল না। বাহারা নবাবের আশ্রিত অমুগত বা নবাবের সহিত কোনরূপ অস্বীয়তাহুত্রে সম্বন্ধ ছিলেন, তাহারা লক্ষ্যের দরবার হইতে নিয়মিতরূপে অর্থ পাইতেন। নবাবের পদচ্যুতির সহিত এই সকল লোকের অদৃষ্টচক্র পরিবর্তিত হইল। ইহাদের কোনরূপ সাহায্যদাতা রহিল না। ইহাদের কষ্টমোচনে কেহই চেষ্টা করিল না। সহস্রা ছরবহর ভরসার আশ্রিতে নিপতিত ও ঘৃণ্যমান হওয়াতে, ইহাদের শোচনীয়তাবের অবধি থাকিল না। ইহারা নিদারুণ দারিদ্র্যে নিপীড়িত, দুঃসহ কষ্টে মগ্নহত, শোচনীয় মলিনভাবে একান্ত অবসর হইয়া, আপনাদের অমূল্য জীবনরক্ষার অধিতীয় অবলম্বন—অন্ন—কেবল একমুষ্টি অন্নের জন্য কাতরভাবে নয়নজলে বক্ষঃস্থল প্রাবিত করিতে লাগিলেন। যে সকল ক্রীপুক্ষর বংশমর্যাদায় সম্মানিত ছিলেন, সুখসৌভাগ্যে কালযাপন করিতেন,

* সিপাহীযুদ্ধের ইতিহাসলেখক কর্ণেল মালিসন্ এ সম্বন্ধে এই ভাবে স্মৃতিমত প্রকাশ করিয়াছেন।—*Malleson, Indian Mutiny. Vol. I. p. 348-349.*

সর্বদা নানারূপ বিলাসক্রমে পরিব্রত থাকিতেন, তাঁহারা সহস্র দারিদ্র্যভর-
সমূহ ভয়াবহ সংসারসাগরে নিমজ্জিত হইলেন। তাঁহারা কাতরভাবে চারি
দিকে হস্ত প্রসারণ করিতে লাগিলেন, কিন্তু কোনরূপ অবলম্বন তাঁহাদের হস্তগত
হইল না। তাঁহাদের কেহ কেহ শাল, বনাত ও অন্তান্ত মূ্যবান্ দ্রব্য বিক্রয়-
পূর্বক অন্ন সংস্থান করিতে লাগিলেন, কেহ কেহ উদরজ্বালার অগ্নির হইরা,
ভিক্ষাবৃত্তি অবলম্বন করিলেন। * ইঁহাদের দুরবস্থা দর্শনে সদাশয় ইংরেজ রাজ-
পুরুষের হৃদয় দরদ্র হইয়াছিল। অযোধ্যার রাজস্বসংক্রান্ত কমিশনার গাবিন্স
নাহেব এ সম্বন্ধে এই ভাবে লিখিয়া গিয়াছেন—“বোধ হয় অযোধ্যার
সম্রাটবংশীয়গণ এবং নবাবের বহুসংখ্যক আত্মীয়স্বজন অধিকতর সমবেদনার
পাত্র ছিলেন। ইঁহারা নবাবের সরকার হইতে বৃত্তি পাইতেন। আমাদের
আধিপত্য প্রতিষ্ঠিত হইলে এই বৃত্তির লোপ হয়। গবর্ণমেন্ট ইঁহাদের সাহায্যের
জন্ত অর্থদানের ব্যবস্থা করিয়াছিলেন বটে, কিন্তু এ বিষয়ে যথোচিত অহুসন্ধান-
পূর্বক দানের প্রকৃত পাত্রদিগের নামের তালিকা প্রস্তুত করা আবশ্যক হইরা-
ছিল। এইরূপ প্রয়োজনের অহুরোধে অথবা বিলম্ব ঘটে। এ দিকে উপায়হীন
সম্রাটবংশীয়গণ আপনাদের ভরণপোষণের জন্ত নিরতিশয় কষ্টে নিপতিত হইলেন।
আমরা জানিতে পারিয়াছি যে, যাহারা কখন অন্তঃপুর হইতে বহির্গত হইতেন
নাই, তাঁহারা রাজির অঙ্ককারের মধ্যে সর্বসমক্ষে আত্মগোপনপূর্বক ভিক্ষা
করিয়াছেন।† রাজস্বকমিশনার এইরূপ স্পষ্টবাদিতা এইরূপ সত্যপ্রিয়তার
পরিচয় দিয়াছেন এবং অপরের শোচনীয় অবস্থার একান্ত মর্ম্মাহত হইরা, আত্ম-
স্বাধার বাসনা এইরূপে সংযত রাখিয়াছেন। কলতঃ ইংরেজের আধিপত্যে এই
সকল লোকের অধঃপতন ও অবমাননার একশেষ ঘটিয়াছিল। পক্ষান্তরে দরিদ্র
লোকেরও সতিশয় কষ্ট হইয়াছিল। লক্ষ্মীর অবরোধের ইতিহাসলেখক রীড
নাহেব এ সম্বন্ধে এইভাবে লিখিয়া গিয়াছেন—“তাঁহাদের (অযোধ্যাবাসীদের)
অহুসাগপ্রাপ্তির জন্ত আমরা অতি অল্প কার্যই করিয়াছি। বিরাগবৃত্তির
জন্তই অনেক করা হইয়াছে। নবাবের রাজস্ব সম্বন্ধে অনেক সন্ত্রাস্ত ভূস্বামী
ও নবাব বংশীয়দিগের ব্যবহারের নিমিত্ত নানাবিধ শিরদ্রব্য প্রস্তুত করিত।

* *Kaye, Sepoy War, Vol. III, p. 419.*

† *Gubbins, Mutinies in Oudh, p. 78.*

কার্যার্থে চিত্ত পাগড়ী, হুকা, জুতা প্রভৃতি সর্বদা বিক্রীত হইত । নবাবের আধিপত্যলোপের সহিত এই নিরীহ শিল্পীদিগের কার্য বন্ধ হয় । জনসাধারণ বিশেষতঃ দরিদ্রগণ আমাদের উপর অসন্তুষ্ট হইয়াছে, যেহেতু তাহারা সকল দিকে সাক্ষাৎ বা পরস্পরা সন্ধক্ষে করভারে নিপীড়িত হইয়া পড়িয়াছে*’’। ব্রিটিশ গবর্ণমেন্ট অযোধ্যাবাসীদিগের এইরূপ দুঃস্থতার মোচনে ইচ্ছা করিয়াছিলেন বটে, কিন্তু সর্বপ্রথম তাঁহাদের ইচ্ছানুসারে যথোপযুক্ত কার্যের অনুষ্ঠান হয় নাই । যত দিন নবাবের আধিপত্য ছিল, এক নবাবের পর অন্য নবাব যত দিন শাসনকালের পরিচালনা করিতেছিলেন, ততদিন আশ্রিত ও অহুগত লোকে বৃত্তিভোগ করিত । এই বৃত্তিভোগীদিগের সংখ্যার স্থিরতা ছিল না; বৃত্তিদানের ধারাবাহিক কোন নিয়মও বিধিবদ্ধ ছিল না । নানা লোকে নানারূপে বৃত্তিভোগ করিত । ইংরেজ যখন অযোধ্যা অধিকার করেন, তখন তাঁহারা সবিশেষ সত্বতাসহকারে এ বিষয়ের শৃঙ্খলা করিয়া উঠিতে পারেন নাই । ঈহারা নবাবীকৃত প্রদেশের শাসনসংক্রান্ত কর্মে নিয়োজিত ছিলেন, সম্ভ্রান্তসম্প্রদায়ের প্রতি তাঁহাদের তাদৃশ সমবেদনা পারিলক্ষিত হয় নাই । তাঁহারা বোধ হয় অযোধ্যার পেশনের তালিকার বিষয় কেবল কাগজেই আবদ্ধ রাখিতে ইচ্ছা করিয়াছিলেন, উহা যে কার্যে পরিণত হইয়া নিঃসহায় নিরবলম্বদিগের অন্নবস্ত্র-সংস্থানের সন্ধান হইবে, ইহা তাঁহাদের উদ্বোধ হয় নাই । যাহারা কার্যে অসামর্থ্য প্রকাশ করিয়াছিল, ভিক্ষা করিতে লজ্জিত ছিল, নৈরাত্রে মর্দ্যাহত হইয়াছিল, তাহাদের জীবনমরণ সন্ধক্ষে ইংরেজ রাজপুরুষগণ সর্বপ্রথম নিশ্চেষ্টভাবের পরিচয় দিয়াছিলেন । কিন্তু জার্ন হেনরি লরেন্স, ১৮৫৭ অব্দের ২০শে মার্চ অযোধ্যার প্রধান কমিশনরের কার্যভার গ্রহণপূর্বক এ বিষয়ে উদ্যত প্রকাশ করেন নাই । উদারতায় তাঁহার প্রকৃতি উন্নত ছিল, সমবেদনায় তাঁহার হৃদয় কোমলতর হইয়াছিল, কর্তব্যপরায়ণতায় তাঁহার উৎসাহসহকৃত সংকার্য্য-প্রবৃত্তি শতগুণে বৃদ্ধি পাইয়াছিল । সুতরাং যাহারা এক সময়ে স্বখসৌভাগ্যে কালযাপন করিতেন, সহসা তাঁহাদের শোচনীয় অধঃপতন দেখিয়া, তিনি উহার প্রতীকারে উত্তত হইয়াছিলেন । অযোধ্যার শাসনভার গ্রহণের পরেই তিনি

* Rees, Seige of Lucknow, p. 34. Comp. Gubbins, p. 78.

এ সময়ে যাবতীয় কাগজপত্র সংগ্রহ করিতে উদ্যত হয়েন, এবং সমস্তভাবে দুর্দশাগ্রস্ত ব্যক্তিদিগকে শীঘ্র শীঘ্র বৃত্তি দেওয়া হইবে বলিয়া, আশ্বাস দেন। কিন্তু অযোধ্যা অধিকারের প্রায় চৌদ্দ মাস পরে তিনি অভিনব কৰ্মক্ষেত্রে প্রবেশ করিয়াছিলেন। স্মৃতরাং তাঁহার প্রস্তাবিত মহৎকর্মের অমুষ্ঠানে বহু বিলম্ব ঘটিয়াছিল। ইহার মধ্যে সম্ভ্রান্ত সম্প্রদায় অধঃপতনের ফলভোগ করিয়াছিলেন, দুঃসহ কষ্টে নিপীড়িত হইয়াছিলেন এবং ইংরেজকে আপনাদের এইরূপ অধঃপতনের কারণ মনে করিয়া, তাঁহাদের উপর বিরক্ত ও বিদ্বেষ হইয়া উঠিয়াছিলেন।*

পদচ্যুত নবাবের আত্মীয়স্বজন কেবল দারুণ দুর্দশাগ্রস্ত হয়েন নাই। অযোধ্যার সম্ভ্রান্ত সম্প্রদায় কেবল আপনাদের দুঃসহ কষ্টের ফল ভোগ করেন নাই। জনসাধারণ কেবল দারিদ্র্যে মগ্ন হইত ও করভারে অবসন্ন হইয়া উঠে নাই। ইহার যখন শোচনীয় ভাবে দিনপাত করিতেছিল, নবাবের পদচ্যুতিতে যখন দীর্ঘনিশ্বাস পরিত্যাগপূর্বক অভিনব শাসনকর্তার প্রতি একান্ত বিদ্বিষ্ট হইয়াছিল, তখন আর এক সম্প্রদায়ও ইহাদের ভ্রায় ব্রিটিশ গবর্ণমেন্টের প্রতি বিরক্তি-প্রকাশে উদ্বুদ্ধ হইয়াছিলেন। অযোধ্যার ইহাদের প্রভূত সম্মান ছিল,। ভূসম্পত্তি ও অর্থের বলে ইহাদের ক্ষমতা বৃদ্ধি পাইয়াছিল। পুরুবাহুগত স্বর্বে ইহাদের প্রগাঢ় ক্ষমতা ও আস্থা ছিল। ইহার যেরূপ ক্ষমতাপন্ন, যেরূপ সম্পত্তিশালী, যেরূপ সম্মানিত, সেইরূপ তেজস্বী, দৃঢ়তাসম্পন্ন ও জনসাধারণের আদরগীর্ণ ছিলেন। চিরপ্রসিদ্ধ রাজপুত জাতি হইতে এই সম্প্রদায়ের উদ্ভব হইয়াছিল। ক্রমে লক্ষ্মীদেববীরের উচ্চগদগত হিন্দু ও মুসলমান কর্মচারীদিগের বংশধরগণ ইহার অন্তর্ভুক্ত হইয়াছিলেন।

অযোধ্যার এই সম্মানিত সম্প্রদায় তালুকদার নামে প্রসিদ্ধ। ব্রিটিশ গবর্ণমেন্ট যখন অযোধ্যার শাসনভার গ্রহণ করেন, তখন তালুকদারী স্বত্ব তাঁহাদের মনোযোগের বিষয়ীভূত হয়। গবর্ণমেন্টের কর্মচারিগণ এই সময়ে সকলকে এক সমভূমিতে আনয়ন করিতে উদ্যত হইয়াছিলেন। অযোধ্যার তালুকদারগণ ইহাদের উদ্ভবের লক্ষ্যব্রষ্ট হয়েন নাই। অযোধ্যার সম্ভ্রান্ত

* Kaye, Sepoy War, Vol. III, p. 421.

ভূস্বামীদিগের উপর ইঁহাদের কিছুমাত্র নমতা বা শ্রদ্ধা ছিল না। ইঁহারা সাম্যবাদের বশবর্তী হইয়া, এই ভূস্বামিগণের উচ্ছেদসাধনে কৃতসঙ্কল্প হইয়াছিলেন। ইঁহারা তালুকদারগণকে অত্যাচারকারী বলিয়া নির্দেশ করিতেন। কণেল স্টিমান্ অযোধ্যান্নমণ্ডান্ত গ্রন্থে তালুকদারদিগের দৌরাঙ্গা ও উচ্ছৃ-
 জলভাবের বিষয় বিবৃত করিয়াছেন।* এই ভূস্বামিসম্প্রদায়ের কার্যাপ্রণালী সম্বন্ধে ইংরেজ রাজপুরুষগণ প্রশংসা করেন নাই। সুতরাং ইঁহাদের স্বত্বনাশ-
 কালেও কেহ কোনরূপে ক্ষুব্ধ হইয়েন নাই। বাহারা ইঁহাদের অধীনতা স্বীকার
 করিয়া যথানিয়মে কর দিত এবং উঁহার বিনিময়ে নির্দিষ্ট ভূসম্পত্তি ভোগ
 করিত, গবর্ণমেন্ট সেই পল্লীসমাজের সহিত সাক্ষাৎসদৃশ ভূমির বন্দোবস্ত
 করেন। তালুকদারগণ স্বত্বচ্যুত হওয়াতে গবর্ণমেন্টের উপর নিরতিশয় বিরক্ত
 হইয়া উঠেন। তাঁহারা রাজার শ্রেণীতে নির্দেশিত ছিলেন। আপনাদের
 তালুককে তাঁহাদের অপ্রতিহত ক্ষমতা ছিল। অধিকৃত পল্লীসমূহ হইতে তাঁহাদের
 প্রচুর অর্থাগম হইত। সহসা তাঁহাদের এইরূপ ক্ষমতা, এইরূপ অর্থাগমের
 উপায় বিলুপ্ত হয়।†

তালুকদারগণ ক্ষমতাহীনে হইলেও ব্রিটিশ গবর্ণমেন্টের আশঙ্কার কারণ
 অন্তর্হিত হয় নাই। গবর্ণমেন্টের কর্মচারিগণের সমক্ষে তালুকদারগণ
 দৌরাঙ্গাকারী বলিয়া প্রতিপন্ন হইয়াছিলেন। উক্ত কর্মচারিগণ এই দৌরাঙ্গা-
 দমনে কৃতসঙ্কল্প হইয়া তালুকদারদিগকে অধিকারহীনে করিয়াছিলেন। কিন্তু
 তালুকদারগণ বহুসংখ্যক অহুচরে পরিবৃত থাকিতেন। এই সকল অহুচর
 সশস্ত্র ও যুদ্ধকর্ম্ম অভ্যস্ত ছিল। অযোধ্যার চিরপ্রসিদ্ধ ও চিরমাত্র ভূস্বামিগণ
 ইঁহাদের সাহায্যে ব্রিটিশ গবর্ণমেন্টের বিরুদ্ধাচরণে অসমর্থ ছিলেন না। সশস্ত্র
 অহুচরব্যতীত ইঁহাদের জঙ্গলপরিবেষ্টিত, মৃগায় ভূর্ণ ছিল। ভূর্ণপ্রাচীরে
 কামান সকল মারাত্মক কার্য্যসাধনের জন্ত স্থাপিত রাখিয়াছিল। এই সকল
 কামান দমদমা ও মৌরাটের অশিক্ষিত গোলন্দাজদিগের তাদৃশ ভীতিকর
 না হইলেও, অনিষ্টকর কর্ম্মের অনুপযোগী ছিল না। ইংরেজ এখন এই আশঙ্কার

* Sleeman, Journey, through the kingdom of Oude. 2 Vols.

† Syed Ahmed Khan, Causes of the Indian Revolts, p. 30.

কারণের উচ্ছেদে উদ্যত হইলেন। দুর্গ হইতে কামান সকল অপসারিত, দুর্গের চারি দিকের জঙ্গল পরিষ্কৃত, সশস্ত্র অহুচরণ নিরস্ত্রীকৃত ও দলভ্রষ্ট হইল। ইহাতে তালুকদারদিগের অধিকতর বিরাগ ও বিদ্বেষের উদ্ভেকের সহিত প্রাতি-হিংসা প্রবৃত্তি বলবতী হইয়া উঠিল। এইরূপে বহুসংখ্য অহুচরণে, একটি নিঃশেষপর সম্প্রদায়ের সংখ্যাবৃদ্ধির সহিত বলবৃদ্ধি হইতে লাগিল। স্থূলদৃষ্টিতে, নিরস্ত্রীকরণ দ্বারা সর্বপ্রকার বিপদের উদ্ভব হইল বলিয়া, বোধ হইতে পারে। কিন্তু যাহারা সমধিক কার্যদক্ষ, তাহারা নিরস্ত্রীকৃত হইলেও প্রাতি-পক্ষের বিষশান্তি হয় না। আজ যাহারা নিরস্ত্র হইল, সমসাময়িক তাহারাই সশস্ত্র হইয়া বিপক্ষের শোণিতপাতে উদ্ভম ও সাহস দেখাইতে পারে। সর্বসংস্থা ধরিত্রী কোন দ্রবাই আপনার বক্ষোদেশে গুপ্তভাবে রাখিতে কাতর করেন না। ভয়ঙ্কর দৌহাত্তগুলি পৃথিবীর বক্ষঃস্থলে গোপনে রাখিয়া, প্রয়োজন অমুদারে তৎসমুদয় উহার নিকট হইতে ফিরাইয়া লওয়া যাইতে পারে। এই সকল অন্ত্র অবনীর বায়ুরহিত ও আলোকশূন্য অন্তর্দেশে দীর্ঘকাল থাকিলেও মারাত্মক কার্যসাধনের তাদৃশ অব্যোধ্য হয় না। সুতরাং যে সকল যুদ্ধবীর নিরীহভাবে হুলচালনায় প্রবৃত্ত হয়, সুযোগ বঞ্চিত হইলে তাহারাই মৃত্তিকার অভ্যন্তর হইতে অন্ত্রাদি বাহির করিয়া, ভয়াবহ কার্যসাধনে উদ্যত হইতে পারে। অযোধ্যার তালুকদারদিগের নিরস্ত্র অহুচরণের সকলেই ক্রোধ-জনোচিত শাস্তিময় কর্ণে ব্যাপ্ত থাকে নাই। কেহ কেহ বোধ হয়, এই কর্ণে প্রবৃত্ত হইয়াছিল, কিন্তু অধিকাংশই নিকর্ণা রহিয়াছিল। তাহারা যে অনিষ্টের ফলভোগ করিয়াছে, তজ্জন্ত তাহাদের বিদেহভাব তুষানলের দ্বারা অগম্য-ভাবে ছিল। তাহারা এইরূপ প্রগাঢ় বিরক্তির সহিত প্রাতিহিংসাপরিতৃপ্তির জন্ত সুযোগপ্রতীক্ষা করিতেছিল।

অধিকারচ্যুত সম্রাটসম্প্রদায়, স্বতন্ত্র ভূখণ্ডমিগণ, তাঁহাদের নিরস্ত্র অহুচরণ-সমূহই কেবল অযোধ্যার বিপ্লবের মূলীভূত কারণস্বরূপ বর্তমান থাকে নাই। ইহারা ব্যতীত আর এক শ্রেণীর লোকে উদ্ভেজনা ও তন্মূলক উচ্ছৃঙ্খলভাবের পরিচয় দিবার সুযোগ প্রতীক্ষা করিতেছিল। ইহারা বৈষ্ণব সমরকুল, সেই-রূপ উদ্ধত প্রকৃতি ছিল। বহুসংখ্য দৈনিক অযোধ্যার নবাবের সরকারে থাকিত। ব্রিটিশ গবর্ণমেন্ট যে সকল শ্রেণী হইতে লোক নির্বাচনপূর্বক

তাহাদিগকে সৈনিকদল ভুক্ত করিতেন, নবাবের সরকারেও সেই সকল শ্রেণী হইতে লোক নির্বাচিত হইত। কিন্তু শিক্ষা ও নিয়মাদিতে এই উভয় সৈনিকদলের মধ্যে সবিশেষ পার্থক্য ছিল। ব্রিটিশ কোম্পানির সৈন্য ইউরোপীয় প্রণালী অনুসারে শিক্ষিত ও উৎকৃষ্ট অস্ত্রশস্ত্রে সজ্জিত থাকিত। নবাবের সরকারে এরূপ শৃঙ্খলা বা পারিপাট্য ছিল না। সৈনিকগণ যথানিয়মে বেতনও পাইত না। স্ততরাং অনেকে উচ্ছৃঙ্খলভাবের পরিচয় দিত। যখন ইংরেজ অযোধ্যা অধিকারে উদ্যত হয়েন, তখন তথায় এইরূপ ৬০,০০০ ঘাটি হাজার সৈনিকপুরুষ ছিল। ব্রিটিশ গবর্ণমেন্ট ইহাদের প্রায় এক তৃতীয়াংশকে আপনাদের সৈনিকদলে গ্রহণ করেন, অবশিষ্ট লোকদিগকে কিছু কিছু টাকা দিয়া বিদায় করিয়া দেন। ইহারা কর্মচ্যুত হওয়াতে অসন্তুষ্ট হইল বটে, কিন্তু টাকা পাওয়াতে একবারে হতাশাস হইল না। স্ততরাং ইহাদের মধ্যে সহসা কোনরূপ বিরাগের চিহ্ন দেখা গেল না। ইহারা টাকা লইয়া আপনাদের আবাসপন্নীতে উপস্থিত হইল, পিতামাতা স্ত্রীপুত্রাদির নিকটে লাভলোকসানের কথা বলিতে লাগিল, আপনাদের যৎসামান্য অর্থের কিছুকাল শান্তভাবে রহিল। এই সকল লোক স্বভাবতঃ অযোধ্যার অতীত ও বর্তমান বিষয়ের আলোচনায় জ্ঞাত এবং অযোধ্যায় কি ঘটিতেছে, তাহা জানিবার নিমিত্ত ঔৎসুক্য প্রকাশ করিতে পারে। যে স্থানে ইহারা যথেষ্টভাবে বিচরণ করিত, আপনাদের গ্রাসাচ্ছাদনের সংস্থান করিতে সচেষ্ট থাকিত, সেই স্থানের বিষয় ইহাদের স্মৃতিপথ হইতে বিচ্যুত হয় নাই। স্ততরাং ইহারা ঔৎসুক্যের সহিত অযোধ্যার দিকে দৃষ্টি রাখিয়াছিল এবং ঔৎসুক্যসহকারে উহার অবস্থাপরিবর্তনের সহিত ঘটনাবলীপরিবর্তনের প্রতীক্ষা করিতেছিল।

ইংরেজ অযোধ্যা অধিকার করিয়া, আপনাদের অভিনব প্রণালী অনুসারে উক্ত রাজ্যশাসনে প্রবৃত্ত হইলেন। তাহাদের অভিমত ব্যবস্থা অনুসারে শাসনদণ্ডের পরিচালনা করিতে গেলে, নানারূপে ব্যয়বাহুল্য ঘটে। করস্থাপন ব্যতীত এই ব্যয়নির্বাহের অল্প উপায় তাহাদের অবলম্বনীয় হয় না। পূর্বে উক্ত হইয়াছে যে, ইংরেজ অযোধ্যা গ্রহণ করাতে প্রজালোককে নানারূপ কর দিতে হয়। তাহারা এতদিন অল্পব্যয়ে সংসারযাত্রা নির্বাহ করিতেছিল, এখন ইংরেজী সভ্যতার অনুমোদিত উৎকৃষ্টতর রাজ্যশাসনের ফলভোগ করিতে

গিয়া অর্ধের দারে উদ্ভাস্ত হইয়া পড়িল। ইংরেজ অহিফেনের উপর অধিক হারে কর নির্দেশ করিলেন। এ দিকে অভিনব ব্যবস্থা প্রচলিত হওয়াতে আবশ্যক দ্রব্যাদির মূল্য বৃদ্ধি হইল। বিচারস্থলে অর্থিপ্ৰত্যাধীদিগের বহুপরিমাণে ব্যয় বৃদ্ধি পাইল। মোকদ্দমাগুলিরও বহুবিলম্বে নিষ্পত্তি হইতে লাগিল। এইরূপে অভিনব শাসনপ্রণালীতে অনভ্যস্ত প্রজালোকের নানারূপ অসুবিধা ঘটিতে লাগিল। লক্ষ্মীতে অহিফেনসেবীদিগের অভাব ছিল না। পিকিন এবং কান্টনের জায় অযোধ্যার রাজধানীতেও বহুসংখ্যা লোকে এই চিরপ্রসিদ্ধ মাদক দ্রব্যে আসক্ত ছিল। উহার উপর কর স্থাপিত হওয়াতে লোকের অসন্তোষের অবধি রহিল না। কথিত আছে, অনেকে যখন বক্তিমূল্যেও উহা পাইল না, তখন একান্ত নৈরাশ্রে হতজ্ঞান হইয়া আপনাদের গলা কাটিয়া ফেলিল।* এই ঘটনা সত্য হউক, নাই হউক, এইরূপ করস্থাপনে যে, লোকের বিরাগ বৃদ্ধি পাইয়াছিল, তদ্বিষয়ে সন্দেহ নাই।

অযোধ্যায় বৈষ্ণব শাসনপ্রণালী ছিল, ইংরেজের প্রবর্তিত শাসনপ্রণালী যে, তদপেক্ষা উৎকৃষ্ট, তদ্বিষয়ে সংশয় নাই, ইংরেজ যে, নবাধিকৃত রাজ্যে শাস্তি ও শৃঙ্খলা স্থাপন করিয়াছেন, তদ্বিষয়েও ভিন্নমত নাই। কিন্তু ইংরেজের প্রবর্তিত ব্যবস্থা, ইংরেজের প্রতিষ্ঠিত শাসনশৃঙ্খলা ভিন্ন দেশে ও ভিন্ন রুচির লোকের মনঃপূত হইতে কিছু সময়ের প্রয়োজন হইয়া থাকে। লোকে দীর্ঘকাল যে শাসন-প্রণালীতে অভ্যস্ত ছিল, সহসা সেই শাসনপ্রণালী বিপর্য্যস্ত করিয়া ভিন্নরূপ ব্যবস্থা প্রচলিত করিলে, তাহাদের অভ্যাস ও রুচি অল্পসারে শাসকবর্গের কিছুকাল ধৈর্য ও সহিষ্ণুতা অবলম্বন করা আবশ্যক হয়। অরণ্যবিহারী জন্তু বা আকাশবিহারী বিহঙ্গের জায় অনভ্যস্ত মানবও ধীরে ধীরে অপরের গোষ মানিয়া থাকে। ষাঁহার। আপনাদের প্রবর্তিত প্রণালী উৎকৃষ্ট মনে করিয়া, শীঘ্র শীঘ্র ইহাদিগকে আবদ্ধ ও বশীভূত করিতে চাহেন, তাঁহারা বোধ হয় মানবপ্রকৃতির পরিজ্ঞানে সমর্থ নহেন। ইংরেজ বোধ হয়, আপনাদের নিয়মের প্রচলন সম্বন্ধে এইরূপ অজ্ঞতার পরিচয় দিয়া থাকেন। তাঁহারা সভ্যতা ও সদাশয়তার দোহাই দিয়া, আপনাদের অজ্ঞতা গোপনে রাখেন এবং অনভ্যস্ত

* রীজ সাহেব এইরূপ মত প্রকাশ করিয়াছেন।—*Siege of Lucknow, p. 35.*

লোক তাঁহাদের মঙ্গলময় নিয়মে শীঘ্র শীঘ্র অভ্যস্ত হইতে আগ্রহ প্রকাশ না করিতে তাহাদিগকে অকৃতজ্ঞ বলিয়া নির্দেশ করেন।* ফলতঃ তাঁহারা তাড়া-তাড়ি আপনাদের অভিমত প্রণালীর সফল দেখিতে ইচ্ছা করিয়া থাকেন। যেহেতু, আপনাদের বিষয়গুলি তাঁহাদের নিকটে ভাল বোধ হয়। পরদেশে পরের অসুস্থিত বিষয়গুলি মন্দ বলিয়া, তাঁহারা তৎসমুদয়ের প্রতি অবজ্ঞার ভাব প্রকাশ করিয়া থাকেন। কোন বিষয়ের সংস্কার করিতে গেলে লোকের কচি সংস্কৃত হইতে যে, কিছু সময় আবশ্যক, তাহা তাঁহাদের উদ্বোধ হয় না। অযোধ্যার ইংরেজ সিবিগিয়ানগণ বোধ হয়, এইরূপ ভ্রান্তির বশবর্তী হইয়া তাড়াতাড়ি আপনাদের অভিমত বিষয়গুলির প্রচলনে উদ্বৃত্ত হইয়াছিলেন। তাঁহারা অভিনব নিয়মের জন্ত দায়ী না হইতে পারেন, যেহেতু কলিকাতা হইতে উহার উপস্থিতি হইয়াছিল। কিন্তু কালবিলম্ব করিতে তাঁহাদের ইচ্ছা হয় নাই। তাঁহারা ধৈর্য্যসহকারে সূচনায়ের প্রতীক্ষা করেন নাই। কিছুকাল পরে একজন সমদর্শী, অভিজ্ঞ রাজপুরুষ প্রধান কমিশনরের পদে প্রতিষ্ঠিত ও অভিনব কর্মক্ষেত্রে অবতীর্ণ হইয়াছিলেন বটে, কিন্তু ইহার পূর্বেই হঠকারী রাজকর্মচারীগণ সকল বিষয়ের সংস্কার করিতে গিয়া, একরূপ বিপ্লব ঘটাইয়াছিলেন যে, তাহার নিবারণের জন্ত বহুসংখ্য সৈনিকবলের প্রয়োজন হইয়াছিল।

লক্ষ্যোক্তে-সম্মোক্ষিত মুসলমানদিগের অভাব ছিল না। গাজী ও ফকীরগণ উদ্দীপনাময়ী বক্তৃতা করিয়া, ধর্ম্মের জন্ত সজাতিদিগকে আত্মজীবনের উৎসর্গ করিতে উত্তেজিত করিত। এইরূপ এক জন ফকীর বক্তৃতাকালে দ্রুত হয়। দণ্ডস্বরূপ তাহাকে ১০০ বা বেত মায়া হয়। লক্ষ্যোনিবাসী মুসলমানগণ ইতঃপূর্বে ব্রিটিশ গবর্ণমেন্টের উপর বিরক্ত হইয়া উঠিয়াছিল। তাহাদের পূর্বতন স্বস্তি বিলুপ্ত হইয়াছিল, তাহাদের খাণ্ড দ্রব্যের মূল্য বৃদ্ধি পাইয়াছিল, করভারে তাহাদের কষ্টের একশেষ ঘটয়াছিল, ইহার উপর যখন তাহারা আপনাদের শ্রদ্ধাস্পদ ধর্ম্মপ্রচারকদিগের বক্তৃতা শুনিতে লাগিল। ফিরঙ্গীর শাসনে তাহাদের চিরপরিব্রজ ধর্ম্মের অবমাননা ঘটিবে, তাহাদিগকে অস্পৃশ্য

* কে সাহেব এই ভাবে উপস্থিত বিষয়ের উল্লেখ করিয়াছেন।—*Kaye, Sepoy War, Vol. III, p. 427.*

দ্রব্য স্পর্শ ও অখাদ্য দ্রব্য ভোজন করিতে হইবে, উক্ত ধর্মপ্রচারকগণ যখন তাহাদিগকে ইহাই বুঝাইতে লাগিলেন, তখন তাহারা অধিকতর অস্থির হইয়া উঠিল। নিদাক্ষণ বিদেহ-বাহু তাহাদের হৃদয়ের প্রতিস্তর দধু করিতে লাগিল। তাহারা ইহার জ্বালাময়ী যাতনায় উত্তেজিত হইয়া, প্রতিহিংসার তৃপ্তিসাধনের স্বযোগ দেখিতে লাগিল।

ইংরেজ বাহাদের উপর প্রধান প্রধান কর্মের ভার সমর্পণ করিয়াছিলেন, তাহাদের মধ্যে কেহ কেহ নিরতিশয় দুর্নীতিপরায়ণ ও অত্যাচারী ছিল। এই-রূপ অজ্ঞাতকুলশীল ব্যক্তি ইংরেজের প্রিয়পাত্র হইয়া নানারূপে অত্যাচার করিত। লক্ষ্মীয়েব কোতয়াল ব্রিটিশ গবর্ণমেন্টের প্রতি সাতিশয় অল্পরোগ প্রকাশ করিত, গবর্ণমেন্টের কার্যসাধনে সর্বদা ব্যাঘ্র থাকিত। কিন্তু লোকের মধ্যে ইহার কিছুমাত্র প্রতিপত্তি ছিল না। ইংরেজ রাজপুরুষগণ ব্যতীত আর কেহ ইহার কার্যে সমস্তোষ প্রকাশ করিত না। রাজপুরুষগণ বোধ হয়, ইহার প্রকৃতি জানিতেন না। এই ব্যক্তি যেক্রপ চুরাচার, সেইরূপ কুঅরুতিপরায়ণ ছিল। ইহার অত্যাচারে পিতা দুহিতার সম্বন্ধস্বাক্ষর জন্ম সর্বদা সতর্ক থাকিত, স্বামী স্ত্রীর সম্মাননাশের আশঙ্কায় উদ্ভিগ্ধভাবে কাশ্যাপন করিত।* এইরূপ দৌরাভ্যে লোকে ইংরেজ রাজপুরুষদিগের প্রতি প্রথমে তাদৃশ অল্পরোগ প্রকাশ করে নাই।

অযোধ্যা যখন ইংরেজ রাজপুরুষদিগের শাসনদণ্ডের পরিচালনায় এইরূপ তরঙ্গায়িত হইয়াছিল, তখন স্তার হেনরি লরেন্স তথায় উপস্থিত হয়েন। তিনি ২০শে মার্চ প্রধান কমিশনরের কার্যভার গ্রহণ করেন। পূর্বে উক্ত হইয়াছে যে, এই প্রধান রাজপুরুষ অনেক প্রধান গুণে অলঙ্কৃত ছিলেন। তিনি ভারত-বর্ষীয়দিগের সহিত মিশিতেন, ভারতবর্ষীয়দিগের মনের ভাব জানিতেন, ভারত-বর্ষীয়দিগকে স্নেহের চক্ষে দেখিতেন, ভারতবর্ষীয়দিগের উপকারসাধনে ও অসন্তোষনিবারণে উজ্জত থাকিতেন। তাহার দারুণা ছিল যে, ইউরোপীয়গণ সময়ের প্রতীক্ষা না করিয়াই, তাড়াতাড়ি আপনাদের শাসনপ্রণালীর অভিমাতে ভারতবর্ষীয় শাসনপ্রণালীর গোরব নষ্ট করেন। ভারতবর্ষীয়দিগের যে, নানা-

* Rees, *Siege of Lucknow*, p. 35-36.

রূপ অসন্তোষের কারণ বিজ্ঞানমান রহিয়াছে, এ বিষয়ে তাঁহার বিশ্বাস ছিল। জিঙ্গি এই বিশ্বাসের বশবর্তী হইয়া, আপনাদের শাসনপ্রণালীর শৃঙ্খলাসাধনে এবং অযোধ্যাবাসীদিগের অসন্তোষনিবারণে যত্ন প্রকাশ করিয়াছিলেন।* তিনি এই সময়ে গবর্ণর-জেনারেল এবং আপনার আত্মীয়বর্গের নিকটে যে সকল পত্র লিখিয়াছিলেন, তৎসমুদয়ে অযোধ্যার অবস্থা সম্বন্ধে তদীয় মনোগত ভাব পরিষ্কৃত হইয়াছিল। রাজপুরুষগণ যে, তাড়াতাড়ি সংস্কার করিতে গিয়া, বিপ্লবের বীজ রোপণ করিতেছিলেন, ইহা তাঁহার স্পষ্ট বোধ হইয়াছিল। এপ্রিল মাসে তিনি গবর্ণর জেনারেলের নিকটে যে পত্র প্রেরণ করেন, তাহাতে এই ভাবে আপনার অভিমত প্রকাশ করিয়াছিলেন—“অতি শীঘ্র এবং অতি কঠোরভাবে নগরের উন্নতিসাধন করা হইয়াছে। বাড়ীগুলি তাড়াতাড়ি ভাঙ্গিয়া ফেলাতে লোকের অসন্তোষ বৃদ্ধি পাইয়াছে। ধর্মমন্দির, অস্ত্রাস্ত্র গৃহ এবং খালিজমী গবর্ণমেন্টের সম্পত্তি বলিয়া গ্রহণ করাতেও এইরূপ অসন্তোষের উৎপত্তি হইয়াছে। আমি এই সকল স্থানের অধিকাংশ নিজে দেখিয়াছি, এতৎসংস্পর্শে লোকদিগকে শান্ত করিয়াছি এবং কর্তৃপক্ষের উপযুক্ত আদেশ ব্যতীত এইরূপ সম্পত্তিগ্রহণ ও বাড়ী ভাঙ্গিয়া ফেলার প্রতিবেদন করিয়া দিয়াছি। রাজস্ব-গ্রহণের প্রণালীও সাতিশয় অসন্তোষজনক হইয়াছে। গত বৎসর এরূপ বদ্ধিত-হারে কর নির্দ্ধারিত হইয়াছিল যে, মোটের উপর শতকরা ১৫, ২০, ৩০ এমন কি ৫৫ টাকা পর্য্যন্ত রাজ্যানা বাদ দিতে হইয়াছিল। তালুকদারদিগের সহিতও সাতিশয় কঠোর ভাবে ব্যবহার করা হইয়াছে। এক কৈজাবাদবিভাগে তালুকদারগণ আপনাদের অধিকৃত পল্লীর অর্দ্ধাংশ, কেহ কেহ সমুদয় পল্লীর স্বত্বচ্যুত হইয়াছেন।”† অ্যার হেন্স লরেন্স এইরূপে অযোধ্যাবাসীদিগের অসন্তোষের উল্লেখ করিয়াছিলেন, এইরূপ অসন্তোষের প্রতীকারে তাঁহার যত্ন পরিলক্ষিত হইয়াছিল। কিন্তু বহুবিলম্বে তিনি অভিনব কর্মক্ষেত্রে অবতীর্ণ হইয়াছিলেন। ধুমায়মান বহির্দীরে ধীরে প্রজলিত হইয়া উঠিতেছিল, বহুবিলম্বে চেষ্টা হওয়াতে উহা নির্বাপিত হয় নাই।

* *Gubbins, Mutinies in Oudh*, p. 3.

† *Kaye, Sepoy War. Vol. III, p. 429.*

স্বার হেনরি লরেন্সের বিশ্বাস ছিল যে, যতদিন প্রজাবর্গকে সরলভাবে বিশ্বাস করা যায়, সরলভাবে প্রজাবর্গের মঙ্গলসাধনে উত্তম থাকা যায়, ততদিন রাজ্যের শান্তি নষ্ট হইবার বা প্রজাবর্গ হইতে কোনরূপ বিপদ ঘটবার আশঙ্কা থাকে না। তিনি এই বিশ্বাসপ্রযুক্ত সৈনিকদিগের প্রতি সদয়-ভাবপ্রকাশে উত্তম হইয়াছিলেন। অযোধ্যায় ইউরোপীয় পদাতি সৈন্য অধিক ছিল না। সমগ্র প্রদেশের মধ্যে এক্ষেত্রে কেবল ৩২ সংখ্যক ইউরোপীয় পদাতি সৈনিকদল অবস্থিতি করিতেছিল। বাহা ইউক, এগ্রিগ মাস পর্য্যন্ত এই নবাবী-কৃত প্রদেশে অশান্তির কোনরূপ নিদর্শন লক্ষিত হয় নাই। যে বিস্তৃত জলরাশি আন্তরগপটের স্থায় স্থিরভাবে ছিল, প্রকৃতির কোনরূপ চাঞ্চল্যে তাহা আলোড়িত বা ভরসামাকুল হয় নাই। ইংরেজের প্রবর্তিত রীতি অল্পসংখ্যক রাজ্যের শাসনকার্য্যনির্বাহ হইতেছিল। ইংরেজ আপনাতত্ত্ব অত্যন্ত কর্ম-পটুতার সহিত রাজ্যশাসনসংক্রান্ত যাবতীয় বিষয় সম্পন্ন করিতেছিলেন। সমগ্র প্রদেশ চারি বিভাগে এবং বার জেলায় বিভক্ত হইয়াছিল। প্রতি বিভাগে এক এক জন কমিশনার এবং প্রতি জেলায় এক এক জন ডেপুটি কমিশনার নির্দিষ্ট কর্মসম্পাদনে ব্যাপৃত ছিলেন। সমগ্র বিভাগের উপর প্রধান কমিশনার কর্তৃত্ব করিতেছিলেন। উত্তরপশ্চিম প্রদেশ দীর্ঘকাল হইতে ইংরেজের অধিকারে ছিল। ইংরেজও দীর্ঘকাল হইতে উহার স্বশাসনের ক্ষমতা ও পরিশ্রম করিয়া আসিতেছিলেন। এই স্বশাসিত প্রদেশের তুলনায় অযোধ্যায় গুরুতর অপরাধের সংখ্যা অধিক ছিল না। ইংরেজ এই সম্পত্তিবহুল প্রদেশ অধিকার করিয়া সন্তুষ্ট ছিলেন। অধিবাসদিগের প্রশান্ত্যাব দর্শনে তাঁহাদের হৃদয় উবেল সাগরের স্থায় প্রসন্নভাবে অধীর হইয়া উঠিয়াছিল। কিন্তু এই-রূপ প্রসন্নতা দীর্ঘকাল থাকিল না। মে মাসের প্রারম্ভে স্থানে স্থানে অশান্তির নিদর্শন লক্ষিত হইতে লাগিল। নবাবীকৃত প্রদেশও উচ্ছৃঙ্খলতাবের অভিঘাতে চঞ্চল হইয়া উঠিল।

মে মাসের প্রারম্ভে অযোধ্যার ৭ সংখ্যক অনিয়মিত পদাতিদল টোটার ব্যবহারে অসম্মতি প্রকাশ করিল। অধিনায়কেরা তাহাদিগকে আপনাদের আদেশানুবর্তী করিতে চেষ্টা করিতে লাগিলেন, কিন্তু চেষ্টা ফলবতী হইল না। তাহাদিগকে কাওয়ারের ক্ষেত্রে সমবেত করা হইল। রিগেডিয়ার অনেক

বুঝাইলেন, কিন্তু এই চেষ্টা ব্যর্থ হইল। যখন সিপাহীগণ বশীভূত হইল না, তখন স্ত্রার হেনরি লরেন্স্ বলপ্রকাশ পূর্বক তাহাদের নিরস্ত্রীকরণে উদ্যত হইলেন। উক্ত সিপাহীদলকে যখন টোটার কথা বুঝাইয়া দেওয়া হইয়াছিল, তখন তাহারা কহিয়াছিল যে, অস্ত্রাশ্রয় সৈনিকদল টোটার ব্যবহারে আপত্তি করিয়াছে। তাহাদেরও ঐরূপ আপত্তি আছে। এই সকল সিপাহী ৪৮ সংখ্যক পদাতিদলকে আপনাদের সহায়তা করিবার জন্য পত্র লিখিয়াছিল। ঘটনাক্রমে এই পত্র অত্র একজন তরুণবয়স্ক সিপাহীর হস্তগত হয়। উক্ত সিপাহী উহা আপনাদের সুবাদারকে দেখায়। সুবাদার সেনক তেওয়ারি, হাবিলদার হীরলাল দোবে এবং রামনাথ দোবে, ৪৮ সংখ্যক দলের এই তিন সৈনিক পুরুষ ঐ পত্র ইউরোপীয় অধিনায়কের নিকটে সমর্পণ করেন। স্ত্রার হেনরি লরেন্স্ এই ঘটনায় আর কালমিলদ করিলেন না। তিনি আপনার সকল কার্য্যে পরিণত করিতে উদ্যত হইলেন। ১০ মে রাত্রিকালে উক্ত সিপাহীগণ কাওয়ারজের ক্ষেত্রে সমবেত হইল। এই সময়ে চারি দিক নিস্তক ছিল। উজ্জল চন্দ্রালোকে চারি দিক উদ্ভাসিত হইয়াছিল। অপরাধী সৈনিকদলের সমক্ষে গোলাপূর্ণ কামান সকল সজ্জিত ছিল। ইউরোপীয় পদাতিদল অস্ত্রশস্ত্র লইয়া, তাহাদের নিকটে দণ্ডায়মান ছিল। স্ত্রার হেনরি লরেন্স্ সন্নিবেশিত কামান ও সিপাহীদিগের মধ্যে অবস্থিতি করিতেছিলেন। গোলন্দাজগণ প্রজ্জলিত বর্ষা হস্তে লইয়া কামানের পার্শ্বে ছিল। এই দৃশ্যে সিপাহীগণ মনে ভাবিল যে, তাহাদিগকে কামানে উড়াইয়া দেওয়া হইবে। সুতরাং তাহারা স্থির থাকিতে পারিল না, অবিলম্বে উদ্ভৃতাস্ত্রভাবে কাওয়ারজের ক্ষেত্র হইতে পলায়ন করিল। ১২০ জন মাত্র আপনার স্থানে দণ্ডায়মান রহিল। ইহাদিগকে অস্ত্রাদি পরিত্যাগ করিতে আদেশ দেওয়া হইল। ইহারা তৎক্ষণাৎ উহা পরিত্যাগ করিল। ইহার পর স্ত্রার হেনরি লরেন্স্ এই সিপাহীদিগের সহিত নানা বিষয়ে কথাবার্তা কহিতে লাগিলেন। ইতঃপূর্বে নগরের তিন ব্যক্তি সৈনিকনিবাসে গিয়া ১৩ সংখ্যক দলকে গবর্ণমেন্টের বিরুদ্ধে সমুথিত হইতে পরামর্শ দিয়াছিল। ঐ দলের হুশেন বক্স নামক একজন সিপাহী ইহাদিগকে ধরাইয়া দেয়। স্ত্রার হেনরি লরেন্স্ প্রকাশ্য দরবারে এই বিখ্যস্ত সিপাহীদিগকে পুরস্কৃত করিতে ইচ্ছা করেন।

ভার হেনরী লরেন্স এই সময়ে মরিয়াওন্ সৈনিকনিবাসে ছিলেন । ১২ই মে দূর্য্যাস্তসময়ে তাঁহার গৃহের সম্মুখে দরবার হইল । দরবারের দৃশ্য যেরূপ চিত্তাকর্ষক, সেইরূপ গভীরভাবের উদ্ভেজক হইয়াছিল । উপবেশনের স্থান কার্পেটে আচ্ছাদিত ছিল । দর্শকদিগের জন্ত আসনগুলি দরবারের স্থানের তিন দিকে সাজাইয়া রাখা হইয়াছিল । উহার পশ্চাৎগে সিপাহীগণ আপনাদের বিনয়-নব্রতা দেখাইবার জন্ত প্রশান্তভাবে, প্রধান কমিশনরের কথা শুনিবার জন্ত ঔৎসুক্যসহকারে, দণ্ডায়মান রহিয়াছিল । যে সকল সিপাহী বিশ্বস্ততার অস্ত্র পুরস্কারযোগ্য হইয়াছিল, তাহাদের পুরস্কারের দ্রব্যাদি সকলের সমক্ষে স্থাপিত ছিল ।

নির্দিষ্ট সময়ে প্রধান কমিশনর দেওয়ানি ও সৈনিকবিভাগের প্রধান কর্মচারীদিগের সহিত দরবারের স্থানে উপস্থিত হইয়া, সিপাহীদিগকে সম্বোধন পূর্ব্বক সরল হিন্দীভাষায় এইভাবে বক্তৃতা করিলেন যে, অপরের ধর্ম্মে হস্তক্ষেপ করা ব্রিটিশ গবর্ণমেন্টের নীতি নয় । গত এক শত বৎসরে ভারতবর্ষে ধর্ম্ম সংক্ষে অনেক অত্যাচার হইয়াছে । ব্রিটিশ গবর্ণমেন্ট এই অত্যাচার নিবারণ করিয়া, সকল ধর্ম্মাবলম্বীর প্রতি সমদর্শিতা দেখাইতেছেন । গবর্ণমেন্টের যেরূপ সৈনিকবল, সেইরূপ অর্থবল আছে । গবর্ণমেন্ট অল্প সময়ের মধ্যে বিলাত হইতে বহুসংখ্যক সৈনিকপুরুষ আনিতে পারেন । সৈনিকবলে এইরূপ সহায়-সম্পন্ন, অর্থবলে এইরূপ ক্ষমতাপন্ন গবর্ণমেন্টের উদ্দেশ্যে চেষ্টা করা বাতুলতার লক্ষণ । ইনি (প্রধান কমিশনর) নিজের লাভের জন্ত এখানে আইসেন নাই । এই প্রদেশের অধিবাসীদিগকে স্বখে ও শান্তিতে রাখিবার জন্ত তাঁহাকে এই গুরুতর কাযভার গ্রহণ করিতে হইয়াছে । সিপাহীরা বহু বৎসর হইতে নিম্নক পাইতেছে, বহু বৎসর হইতে তাহারা বংশপরম্পরায় কোম্পানির কার্যসাধনে নিয়োজিত রহিয়াছে এবং বহুবৃদ্ধে আপনাদের বিশ্বস্ততা ও বীরত্বের পরিচয় দিয়া, কোম্পানির প্রাধাত্য বদ্ধমূল করিয়াছে । ইহারা যুদ্ধের সময়ে আপনাদের আফিসারদিগের সহিত নানা কষ্ট সহিয়া, যেরূপ অকৃত্রিম সৌহৃদ্য দেখাইয়া আসিতেছে, তাহা ইহাদের মনে রাখা উচিত । * এই ভাবে বক্তৃতা করিয়া, ভার হেনরী লরেন্স বিশ্বস্ত সিপাহীদিগকে স্বহস্তে পারিতোষিক

দিলেন। তাঁহার বক্তৃতা বেক্রপ ওজ্বলিত, সেইরূপ মনোহারিণী হইয়াছিল। উহার প্রত্যেক কথা শ্রোতৃবর্গের হৃদয়ে প্রবেশ করিয়াছিল। দরবার সান্ত্ব হইল। প্রধান কমিশনের আপনার কর্তব্য যথারীতি সম্পাদন করিলেন। গবর্ণমেন্টের কর্মচারী ও দর্শকগণ সন্তুষ্ট হইলেন। ইংরেজ এবং এতদেশীয় আফিসারগণ আশ্চর্য্যভাবে পরস্পরের সহিত কথাবার্তা কহিতে লাগিলেন। শেষোক্ত আফিসারগণ ব্রিটিশ গবর্ণমেন্টের সৌজন্য ও সদাশয়তায় পরিতুষ্ট হইয়া, আপনাদের অভুভক্তি ও বিশ্বস্ততা দেখাইতে লাগিলেন। সিপাহী-গণ পূর্ব্বের তায় প্রশান্তভাবে দরবারস্থল পরিত্যাগ করিল। এসময়ে সকলের মুখেই প্রসন্নতার চিহ্ন পরিদৃষ্ট হইয়াছিল। সকলের ব্যাধারে, সকলের কথাতে, সকলের মুখভঙ্গীতে এসময়ে স্পষ্টতঃ সারল্যের পরিচয় পাওয়া গিয়াছিল। কিন্তু এই সরলভাবে দীর্ঘকাল থাকিবে কি না, ইহাই তখন কর্তৃপক্ষের বিবেচ্য হইয়াছিল। জার হেনরি লরেন্স কহিয়াছিলেন যে, এক পক্ষ কাল তাহাদিগকে সাতিশয় চিন্তাবৃত্ত থাকিতে হইবে। এই এক পক্ষের মধ্যেই, তাহারা যাহার অল্প চিন্তিত ছিলেন, তাহাই ঘটিল। বক্তৃতার মোহিনী শক্তিতে, যুক্তিপূর্ণ আশ্বাসবাক্যে, কর্তৃপক্ষের সদয়ব্যবহারে, সিপাহীগণ দীর্ঘকাল বিমুগ্ধ রহিল না। যে উদ্ভেজন তাহাদিগকে বিচলিত করিয়া তুলিয়াছিল, তাহাই শেষে তাহাদিগকে সংহারক কার্য্যসাধনে প্ররোচিত করিল।

লক্ষৌ গোমতীর দক্ষিণতটে অবস্থিত। নগরের দৈর্ঘ্য প্রায় পাঁচ মাইল। উহার অট্টালিকা প্রভৃতি উপস্থিত সময়ে প্রায় সাত মাইল ব্যাপিয়া রহিয়াছিল; নগরে প্রায় দুই লক্ষ সৈনিক এবং বহু সংখ্যক অস্ত্রধারী লোক অবস্থিতি করিতেছিল।* নদীর উভয়তীরে মরিয়াওন, মুর্দকিপুর প্রভৃতি স্থানে এতদেশীয় সৈনিকনিবাস ছিল। অপর তটবর্তী সৈনিকনিবাস হইতে নগরে আসিবার অল্প লোহসেতু ছিল; এই সেতুর নিকটে আর একটি পাথরের সেতু ছিল,† এবং নদীর কিয়দূর ভাটিতে নৌসেতু রহিয়াছিল। লোহসেতুর নিকটে উন্নত প্রাচীরে পরিবেষ্টিত, মজ্জিভবননামক পুরাতন, বিস্তৃত অট্টালিকা ছিল। এক সময়ে এই অট্টালিকায় অনেক প্রসিদ্ধ ঘটনার আবির্ভাব

* Raikes, Notes on the Revolt &c. p. 104.

† নাম পাথরের সেতু বটে কিন্তু উহা পাকা ইটে প্রস্তুত হইয়াছিল।

ও তিরোভাব হইয়াছিল । উপহৃত সময়ে উহাতে দ্রব্যাদি থাকিত । এই অট্টালিকা যেরূপ স্থলে অবস্থিত এবং উহার আয়তন ধরূপ বৃহৎ, তাহাতে উহা একটি চূর্ণরূপে ব্যবহৃত হইতে পারিত । কিন্তু অট্টালিকার অবস্থা ভাল ছিল না । কাল উহার ক্ষয়সাধন করিতেছিল । বিপক্ষের আক্রমণে এই পুরাতন বাড়ী যে, দীর্ঘকাল অক্ষতভাবে থাকিবে, তদ্বিময়ে সংশয় ছিল । স্থানীয় লোকে প্রথমে উহার ক্ষয়স্থায়িত্ব স্পষ্টরূপে বুঝিতে পারিয়াছিল । মীতাপুরের অতিরিক্ত সহকারী কমিশনার কুতলুআলি খা এক সময়ে মজিভবন সম্বন্ধে লিখিয়াছিলেন যে, যদি ইংরেজের কামান এই বাড়ী ফেলিয়া না দেয়, তাহা হইলে বিপক্ষের গোলা উহার ধ্বংসসাধন করিবে । এই বিস্তৃত অট্টালিকা রাখা হইবে কি পরিত্যাগ করা যাইবে, তৎসম্বন্ধে তর্কবিতর্ক হইতে লাগিল । অবশেষে উহাতে নানাবিধ দ্রব্য ও অস্ত্রাদি রাখা হইল । চারি পার্শ্বে যে সকল বাড়ী ছিল, তৎসমুদয় পাছে বিপক্ষদিগের আশ্রয়স্থল হয়, এই আশঙ্কায় বাড়ীগুলি ভাঙ্গিয়া ফেলিবার প্রস্তাব হইল । জার্স হেনরি লরেন্স্ ম্যাসিয়ার উদারপ্রকৃতি ছিলেন । তিনি অধিকারীদিগকে না জানাইয়া এবং সমুচিত মূল্য না দিয়া, বাড়ীগুলি ভাঙ্গিয়া ফেলিতে সম্মত হইলেন না । অধিকারীদিগের আবাসগৃহ ভাঙ্গিয়া ফেলা নিঃসন্দেহ কঠোরতার কৰ্ম্ম । বিশেষতঃ সমুচিত মূল্য না দিলে এই কঠোরতা অধিকতর মৰ্ম্মপিড়ার কারণ হইয়া থাকে । প্রধান কমিশনার সহযোগীদিগের প্রস্তাবে সম্মত হইলেন । উপযুক্ত অর্থের গনিমতে প্রস্তাব কার্য্যে পরিণত হইল । কিন্তু আবাসগৃহ বাতীত স্থানে স্থানে ধৰ্ম্মমন্দির ছিল । বিপক্ষেরা মসজিদের চুড়ার অন্তরালে থাকিয়া ইংরেজদিগের উপর গুলিবৃষ্টি করিতে পারে, এইরূপ আশঙ্কার কারণ বর্তমান ছিল । ইহাতেও ধৰ্ম্মভীক্ষ প্রধান কমিশনার ধৰ্ম্মমন্দিরের সম্মান বিনষ্ট করিতে সম্মত হইলেন না । তিনি সহযোগীদিগকে মন্দিরগুলি রাখিতে বলিলেন । স্মৃতরাং পবিত্র স্থানগুলি অক্ষতভাবে রহিল । উত্তরকালে এই পবিত্র স্থান যে, মারাত্মক কার্য্যসাধনের সহায় হইবে, ধৰ্ম্মপ্রাণ শাসনকর্ত্তা ইহা ভাবিয়াও প্রজাবর্গের চিরস্থান ধৰ্ম্মে আঘাত করিতে লাহন্য হইলেন না ।

ইউরোপীয় সৈনিকদলের বাসগৃহগুলি নগরের কিয়দূরে রেসিডেন্সের প্রায় দেড় মাইল পূর্বে গোমতীর বাকের দিকে ছিল, একটি পাহাড় গোমতীর

দিকে অবনত হইয়া পড়িয়াছে। গোমতীর তটে এই পাহাড়ের উপর হৃদয়ঙ্গম ত্রিভল বাটী—রেসিডেন্সি অবস্থিত। রেসিডেন্টের বাসের জন্ত ১৮০০ অব্দে নবাব সাদত আলি কর্তৃক এই অট্টালিকা নির্মিত হয়। রেসিডেন্সিতে কতকগুলি তরখানা অর্থাৎ ভূমধ্যস্থ কুঠরী আছে। অবরোধের সময়ে এই গৃহগুলি ওই সংখ্যক পদাতিদিগের মহিলা এবং বালকবালিকাদিগের আশ্রয়স্থান হয়। * রেসিডেন্সি এবং উহার সীমার মধ্যস্থিত যাবতীয় গৃহ সাধারণের মধ্যে বেলিগার্ড নামে পরিচিত।† সহরে অধোদ্যায় নিয়মিত সিপাহীগণের অবি-কাংশ অবস্থিত করিতেছিল। পক্ষান্তরে অনিয়মিত সিপাহীদলের অনেকে গবর্ণমেন্টের কার্যালয়ের পাহারার জন্ত নিয়োজিত ছিল।

এই সকল সিপাহীসহসা উত্তেজিত হইয়া উঠিলে বিপদ ঘটবার সম্পূর্ণ সম্ভাবনা ছিল। প্রধান কমিশনার সর্বপ্রথম এই সিপাহীদিগের বলহানি করিতে সচেষ্ট হইলেন। প্রহরীদিগের সংখ্যা কমাইয়া উহাদিগের মধ্যে ইউরোপীয় সৈনিকদিগকে রাখা হইল। সৈনিকনিবাস, ধনাগার প্রভৃতির রক্ষার ভার প্রধানতঃ সিপাহীদিগের উপর সমর্পিত ছিগ। ইউরোপীয়দিগের জীবন ও সম্পত্তি এ সময়ে একরূপ সিপাহীদিগের উপর নির্ভর করিতেছিল। রেসিডেন্সির সীমার মধ্যে ধনাগার ছিল। ধনাগারে নগদ ৩০ লক্ষ টাকা এবং উহা অপেক্ষা অধিক মূল্যের কোম্পানির কাগজপ্রভৃতি রক্ষিত হইতেছিল। ধনাগাররক্ষক সিপাহীদিগকে হানাস্তরিত করিবার প্রস্তাব হইল। গাবিন্স সাহেব প্রথমতঃ এই প্রস্তাব উত্থাপন করিলেন। কিন্তু এক দিকে যেরূপ প্রস্তাবের অস্বীকার্য ছিল, সেইরূপ প্রতিকূলযুক্তিও উহার বিরুদ্ধপক্ষ সমর্থন করিতেছিল। জার্স হেনরি লরেন্স প্রতিকূলযুক্তির কথা বলিলেন। সিপাহীগণ ধনাগাররক্ষার কর্ত্ত্ব হইতে অপসারিত হইলে তাহারা ভাবিবে যে, তাহারা কর্ত্ত্বপক্ষের অবি-শ্বাসের পাত্র হইয়াছে। এইরূপ মনোগতভাব হইতে উত্তেজনার উৎপত্তি হইবে, এবং তৎসঙ্গে মহাবিপ্লবের স্বত্রপাত ঘটবে। কিন্তু যখন সৈনিকনিবাসের প্রধান

* J. Browne, Lucknow and its Memorial of the Mutiny, p. 1.

† কর্ণেল বেলি যখন অধোদ্যায় রেসিডেন্ট ছিলেন, তখন তিনি সর্বপ্রথম এই গৃহের বহির্দ্বারে প্রহরীদিগকে রাখেন। একজন স্বাবদায় উহাদের অধ্যক্ষ হয়। এই জন্ত বেলিগার্ড নাম হইয়াছে।—Malleon, Indian Mutiny, Vol. I. p. 361, note.

কর্মচারীগণ অল্পকূল প্রস্তাবের সমর্থন করিলেন, তখন স্ত্রাস্ হেন্‌রি লরেন্সকে প্রতিকূলপক্ষ পরিত্যাগ করিতে হইল। রেসিডেন্সিতে ইউরোপীয় সৈন্ত রাধিবার বন্দোবস্ত হইতে লাগিল। যে সকল কাগজপত্র ভিন্ন ভিন্ন ঘরে ছিল, তৎসমুদয় স্বতন্ত্র স্থানে লইয়া যাওয়া হইল। এইরূপে কতকগুলি ঘর খালি হইলে, ইউরোপীয় সৈন্ত এবং রক্ষণীয় ইউরোপীয় আতুর এবং বালকবালিকাদিগের স্থান নির্দেশ করিয়া দেওয়া হইল।

ইহার মধ্যে তাড়িতবার্তাবাহ লক্ষ্যোতে আতঙ্কজনক বার্তা আনিয়া দিতে লাগিল। প্রথম দিন যে সংবাদ পাওয়া গেল, তাহা কর্তৃপক্ষের নিকটে অতিরঞ্জিত বোধ হইল। দ্বিতীয় দিনের সংবাদ পূর্বাপেক্ষা অধিকতর ভয়াবহ হইল। মীরট ও দিল্লীর ঘটনায় স্ত্রাস্ হেন্‌রি লরেন্স চমকিত হইলেন। অতীত স্থানের স্ত্রাস্ এই স্থানেও সংবাদ আসিল যে, দিল্লী মোগলের অধিকৃত হইয়াছে। বৃদ্ধ বাহাদুর শাহ সম্রাটের পদে প্রতিষ্ঠিত হইয়াছেন। এই আতঙ্কজনক সংবাদ পাইয়া, স্ত্রাস্ হেন্‌রি লরেন্স সৈনিকবিভাগে কর্তৃত্ব করিবার অধিকারপ্রাপ্তির জন্য গবর্নর-জেনেরলের নিকটে টেলিগ্রাম করিলেন। লর্ড কানিং সম্ভ্রামসহকারে তাঁহার প্রার্থনায় সম্মত হইলেন। স্ত্রাস্ হেন্‌রি লরেন্স এইরূপে বিগ্রেডিয়ার-জেনেরলের পদে প্রতিষ্ঠিত হইয়া, সৈনিকবিভাগের উপর কর্তৃত্ব করিতে উত্তত হইলেন।

নানাস্থানে নানারূপ সংবাদে সিপাহীগণ ক্রমে বিচলিত হইয়া উঠিতে লাগিল। তাহাদের কার্যপ্রণালীর স্থিরতা ছিল না। তাহাদের মধ্যে একতাও ছিল না। অনৈক্য ও পরস্পরের বিভিন্ন মতে তাহাদের বলক্ষয় হইয়াছিল। একপক্ষ অবিলম্বে যুদ্ধের উদ্যোগ করিতে চাহিলেও, অপরপক্ষ কিছুকাল প্রতীক্ষা করিবার প্রস্তাব করিল। এইরূপ দোলায়মানচিত্ত সিপাহীগণ দীর্ঘকাল যে, প্রশান্তভাবে থাকিবে, তাহার কোন সম্ভাবনা ছিল না। স্ত্রাস্ হেন্‌রি লরেন্স সিপাহীদিগের প্রকৃতি-ভালরূপে বুঝিতেন। অতীত স্থানে বাহা ঘটয়াছিল, ইনি তদ্বিষয়ের স্মৃতিস্মরণরূপে পর্যালোচনা করিয়া দেখিয়াছিলেন। পঞ্জাবের সিপাহীগণ নিরস্ত্রীকৃত হইয়াছিল। লক্ষ্যোতেও অনায়াসে সিপাহীদিগকে নিরস্ত্রীকৃত করিতে পারা যাইত, কিন্তু স্ত্রাস্ হেন্‌রি লরেন্স কেবল লক্ষ্যের শাসনকর্তা ছিলেন না, সমগ্র অযোধ্যাপ্রদেশ তাঁহার শাসনাধীন ছিল। এক

স্থানের সিপাহীগণ নিরস্ত্রীকৃত হইলে অল্প স্থানের সশস্ত্র সিপাহীদিগের উত্তেজনা-বৃদ্ধির সম্ভাবনা ছিল। সুতরাং প্রধান কমিশনের সহসা সিপাহীদিগের নিরস্ত্রীকরণে উত্তত হইলেন না। সিপাহীদিগের যে সকল অস্ত্রাধ ও বিরক্তির কারণ ছিল, তৎসমুদয়ের উদ্ভুলন হইতে পারে কি না, তিনি তাহারই আলোচনা করিতে লাগিলেন। তাহার ধারণা ছিল যে, সিপাহীদিগের বিরক্তির কারণ রহিয়াছে। অন্ততঃ তাহাদের বিশ্বাস জন্মিয়াছে যে, কোম্পানি বাহাদুর তাহাদের প্রতিঅত্যাচার ব্যবহার করিতেছেন। বেতন সম্বন্ধে অযোধ্যার অনিয়মিত সৈনিকদলের অভিযোগ ছিল। তলব তাহাদের সর্বাধিকার প্রিয় বিষয়ের মধ্যে পরিগণিত। তাহারা তলবের বিনিময়ে কোম্পানির কার্যসাধনে জীবন সমর্পণ করিয়াছিল। কিন্তু কোম্পানির নির্দিষ্ট তলব তাহাদের আশাহুরূপ ছিল না। নিয়মিত সৈনিকদলের বেতন অপেক্ষা অনিয়মিত সৈনিকদলের বেতন অনেক কম ছিল। এক্ষণে উভয় দলের বেতন সমান করিবার প্রস্তাব হইল। প্রস্তাব কার্যে পরিণত হইতে বিলম্ব ঘটিল না। অনিয়মিত সৈনিকদলের বেতন নিয়মিত সৈনিকদলের বেতনের সমান করিবার আদেশ প্রচারিত হইল।

এইরূপে সিপাহীদিগকে সমস্তায়ে ও শান্তভাবে রাখিবার জন্ত বন্দোবস্ত হইল। কিন্তু সিপাহীগণ সন্তুষ্ট বা শান্ত হইল না। প্রতিদিনই তাহাদের উত্তেজনাসম্বন্ধে নানা জনরব প্রচারিত হইতে লাগিল। এই সকল জনরবে কোনরূপ নূতনত্ব ছিল না। ইউরোপীয় সৈনিকগণও তদ্বিষয়ে কোনরূপ মনোযোগ দিল না। তাহারা সিপাহীদিগের কার্যকলাপের দিকে দৃষ্টি রাখিতে লাগিল। সিপাহীগণ বাহিরে প্রশান্ত ভাব দেখাইয়া, আপনাদের কৰ্ত্তব্য কৰ্ম সম্পাদন করিতে লাগিল।

পূর্বে উক্ত হইয়াছে যে, লক্ষ্ণৌ নগরে বহুসংখ্য অট্টালিকা ও মসজিদ প্রভৃতি ছিল। এই সকল অট্টালিকার মধ্যে ফরিদবক্তা, ছত্রমঞ্জিল, শাহ নজীফ, সেকেন্দর বাগ, আমাবারা, বেগম কুঠী, কৈশর বাগ প্রভৃতি প্রধান। নগরের দক্ষিণ এবং পূর্বভাগে একটি খাল আছে, এই খালের দক্ষিণ ভাগে অনেকগুলি স্থান উপস্থিত ঘটনার জন্ত ইতিহাসে প্রসিদ্ধি লাভ করিয়াছে। ইহার মধ্যে আলমবাগ নামক স্থান প্রধান। আলমবাগ একটি প্রাচীন, সুবিস্তৃত উদ্যান, উহা নগরের দুই মাইল অন্তরে কাণপুরে যাইবার পথের পার্শ্বে অবস্থিত। এই

পথেই চারবাগ নামক আর একটি হান। সে স্থানে খালের সহিত গোমতীর সংযোগ ঘটয়াছে, সেই স্থানের কিয়দূর দক্ষিণে দিলকোশা নামক প্রাসাদ অবস্থিত। উহার নিকটে মাটিনিয়ার কলেজ রহিয়াছে। রেসিডেন্সের উপরে দণ্ডায়মান হইলে নগরের সৌন্দর্য্য স্পষ্টরূপে অন্বেষ্য হইয়া উঠে। উহার সন্নিবিষ্ট গলি, প্রশস্ত প্রাসাদ, সুদৃশ্য মসজিদ প্রভৃতি দর্শকের নিকটে রমণীয় আলোচ্যের স্থান প্রতীয়মান হইয়া থাকে।

এই সুদৃশ্য নগরে আর্ হেনরি লরেন্স্ সুখে ও শান্তিতে থাকিবার ইচ্ছা করিয়াছিলেন। কিন্তু তাঁহার ইচ্ছা পূর্ণ হইল না। ঘটনাচক্রে আবর্তনে সুখ ও শান্তি তিরোহিত হইল। দুঃসহ দুঃখ ও অপ্রতিহতবিধে অশান্তির জ্বালাময়ী শিখার সমগ্র নগর পরিব্যাপ্ত হইয়া উঠিল।

ইউরোপীয়গণ এতদিন সিপাহীদিগের গতিবিধি পর্য্যবেক্ষণ করিতেছিলেন। কিন্তু এই পর্য্যবেক্ষণে সিপাহীদিগের সঙ্কল্পশিক্তির পথ অবলম্বন করিয়াছিল। মে মাসের শেষে তাঁহাদের সঙ্কল্প কার্য্যে পরিণত হইল। ১০মে রাজকালে স্থার হেনরি লরেন্স্ মরিয়াননের সৈনিকনিবাসে, রেসিডেন্সগৃহে, আপনার সহচরবর্গের সহিত আহার করিতেছিলেন, এমন সময়ে তদীয় অন্ততম সহচর তাঁহাকে কহিলেন যে, আজ ৯টার ভোপ হইবামাত্র সিপাহীরা তাঁহাদের বিরুদ্ধাচরণে প্রবৃত্ত হইবে। এষ্ট কথা বলিবার পরেই ৯টার ভোপ হইল, কিন্তু সিপাহীদিগের বিরুদ্ধাচরণের কোন নিদর্শন লক্ষিত হইল না। স্থার হেনরি লরেন্স্ হাসিয়া সহচরকে কহিলেন—“আপনার বন্ধুগণ ঠিক সময়মত কার্য্য করে না।” এই কথা যেমন তাঁহার মুখ হইতে বাহির হইয়াছে, অমনি সিপাহীদিগের আবাসগৃহের দিকে ঘন ঘন বন্দুকের শব্দ হইতে লাগিল। প্রধান কমিশনার ও তাঁহার সহচরবর্গ সমগ্রমে ভোজনস্থান হইতে উঠিলেন, ঘোটকগুলি সজ্জিত করিয়া আনিবার আদেশ দিলেন এবং বাহিরে আসিয়া আপনাদের বাহনের প্রতীক্ষায় রহিলেন। তাঁহারা গৃহের বহির্ভাগের সোপানে দণ্ডায়মান ছিলেন। চক্রে ক্রমে চারি দিক অপেক্ষাকৃত স্পষ্টভাবে লক্ষিত হইতেছিল। তাঁহাদের নিকটে একদণ্ড সশস্ত্র সিপাহী প্রহরীর কার্য্যের অল্প শ্রেণীবদ্ধভাবে ছিল। এই দলের অধিনায়ক, সেনাপতির নিকটে বন্দুক ভরিবার অল্পমতি প্রার্থনা করিল। অবিলম্বে অল্পমতি দেওয়া হইল। ৩০ জন

সিপাহী বন্দুক ভরিয়া এবং উহাতে কাপ সংযোগ করিয়া দণ্ডায়মান হইরেজ-দিগের নিকটে রহিল। স্তার হেন্‌রি অবিচলিত সাহস ও নির্ভীকতার সহিত তাহাদিগকে কহিলেন—“আমি দুইদিগকে সৈনিকনিবাস হইতে তাড়াইয়া দিবার জন্ত চলিলাম। যতক্ষণ ফিরিয়া না আসি, ততক্ষণ তোমরা কৰ্মস্থানে উপস্থিত থাকিবে। কাহাকেও আমার বাড়ীর অনিষ্ট করিতে এবং আমার বাটীতে প্রবেশ করিতে দিবে না। অত্যাচার তোমাদিগকে ফাঁসী দিব।” প্রহরী সিপাহীগণ গুলিভরা বন্দুক কাঁধে লইয়া গৃহদ্বাররক্ষার জন্ত রহিল। স্তার হেন্‌রি লরেন্সের কথার অবমাননা হইল না। সেই রাত্রিতে যখন সৈনিকনিবাসের গৃহগুলি বিনষ্ট হইতেছিল, তখন কেবল রেসিডেন্সিগৃহ বিলুপ্তিত বা ভস্মীভূত হইল না।

সম্ভ্রান্ত অথ সফল আনীত হইল। স্তার হেন্‌রি লরেন্স এবং তাহার সহচরগণ সৈনিকদিগের আবাসগৃহের অভিমুখে যাত্রা করিলেন। সৈনিকনিবাস হইতে একটি বিস্তৃত পথ নগরের অভিমুখে গিয়াছিল। স্তার হেন্‌রি লরেন্স সৰ্ব্বপ্রথম এই পথরক্ষা উত্তত হইলেন। তিনি অৰ্ধরাত্রে ৩২ সংখ্যক দলের কতিপয় সৈনিক পুরুষকে কয়েকটি কামানের সহিত পথরক্ষার জন্ত নিযুক্ত করিলেন। এ দিকে উদ্ভোজিত সিপাহীরা ইউরোপীয়দিগের জীবন ও সম্পত্তির বিনাশে বক্রপরিকর হইল। তাহারা ভাবিয়াছিল যে, সাংকালে ফিরিদিগের ভোজনগৃহে উপস্থিত হইলেই, সকলকে ভোজনস্থলে উপস্থিত দেখিতে পাইবে। সুতরাং তাহারা অবিলম্বে ভোজনগৃহে উপস্থিত হইল, কিন্তু ইউরোপীয়েরা পূর্বে বন্দুকের শব্দ শুনিয়া, কাওয়ারের ক্ষেত্রের অভিমুখে প্রস্থান করিয়াছিলেন। সিপাহীদিগের আশা ফলবতী হইল না। সিপাহীরা ভোজনস্থান শূন্য দেখিয়া, সেই গৃহে অগ্নি দিল। তাহাদের ব্রিগেডিয়ার উপস্থিত হইয়া, তাহাদিগকে প্রশান্তভাবে থাকিতে কহিলেন। তাহারা ব্রিগেডিয়ারকে গুলি করিয়া এ দিকে তাহাদের সহযোগীগণ দলে দলে বিকট চীৎকার করিতে করিতে আফিসদিগের বাংলার অভিমুখে প্রধাবিত হইল। গৃহ সকল বিলুপ্তিত ও ভস্মীভূত হইতে লাগিল। সহরের ইউরোপীয়েরা আপনাদের আবাসগৃহের ছাদে উঠিয়া, যখন দূরে ধূমস্তূপের সঙ্গে সঙ্গে ভয়ঙ্কর অগ্নিশিখা দেখিতে পাইলেন, তখন তাহারা আপনাদের সজাতির ও স্বদেশীয়ে শোচনীয় অবস্থা ভাবিয়া, অত্যন্ত একান্ত আকুল হইয়া উঠিলেন।

কিন্তু সিপাহীদিগের সমগ্র দল সহসা এইরূপ ভয়াবহ বিপ্লবে ব্যাপ্ত হয় নাই, সহসা আপনাদের শিক্ষাদাতা ও প্রতিপালনকর্তার বিরুদ্ধে অস্ত্র সঞ্চালন করে নাই, সহসা তাঁহাদের সম্পত্তিতেও আপনাদিগকে সমৃদ্ধ করিবার আশায় উৎফুল্ল হইয়া উঠে নাই। যখন কেহ কেহ সম্পত্তিসূত্রে প্রমত্ত ছিল, গৃহদাহে ব্যাপ্ত হইয়াছিল, ফিরিঙ্গির জীবননাশে আগ্রহ প্রকাশ করিয়াছিল, তখন অনেকে তাহাদের পক্ষসমর্থনে উত্তত না হইয়া, নিমকের সম্মান রক্ষা করিয়াছিল। ইহারা আপনাদের বিশ্বস্ততায় বিসর্জন দেয় নাই। সজ্ঞাতি ও সতীর্থদিগের উৎসাহবর্ধনে উত্তত হয় নাই, বা ঐহাদের আদেশে এতদিন পরিচালিত হইয়াছিল, ঐহাদের শিক্ষায় বীরপুরুষদিগের মধ্যে স্থান পরিগ্রহ করিয়াছিল, ঐহাদের প্রদত্ত সামরিক ভূষণে ও অস্ত্রাদিতে গৌরবান্বিত ছিল, তাঁহাদের শোণিতপাতে অগ্রসর হয় নাই। ৭১ সংখ্যক দলের সিপাহী-রাই গবর্ণমেন্টের একান্ত বিরোধী হইয়া উঠিয়াছিল। কিন্তু এই দলের মধ্যেও অনেকে শান্তভাবে রহিয়াছিল। ৭১ সংখ্যক দলের অনেক সিপাহী আপনাদের উত্তেজিত সতীর্থদিগের সহিত না মিশিয়া, ৩২ সংখ্যক ইউরোপীয় পদাতিকদলের পার্শ্বে স্থান পরিগ্রহ করিয়াছিল। ১৩ সংখ্যক দলের ৩০০ শত সিপাহী আপন দলের পতাকা এবং টাকার বাক্স লইয়া ইউরোপীয়দিগের সহিত সম্মিলিত হয়। ৪৮ সংখ্যক দল যদিও কাওরাজের ক্ষেত্রে নিশ্চেষ্টভাবে ছিল, এবং যদিও অধিনায়কদিগের আদেশে উত্তেজিত সিপাহীদিগের বিরুদ্ধে অগ্রসর হইতে অসম্মত হইয়াছিল, তথাপি তাহারা প্রকাশ্যভাবে সেই উত্তেজিত সিপাহী-দিগের সহিত সম্মিলিত হয় নাই। ইহাদের অধিনায়ক ইহাদিগকে ৩২ সংখ্যক দলের বাসগানে লইয়া যাইবার জন্ত যুগ্ম চেষ্টা করিতে লাগিলেন, অবশেষে তিনি হতাশ হইয়া, সহরের রেসিডেন্সিতে যাইতে কহিলেন। এই প্রস্তাবে ইহারা মুখে সম্মতি প্রকাশ করিল বটে, কিন্তু কার্যতঃ অনেকে দল পরিত্যাগ করিতে লাগিল। অধিনায়ক পতাকা ইত্যাদি লইয়া লক্ষ্মীতে উপস্থিত হইলেন। ৪৮ সংখ্যক দলের এক শতেরও কম লোক সহরের অভিমুখে যাত্রা করিল।

পূর্বে উক্ত হইয়াছে যে, একজন উত্তেজিত সিপাহীর গুলির আঘাতে ব্রিগেডিয়ার দেহত্যাগ করিয়াছিলেন। ৭১ সংখ্যক দলের আর একজন অধিনায়কও এইরূপে নিহত হইলেন। একজন সুবাদার এবং কতিপয় সৈনিক

পুরুষ এই হতভাগ্য খেতকারকে রক্ষা করিবার জন্ত পিছানার নীচে লুকাইয়া রাখিয়াছিল, কিন্তু তাহাদের প্রয়াস সফল হয় নাই। সৌভাগ্যক্রমে এই সময়ে সৈনিকনিবাসে ইউরোপীয় বালকবালিকা বা কুলমহিলা বেশী ছিল না। সুতরাং এই অসহায়দিগের শোণিতগাতে সৈনিকনিবাস কলঙ্কিত হয় নাই।

পরদিন রবিবার। এইবারে খ্রীষ্টধর্মাবলম্বিগণ উপাসনাগৃহে উপাস্ত ভগবানের আরাধনায় অভিনিবিষ্ট হইয়া থাকেন। ৩১শে মের এই রবিবার ইউরোপীয়দিগের পক্ষে সূর্যধ্বংসের বাধ বলিয়া পরিগণিত ছিল। এই বারে বিভিন্ন স্থানের সিপাহীগণ ইউরোপীয়দিগের বিরুদ্ধে সমুথিত হইবার সম্বন্ধ করিয়াছিল, এইবারে ইউরোপীয়দিগের উপাসনামন্দিরগুলি উপাসকদিগের শোণিতস্রোতে রঞ্জিত করিবার প্রস্তাব ছিল, এইবার, যে কোন ইউরোপীয়, যেখানে যে ভাবে থাকুন না কেন, তাহারই মানবলীলাসংবরণের দিন বলিয়া নির্দিষ্ট হইয়াছিল। লক্ষ্যেতে এই দিন বিনা গোলযোগে অতিবাহিত হয় নাই। ৩১শে মে রাত্রিকালে উত্তেজিত সিপাহীগণ ঘোড়দৌড়ের মাঠে সমবেত হয়। স্ত্রীর হেনরি লরেন্স ইহাদের সমুচিত শান্তিবিধানের জন্ত তথায় গমন করেন। ইহারা ঐ স্থানে দীর্ঘকাল থাকিতে পারে নাই, অবিলম্বে ইহাদের দলভঙ্গ হয়। কতৃপক্ষ ৬০ জনকে অবরুদ্ধ করেন। সহরে কতকগুলি মুসলমান উত্তেজিত হইয়া উঠে। কিন্তু পুলিশের চেষ্টায় ইহাদের দলভঙ্গের সহিত উৎসাহ ভঙ্গ হয়।

ষষ্ঠ অধ্যায় ।

অযোধ্যা ।

বিপ্লবের প্রকৃতি—সীতাপুর—মুলাওন—মোহমদী—শাহজাহানপুরের গলাতকদিগের নি-
ধন—ফৈজাবাদ—মুলতানপুর—বহরইচবিভাগ—সিকোরা—মোনাপুর—দরীয়াবাদ—পলা-
তকদিগের দুর্দশা—লক্ষৌ—স্মার্ক হেন্‌রি লরেন্সের স্বাস্থ্যহানি—লক্ষৌরক্ষার বন্দোবস্ত—চিন-
হাটে ইংরেজসৈন্যের পরাজয়—মচ্ছিতবনের কিয়দংশের বিধ্বংস—লক্ষৌর অবরোধ—স্মার্ক
হেন্‌রি লরেন্সের দেহত্যাগ—সেনাপতি হাবেলক ও আউট্রামের উপস্থিতি ।

আপাততঃ লক্ষৌ নগরে গোলযোগের নিবৃত্তি হইল বটে, কিন্তু ইউরোপীয়-
গণ দীর্ঘকাল শান্তিস্থত্ব উপভোগ করিতে পারিলেন না । লক্ষৌর প্রশান্তভাবে
অবিলম্বে দূরীভূত হইল, সমগ্র অযোধ্যাপ্রদেশ সহসা বিচলিত হইয়া উঠিল,
কর্তৃপক্ষ সহসা ভয়ঙ্কর বিপত্তিজালে পরিবেষ্টিত হইয়া পড়িলেন । কেবল
কতিপয় সৈনিকদলমাত্র তাঁহাদের বিরুদ্ধে সমুথিত হইল না! সমগ্র অযোধ্যা
প্রদেশের এক প্রান্ত হইতে অপর প্রান্ত পর্য্যন্ত মহাবিপ্লবের আবির্ভাব হইল ।
অস্ত্রধারী বীরপুরুষদিগের সহিত উত্তেজিত জনসাধারণ, পরস্পরহারক
দ্রুতগণ সূক্ষ্মালা ও সূশাসনের গোরব বিপর্য্যস্ত করিয়া ফেলিল ।

যে বিপ্লবে সমগ্র জনপদের শৃঙ্খলা নষ্ট হয়, সকলের জীবন ও সম্পত্তি বিঘ্ন-
শঙ্কল হয়, সর্ববিষয়ে গভীর আতঙ্ক ও বিপদের সঞ্চার হয়, সে বিপ্লব কেবল ব্যক্তি-
বিশেষ বা সম্প্রদায়বিশেষে আবদ্ধ থাকে না । ফরাসীদেশের একজন প্রসিদ্ধ
লেখক (বিক্তর হুগো) এ সম্বন্ধে এই ভাবে লিখিয়াছেন যে, যাহারা কোনরূপ
হুমতীসম্মিমাধনে ক্রন্তসঙ্কল্প হয়, যাহারা কোন বিষয়ে প্রতিহিংসাপর হইয়া উঠে,
যাহারা অপরের সম্পত্তিতে আপনাদের হুৎখদারিত্র্যমোচনের চেষ্টা করে,
তাহাদের সকলেই বিপ্লবের বিস্তারে উত্তত হয় । এইরূপ বিপ্লব তাড়িতবেগে
সহসা চারি দিকে প্রসারিত হয় এবং সহসা পবনসহায় প্রজ্বলিত বহ্নির ভায়
সমস্ত দগ্ধ করিতে থাকে । যাহারা নানা ভাবে কথ্য বলে, যাহারা কল্পনা-
বলে নানা বিষয়ের স্বপ্ন দেখে, যাহারা আপনাদের প্রতিহিংসার তৃপ্তিসাধনে
বন্ধপরিকর হইয়া উঠে, যাহারা মানসিক উত্তেজনায় একান্ত অধীরতা

প্রকাশ করে, যাহারা দুঃখদারিদ্র্যজনিত মনঃকষ্টে জ্ঞানশূন্য হইয়া পড়ে, এইরূপ মহাবিপ্লব তাহাদের উত্তেজনা উদ্ভূত হয়, তাহাদিগের দলবৃদ্ধির সহিত প্রবর্তিত হয় এবং তাহাদের বলবতী হিংসার সহিত যেরূপ ভয়ঙ্কর, সেইরূপ মারাত্মক হইয়া উঠে। স্তম্ভরাং মানবজাতির নিয়ন্ত্রণ হইতে এই বিপ্লবের উৎপত্তি ও বিকাশ হয়। যে সকল নিরক্ষর লোক নিম্নশ্রেণীর কোতূহলবৃদ্ধির জন্ত তৎপর হয়, যে সকল অনামা ব্যক্তি চারি দিকে ঘুরিয়া বেড়ায়, যে সকল পরস্বাপহারক প্রকাণ্ড পথের পার্শ্বে অবস্থিতি করে, যাহারা রাত্রিকালে যেখানে সেখানে শুইয়া থাকে, গৃহের প্রাচীর ও ছাদের পরিবর্তে কঠিন মৃত্তিকা, বিষুক্ত বায়ু, অনন্ত আকাশ যাহাদের স্রুশ্চিস্রুত্বের বৃদ্ধি বা বিধ্বংসের একমাত্র অবলম্ব হয়, যাহারা পরিশ্রমের পরিবর্তে কেবল অদৃষ্টের উপর আপনাদের প্রতিদিনের অন্নসংগ্রহের আশা করে, অস্বীয়স্বজন বা সম্মানপ্রতিপত্তির সহিত যাহাদের কোন সংশ্লব নাই, ভবিষ্যৎ ভাবনার সহিত যাহাদের কোন সম্বন্ধ নাই, যাহাদের দেহরক্ষার জন্ত নিত্য-প্রয়োজনীয় দ্রব্যের কোন সংস্থান নাই, তাহারা এই প্রধানতঃ এই বিপ্লবের পরিপোষক হয়। এই প্রকার লোকের প্রত্যেকেই আপনাদের দুর্ভাগ্যজ্ঞার তৃপ্তিসাধনের জন্ত রাজ্যের যাবতীয় শৃঙ্খলা বিনষ্ট করিয়া ফেলে। বাতাবর্ত যেমন বস্ত্রগুলিকে উৎক্ষিপ্ত করিয়া চারি দিকে ছড়াইয়া ফেলে, ইহাদের অত্যাচার-প্রবাহ সেইরূপ অশাসনের বন্ধন উচ্ছেদ পূর্বক কিছুকালের জন্ত সুখ ও শান্তিকে উৎক্ষিপ্ত করিয়া, দূরে ফেলিয়া থাকে।

অযোধ্যা প্রদেশেরও এইরূপ অবস্থা ঘটিয়াছিল। অযোধ্যার অন্ত্যস্ত স্থানের সিপাহীগণ যখন জানিতে পারিল যে, রাজধানীর সিপাহীরা ব্রিটিশ কোম্পানির বিরোধী হইয়াছে, তখন তাহারা কোন দিকে দৃকপাত না করিয়া, গবর্ণমেন্টের বিরুদ্ধ পক্ষ অবলম্বন করিল। সেই সঙ্গে সঙ্গে অযোধ্যার অন্ত্যস্ত শ্রেণীর লোকেও বিপ্লবের বিস্তারে উত্তত হইল। প্রতিদিন লক্ষ্যে সহস্রে নানা স্থান হইতে বিপ্লবের সংবাদ উপস্থিত হইতে লাগিল। প্রতিদিনই লক্ষ্যের কর্তৃপক্ষ ইংরেজদিগের নিধন, দ্রব্যাদির বিলুপ্তন বা গৃহাদির ভস্মীকরণের সংবাদ পাইয়া, নিয়তিশয় চিন্তিত হইতে লাগিলেন। ইংরেজ অগ্নিনিব্বা অযোধ্যা অধিকার করিয়াছিলেন, অন্নদিনের মধ্যেই তাহাদের ক্ষমতা ও প্রাধাত্যের সহিত

শাসনশৃঙ্খলা প্রতিষ্ঠিত হইয়াছিল। এই প্রতিষ্ঠিত ক্ষমতা, প্রাধান্ত ও শৃঙ্খলা কাগজের ঘরের জায় কণ্ঠস্বর হইয়া উঠিল। যে স্থানে যাঁহার কিছুমাত্র ক্ষমতা আছে, সেই তথায় স্বপ্রধান হইল। তাহার ইচ্ছা অব্যাহত, তাহার কার্য অপ্রতিহত, তাহার ক্ষমতা ও প্রাধান্ত অপ্রতিবন্দী হইয়া উঠিল। জুন মাসের প্রথম দশ দিনের মধ্যে এই মহাবিপ্লব সর্বাসঙ্গত হইল। ইংরেজ বিনা যুদ্ধে অযোধ্যার আধিপত্য স্থাপন করিয়াছিলেন, এখন তাঁহাদের সেই আধিপত্যের পুনঃস্থাপন জন্ত যুদ্ধ করিতে বহুসৈনিকবল আবশ্যক হইল।

ধর্মাবাদবিভাগের সদর স্টেশন সীতাপুরে সিপাহীরা প্রথমে ব্রিটিশ গবর্ণ-মেন্টের বিরুদ্ধে সমুথিত হয়। এই স্থানে ৪১ সংখ্যক এতদ্দেশীয় পদাতিকদল এবং অযোধ্যার ৯ ও ১০ সংখ্যক অনিয়মিত সৈনিকদল অবস্থিত করিতেছিল। জর্জ ক্রিশ্চিয়ান এই বিভাগের কমিশনার ছিলেন। কতিপয় ইউরোপীয় আফিসর ভিন্ন ভিন্ন সৈনিকদলে কর্তৃত্ব করিতেছিলেন। মে মাসের শেষ পর্য্যন্ত সীতাপুরের কমিশনার কোনরূপ গোলযোগের আশঙ্কা করেন নাই। তিনি ৩০শে মে আগরার জজ রেইক্‌স্ সাহেবের নিকট এই ভাবে লিখিয়াছিলেন—“এই স্থানে সমুদয় শান্তভাবে রহিয়াছে। আমার অধীন বিভাগের লোকের মধ্যে কোন গোলযোগ নাই। ৪১ সংখ্যক সিপাহীদলের মধ্যেও কোনরূপ গোলযোগ ঘটে নাই। আমার অধীনে সাড়ে নয় শত লোক আছে। যদি এই অবস্থার পরিবর্তন হয়, লোকের মধ্যে যদি উদ্বে-জনার নিদর্শন দেখা যায়, তাহা হইলে আমি ঐ লোক দ্বারা এক ঘণ্টার মধ্যেই গোলযোগের দমন করিতে পারিব।” কমিশনার সাহেব অযোধ্যার অনিয়মিত সিপাহী এবং পুলিশের সৈনিকপুরুষদিগকে লক্ষ্য করিয়া এইরূপ লিখিয়াছিলেন। এই সকল লোকের উপর তাঁহার বিশ্বাস ছিল। তিনি ভাবিয়াছিলেন যে, গোল-যোগ ঘটিলে তিনি ইহাদের সাহায্যে উহার নিবারণ করিতে পারিবেন। কিন্তু তাঁহাদের অভিনব শাসননীতি সমুদয় আশার উচ্ছেদসাধন করিয়াছিল। ধনী, দরিদ্র, সকলেই এক অবস্থায় পতিত হইয়াছিল। অভিজাত সম্প্রদায়ের গৌরব ও প্রাধান্ত বিলুপ্ত হইয়া গিয়াছিল। উত্তরপশ্চিম প্রদেশের পূর্বতন লেকটেনেন্ট-গবর্ণর রবার্টসন সাহেবের ভবিষ্যদ্বাণী এখন ফলোন্মুখ হইয়া উঠিতেছিল। নিয়মিত ও অনিয়মিত, সকল শ্রেণীর সিপাহীরা এক সঙ্গে

ব্রিটিশ গবর্ণমেন্টের বিরোধী হইয়াছিল। যদি এই সময়ে ভূস্বামিগণ ইংরেজদিগের পক্ষে থাকিতেন, তাহা হইলে ইংরেজদিগকে অসহায় বাগকের গ্রাম কাতরভাবে চারি দিকে দৃষ্টিপাত করিতে হইত না। তাঁহারা উক্ত ভূস্বামীদিগের সাহায্যে অবিলম্বে এই বিপ্লবের গতিরোধে সমর্থ হইতেন।

সীতাপুরের নিয়মিত ও অনিয়মিত, উভয় শ্রেণীর সৈনিকেরাই কর্তৃপক্ষের নিকটে আপনাদের বিশ্বস্ততা প্রতিপন্ন করিতে লাগিল। তাহারা বলিল যে কর্তৃপক্ষের অবিশ্বাস জন্মিলে, তাহাদের মনে নিদারুণ কষ্ট হইবে। একজন এতদেশীয় বৃদ্ধ আফিসর গলদশ্লোচনে তাঁহার ইউরোপীয় সহযোগীদিগকে কহিলেন, যাহারা এতদিন বাঙালিদিগের বিরুদ্ধে লড়াই করিয়া, তাঁহাদের পক্ষ সমর্থন করিয়াছে, শিবি-রেই হউক, সৈনিকনিবাসেই হউক, বা যুদ্ধক্ষেত্রেই হউক, তাঁহাদের কষ্টে কষ্ট বোধ, এবং তাঁহাদের বিপদে বিপদ বোধ করিয়াছে, তাহাদের প্রতি যেন এখন কোনরূপেই অবিশ্বাসের ভাব প্রকাশ করা না হয়। কিন্তু সিপাহীদিগের কথা ঠিক রহিল না, বৃদ্ধ আফিসরের কাতরোক্তিও শেষে সত্য বলিয়া প্রতিপন্ন হইল না। ওরা জুন সিপাহীগণ উত্তেজিত হইয়া, ইউরোপীয়দিগের বিরুদ্ধে অস্ত্র ধারণ করিল। ঐ দিন প্রাতঃকালে ৪১ সংখ্যক দলের লোক চীৎকার করিয়া কহিতে লাগিল যে, ১০ সংখ্যক অনিয়মিত দলের সৈনিকেরা ধনাগার লুণ্ঠন করিতেছে। ৪ সংখ্যক দলের, কণেল বার্চনামক একজন অধিনায়ক ঐ স্থানে গমন করিয়া দেখেন যে, গোলযোগের শাস্তি হইয়াছে। ফিরিয়া আসিবার সময়ে ধনাগাররক্ষক একজন সিপাহীর গুলির আঘাতে তাঁহার প্রাণ-বিয়োগ হয়।* অগ্নির নির্দেশ করিয়াছেন যে, যখন সিপাহীদিগের কেহ কেহ উত্তেজিতভাবে ধনাগারের দিকে এবং কেহ কেহ কামানের দিকে গমন করে, তখন কণেল বার্চ গোলযোগ থামাইতে গিয়া, গুলির আঘাতে দেহত্যাগ করেন। তাঁহার একজন সহযোগী আহত হইলেন।† কমিশনার সাহেবের গৃহে ইউরোপীয় স্ত্রীপুরুষ ও বাগকবাগিকা সমবেত হইয়াছিল, সশস্ত্র পুলিশ তাঁহার গৃহরক্ষায় নিয়োজিত ছিল। কিন্তু এই রক্ষকগণই শেষে ভক্ষক

* Gubbins, *Mutinies in Oudh*. p. 136.

† Hutchinson, *Narrative of the Mutinies in Oude*. p. 51. Comp. Kaye, *Sepoy War*, Vol. III. p. 455.

হইয়া উঠে। কমিশনের সাহেব গৃহ পরিত্যাগ পূর্বক নিকটবর্তী নদীতটের অভিমুখে পলায়ন করেন, তদীয় সহধর্মিণী একটি শিশুকে বাহুতে রাখিয়া, তাঁহার অনুগামিনী হইলেন। কমিশনের সাহেব যখন নদীর অপর তটে উত্তীর্ণ হইলেন, অথবা উত্তীর্ণ হইবার আয়োজন করেন, তখন বিপক্ষের বন্দুকের গুলিতে দেহত্যাগ করেন। তাঁহার পত্নী এবং শিশুটিও মৃত্যুমুখে পতিত হয়। অপরপার ইউরোপীয়দিগের মধ্যে কেহ কেহ নদীতটে গতাশ হইলেন, কেহ কেহ নদীর মধ্যে দেহত্যাগ করেন, কেহ কেহ আপনাদের অদৃষ্টবলে কোনরূপে এই ভীষণ আক্রমণ হইতে আশ্রয়লাভ করিয়াছেন। ৪১ সংখ্যক দলের ৩০ জন সিপাহী অসামান্য বিশ্বস্ততা দেখাইয়া, এই সকল পলাতককে রক্ষা করিয়াছিল। এই বিশ্বস্ত সিপাহীগণ পরদিন প্রাতঃকালে লক্ষ্মীতে সীতাপুরের সংবাদ পাঠাইয়া দেয়। অবিলম্বে লক্ষ্মী হইতে কতিপয় শিখ অধারোহী বগি প্রভৃতি লইয়া পলাতকদিগকে আনিতে যাত্রা করে। এইরূপে পলাতকগণ আশ্রয়স্থান প্রাপ্ত হয়। যে সকল সিপাহীর বিশ্বস্ততায় ইহাদের জীবনরক্ষা হইয়াছিল, তাহারা লক্ষ্মী হইতে আগত রক্ষকদিগের হস্তে চাহাদিগকে সমর্পণ পূর্বক আপনাদের বাসগ্রামে গমন করে। তাহাদের হৃদয় বিচলিত হইয়াছিল। তাহারা ইউরোপীয়দিগের সঙ্গে থাকা এখন আপনাদের পক্ষে বিপত্তিজনক বলিয়া বোধ করিয়াছিল। তাহারা বিশ্বস্ততা প্রকাশ করিলেও আপনাদের উত্তেজিত সহযোগীদিগের বিরুদ্ধাচরণে উত্তত হয় নাই। সুতরাং তাহারা আপনাদের প্রতিপালনকর্তা প্রভুদিগের জীবনরক্ষারূপ পবিত্র কর্ম সম্পাদন-পূর্বক এখন গরীয়সী জঙ্গলভূমিতে গমন করাই প্রেরণের মনে করিয়াছিল।

খয়রাবাদবিভাগের অন্তর্গত ছুইটি ছোট ষ্টেশনে বিপ্লব ঘটে। অন্ততর ষ্টেশন মূল্যওনে একজন ডেপুটি কমিশনের ছিলেন। এই স্থানে বলাওন।

৪২ সংখ্যক দলের কতিপয় সিপাহী এবং অযোধ্যার ৪ সংখ্যক অনিয়মিত সৈনিকদল অবস্থিতি করিতেছিল। মে মাসে ইহাদের উপর ডেপুটি কমিশনরের সন্দেহ হয়। কিন্তু সন্দেহ হইলেও, ডেপুটি কমিশনর মহলা কর্ণহল পরিত্যাগ করেন নাই। যখন সীতাপুরে গোলযোগ ঘটে, তখনও তিনি কর্ণহলে অবস্থিতি করিতেছিলেন। শেষে চারি দিকে যখন বিপ্লবের অঙ্গ সম্পূর্ণ হয়, ইউরোপীয়গণ যখন সীতাপুর হইতে পলায়ন করেন, মূল্যওনের

সৈনিকদল যখন অধিকতর উত্তেজনার আবেগে স্বপ্রধান হইতে চেষ্টা করে, তখন ডেপুটী কমিশনের আর কোন উপায় না দেখিয়া, অঝোরোহণপূৰ্ব্বক অক্ষতশরীরে লক্ষ্যেতে উপস্থিত হইলেন।

ইহার মধ্যে দ্বিতীয় স্টেশন মোহমদীতে শোচনীয় ঘটনার আবির্ভাব হয়।

যে টমাসনবংশের লোক রাজকীয় কৰ্ম্মে আপনাদের দক্ষতার মোহমদী।

পরিচয় দিয়া, ভারতবর্ষে প্রসিদ্ধিলাভ করিয়াছিলেন, সেই বংশেরই এক ব্যক্তি এই স্থানে ডেপুটী কমিশনের পদে নিয়োজিত ছিলেন। কাপ্তেন অর নামক একটি সৈনিকপুরুষ ইহার সহকারী ছিলেন। নবাবের আধিপত্য-কালে ইনি যে সৈনিকদলের অধ্যক্ষ ছিলেন, উপস্থিত সময়ে অযোধ্যার সেই ৯ সংখ্যক অনিয়মিত সৈনিকদল মোহমদীতে অবস্থিত করিতেছিল। এই স্থান রেহিলগঞ্জের সীমান্তভাগে এবং শাহজাহানপুরের আন্ত নিকটে অবস্থিত। শাহজাহানপুরের বিপ্লবের সংবাদ পাইয়া, মোহমদীর কতৃপক্ষ নিরতিশয় চিন্তিত হইলেন। ১লা জুন শাহজাহানপুরের পলাতক ইউরোপীয়গণ মোহমদীতে উপস্থিত হওয়াতে তথাকার ইউরোপীয়দিগের সংখ্যা বৃদ্ধিত হয়। পলাতকদিগের উপস্থিতির দুই দিন পরে অত্যন্ত স্থানের ছায় মোহমদীও ঘোরতর বিপ্লব-তরঙ্গে আন্দোলিত হইয়া উঠে। ৪ঠা জুন সৈনিকেরা ধনাগার লুণ্ঠন করে, কয়েদীদিগকে ছাড়িয়া দেয় এবং ইংরেজের প্রবৃত্তি যাবতীয় শাসনশৃঙ্খলা বিপর্যস্ত করিয়া ফেলে। পূর্বে উক্ত হইয়াছে যে, কাপ্তেন অর দীর্ঘকাল হইতে মোহমদীর সৈনিকদলের সুপরিচিত ছিলেন। সৈনিকেরা পূর্বতন পরিচয়ের জ্ঞান প্রথমতঃ কাপ্তেন অরের বিরুদ্ধে কোন কৰ্ম্ম করিতে আগ্রহ দেখায় নাই। তাহার কাপ্তেনের সমক্ষে ইউরোপীয়দিগের জীবন রক্ষা করিতে প্রতিজ্ঞা করে। ইহাতে আশস্ত হইয়া, ৪ঠা জুন সন্ধ্যাকালে কাপ্তেন অর প্রভৃতি ইউরোপীয়গণ অক্ষতদেহে আশ্রয়প্রাপ্ত হইয়া প্রস্থান করেন। কুল-মহিলারা ও বালকবালিকাগণ বগীতে এবং দ্রব্যাদি লইয়া বাইবার গাড়িতে চড়িয়া যাত্রা করেন। কিন্তু পলাতকেরা অতীষ্ট স্থানে উপস্থিত হইতে পারিলেন না। পর দিন সিপাহীরা আপনাদের প্রতিশ্রুতি ভঙ্গ করিয়া তাহাদিগকে আক্রমণ করিল। এই আক্রমণে বাক্য দিবার আর কোন উপায় রহিল না। সিপাহীদিগের গুলির আঘাতে পলাতকদিগের প্রায় সকলেই দেহত্যাগ করিল।

কাপ্তেন অরুণ মৃত্যুমুখে পতিত হইতেন, গুরুদীন নামক একজন সিপাহী এই বোরতর লক্ষটকালে কাপ্তেনকে কহে যে, তিনি হাতের পিস্তল ফেলিয়া দিলেই সে তাহাকে রক্ষা করিতে পারিবে। এই কথায় কাপ্তেন অরুণ পিস্তল ফেলিয়া দিলেন। গুরুদীন তদুত্তরেই কাপ্তেন অরুণ আক্রমণকারীর মধ্যে আসিয়া দাঁড়াইল। ইহার সাহায্যে কাপ্তেনের জীবনরক্ষা হইল।

পূর্বে উক্ত হইয়াছে যে, উপস্থিত সিপাহীবিল্লব অযোধ্যার ছায় স্বেচ্ছিত প্রদেশে কোন এক নির্দিষ্ট স্থানে আবদ্ধ থাকে নাই। উহা প্রজ্বলিত হতাশনের ছায় একে একে সকল স্থানেই পরিব্যাপ্ত হয়। সহসা এই আপামরী পাবক-শিখার গতিরোধে ব্রিটিশ রাজপুরুষদিগের ক্ষমতা ছিল না। তাঁহারা যখন ইহার প্রচণ্ডতাব দেখিলেন, তখন আশঙ্কা ও উদ্বেগে প্রায় জ্ঞানশূন্য হইয়া, সর্বক্ষণ আপনাদের সমক্ষে সর্বসংহারক কালের বিকট মুক্তি দেখিতে লাগিলেন। সীতাপুর, মোহমদী প্রভৃতি স্থানে যাহা ঘটয়াছিল, ফৈজাবাদ প্রভৃতি বিভাগেও তাহাই ঘটিল।

ফৈজাবাদ, অযোধ্যার পূর্বভাগ। এই বিভাগ ফৈজাবাদ, সুলতানপুর, সালোনি, এই তিন জেলায় বিভক্ত। ফৈজাবাদ খরখরার তীরে অবস্থিত। এই স্থানে একজন কমিশনার এবং একজন ডেপুটি কমিশনার ছিলেন। একদল গোলন্দাজ সৈন্য, ২২ সংখ্যক এতদেশীয় পদাতিদল অযোধ্যার ৬ সংখ্যক অনিয়মিত পদাতি এবং ১৫ সংখ্যক অনিয়মিত অশ্বারোহিদল অবস্থিত করিতেছিল। ২২ সংখ্যক পদাতিদলের অধ্যক্ষ সমগ্র সৈনিকদলের উপর কর্তৃত্ব করিতেছিলেন। এই সকল সৈনিকদল আপনাদিগকে বিশ্বস্ত বলিয়া নির্দেশ করিলেও কমিশনার কণ্ঠে গোলডনে তাহাদের উপর বিশ্বাস স্থাপন করিতে পারেন নাই। মে মাসে মীরাত ও দিল্লীর ঘটনা যখন তাঁহাদের গোচর হইল, তখন তাঁহারা ভাবিলেন যে, তাঁহাদিগকেও এই ভীষণ বিপ্লবের সম্মুখীন হইতে হইবে। যে প্রচণ্ড বাতায় উত্তরপশ্চিমাঞ্চলের অনেক স্থান বিশৃঙ্খল হইয়া পড়িয়াছে, অনেকের জীবন বিনষ্ট হইয়াছে, অনেক সম্পত্তি অধিকারীর হস্তদ্রষ্ট হইয়া গিয়াছে, সেই ব্যাত্যার অভিজ্ঞাতে তাঁহাদের জীবনেরও অনিষ্ট ঘটবে, তাঁহাদের সম্পত্তিও ধ্বংসোন্মুখ হইয়া পড়িবে এবং তাঁহাদের প্রপত্তি শৃঙ্খলাও বিপর্যস্ত হইয়া যাইবে। সুতরাং তাঁহারা নিশ্চেষ্ট রহিলেন

না। আশঙ্কিত বিপ্লবের সমক্ষে তাঁহারা আত্মরক্ষার আয়োজন করিতে লাগিলেন। যে সকল জমীদারের উপর তাঁহাদের বিশ্বাস ছিল, তাঁহাদের সাহায্য গ্রহণ করা উচিত কি না এখন তদ্বিষয় বিচার্য্য হইল। আত্মরক্ষার স্থান প্রাচীরে পরিবেষ্টিত ও সুরক্ষিত করিবার আয়োজন হইতে লাগিল। কুলমহিলা ও বালকবালিকাদিগকে লক্ষ্মীতে পাঠাইবার প্রস্তাব হইল। কিন্তু এই সকল প্রস্তাব, এই সকল সঙ্কল্প, এই সকল ব্যবস্থা সর্ব্বাংশে কার্য্যে পরিণত হইল না। বিশ্বস্ত জমীদারগণ যে, সুরক্ষিত সিপাহীদিগের সহিত যুদ্ধ করিতে সমর্থ হইবেন, তদ্বিষয়ে সন্দেহ হইল। লক্ষ্মী যাইবার পথে নানারূপ বিষয়বিপত্তি ছিল, সুতরাং ঐ বিপত্তিময় পথ দিয়া, বালকবালিকা ও কুলমহিলাদিগকে পাঠানও অসম্ভব বোধ হইল। সুতরাং ফৈজাবাদের ইউরোপীয়গণ আপনাদের কুলনারী ও শিশুসন্তানগণে পরিবেষ্টিত হইয়া, মহাবিপ্লবের আশঙ্কায় নিরতিশয় উদ্বিগ্ধচিত্তে কালযাপন করিতে লাগিলেন।

ইংরেজ অযোধ্যা অধিকারপূর্ব্বক যে শাসনপ্রণালীর প্রবর্তন করিয়াছিলেন, যে ব্যবস্থার পক্ষপাতী হইয়াছিলেন, এখন তৎসমুদয়ের পরীক্ষার সময় উপস্থিত হইল। পূর্ব্বে উক্ত হইয়াছে যে, যদি এই সময় অযোধ্যার সমুদয় তালুকদার ইংরেজের পার্শ্বে দণ্ডারমান হইতেন, তাহা হইলে ইংরেজের অনেকাংশে বলবৃদ্ধি হইত। কিন্তু সমুদয় তালুকদার এই সময়ে ইংরেজের সহিত সমবেদনাসূত্রে সম্মত হইয়া নাই। ইংরেজের রাজস্বগ্রহণ-প্রণালী এইরূপ সমবেদনা স্থাপনের প্রতিকূল হইয়াছিল। অভিনব ব্যবস্থায় অযোধ্যার এই প্রভাবশালী ও সম্পত্তিশালী তালুকদারগণ সামান্য লোকের অবস্থার পাতিত হইয়াছিলেন। সমবেদনাপর স্তার হেনরি লরেন্স্ ইহাদের এইরূপ অধঃপতনে আক্ষেপ প্রকাশ করিয়াছিলেন। তালুকদারগণ আপনাদের অধঃপতনে ইংরেজের প্রতি সন্তুষ্ট হইয়া নাই। তাঁহাদের হৃদয়গত বিদ্বেষবলি প্রচণ্ড প্রচ্ছন্নভাবে থাকিলেও উহা একবারে নির্দীপিত হয় নাই। উপযুক্ত সময়ে উহা যে, স্বকীয় প্রথরতার পরিচয় দিবে, তদ্বিষয়ে সন্দেহ করিবার কোন কারণ ছিল না। এখন সেই সময় উপস্থিত হইল। তালুকদারদিগের অনেকে এখন আপনাদের অকৃত মূর্ত্তি ধারণ করিলেন। তাঁহাদের হৃদয়গত বিদ্বেষবলি প্রচণ্ড শিখায় এখন ইংরেজ ঘেঁরুপ বিন্মিত, সেইরূপ শক্তি ও সম্মত হইয়া পড়িলেন। তালুকদারদিগের মধ্যে

শাহগঞ্জের রাজা মানসিংহ প্রধান ছিলেন। ইংরেজের বন্দোবস্তে তিনি তদীয় বিদ্যুত জমিদারীর স্বত্বচ্যুত হইয়াছিলেন। অভিনব গবর্ণমেন্টের নিকটে রাজা মানসিংহকে রাজস্বের জন্ত অনেক টাকার দায়ী হইতে হইয়াছিল। রাজা মানসিংহ বুঝিয়াছিলেন যে, ইংরেজ গবর্ণমেন্ট তাঁহাকে রাজস্বের জন্ত অজ্ঞানরূপে দায়ী করিতেছেন। যথানিয়মে রাজস্ব না দেওয়ার জন্ত ইংরেজ কর্মচারিগণ কর্তৃক তিনি অবরুদ্ধ হইতে পারিতেন, কিন্তু সে সময়ে তাঁহাকে লঙ্কোতে পাওয়া যায় নাই। সুবিচারের জন্তেই হউক, বা আইন-ব্যবসায়ীদিগের পরামর্শ-গ্রহণের জন্তই হউক, তিনি ব্রিটিশ রাজধানীতে উপস্থিত হইয়াছিলেন। কলিকাতায় তিনি কি করিয়াছেন, অযোধ্যায় তিনি কি ভাবে প্রত্যাবৃত্ত হইয়াছেন, তাহা ভালরূপে জানা যায় নাই। কিন্তু অযোধ্যায় ফিরিয়া গেলেই তাঁহাকে আটক করা হয়। কেহ কেহ বলেন, গবর্ণমেন্টের আদেশে তিনি নজরবন্দী হইয়াছিলেন, কেহ কেহ লিখিয়াছেন যে, তিনি দেনার দায়ে অবরুদ্ধ হইয়াছিলেন। সহকারী কমিশনর অর্ সাহেবের সহিত তাঁহার সবিশেষ আলাপপরিচয় ছিল। অর্ সাহেব তাঁহাকে ছাড়িয়া দিতে অস্বীকার করিয়াছিলেন।* ফৈজাবাদের ডেপুটি কমিশনর এই কাব্যের অনুমোদন করেন নাই। তাঁহার দৃঢ় বিশ্বাস ছিল যে, মানসিংহ বাহাই করুন না কেন, তিনি কখনও গবর্ণমেন্টের প্রতিকূল হইবেন না। যাহা হউক, মে মাসের শেষ ভাগে এবং জুন মাসের প্রারম্ভে অযোধ্যায় কর্তৃপক্ষ রাজা মানসিংহের প্রতি যে তীক্ষ্ণ দৃষ্টি রাখিয়াছিলেন, তাহা যেরূপে সংশয় নাই। মানসিংহ সহকারী কমিশনরকে কহিয়াছিলেন যে, যদি তাঁহাকে নজরবন্দী না করা হয়, তাহা হইলে তিনি সহকারী কমিশনরকে সপরিবারে শাহগঞ্জ নামক স্থানের চূর্ণে আশ্রয় দিয়া, রক্ষা করিবেন। সহকারী কমিশনর সকলের সম্মুখেই এইরূপ ব্যবস্থা করিতে বলিলেন। প্রধান কমিশনরও ইহাতে সন্মত হইলেন। কিন্তু ইচ্ছা থাকিলেও, মানসিংহ, যাবতীয় কুলমহিলা ও বালকবালিকাকে রক্ষা করিতে পারিবেন কি না, ভাবিতে লাগিলেন। তিনি ফেব্রুয়ারি মাসের কর্মচারীদিগের পরিবারবর্গকে আশ্রয় দিচ্চাছিলেন, কিন্তু এই প্রস্তাব ডেপুটি কমিশনরের মনঃপূত হইল না। অবশেষে:

*Hutchinson. Narrative of the Mutinies in oude, p. 71, note.

মানসিংহ ভাবিয়া কহিলেন, তিনি সকলকেই আশ্রয় দিতে প্রস্তুত আছেন, কিন্তু তাঁহাদিগকে অতিগোপনে ষ্টেশন হইতে আশ্রয়গ্রহে যাইতে হইবে। রাজা মানসিংহের এই প্রস্তাব সৈনিক কর্মচারীদিগকে জানান হইল। সৈনিক কর্মচারিগণ উহাতে অমত প্রকাশ করিলেন। তাঁহারা মানসিংহ অপেক্ষা আত্মবলের উপরই অধিক পরিমাণে নির্ভর করিয়াছিলেন। কেবল একজন মাত্র আফিসর আপনার স্ত্রী এবং সন্তানদিগকে সিবিল কর্মচারীদিগের পরিবারবর্গের সহিত শাহগঞ্জে পাঠাইতে সম্মত হইলেন।

৭ই জুন রাত্রিকালে কুলমহিলারা নিরাপদে আশ্রয়স্থলে উপনীত হইলেন। তাহার পরদিন সায়ংকালে সিপাহীরা প্রকাশ্যভাবে ইংরেজদিগের বিরুদ্ধাচরণে প্রবৃত্ত হইল। তাহারা প্রথমে কামানগুলি অধিকার করিতে গেল। এই সকল কামানে গোলা ভরা হইয়াছিল। গোলন্দাজেরা প্রজ্বলিত বর্ষিকা হস্তে লইয়া, উহার পার্শ্বে দণ্ডায়মান ছিল। কিন্তু তাহারা কামান ছুঁইতে না ছুঁইতে পদাতিকেরা আসিয়া পড়িল। আফিসরদিগের আদেশপালনে তাহারা যত প্রকাশ করিল না। আফিসরদিগের অমুনয়বাক্যেও তাহারা বিচলিত হইল না। তাহারা স্পষ্টাক্ষরে বলিতে লাগিল যে, কামান গুলি তাহাদের। তাহারা কামান অধিকার করিলেও আফিসরদিগের কোনরূপ অনিষ্টসাধনে উত্তত হইল না। তাহারা রক্ষকস্বরূপ হইয়া আফিসরদিগকে সৈনিকনিবাসে আনিল।

পদাতিগণ এইরূপে আফিসরদিগের রক্ষার ভার গ্রহণ করিল বটে, কিন্তু অস্বারোহিণ উহাতে সান্ত্বন্য অসম্ভব হইল। তাহারা ইউরোপীয়দিগের শোণিতপাতে আগ্রহ প্রকাশ করিতে লাগিল। ১৫ সংখ্যক অনিয়মিত অস্বারোহিদের একজন রেসেলাদার এই বিপ্লবের কর্তৃত্ব গ্রহণ করিল। এই ব্যক্তি ইংরেজ আফিসরদিগকে বধ করিবার জন্য সিপাহীদিগকে উত্তেজিত করিতে লাগিল। কিন্তু গোলন্দাজগণ ও পদাতিকেরা দৃঢ়তার সহিত ইহাতে অসম্মত প্রকাশ করিল। ইংরেজ আফিসরেরা সমস্ত রাত্রি বন্দিভাবে রহিলেন। পদাতি ও গোলন্দাজেরা তাঁহাদিগকে কেবল রক্ষা করিল না, তাঁহাদের পলায়নেরও সুবিধা করিয়া দিল। তাহারা নৌকা সংগ্রহ করিল, আফিসরদিগকে টাকা দিল। ২২ সংখ্যক দলের সৈনিকেরা আফিসরদিগকে সঙ্গে লইয়া নদীর তটে উপস্থিত হইল। নৌকা সংগৃহীত হইয়াছিল, কিন্তু মাঝি মারা কেহই ছিল না।

সুতরাং পলাতকেরা আপনারাই হাল ও দাঁড় ধরিয়া নিরাপদে ফৈজাবাদ পরিত্যাগ করিলেন ।

ইউরোপীয়গণ অক্ষতশরীরে প্রস্থান করিলেন বটে, কিন্তু সকলে বিপদ হইতে পরিত্রাণ পাইলেন না । এই সিপাহীযুদ্ধঘটিত অত্যাচার বিবরণের ভ্রায় ফৈজাবাদের ইউরোপীয়দিগের পলায়নবৃত্তান্তও নানারূপ বিসদৃশ ঘটনায় পরিপূর্ণ । উপস্থিত বিপ্লবের সাধারণ ঘটনা—লুটতরাজ করা, ঘরঘর জালাইয়া দেওয়া প্রভৃতির মধ্যে, পরস্পর বৈষম্য নাই । কিন্তু অত্যাচার ঘটনার মধ্যে একটির সহিত আর একটির সাদৃশ্য দেখা যায় না । অত্যাচার স্থানের ভ্রায় ফৈজাবাদেও সম্পত্তি লুণ্ঠিত হইয়াছিল । কিন্তু অত্যাচার স্থানের উত্তেজিত সিপাহীদিগের ভ্রায় ফৈজাবাদের সিপাহীগণ সমভাবে তাহাদের আফিসরদিগের প্রতি নিন্দ্যতা বা অবিষ্মততা দেখায় নাই । তাহারা কমিশনার এবং তদীয় সঙ্গীদিগকে কেবল অক্ষতদেহে যাইতে দেয় নাই, অধিকন্তু যাহাতে পলাতকেরা নিরাপদে ফৈজাবাদ হইতে পলায়ন করিতে পারে, তাহার সুবিধা করিয়া দেয় । ইংরেজেরা এই সময়ে উত্তেজিত সিপাহীদিগের একান্ত আয়ত্ত হইয়াছিলেন । সিপাহীদিগের ইচ্ছার উপর তাঁহাদের জীবন নির্ভর করিতেছিল । সিপাহীরা দয়া-প্রদর্শনে উন্মূখ না হইলে সকলকেই মেঘপালের ভ্রায় মুতামুখে পাতিত হইতে হইত । তাঁহাদের কোনরূপে বাধা দিবার ক্ষমতা ছিল না । কিন্তু সিপাহীদিগের মধ্যে সকলেই এই নিঃসহায়, নিরবলম্ব ও নিরতিশয় তুর্দশাগ্রস্ত মেঘপালের নিধনে আগ্রহযুক্ত হয় নাই । কথিত আছে যে, ২২ সংখ্যক দলের সিপাহীরা পলাতকদিগকে বধ করিবার জন্ত আজিমগড়ের ১৭ সংখ্যক দলের সিপাহীদিগের নিকটে লোক পাঠাইয়াছিল । * যাহা হউক পলাতকগণ নদীপথে গমন করিয়াও পরিত্রাণ পাইলেন না । তাঁহাদের নিকটে স্নিগ্ধকর জনপথও মুতামুখ স্বরূপ হইল । তাঁহারা ৩০ মাইল পথ অতিক্রম করিয়াছেন, এমন সময়ে বেমগঞ্জের নিকটে দেখিলেন যে, তাঁহাদের দক্ষিণ পার্শ্বে পদাতি ও অশ্বারোহী সিপাহীগণ শ্রেণীবদ্ধ রহিয়াছে । ইহাদের উদ্দেশ্য সহজেই বুঝা গেল । এইখানে নদীর পরিসর অধিক ছিল না । সুতরাং পলায়ন পূর্বক আশ্রয়লাভ করা অসম্ভব হইল ।

* *Gublines, Mutinies in Oudh. p. 150.*

আজিমগড়ের ১৭ সংখ্যক পদাতিগণ আরোহীদিগের উপর গুলিবৃষ্টি করিতে লাগিল। আরোহীরা আশ্রয়ক্ষার জন্ত নদীর অপর তটে যাইতে উদ্যত হইলেন। এদিকে সিপাহীগণ নৌকার নদীপার হইল। স্মৃতরাং নদীতটে উঠিয়া পলায়ন করা ব্যতীত আর কোন উপায় রহিল না। কর্গেল গোলডনে নিহত হইলেন। প্রথম হুইখানি নৌকার আরোহীরা পলায়ন করিতে গিয়া, অনেকে মৃত্যুমুখে পতিত হইল। কেহ কেহ জলমগ্ন হইলেন। অবশিষ্ট পলাতকুরা কোনরূপে আমোরা নামক স্থানে গিয়া প্রাণরক্ষা করিলেন। এই থানে চতুর্থ নৌকার আরোহীরা ইঁহাদের সহিত সম্মিলিত হইলেন। সর্বসম্মত আট জন পলাতক একত্র হইয়া নিরাপদে কাপ্তেনগঞ্জে উপনীত হইলেন। তেজআলি খাঁ নামক ২২ সংখ্যক দলের একজন বিশ্বস্ত সিপাহী ইঁহাদের মধ্যে ছিল। অতঃপর ইঁহারা যাবতীয় বিপত্তি বিপত্তি হইতে নিষ্কৃতি লাভের আশায় কাপ্তেনগঞ্জ পরিত্যাগ পূর্বক আবার পথ অতিবাহনে প্রবৃত্ত হইলেন। ইঁহারা যে সকল পল্লী দিয়া যাইতে লাগিলেন, তৎসমুদয়ের প্রধানেরা ইঁহাদের সহিত সদ্যবহার করিতে লাগিল। কেহ কেহ ইঁহাদের অশুবিধা দূর করিবার জন্ত টাকা এবং ষোড়া দিল। কিন্তু ইঁহাতেও পলাতকদিগের নিষ্কৃতিলাভ হইল না। কোন পল্লীর অধিবাসিগণ সৌজন্ত ও দয়ার ভাগ করিয়া, ইঁহাদের সর্বনাশসাধনে প্রবৃত্ত হইল। এই পল্লীতে মুসলমানের সংখ্যা অধিক ছিল; পল্লীবাসিগণ বন্দুক ও তরবারি লইয়া, হউরোপীয়দিগকে আক্রমণ করিল। এই মারাত্মক আত্মের আঘাতে উক্ত আট জনের প্রায় সকলেই দেহ ত্যাগ করিলেন। কেবল এক জন মাত্র ঘটনাক্রমে আপনাদের নিরতিশয় দুর্দশার ও হ্রদৃষ্টের পরিচয় দিবার জন্ত জীবিত রহিলেন।

৮ই জুন ফৈজাবাদ হইতে যে চারি খানি নৌকা যাত্রা করিয়াছিল, তাহার তিন খানির আরোহীদিগের অদৃষ্টে এইরূপ দশা ঘটিল। অযোধ্যার প্রাচীন রাজধানী অযোধ্যার প্রান্তভাগে অবশিষ্ট নৌকাখানি ঘটনাক্রমে অন্তরালে থাকাতে আক্রমণকারী সিপাহীদিগের লক্ষ্যের বহির্ভূত হইয়াছিল। এই জন্ত উক্ত নৌকার আরোহীদিগের জীবনরক্ষা হইল। ফৈজাবাদ হইতে যাহারা পলায়ন করিয়াছিলেন, তাহাদের ছরবহার কথা বিশদভাবে বর্ণিত হয় নাই। যাহারা কোনরূপে আপনাদের জীবনরক্ষার সমর্থ হইয়াছিলেন, তাহাদের কেহ

কেহ এই শোচনীয় ঘটনার বর্ণনা করিয়া গিয়াছেন । বাহারা আশ্রয়স্থান জগু
অশ্রান্ত স্থান হইতে পলায়ন করিয়াছিলেন, তাঁহাদের পলায়নবৃত্তান্তের সহিত এই
বিবরণের তাদৃশ পার্থক্য নাই । পলাতকেরা কোন স্থানে প্রচণ্ড আতপতাপে
অবসর হইয়াছেন । কোন স্থানে পল্লীবাসীদিগের বস্ত্রে আহার্য ও পানীয়
পাইয়াছেন । কোন স্থানে আশ্রয়গৃহের অভাবে কষ্টের একশেষ ভোগ
করিয়াছেন । তাঁহাদের সহচর বা বন্ধু, তাঁহাদের নিকটে দেহভাগ করিয়া-
ছেন । তাঁহাদিগকে এই মৰ্ম্মভেদী, শোচনীয় দৃশ্য নিস্তব্ধভাবে দেখিতে হইয়াছে ।
তাঁহাদের পরমস্নেহের ধন, বাৎসল্যের অন্তিম অবলম্বন, প্রাণাধিক শিশুসন্তান
তাঁহাদের ক্রোড়ে হৃৎসহ যাতনা পাইয়া, অনন্ত নিদ্রায় অভিভূত হইয়াছে ।
তাঁহারা অশ্রুপূর্ণ নয়নে ইহা দেখিয়া, আগার বিপত্তিপূর্ণ পথ অতিবাহনে প্রবৃত্ত
হইয়াছেন । পলাতকদিগের পলায়নবৃত্তান্ত এইরূপ শোচনীয়ভাবে পরিপূর্ণ ।
বাহারা কৈজাবাদ হইতে নোকায় আরোহণপূর্বক প্রস্থান করিয়াছিলেন,
তাঁহাদের মধ্যে একটি কুলমহিলা আপনার কতিপয় শিশুসন্তানের সহিত নোকা
পরিভ্রমণ পূর্বক পলায়ন করেন । ইনি আপনার পলায়নবৃত্তান্তের বর্ণনা
করিয়াছেন । এই বর্ণনাতেও পূর্বেক্ত বিচিত্র ঘটনার সমাবেশ হইয়াছে । ইনি
কখনও অনাবৃত স্থলে রাত্রিযাপন করিয়াছেন, কখনও অনলগণাসদৃশ রৌদ্র-
তাপে নিপীড়িত হইয়াছেন, কখনও পানীয় বা আহার্যের অভাবে একান্ত অবসর
হইয়া পড়িয়াছেন । ইঁহার সন্তানগুলি পীড়িত হইয়া, ইঁহাকে অধিকতর কষ্ট
দিয়াছে । পল্লীবাসীদিগের কেহ কেহ উত্তেজিত সিপাহীদিগের ভয়ে ইঁহার
সাহায্য করিতে অসম্মত হইয়াছে । কেহ কেহ বলবতী দয়্যর আকর্ষণ পরিহার
করিতে না পারিয়া, সতয়চিত্তে ইঁহাকে উপযুক্ত আশ্রয়স্থল, সুবাস্ত্র আহারীয়
ও স্বশীতল পানীয় দিয়াছে । ইঁহার শিশুসন্তানদিগকে একান্ত অবসর দেখিয়া,
দয়্যবতী ধাত্রী উহাদের পরিচর্যা করিয়াছে । রাজা মানসিংহ ইঁহার
সাহায্য করিয়াছেন । এইরূপ নানা কষ্ট ভোগ করিয়া, ইনি ভারতবাসীর
অনন্ত দয়্যর এবং সৌজন্মে প্রাণ রক্ষা করেন । কোন কোন পলাতক
গোরক্ষপুরের অভিমুখে প্রস্থান করিয়াছিলেন । পথে ইঁহারা অবরুদ্ধ হইলেন ।
অবরোধকারিগণ ইঁহাদিগকে উত্তেজিত সিপাহীদিগের হস্তে সমর্পণ করিতে
উদ্ভত হইয়াছিল । এমন সময়ে মহম্মদ হোসেন খাঁ নামক এক ব্যক্তির অতুল-

গণ ইহাদিগকে রক্ষা করেন। মহম্মদ হোসেন খাঁ ইহাদিগকে আশ্রয় দেন, পরে গোরক্ষপুরের মাজিষ্ট্রেট ইহাদিগকে আনিবার জন্ত রক্ষক পাঠাইয়া দেন। ফৈজাবাদ হইতে যে মহিলা শিশুসন্তান লইয়া পলাইয়াছিলেন, তাঁহার সহিত আরও কতিপয় গলাতক সম্মিলিত হইলেন। ইহাদেরও দুর্দশার একশেষ হইয়াছিল। ইহাদের একজনের একটি সন্তানের মৃত্যু হয়। ইহাদের নিকটে সমাধি দিবার কোনরূপ উপকরণ ছিল না। ইহারা হাত দিয়া গর্ত করিয়া, কোনরূপে এই শিশুর সমাধিক্রিয়া সম্পন্ন করেন। বাহারা উপস্থিত বিপ্লবে প্রাণের দায়ে উদ্ভ্রান্ত হইয়া, আশ্রয়স্থানপ্রাপ্তির আশায় নানা দিকে ধাবিত হইয়াছিলেন, তাঁহাদের অদৃষ্টে এইরূপ কষ্ট, এইরূপ যাতনা, এইরূপ শোকতাপ ভিন্ন আর কিছুই ঘটে নাই।

ফৈজাবাদের দেওয়ানিবিভাগের চারি জন ইংরেজ কর্মচারী আশ্রয়কার জন্ত নৌকায় আশ্রয় গ্রহণ করেন নাই। বিপ্লবের সময়ে ইহারা, অমুচর এবং কুলকামিনী ও বালকবালিকাদিগের সহিত মানসিংহের সাহায্যপ্রাপ্তির আশায় ১১ই জুন শাহগঞ্জে উপনীত হইলেন। এই সময়ে মানসিংহ শাহগঞ্জে ছিলেন না, সিপাহীদিগের উত্তেজনায় কি ঘটতেছে, জানিবার জন্ত অযোধ্যায় গিয়াছিলেন। এই স্থান হইতে তিনি বলিয়া পাঠাইলেন যে, কুলকামিনী ও বালকবালিকারা তাঁহার আশ্রয়ে থাকিতে পারে, কিন্তু তিনি পুরুষদিগকে আশ্রয় দিতে পারিবেন না। পুরুষেরা যেন শীঘ্রই প্রস্থান করেন, যেহেতু সিপাহীরা ইউরোপীয়দিগের অনুসন্ধানের জন্ত কণ্ঠ তাঁহার বাড়ীতে যাইবে। সিপাহীদিগের আসিবার দিনেই নৌকা সংগৃহীত হইল। ৩৮ জন নদীর অভিমুখে যাত্রা করিলেন। ইহাদের উনত্রিশ জন নৌকায় চড়িয়া সুর্যোদয়ের প্রাক্কালে ফৈজাবাদের নয় মাইল দূরে গমন করিলেন। নদীতটে আসিবার সময়ে অপর নয় জনের গাড়ি ভাঙিয়া গেল। সুতরাং ইহারা নৌকা ধরিতে না পারিয়া, শাহগঞ্জে ফিরিয়া গেলেন। অতঃপর ইহাদিগকে গোরক্ষপুরে পাঠান হয়। এ দিকে নোকারোহিণ গোপালপুরের রাজার সাহায্যে নিরাপদে দানাপুরে উপনীত হইলেন।

ইউরোপীয়দিগের পলায়নবিবরণে, ভারতবর্ষীয়দিগের এইরূপ দয়্যার পরিচয় পাওয়া যায়। এ সময়ে ভারতের দুঃখিনী নারীরাও আপনাদের জীবন

সকটাপন্ন করিয়া বিপর্যয়গের উদ্ধারসাধনে যত্নবতী হইয়াছে। এক দিকে যেমন নরহত্যা, নরশোণিতপ্রবাহের ভয়ঙ্কর ভাব প্রকাশ পাইয়াছে, অপর দিকে সেইরূপ অসামান্য দয়া, অপরিণীম কোমলতা এবং অপরিমেয় সমবেদনার দৃশ্য পরিস্ফুট হইয়াছে। এই শেযোক্ত প্রকারের একটি ঘটনা এ স্থলে বিবৃত হইতেছে।

ফৈজাবাদের ডেপুটি কমিশনার কাছারিতে গিয়া শুনিলেন, সেনা-নিবাসের সিপাহীগণ বুদ্ধোন্মুখ হইয়াছে। তিনি এই সংবাদ শুনিবামাত্র একজন বিশ্বস্ত চাপরাসী দ্বারা, আপনার স্ত্রীকে, অবিলম্বে সমুদয় সম্পত্তি পরিত্যাগপূর্বক, নদীতটে দাঁড়তে বলিয়া পাঠাইলেন। এই চাপরাসী তাঁহার স্ত্রীর সহিত বাইবার জন্ত আদিষ্ট হইল। সহধর্মিণীর নিকটে সংবাদ পাঠাইয়া, ডেপুটি কমিশনার কার্য্যভূমিরোধে সেনানিবাসে গমন করিলেন। এদিকে কমিশনারের পত্নী শিবিকারোহণে বিশ্বস্ত ভৃত্যের সহিত নদীকূলের অভিমুখে যাইতে লাগিলেন। সিপাহীগণ এই সময়ে সম্পত্তিলুণ্ঠনের নিমিত্ত চারি দিকে ঘুরিয়া বেড়াইতে লাগিল। ভীতা ও অসহায়া ইংরেজমহিলা সন্ধ্যাসমাগমে কোন এক পল্লীতে প্রবেশ করিলেন। একটি দয়ালী পল্লীবাসিনী আপনার জীবন সকটাপন্ন করিয়াও, তাঁহাকে স্বকীয় গৃহে আশ্রয় দিয়া, একটি অব্যবহার্য্য তুন্দরের মধ্যে লুকাইয়া রাখিল। এদিকে বাহকগণ শিবিকা নদীকূলে রাখিয়া প্রস্থান করিল। কমিশনারের পত্নী ভয়বিম্বলচিত্তে সমস্ত রাত্রি, সেই তুন্দরের মধ্যে লুক্কায়িত রহিলেন। রাত্রিকালে সিপাহীরা উক্ত গ্রামে প্রবেশ করিয়া, চারি দিকে পলায়িত ইংরেজপুরুষ ও ইংরেজরমণীর অল্পসন্ধ্যানে প্রবৃত্ত হইল এবং পলায়িত ও আশ্রিতদিগকে বাহির করিয়া না দিলে, প্রাণসংহার করা হইবে বলিয়া, গ্রামবাসীদিগকে ভয় দেখাইতে লাগিল। আপনার জীবনহানির সম্ভাবনা জানিয়াও, কোমলহৃদয়া আশ্রয়দাত্রী নিরাশ্রয়া ইংরেজমহিলাকে উত্তেজিত সিপাহীদিগের হস্তে সমর্পণ করিল না। যখন ঐ রমণী গ্রামে প্রবেশ করেন, তখন গ্রামের পুরুষেরা কৃষিক্ষেত্রের কার্য্যে ব্যাপৃত ছিল, সুতরাং তাহাদের অনেকে ঐ বিষয় অবগত ছিল না। কিন্তু গ্রামের অধিকাংশ মহিলা ঐ বিষয় জানিত, তথাপি তাহাদের কেহই উহা প্রকাশ করিল না। ভয়ব্যাকুলা বিদেশিনী, দরিদ্রা আশ্রয়দাত্রীর অঙ্গগ্রহে তুন্দরের অভ্যন্তরে নীরবে সমস্ত রাত্রি

যাপন করিলেন। ক্রমে ভয়াবহ কোলাহলের শাস্তি হইল, সিপাহীগণ স্থানান্তরে চলিয়া গেল। রাত্রি প্রভাত হইলে, ডেপুটি কমিশনরের পূর্বোক্ত বিশ্বস্ত ভৃত্য, মহারাজ মানসিংহের নিকটে গিয়া, একখানি নৌকা প্রার্থনা করিল। মানসিংহ বিপন্নের উদ্ধারার্থে ভৃত্যের প্রার্থনা পূর্ণ করিলেন। ডেপুটি কমিশনরের পত্নী ও অপর কয়েকটি ইউরোপীয় মহিলা আপনাদের সন্তানবর্গের সহিত নৌকার অভ্যন্তরে প্রবিষ্ট হইলেন। বহির্ভাগে সমভিব্যাহারী কতিপয় বিশ্বস্ত ভৃত্য ও সিপাহী বসিয়া রহিল, এবং উহা তীর্থযাত্রীর নৌকা বলিয়া, সাধারণের নিকটে ভাণ করিতে লাগিল। দুই এক স্থানে ইহাদের সহিত উত্তেজিত সিপাহীদের সাক্ষাৎ হইয়াছিল, কিন্তু নৌকার অভ্যন্তরে পলাতক ইউরোপীয় আছে, ইহা সিপাহীগণ বুঝিতে পারে নাই। সন্ধ্যা উপস্থিত হইলে, নৌকা কোন নিরাপদ স্থানে দাড়াইয়া, কয়েক জন ভৃত্য দুধ ও রুটির জল, নিকটবর্তী পল্লীতে গমন করিল। এতানেও পল্লীবাসীগণ বিপন্ন পলাতকদিগের সাহায্য করিতে বিমুগ্ধ হইল না। একটি দয়াবতী রমণী শিশুগুলিকে ক্ষুধার্ত দেখিয়া, ক্রতগতি গ্রামে প্রবেশ করিল, এবং কয়েকটি দুধবতী ধাত্রী সঙ্গে করিয়া, নৌকার নিকটে উপস্থিত হইল। ইউরোপীয় মহিলাগণ আহ্লাদসহকারে ইহাদিগকে নৌকায় উঠাইলেন; ইহারা আপনাদের সন্তানদানে শিশুদিগের তৃপ্তিসাধন করিল। সিপাহীগণ জানিতে পারিলে, এই আশ্রয়দাত্রী ও সাহায্যকারিণী মহিলাদিগের প্রাণসংহার করিত। আপনাদের জীবন এইরূপ সংশয়াপন্ন করিয়াও, উক্ত রমণীগণ বিপন্নদিগের যথাশক্তি সাহায্য করে। এইরূপ সাহায্য পাইয়া, উক্ত কুলকামিনীগণ নিরাপদে এলাহাবাদে উপনীত হইলেন। ডেপুটি কমিশনর ও তাঁহার সহধর্মিণী এই মহদুপকার বিশ্বস্ত হইলেন নাই। যুদ্ধের অবসান হইলে, তাঁহারা উক্ত দয়াবতী মহিলাদিগকে যথোচিত পুরস্কৃত করিয়াছিলেন।

মুলতানপুর জেলার প্রধান নগর মুলতানপুর গে.মতীর দক্ষিণভাগে অবস্থিত। এই স্থানে ১৫ সংখ্যক অনিয়মিত অস্বারোহিদলের শিবির মুলতানপুর ছিল। এতদ্ব্যতীত ৮ সংখ্যক অনিয়মিত পদাতিদল এবং কতকগুলি অস্ত্রধারী পুলিশগ্রহরী অবস্থিতি করিতেছিল। কর্ণেল ফিশার ইহাদের অধিনায়ক ছিলেন। এই জুন মুলতানপুরের দেওয়ানিবিভাগের প্রধান কর্মচারী

সংবাদ পাইলেন যে, স্থানান্তরের উত্তেজিত সিপাহীগণ জুলতানপুরের সিপাহী-দিগের সহিত সম্মিলিত হইয়া, ইউরোপীয়দিগের নিধনের চেষ্টা করিতেছে। তৎপরদিনেও এইরূপ আতঙ্কজনক সংবাদ জুলতানপুরে পৌঁছিল। কর্ণেল ফিসার ৭ই তারিখে দুই জন আফিসরকে সঙ্গে দিয়া, কুলমহিলাদিগকে এলাহাবাদে পাঠাইলেন। ৯ই জুন প্রাতঃকালে সৈনিকেরা ইউরোপীয়দিগের বিরুদ্ধে সম্মুখিত হইল। কর্ণেল দ্বিগুণগতিতে সৈনিকবাসে গিয়া, সিপাহীদিগকে প্রশান্তভাবে ও মেহসহকারে আপনাদের কর্তব্যসাধনের জন্ত বৃথাহিতে লাগিলেন। ইহার মধ্যে একজন নজীব কর্ণেলের পৃষ্ঠদেশে গুলির আঘাত করিল। কর্ণেল আপনার সৈনিকদিগের সম্মুখে সাজ্বাতিকরূপে আহত হইয়া পড়িয়া গেলেন। যাহারা তাঁহার স্নেহের পাত্র ছিল, যাহাদিগকে তিনি কর্তব্য-সম্পাদনে দৃঢ়প্রতিজ্ঞ হইবার জন্ত ধীরভাবে উপদেশ দিতেছিলেন, তাহারা এইরূপে তদীয় উপদেশের সম্মান রক্ষা করিল। তাহাদের কেহই এ সময়ে আসন্নমৃত্যু অধিনায়কের সাহায্যের জন্ত উপস্থিত হইল না। টুকার নামক একজন সেনানায়ক কর্ণেলকে ডুলীর মধ্যে স্থাপন করিলেন। এই ডুলীর পার্শ্বেই আর একজন সেনানায়ক নিহত হইলেন। এদিকে কর্ণেল ফিসারেরও মৃত্যু-যাতনার অবসান হইল। সিপাহীরা এইরূপে আপনাদের অধিনায়কদিগের শোণিতপাত করিয়া, টুকার সাহেবকে পলাইতে হইল। টুকার অস্বারোহণ-পূর্বক প্রাণের দায়ে গোমতীর অভিমুখে ধাবিত হইলেন। গোমতীতটে দাড়িয়ানায়ক স্থানে রোস্তম শাহ নামক একজন তালুকদারের একটি দুর্গ ছিল। চারি দিকে বহুবিস্তৃত নির্বিড় জঙ্গলে এই দুর্গ পরিবেষ্টিত ছিল। ভূমির অভিন্ন বন্দোবস্তে রোস্তম শাহ নিরতিশয় ক্ষতিগ্রস্ত হইয়াছিলেন। রাজপুরুষেরা তাঁহার অনেক জমী অত্যাশ্রয়পূর্বক আধকার করিয়াছিলেন। কিন্তু ইংরেজ রাজপুরুষদিগের অত্যাচারণেও এই ধীরপ্রকৃতি তালুকদারের হৃদয়ে ইংরেজের প্রতি বিদ্বেষভাব উদ্দীপিত হয় নাই। যাহাদের বিচারে তাঁহার ক্ষতি হইয়াছিল, দয়া ও সৌজন্দের বশীভূত হইয়া, তিনি এ সময়ে তাহাদেরই উপকারসাধনে উদ্বৃত্ত হইলেন। নিরাশ্রয় ও বিপন্ন টুকার সাহেব তাঁহার দুর্গে আশ্রয় গ্রহণ করেন। ইহার সহিত আরও কতিপয় পলাতক সম্মিলিত হইলেন। আশ্রয়দাতা তালুকদারের সদয়ব্যবহারে আশ্রিতদিগের সর্ববিধে শান্তিলাভ হয়। বায়া-

গমীর কমিশনের হেনরি টুকার অতঃপর ইঁহাদিগকে আপনার নিকটে আনয়ন করেন। কিন্তু সুলতানপুরের দেওয়ানিবিভাগের কর্মচারীদিগের অদৃষ্ট এইরূপ প্রসন্ন হয় নাই। দুইজন কর্মচারী সুলতানপুরের জাসিন্ গাঁ নামক একজন জমীদারের গৃহে আশ্রয় গ্রহণ করেন। জাসিন্ গাঁ বাহিরে ইঁহাদের প্রতি বন্ধুত্ব ও সদয়ভাব প্রকাশে ক্রটি করে নাই। কিন্তু শেষে তাহার বিশ্বাসঘাতকতা পরিস্ফুট হয়। আশ্রয়দাতা আশ্রিতদিগকে আপনার গৃহ হইতে বাহির করিয়া দেয়। তাহার ইচ্ছানুসারে উভয় কর্মচারী বন্দকের গুলিতে নিহত হইলেন। অযোধ্যার ভূস্বামীদিগের পক্ষে এইটি কেবল বিশ্বাসঘাতকতার একমাত্র দৃষ্টান্ত, রাজপুরুষদিগের গোচর হইয়াছিল।

এইরূপে সুলতানপুরে ইউরোপীয়দিগের প্রাধান্য অস্তিত্ব হইল। অত্যাচার স্থানের উত্তেজিত লোকে আপনাদের কৃতকার্য্যতায় উৎফুল্ল হইয়া যেরূপ উৎসব করিয়াছিল, ইউরোপীয়দিগের নিধনে ও অপসারণে সুলতানপুরেও তাহার অনুষ্ঠান হইল। ইংরেজদিগের বাসগৃহ ভস্মীভূত এবং দ্রব্যাদি বিলুপ্ত হইল। গৃহদাহজনিত প্রজ্বলিত অনলস্বরূপ কিয়ৎকালের জন্য উত্তেজিত সিপাহীদের আমোদ বর্দ্ধন করিল। এইরূপ আমোদের পর সিপাহীরা নবাবগঞ্জের অভিমুখে প্রস্থান করিল।

ফৈজাবাদবিভাগের আর একটি স্থানে সৈনিকনিবাস ছিল। অযোধ্যার সলোনি। ১ সংখ্যক পদাতিকদের প্রধান অংশ সলোনিতে অবস্থিত করিতে-ছিল। মে মাস এবং জুন মাসের প্রথম সপ্তাহ পর্য্যন্ত এ স্থানে কোনরূপ গোলযোগ ঘটে নাই। সিপাহীগণ প্রশান্তভাবে ছিল। লোকে ধীরভাবে আপনাদের নির্দিষ্ট কর্ম করিতেছিল। জমীদারগণ নিয়মিতরূপে গবর্ণমেন্টের প্রাপ্য খাজানা দিতেছিলেন। প্রগাঢ় শান্তির সময়ে লোকে যে ভাবে থাকে, যেরূপে কর্ম করে, যে নিয়মে সংসারযাত্রানির্ব্বাহে অগ্রসর হয়, সলোনির অধিবাসীদিগের মধ্যে তাহাই পরিলক্ষিত হইতেছিল। সুতরাং কর্তৃপক্ষ সহসা কোনরূপ বিপ্লবের আশঙ্কা করেন নাই। কিন্তু যখন তাহার সংবাদ পাইলেন যে, ফৈজাবাদ ও সুলতানপুরের সিপাহীগণ গবর্ণমেন্টের বিরুদ্ধাচরণে প্রবৃত্ত হইয়াছে, তখন তাঁহাদের স্পষ্ট বোধ হইল যে, সলোনির সিপাহীগণ দীর্ঘকাল বিশ্বস্তভাবে থাকিবে না। ২ই জুন এই সিপাহীদিগের মধ্যে

উত্তেজনার নিদর্শন লক্ষিত হয়। ১০ই জুন ইহার প্রকাশভাবে ব্রিটিশ কোম্পানির বিপক্ষ হইয়া উঠে। কিন্তু উত্তেজিত সিপাহীদের বিপক্ষতায় অস্ত্রাত্ম স্থানে যে ভয়াবহ ব্যাপারের অনুষ্ঠান হইয়াছিল, সলোনিতে তাহা অল্পাধিক হয় নাই। এই স্থানে কোন ইউরোপীয়ের জীবনহানি ঘটে নাই। কোন ইউরোপীয় আপনার সমক্ষে প্রীতিভাজন বহুজনকে বিপক্ষের অস্ত্রাঘাতে দেহভ্যাগ করিতে দেখেন নাই। এই স্থানের সিপাহীগণ আপনাদের প্রাধিক্রোধোষণা করে। কারাগারের কয়েদীদেরকে বিমুক্ত করিতে অগ্রসর হয়। কিন্তু তাহার আফিসরদিগের অমূল্য জীবন রক্ষা করিতে ক্রটি করে নাই। তাহার আফিসরগণের রক্ষকস্বরূপ হইয়া নগরের বহির্ভাগ পর্য্যন্ত গমন করে। ২০ জন বিখ্যাত সিপাহী এই সময়ে আপনাদের অধিনায়ককে পরিত্যাগ করে নাই। ইউরোপীয়গণ এইরূপে বিপদ হইতে পরিত্রাণ পাইয়া, দরাওপুর নামক স্থানের দুর্গে উপনীত হইলেন। এই দুর্গ রাজা হনুমন্ত সিংহ নামক একজন তালুকদারের অধিকৃত ছিল। রস্তুম শাহের ছায় রাজা হনুমন্ত সিংহও ভূমিঘটিত বন্দোবস্তে সাতিশয় ক্ষতিগ্রস্ত হইয়াছিলেন। রস্তুম শাহের ছায় তিনিও এ সময়ে বিপন্ন ইংরেজদিগের প্রতি অপরিসীম প্রীতি প্রকাশ করেন। তাহার উদারতা, তাহার হিতৈষিতা, তাহার মহানুভাবতা, এ সময়ে পরিস্ফুট হয়। যে জাতির লোকে তাহাকে উৎসন্নপ্রায় করিয়াছিল, উপস্থিত সঙ্কটকালে তাহার যত্নে সেই জাতির বিপন্ন ব্যক্তিদিগের বিষবিপত্তি দূর হয়। তিনি সালোনির বিপন্ন ইউরোপীয়দিগকে আপনার দুর্গে আশ্রয় দেন। তিনি ইঁহাদের পরিচর্য্যার দিকে দৃষ্টি রাখেন। তিনি ইঁহাদের সহিত দেখা করিয়া, সমুদয় বিষয়ের বন্দোবস্ত করেন। যখন ইউরোপীয়গণ ইঁহার নিকট বিদায় গ্রহণ করেন, তখন তাঁহাদের একজন ইঁহাকে কহিলেন যে, বিপ্লবের শাস্তি হইলে তিনি তদীয় প্রণট বিষয়ের উদ্ধারে সহায়তা করিবেন। এই কথার উদারপ্রকৃতি তালুকদার সোজাভাবে দাঁড়াইয়া উত্তর করিলেন—“সাহেব! আপনাদের দেশের লোকে এই দেশে আসিয়া আমাদের রাজাকে তাড়াইয়া দিয়াছে। আপনারা আমাদের ভূসম্পত্তির দলীলপত্রী-কার জন্ত আপনাদের কর্মচারীদেরকে চারি দিকে পাঠাইয়াছেন। যে সম্পত্তি স্বরণাতীত কাল হইতে আমার বংশের দখলে রহিয়াছিল, আপনারা তাহা লইয়াছেন। আমি আপনাদের আদেশের বিরুদ্ধে দণ্ডায়মান হই নাই। এখন

সহসা আপনাদের অদৃষ্ট পরিবর্তিত হইয়াছে। এই দেশের লোকে আপনাদের বিরোধী হইয়া উঠিয়াছে। আপনারা যাহাকে সম্পত্তিচ্যুত করিয়াছেন এখন তাহারই নিকটে উপস্থিত হইয়াছেন। আমি আপনাদিগকে রক্ষা করিয়াছি। কিন্তু এখন—এখন আমি আমার সশস্ত্র অমুচরদিগকে লইয়া লক্ষ্যে যাইব এবং আপনাদিগকে এই দেশ হইতে তাড়াইতে চেষ্টা করিব।* রাজা হনুমন্ত সিংহ গভীরভাবে এই কথা কহিয়া, আশ্রিত ইউরোপীয়দিগকে বিদায় দিয়াছিলেন। সন্তোষের বিবরণ এই যে, বিপ্লবের শান্তি হইলে এই সদাশয় তালুকদারকে তাঁহার সম্পত্তি ফিরাইয়া দেওয়া হইয়াছিল। মলোনির ইউরোপীয়গণ রাজা হনুমন্তের সাহায্যে নিরাপদে এলাহাবাদে উপনীত হইলেন। এই সময়ে অপরাপর সম্ভ্রান্ত ব্যক্তিগণও বিপ্লবদিগের যথোচিত সাহায্য করিয়াছিলেন।

বহরইচবিভাগের মধ্যে বহরইচ, গণ্ডা এবং মোলাপুর বা মলাপুর জেলা।

প্রথম দুইটি বর্ষরানদীর বাম তটে এবং তৃতীয়টি উহার দক্ষিণ তটে বহরইচ। অবস্থিত। উপস্থিত সময়ে চার্লস উইলফ্রীড (পরে জার্স চার্লস উইলফ্রীড) এই বিভাগের কমিশনার ছিলেন। ইনি বহরইচে থাকিতেন। এই ষ্টেশন ব্যতীত পশ্চিমে মটপুর, দক্ষিণে সিক্রোরা, দক্ষিণপশ্চিমে গণ্ডা অবস্থিত। ইহার মধ্যে সিক্রোরা প্রধান সৈনিক ষ্টেশন। ১৮৫৭ অব্দে মে মাসে সিক্রোরার সৈনিকনিবাসে একদল অঝারোহী, একদল পদাতি এবং অযোধ্যার অনিঃশ্রিত সৈনিকদের গোলন্দাজ দৈনিক ছিল। কাণ্ডোন বোগিও এই সকল সৈনিকদের অধিনায়ক ছিলেন।

যখন মিরাত এবং দিল্লীর সংবাদ বহরইচে উপস্থিত হয়, তখন তত্রত্য সৈনিকদিগের মধ্যে কোনরূপ অসন্তোষ বা উত্তেজনা দেখা যায় নাই। সিপাহীরা পূর্কের জায় রাজভক্তির পরিচয় দিতেছিল, পূর্কের জায় বিশ্বস্তভাবে আপনাদের কর্ম সম্পাদন করিতেছিল, পূর্কের জায় সন্তোষসহকারে আপনাদের অধিনায়কদিগের প্রতি শ্রদ্ধা দেখাইতেছিল। কিন্তু কেবল মিরাত এবং দিল্লীর ঘটনায় উপস্থিত বিপ্লবের পরিসমাপ্তি হয় নাই। মিরাতে যাহার আবির্ভাব হইয়াছিল, দিল্লীতে যাহার বিস্তৃতি ঘটয়াছিল, তাহা অন্ত্যস্ত সৈনিকনিবাসেও পরিব্যাপ্ত

* Mulleson, Indian Mutiny, Vol. I. p. 407, note.

হইয়া পড়ে । এক সৈনিকনিবাস হইতে আর এক সৈনিকনিবাসে এই বিপ্লবের সংবাদ উপস্থিত হয় । প্রাতি সৈনিকনিবাস উহাতে আন্দোলিত হইয়া উঠে । এইরূপ বিপ্লবের অভিঘাতে বহরইচবিভাগেরও সম্বাদিত হইবার সম্ভাবনা ছিল । স্মৃতরাং কমিশনর সাহেব নিশ্চিত থাকিতে না পারিয়া, মহিলা ও বালকবালিকাদিগকে উপযুক্ত রক্ষক সঙ্গে দিয়া, লঙ্কোতে পাঠাইয়া দিলেন । তিনি স্বধর্ম্মাবলম্বীদিগের রক্ষার জ্ঞাত নিশ্চেষ্ট রহিলেন না । অযোধ্যা ব্রিটিশ কোম্পানির অধিকৃত হওয়াতে তালুকদারদিগের যার পর নাই ক্ষতি হইয়াছিল । এখন এই তালুকদারগণই উপস্থিত সঙ্কটকালে ব্রিটিশ কর্মচারীদিগের প্রধান রক্ষক হইলেন । পূর্বে এইরূপ কতিপয় তালুকদারের মহাভ্রতাবতার বিষয় বিবৃত হইয়াছে : বহরইচবিভাগের কমিশনরও আপনাদের রক্ষার জ্ঞাত তালুকদারদিগের সাহায্য প্রার্থনা করেন । ইহাদের মধ্যে বলরামপুরের রাজা জাহাঙ্গির সিংহ প্রধান । ইনি কমিশনর সাহেবের বন্ধু ছিলেন । ইনি ইংরেজদিগের বিপদে উৎফুল্ল হইয়া উঠে । ইংরেজদিগকে অধিকতর বিপন্ন করিতে ইনি যত্ন বা উৎসাহের পরিচয় দেন নাই । উইলফ্রীড সাহেবের প্রার্থনাপূরণে ইহার আগ্রহ পরিস্ফুট হয় । কমিশনর সাহেব আপনাদের বিপত্তিকালে ইহাকে প্রধান সহায় মনে করিয়া আশ্রয় করেন ।*

একদা সন্ধ্যা রাত্রিকালে জননব উঠিল যে, সিপাহীগণ গবর্ণমেণ্টের বিরুদ্ধাচরণে উত্তত হইয়াছে । মহিলা ও বালকবালিকাগণ লঙ্কোতে প্রেরিত হইলে, আফিসরেরা কমিশনরের গৃহে শয়ন করিতেন । এখন সিপাহীদিগের সমুখানবর্তী গুলিয়া, ইহার গভীর নিশীথের অন্ধকারের মধ্যে সৈনিকনিবাসের দিকে ধাবিত হইলেন । গোলন্দাজেরা তাঁহাদের আদেশপালনে অগ্রসর হইল । কিন্তু এ সময়ে সিপাহীদিগের বিরুদ্ধাচরণের কোন চিহ্ন দেখা গেল না । আফিসরেরা আপনাদের শয়নগৃহে প্রত্যাবর্তন করিলেন । সৈনিকনিবাস নিশীথের নিস্তব্ধতার মধ্যে নিমগ্ন রহিল ।

এই ঠানের সিপাহীদিগের উত্তেজনাসম্বন্ধে অন্তরূপ কথা উল্লেখ হইয়া

* দিগ্বিজয় সিংহ অভ্যুত্থানের কে. সি. এস. আই. উপাধিতে ভূষিত এবং গবর্ণর-জেনারেলের কৌনসিলের সদস্য হইলেন ।

থাকে। সিপাহীদিগের মধ্যে আশঙ্কা জন্মিয়াছিল যে, রাত্রিকালে যখন তাহারা নিদ্রিত থাকিবে, তখন তাহাদিগকে গুলি করিয়া ধ্বংস করা হইবে। এইরূপ কাল্পনিক আশঙ্কায় তাহারা সাতিশয় উদ্ভিগ্ন হইয়া উঠে। উদ্বেগের আবেগ ক্রমে উত্তেজনার পরিণত হয়। ইহাতে অধিনায়কের স্পষ্ট বোধ হইল যে, সৈনিকদল তাহারা বশবর্তী থাকিবে না। তিনি প্রতিমুহূর্ত্তে ঘোরতর বিপ্লবের আশঙ্কা করিতে লাগিলেন। স্থার হেনরি লরেন্স দেওয়ানি এবং সৈনিকবিভাগের অধ্যক্ষদিগের নিকট পিথিয়াছিলেন যে, যদি বিপ্লব ঘটে, তাহা হইলে আপনাদিগকে নিরাপদ করিবার জন্ত তাহাদের সকল বিষয়ে স্বাধীনতা থাকিবে। সর্বপ্রায়ে কমিশনের উইঙ্গফীল্ড সাহেব এই উপদেশের সম্মান রক্ষা করিলেন। তিনি অস্বাভাবিকপূর্ব্বক সামন্তন বায়সেবনজ্জলে বহির্গত হইয়া, সবেগে গণ্ডার অভিমুখে ধাবিত হইলেন।

এই সময়ে গণ্ডার কোনরূপ গোপযোগ ঘটে নাই। কাছারিতে বিচারক-গণ নিরুদ্বেগে কন্ম করিতেছিলেন। সৈনিকনিবাসের সিপাহীগণ গণ্ডা। প্রশান্তভাবে ছিল। মে মাসের শেষ পর্য্যন্ত এইরূপ প্রশান্তভাবে অব্যাহত থাকে। জুন মাসের প্রথম সপ্তাহে সাধারণের মধ্যে ভাবান্তর লক্ষিত হইতে থাকে। কিন্তু ইহাতে কোন বিষয়ে কোনরূপ অশুভতা বা কোনরূপ গোপযোগের সূত্রপাত হয় নাই। সিপাহীগণ দৃঢ়তার সহিত কহে যে, তাহারা কখনও নিজের সম্মানরক্ষায় ওদাস্ত প্রকাশ করিবে না। কিন্তু যখন উইঙ্গফীল্ড সাহেব ফৈজাবাদ ও সিক্রোরার সংবাদ লইয়া উপস্থিত হইলেন, তখন গণ্ডার সিপাহীদিগের বিশ্বস্ততা সম্বন্ধে কণ্ঠপক্ষের সন্দেহ জন্মিল। সিপাহীরা যদিও বিশ্বস্তভাবে থাকিতে আগ্রহ প্রকাশ করিতে লাগিল, তথাপি অধিনায়কদিগের সন্দেহ দূর হইল না। উইঙ্গফীল্ড সাহেব দেওয়ানি কন্ম-চারীর সহিত বলরামপুরের অভিমুখে পলায়ন করিলেন। বলরামপুররাজ ইহাদিগকে আশ্রয় দিলেন, এবং কয়েকদিন পরে উপযুক্ত রক্ষা সঙ্গে দিয়া, গোরক্ষপুরে পাঠাইয়া দিলেন। পথে অত্র একজন সদয়প্রকৃতি রাজার সাহায্যে ইহারা নিরাপদে গোরক্ষপুরে উপনীত হইলেন। গণ্ডার সৈনিকদলের অধিনায়ক এবং তাহারা সহযোগী আপনাদের লোকদিগকে প্রশান্তভাবে ঐ স্থানে রাখিলেন। কিন্তু পরে যখন তাহারা দেখিলেন যে, তাহাদের প্রয়াস

কোন অংশে সফল হইবে না, তখন তাঁহারা ঐ স্থানে না থাকিয়া, পর দিন সিক্রোয়ার কতিপয় আফিসরের সহিত বলরামপুরের অভিমুখে প্রস্থান করিলেন ।

এইরূপে গণ্ডা ও সিক্রোয়া হইতে শ্বেতপুরুষগণ আপনাদের প্রাণের দায়ে পলায়ন করিলেন । কেবল একজন মাত্র সাহসী সেনানায়ক—বন্হাম আপনাদের প্রাধান্তরক্ষার আশায় শেষোক্ত স্থানে রহিলেন । এই অধিনায়ক গোলন্দাজ-দলে অধ্যক্ষতা করিতেন । ইঁহার সৈনিকগণ আপাততঃ ইঁহার প্রতি অমুরক্ত রহিল, ইঁহার আদেশপালনে আগ্রহ দেখাইতে লাগিল, ইঁহার বিপত্তিনিবারণে সতর্কতার পরিচয় দিতে লাগিল । কমিশনের অগ্র স্থানের অভিমুখে ধাবিত হইয়াছিলেন । পদাতিদলের আফিসরেরা হানাস্তরে প্রস্থান করিয়াছিলেন *, ব্রিটিশ কোম্পানির আধিপত্যের চিহ্ন বিলুপ্ত হইয়াছিল । এইরূপ সঙ্কটময় স্থানে, এইরূপ উদ্বেজিতপ্রায় সৈনিকদিগের মধ্যে গোলন্দাজ সেনানায়ক অবস্থিতি করিতে লাগিলেন । সিপাহীগণ বিশ্বস্তভাবে থাকিতে প্রতিশ্রুত হইয়া, তাঁহাকে আপনাদের অধিনায়ক হইতে বলিল । তিনি সম্মত হইলেন এবং পদাতি ও গোলন্দাজদিগকে সঙ্গে লইয়া, লক্ষ্যে যাইবার বন্দোবস্ত করিলেন । কিন্তু অধিনায়কের আশা ফলবতী হইল না । সিপাহীদিগের প্রতিশ্রুতিও রক্ষিত হইল না । পদাতিগণ কথার অবাধ্য হইয়া উঠিল । গোলন্দাজদিগেরও ভাবান্তর ঘটিল । অধিনায়ক ইহাতেও বিচলিত না হইয়া, আপনার কামানের পার্শ্বে রহিলেন । যখন পদাতিগণ তাঁহার দিকে অগ্রসর হইল, তখন তিনি গুলি করিতে গোলন্দাজদিগকে আদেশ দিলেন । তাঁহার আদেশ প্রতিপালিত হইল না । অধিকন্তু তাঁহার লোকেই তাঁহার দিকে বন্দুক উঠাইল । কিন্তু এ সময়ে সকলেই সমভাবে তাঁহার বিরোধী হয় নাই । প্রভুভক্তি অনেককে এ সময়েও প্রভুর প্রতি সদাচরণে প্রবর্তিত করিয়াছিল । ইঁহার অধিনায়কের

* সিপাহীযুদ্ধের ইতিহাসলেখক কে সাচেন শুনিয়াছিলেন যে, পূর্বদিন সন্ধ্যাকালে আফিসরেরা আপনাদের সৈনিকগণকে বন্দুক অগ্রসর হইয়াছিলেন । প্রাতঃকালে পাহারা বদলি না হওয়াতে রক্তকেরা সৈনিকনিবাসে ঢালায় যাব । এই হযোগে আফিসরগণ অধারোহণে বলরামপুরে পলায়ন করেন ।—*Kaye, Sepoy War, Vol. III. p. 476, note.*

জন্ম ঘোড়া আনে, টাকার জোগাড় করে, এবং যাহার জীবনরক্ষার্থে এইরূপ আয়োজনে তৎপর হইয়াছিল, তাঁহাকে পলাইতে কহে। সিক্রোরার গোলন্দাজদিগের অধিনায়ক আর কোন উপায় না দেখিয়া, সম্ভ্রান্তভাবে আপনার চিরপরিচিত ও চির আদরণীয় কামান ছাড়িয়া, দ্রুতগতিতে প্রস্থান করেন।

পলায়নসময়ে এই অধিনায়ককে বলিয়া দেওয়া হইয়াছিল যে, তিনি যেন নদীপার হইবার সময়ে, বৈরাম ঘাটের দিকে অগ্রসর না করেন, যেহেতু ঐ ঘাটে উত্তেজিত সিপাহীদিগের অধিকাংশ অবস্থিতি করিতেছে। পলাতক সেনানায়ক একজন্ম সাবধান হইয়াছিলেন। কিন্তু বহরইচের ইউরোপীয়দিগকে কহই এইরূপ সাবধান করিয়া দেয় নাই। ঐ স্থানের সেনানায়ক এবং ডেপুটি কমিশনার ও তাহার সহকারী অঝারোহণে নওপাড়ার অভিমুখে প্রাবৃত হইলেন। কিন্তু এই স্থানে তাহার আশ্রয় পাইলেন না। নওপাড়ার অধিপতি অপ্রাপ্তবয়স্ক ছিলেন। যিনি তাহার সম্পত্তির তত্ত্বাবধান করিতেছিলেন, ইংরেজের প্রতি তাহার সমবেদনা ছিল না। যাহা হউক, পলাতকগণ ঐ স্থানে আশ্রয় না পাইলেও, কোনরূপে বিপন্ন হইলেন না। কিন্তু দূর্ভাগ্যক্রমে ইহারা উত্তেজিত সিপাহীদিগের অবস্থিতিস্থল বৈরাম ঘাটের দিকে গমন করিলেন। পলাতকগণ এতদেগীয়দিগের পরিচ্ছদ ধারণ করিয়াছিলেন। এইরূপ ছদ্মবেশে ইহারা ঘাটে উপস্থিত হইয়া, আপনাদের ঘোড়াগুলি নৌকার তুলিয়া দিলেন। এই সময়ে কতিপয় সিপাহী, ফিরিঙ্গি পলাইতেছে বলিয়া, চীৎকার করিয়া উঠিল। অমনি অপর সিপাহীগণ নদীতটে উপনীত হইয়া, আরোহীদিগের উপর গুলি চালাইতে লাগিল। ডেপুটি কমিশনার ও সেনানায়ক নিহত হইলেন। ডেপুটি কমিশনারের সহকারীকে নৌকার বাহিরে আনয়ন হইল। সহচরদিগের অদৃষ্টে যাহা ঘটয়াছিল, কয়েকদিন পরে ইহারা অদৃষ্টেও তাহাই ঘটিল। কথিত আছে, বহরইচের সেনানায়ক, ফজল আলি নামক একজন দস্যুকে ধরিয়াছিলেন। বিচারে এই দস্যুর প্রাণদণ্ড হয়। ইহাকে ধুরিবার সময়ে যে সকল সিপাহী উক্ত সেনানায়কের সাহায্য করিয়াছিল, তাহার। এখন কোম্পানির বিরোধী হইয়া, ১৭ সংখ্যক পদাতিদলকে বলিয়া পাঠাইল যে, ফজল আলির নিধনের জন্ত সেনানায়কের সখকে কি করিতে হইবে। উক্ত পদাতিগণ উত্তর

মিল—“উহার শিরশ্ছেদ কর”। অবিলম্বে এই সেনানায়ক এবং তাঁহার একজন সহচর ধৃত ও নিহত হইলেন।

মোলাপুর বা মলাপুরে কোনও সিপাহী ছিল না, সুতরাং ঐ স্থানে সহসা কোনরূপ বিপদ ঘটিবে বলিয়া, কেহ আশঙ্কা করেন নাই। কিন্তু মোলাপুর।

কিছুদিন পরে উচ্ছৃঙ্খল লোকের অস্ত্র শাস্তির ব্যাঘাত হয়। রাজপুত্রবোরা শাস্তিরক্ষায় অসমর্থ হইয়া পলায়ন করেন। পথে সীতাপুর এবং অন্যান্য স্থানের পলাতকেরা ইহাদের সহিত সন্মিলিত হইলেন। ইহারা প্রথমে নৌকার চড়িয়া পলাইতেছিলেন, কিন্তু ইহাতে বিপদের সম্ভাবনা আছে জানিয়া, নৌকা পরিত্যাগপূর্ব্বক স্থলপথে যাত্রা করেন। পথে ইহাদিগকে ণ্ডড়িয়ানামক স্থানের রাজার মতিয়ারিস্থিত ভবনে প্রায় ছই মাস অবস্থিতি করিতে হয়। ইহার পর কেহ কেহ শত্রুহস্তে পতিত হইলেন। কেহ কেহ নেপালের পাহাড়ে পলায়ন করেন। ঐ স্থানের একজন রাজা পলাতকদিগকে আশ্রয় দেন। কিন্তু ইহাতেও হতভাগ্যদিগের জীবনরক্ষা হয় নাই। নেপালতরাইর অস্বাস্থ্যকর জল-বায়ুর পরাক্রমে অনেকের প্রাণান্ত ঘটে। কেবল একজন মাত্র পীড়ার আক্রমণ হইতে রক্ষা পাইয়া, জঙ্গ বাহাদুরের গোরক্ষপুরস্থিত শিবিরে উপনীত হইলেন।

লক্ষৌবিভাগের অন্তর্গত দরীয়াবাদে অযোধ্যার ৫ সংখ্যক পদাতিদল অবস্থিতি করিতেছিল। মে মাসে ইহাদের মধ্যে কোনরূপ গোলযোগ ঘটে দরীয়াবাদ।

নাই। কাপ্তেন ইহাদের প্রতি স্নেহ প্রকাশ করিতেন। ইহারাও কাপ্তেনকে ভালবাসিত এবং ধীরভাবে কাপ্তেনের আদেশ পালন করিত। সুতরাং কাপ্তেনের বিশ্বাস ছিল যে, তাঁহার স্নেহের পাত্রগণ শেষ সময় পর্যন্ত তাঁহার প্রতি অহুরক্ত থাকিবে। প্রায় তিন লক্ষ টাকা দরীয়াবাদের ধনাগারে ছিল। এই অর্থরাশি উপস্থিত সময়ে গোলযোগের কারণস্বরূপ হইয়াছিল। পদাতিদলের কাপ্তেন প্রথমতঃ এই টাকা লক্ষৌতে লইয়া যাইতে ইচ্ছা করিয়াছিলেন। কিন্তু তাঁহার অস্থপস্থিতিতে দরীয়াবাদের অন্যান্য ইউরোপীয়ের বিয় ঘটিবে বলিয়া, তিনি এ বিষয়ে নিরস্ত হইলেন। শেষে ঐ অর্থ স্থানান্তরিত করাই

* *Mutiny of the Bengal Army. By one who served under Sir Charles Napier, p. 82.*

সিদ্ধান্ত হইল। কাপ্তেন সমস্ত টাকা ধনাগার হইতে, এবং সমস্ত কয়েদীকে কারাগার হইতে সৈনিকনিবাসে আনিলেন। কয়েদীরা কারাগার হইতে মুক্ত-লাভ করিয়া, পাছে কোনরূপ গোলযোগ ঘটায়, এই আশঙ্কায় উক্তরূপ ব্যবস্থা হইল। ২২ জুন সমস্ত টাকা গাড়িতে বোঝাই করা হইল। সিপাহীরা আনন্দ-খুচক ধ্বনি করিয়া, সৈনিকনিবাস হইতে যাত্রা করিল। কিন্তু অর্ধ মাইল পথ অতিক্রম করিতে না করিতে তাহাদের ভাবান্তর ঘটিল। তাহারা আপনাদের অধিনায়কের সমক্ষে উচ্ছ্বলভাবের পরিচয় দিল। কিন্তু এ সময়ে তাহাদের মধ্যে কেহ কেহ প্রভুভক্তিতে বিসর্জন দেয় নাই। যখন তাহাদের সতীর্থগণ ইউরোপীয়দিগকে-আক্রমণ করিতে উদ্যত হয়, তখন তাহারা উহাতে বাধা দেয়। সিপাহীদিগের এইরূপ বিপক্ষতায় ইউরোপীয়গণ হতাশাস হইলেন। গাড়িবোঝাই টাকা আবার দরীয়াবাদে কিরাইয়া আনা হইল। ইউরোপীয়গণ উপায়ান্তর না দেখিয়া, পলায়নে উদ্যত হইলেন।

উত্তম সফল হইল। কেহ কেহ একায়ে চড়িয়া লক্ষ্যোতে উপস্থিত হইলেন। কেহ কেহ অশ্বারোহণে পলায়ন করিলেন। সিপাহীগণ কাপ্তেনের প্রতি গুলি চালাইলেও কাপ্তেন অশ্বারোহণে অক্ষতশরীরে লক্ষ্যোতে উপস্থিত হইলেন। সিপাহীরা কয়েকদিন দরীয়াবাদে রহিল। পরে তাহাদের প্রধান আড্ডা নবাব-গজের অভিযুগে ধাবিত হইল। ইংরেজেরা এইরূপে দরীয়াবাদ হইতে নিষ্কাশিত হইলেন। সমগ্র বিভাগে অযোধ্যার নবাবের প্রাধান্ত্য শোষিত হইল।

এইরূপে অযোধ্যার ভিন্ন ভিন্ন বিভাগে, ভিন্ন ভিন্ন সৈনিকদলে গোলযোগ ঘটে। এ সম্বন্ধে সিপাহীযুদ্ধের ইতিহাসলেখক কে সাহেব এই ভাবে লিখিয়াছেন—“এই সকল ঘটনায় ইংরেজের জীবন এবং ইংরেজের সম্পত্তির যেরূপ অনিষ্ট ঘটিয়াছে, সেইরূপ আমাদের জাতীয় গৌরবেরও হানি হইয়াছে। প্রত্যেক স্থানেই আমাদের প্রাধান্ত্য অন্তর্হিত হইয়াছে। প্রত্যেক স্থানেই আমাদের সজ্জাতিগণ শৃগালশকুনি প্রভৃতির ভক্ষ্য না হইলেও, আপনাদের প্রাণনাশের ভয়ে উদ্ভ্রান্তভাবে পলায়ন করিয়াছে এবং কিছুকাল পূর্বে যে সকল লোকে সভয়ে তাহাদের আদেশ পালন করিয়াছে, তাহাদেরই নিকটে কাতরভাবে করুণা ভিক্ষা করিয়াছে। ** ইহাদের কেহ কেহ বহু কষ্টে লক্ষ্যোতে উপনীত হইয়াছে, কেহ কেহ গোরক্ষপুরে পলায়ন করিয়াছে, কেহ কেহ বা

ভাগ্যক্রমে এলাহাবাদে গিয়া, আপনাদিগকে নিরাপদ ভাবিয়াছে। অবশিষ্ট পলাতকেয়া পথে জীবন বিসর্জন করিয়াছে। যেক্রপ দুর্ঘটনার মধ্যে ইহাদের প্রাণরক্ষা হইয়াছে, যেক্রপ যাতনাতোগের পর ইহারা দেহত্যাগ করিয়াছে, তাহা সম্পূর্ণরূপে বিবৃত হয় নাই।” *

এ স্থলে কতিপয় পলাতক রাজপুত্রের শোচনীয় অদৃষ্টের কথা সংক্ষেপে বর্ণিত হইয়াছে। উপস্থিত সময়ের ভয়ঙ্কর বিপ্লবে ইংরেজদিগের ক্রিয়াদর্শাবিপৰ্য্যয় ঘটিয়াছিল, তাহা এই বর্ণনার বুঝা যাইবে। মীতাপুরের স্থান মাউন্ট ষ্ট্রুয়াট্ জাক্সন্ নামক একজন সিবিলিয়ান আপনার দুইটি ভগিনীর সহিত উক্ত স্থানের দুর্ঘটনা হইতে কোনরূপে পরিত্রাণ পাইয়া পলায়ন করেন। পলায়নের গোলযোগে একটি ভগিনী আপনার ভ্রাতা হইতে বিচ্ছিন্ন হইয়া পড়েন। জাক্সন্ সাহেব একটি মাত্র ভগিনীর সহিত আশ্রয়স্থানের অভিমুখে ধাবিত হইলেন। পথে আরও কতিপয় পলাতকের সহিত ইহাদের সাক্ষাৎ হয়। সকলেই মিথোলীতে গমন করেন। এই স্থানে মোহমদীর সহকারী ডেপুটি কমিশনের কাপ্তেন অর্ আপনার ক্রী এবং সন্তানদিগকে পাঠাইয়াছিলেন। অযোধ্যার ৯ সংখ্যক আনয়নিত সৈনিকদলের স্ববাদের জৈয়রী সিংহ ইহাদের রক্ষক ছিলেন। মিথোলীর রাজা লুনা সিংহ কাপ্তেন অরের নিকটে অনেক বিষয়ে ঋণী ছিলেন। এইজন্য কাপ্তেন আপনার এগারনী ও স্নেহাস্পদ সন্তানদিগকে ঐ স্থানে পাঠাইতে সাহসী হইয়াছিলেন। বিবি অর্ সমস্ত রাজি পথ অতিবাহন করিয়া পূর্বাত্ম আটটার সময় মিথোলীতে উপস্থিত হইলেন। রাজা এই সময়ে নিদ্রিত ছিলেন। বিবি অরের উপস্থিতির দুই ঘণ্টা পরে রাজার নিদ্রাভঙ্গ হয়। রাজা বিবি অরকে আপনার দুর্গে স্থান না দিয়া, কাচিয়ানিনামক স্থানের দুর্গে পাঠাইয়া দেন। যেহেতু ঐ স্থান রাজার নিকটে অধিকতর নিরাপদ বোধ হইয়াছিল। বিবি অর্ কাচিয়ানির দুর্গে উপনীত হইলেন। দুর্গটি মুক্তিকানির্ধৃত। উহার চারি দিকে নিবিড় জঙ্গল। এই স্থানে জনসমাগম নাই। শাপনকুলের বিহারভূমি—মুগ্ধ দুর্গে উপস্থিত হইয়া, বিবি অর্ যেক্রপ বিরক্ত, যেক্রপ হুঃখিত, সেইক্রপ শঙ্কিত হইলেন। দুর্গে ব্যবহারোপযোগী

* Kaye, Sepoy War, Vol. III. p. 481-482.

জব্বাদি ছিল না। সুতরাং নানা বিষয়ে বিবি আরের অন্তর্বিধা ঘটিল। সন্ধ্যাকালে রাজা স্বয়ং দুর্গে আসিয়া, বিবি আরের সহিত সাক্ষাৎ করিলেন এবং উপস্থিত সঙ্কটকালে তাঁহাকে রক্ষা করিতে প্রতিশ্রুত হইলেন। জাক্সন সাহেব, তাঁহার ভগিনী, কাপ্তেন অর্ এবং অপর কয়েক জন পলাতকও এই দুর্গে উপস্থিত হইয়াছিলেন। মিথোলীর রাজা ইঁহাদিগকেও আশ্রয় দেন। তিনি উত্তেজিত সিপাহীদিগের জন্ত ভীত হইলেও, ইঁহাদের নিকটে খাদ্য সামগ্রী প্রেরণ করেন। কাচিয়ানির জঙ্গল বন্ত জন্ততে একরূপ পরিপূর্ণ ছিল যে, স্থাপদ-কুলকে দূরে রাখিবার জন্ত পলাতকদিগকে রাত্রিকালে খোলা জায়গায় আশ্রয় আলাইয়া থাকিতে হয়।

সীতাপুর হইতে আরও কতিপয় পলাতক এই স্থানে আসিয়াছিলেন। ইঁহাদেরও ছুরবস্ত্রার একশেষ হইয়াছিল। ইঁহাদের পরিচ্ছদ ছিন্ন হইয়াছিল। ইঁহাদের পায়ের জুতা নষ্ট হইয়া গিয়াছিল। জঙ্গলের কটকময় পথ অতিক্রম করিতে ইঁহাদের পদদেশ ক্ষতবিক্ষত হইয়া গিয়াছিল। * পথপ্রমে, আহাৰ্য্য ও পানিয়ার অভাবে ইঁহারা একবারে অবসন্ন হইয়া পড়িয়াছিলেন। এইরূপ দুঃসহ যাতনায় ইঁহাদিগকে কাচিয়ানির জঙ্গলে থাকিতে হয়।

ইহার মধ্যে কাপ্তেন অর্ ও দুর্গে সমাগত হইলেন। কিছুকাল সকলে সেই গভীর আরণ্য প্রদেশে, সেই স্থাপদ-পরিবৃত্ত যুগ্ম দুর্গে অবস্থিতি করিতে লাগিলেন। জুন মাস অতীত হইল। জুলাই মাসও দেখিতে দেখিতে চলিয়া গেল। কিন্তু পলাতকদিগের দুর্গতি দূর হইল না। ক্রমে আগষ্ট মাস সমাগত হইল। এখন মিথোলীর রাজা বিপন্ন ইউরোপীয়দিগের অধিকতর বিপদের হেতুভূত হইয়া উঠিলেন। তাঁহার নিকটে উত্তেজিত সিপাহীরা পলাতকদিগের সন্ধান পাইল। কিন্তু সিপাহীগণ ঐ নিবিড় অরণ্যে প্রবেশ করিল না। রাজার আদেশে পলাতকেরা আপনাদের অরণ্যময় বাসস্থল পরিত্যাগ করিলেন। তাঁহারা কোথায় যাইবেন, কাহার হস্তে সমর্পিত হইবেন, তাহা বুঝিতে পারিলেন না। তাঁহারা ভাবিলেন, আতপতাপে, বৃষ্টিগাতে অথবা স্থাপদের আক্রমণে তাঁহাদের বাবতীর কষ্টের অবসান হইবে। কিন্তু ৬ নুট-

* *English Captive in Oudh. Edited by M. Wylie, p. 14.*

দোষে তাঁহাদের কষ্টের শেষ হইল না। তাঁহাদের কেহ কেহ পঞ্চম্রমে অবসন্ন হইলেন। কেহ কেহ জঙ্গলের ভরে অভিভূত হইয়া পড়িলেন। তাঁহাদের কেহ অপরের কোনরূপ সাহায্য করিতে পারিলেন না। কেবল পরস্পর সঙ্কলনরূপে ও নিরীকভাবে পরস্পরের কষ্ট দেখিতে লাগিলেন। রৌদ্রনিবারণের জন্য তাঁহাদের মাথার উপর কোনরূপ আচ্ছাদন ছিল না। পথের কষ্টক বা কঠিন মৃত্তিকাতূপের সন্মুখ হইতে পদদেশ রক্ষার জন্য কোনরূপ আবরণ ছিল না। পরিধানের পরিচ্ছিন্ন বস্ত্রবস্ত্র ব্যতীত, জলবায়ুর পরাক্রম হইতে তাঁহাদের দেহরক্ষারও কোনরূপ সন্দেহ ছিল না। কেহ একখানি সামান্য কাপড় নিজের ব্যবহারের জন্য চাছিল, পাশেও রক্ষকেরা অন্তর্মাত্র বিনিময়ে আদায় করিত। এইরূপ কষ্টে অসহায় জীবগণ দুর্গম অরণ্য হইতে নিষ্কাশিত হইলেন। জঙ্গলের বাহিরে ছইখানি গাড়ি ছিল। সকলকে ঐ গাড়িতে স্তৃপাকারে রাখা হয়। এই গাড়িবোঝাই স্তৃপাকৃত জীব অতঃপর আপনাদের অপরিজ্ঞাত স্থানের অভিমুখে যাত্রা করে।

মিথৌলীর রাজার কক্ষচারী জহির উল্ হসেন এত নম্রমে এইরূপ শোচনীয় ঘটনার স্থলে উপস্থিত হয়। অসহায় হউরোপীয়েরা এতক্ষণ নানারূপ যাতনা ভোগ করিলেও অবকভাবে যাত্রা করিতেছিলেন। জহির উল্ হসেন এখন পুরুষ-দিগকে শৃঙ্খলাবদ্ধ করে। কিছুক্ষণ পরে ইউরোপীয়েরা বৃষ্টিতে পারিলেন যে, তাঁহাদিগকে লক্ষ্যে লইয়া যাওয়া হইতেছে। দেড় শত অস্ত্রধারী লোক ও একটি কামান ইহাদের পুরোভাগে এবং অপর দেড় শত অস্ত্রধারী লোক ও একটি কামান ইহাদের পশ্চাভাগে বাইতে থাকে। যৎসামান্য খাত্ত জব্য ইহাদের সম্মুখে ফেলিয়া দেওয়া হইত। পানীর অনিচ্ছার সহিত অনেক বিলম্বে প্রদত্ত হইত। এইরূপ যাতনায় দুর্দীর্ঘ ছয় দিনের পর ইহাদিগকে লক্ষ্যের কৈশরবাগের অভিমুখে লইয়া যাওয়া হয়। প্রাসাদের কিছু দূরে ইহারা গাড়ি হইতে নামিয়া নিদিষ্ট স্থানে যাত্রা করেন। ইহাদের দেহ বিচ্ছিন্ন হইয়া পিয়াছিল। অনাহারে, অনিদ্রায় ও নিদারুণ পিপাসায় ইহারা দুশ্শুণ্ড্র হইয়া পড়িয়াছিলেন। একজন (স্যার মাউন্টষ্টুয়ার্ট জাক্সন) পথে অচেতন হইয়া পড়িয়া গেলেন। সামান্য ভ্রমশ্রমে ইহাকে চারপাশে তুলিয়া লইল। ছইটি কুলমহিলা জলের জন্য কাতরকণ্ঠে চীৎকার করিতে লাগিলেন।

ইঁহাদিগকে একরূপ অপরিষ্কার পাত্রে জল দেওয়া হইল যে, ইঁহারা উহা মুখে দিতে সম্মত হইলেন না। ইউরোপীয়গণ এইরূপ শোচনীয়ভাবে কৈশরবাগে উপনীত হইলেন। বাগের সীমার মধ্যে অনেকগুলি ছোট বড় ঘর ছিল। আস্তাবলের একটি ছোট ঘরে অবরুদ্ধ ইউরোপীয়দিগকে স্থান দেওয়া হয়।

এ সময়ে নরদানবাদিগের পার্শ্বে নরদেবাদিগেরও আবির্ভাব ঘটিয়াছিল। নির্যম, নির্দয় ও নিরতিশয় কঠোরপ্রকৃতি লোকের মধ্যে দয়াশীল মানবের হৃদয়নিহিত কোমলতার পরিচয় পাওয়া যাইতেছিল। প্রহরীদিগের মধ্যে এইরূপ একটি কোমলপ্রকৃতি লোক ছিলেন। ইঁহার নাম মির ওয়াজিদ আলি। রাজ্যভ্রষ্ট নবাবের নামে ইঁহার নাম হইলেও ইনি নবাবের প্রাধিক্ত্যপূনঃপ্রতিষ্ঠার আশায় বিমুগ্ধ হইলেন নাই। ওয়াজিদ আলি এই দুঃসময়ে অবরুদ্ধদিগের প্রধান সহায় হইলেন। রাত্রি দুই প্রহরের সময়ে অবরুদ্ধদিগকে আর একটি গৃহে লইয়া যাওয়া হয়। এই গৃহ পূর্বাগেষ্ঠা অনেক ভাল ছিল।

অবরুদ্ধদিগের অদৃষ্টে পরে যাহা ঘটিয়াছিল, তাহা বুঝাইবার জন্য, লক্ষ্যের দরবারের বিষয় সংক্ষেপে বলা যাইতেছে। নবাব ওয়াজিদ আলির বেগম হজরত মহলের ত্রিজিস্ কাদের নামক একটি চতুর্দশবর্ষবয়স্ক (কোন কোন মতে একাদশবর্ষবয়স্ক) পুত্রকে নবাব করা হয়। হজরত মহল ইঁহার নামে রাজ্যশাসনে প্রবৃত্ত হইলেন। চাকলাদার, নাজীর প্রভৃতি কর্মচারিগণ ইঁহার নামে ভিন্ন ভিন্ন বিভাগে রাজকীয় কর্ম সম্পাদন করিতে থাকেন। ভিন্ন ভিন্ন বিভাগের তালুকদারদিগকে লক্ষ্যের দরবারে আসিতে অহুরোধ করা হয়। ব্রিটিশ গবর্ণমেন্ট অযোধ্যা অধিকার পূর্বক বার দল সৈন্য প্রেরণ করিলেন। এই সৈন্যের অধিকাংশ পূর্বে নবাবের সন্ন্যাসে কর্ম করিত। এই সৈন্য এবং কয়েক রেজিমেন্ট অস্বারোহী, “অযোধ্যার অনিয়মিত সৈনিকদল” নামে পরিচিত। প্রধানতঃ এই সকল সৈন্য লক্ষ্যে অবরোধ করে, এবং ইঁহারাই ত্রিজিস্ কাদেরকে নাম মাত্র নবাব করিয়া, স্বপ্রধানভাবে থাকে। দারোগা মন্সু খাঁ হজরত মহলের প্রধান সহায় ছিলেন। পূর্বোক্ত ওয়াজিদ আলি দরবারের রাজস্ববিভাগে কর্ম করিতেছিলেন। কিন্তু উক্ত সৈনিকদিগের প্রাধিক্ত্যে ইঁহাদের ক্ষমতা অনেকাংশে সঙ্কুচিত

হইয়া পড়ে। ইহার মধ্যে একজন ধর্মোন্মত্ত মৌলবীর আবির্ভাব হয়। এ ব্যক্তি সিপাহীদিগের মধ্যে একরূপ প্রাধাত্য বিস্তার করেন যে, উহাতে লক্ষ্যের দরবারকেও বিব্রত হইতে হয়। ইহার কথা বৈচিত্র্যপূর্ণ।

এই মৌলবীর নাম আহম্মদ উল্লাহ। ১৮৫৭ অব্দের জাম্বুয়ারি মাসে আহম্মদ উল্লাহ কতিপয় সশস্ত্র অনুচর লইয়া ফৈজাবাদের মসজিদে ধর্মসম্বন্ধে বক্তৃতা আরম্ভ করেন। কর্তৃপক্ষ ইহাকে যাবতীয় অস্ত্র পরিত্যাগ করিতে আদেশ দেন। মৌলবী এই আদেশপালনে অসম্মত হইলেন। কর্তৃপক্ষ অগত্যা এল প্রকাশ করেন। গোলযোগে মৌলবী স্রংসাহত এবং তাহার দুই তিন জন অনুচর নিহত হয়। প্রথম বারে মৌলবীর বিচারে লক্ষ্যের প্রধান আদালত, অধস্তন আদালতের ব্যবস্থা নামঞ্জুর করেন। দ্বিতীয় বারের বিচারে বিলম্ব ঘটে। ইহার মধ্যে ফৈজাবাদে বিপ্লব উপস্থিত হয়। মৌলবী কারাগার হইতে মুক্তি লাভ করিয়া, উত্তেজিত সিপাহীদিগের অধ্যক্ষ হইলেন। কিন্তু তিন দিন পরে সিপাহীরা ইহা বকর্ত্ত্বে একরূপ বিরক্ত হয় যে, তাহার তিন শত টাকা দিয়া, ইহাকে বিদায় দেয়। মৌলবী লক্ষ্যেতে উপস্থিত হইলেন। হজরত মহল ইহার অভ্যর্থনা করেন। ব্যয়নির্বাহের জন্ত ইহাকে প্রতিদিন বহু অর্থ দেওয়া হয়। ইংরেজের পরাক্রমে অনেক সিপাহী দিল্লী হইতে তাড়িত হইয়া, লক্ষ্যেতে উপস্থিত হইতে থাকে। ইহার মৌলবীর অধীনতা স্বীকার করে। এইরূপে বলসম্পন্ন হইয়া, মৌলবী গোমতীতটে—গোঘাটে অযোধ্যার পূর্বতন মন্ত্রী আলি নকি খাঁর বিদ্যুত বাসভবনে অবস্থিতি পূর্বক উদ্দীপনাময়ী ভাষায় ঘোষণাপত্র প্রচার করিতে থাকেন। এই ঘোষণাপত্রে সর্ববিষয়ে তাহার কর্ত্ত্বা বিশদরূপে পরিব্যক্ত হয়। দরবার হইতে যে আদেশপত্র প্রচারিত হয়, মৌলবী তাহার বিরোধী হওয়ারই অবকাশ হইলেন। শেষে দিল্লীর সিপাহীরা ইহাকে ছাড়িয়া দেয়। মৌলবী অতঃপর আপনার ক্ষমতার বহুসংখ্য সশস্ত্র লোকের অধিনায়ক হইয়া উঠেন।

ওয়াজিদ আলির ছাত্র মহারাজ মানসিংহও কৈশরবাগে অবরুদ্ধ ইংরেজদিগের প্রতি সদয়ভাবে প্রকাশ করেন। মানসিংহের কর্ত্তব্যচরী অনন্তরাম অবরুদ্ধদিগকে বিমুক্ত করিতে সর্বিশেষ মনোযোগী হইলেন। তাহার শৃঙ্খলে আবদ্ধ ছিলেন, ওয়াজিদ আলির চেষ্টায়, তাহাদের শৃঙ্খল অপসারিত হয়।

মোলবী সন্ধি হইয়া, এই বিষয় জানিবার জন্ত লোক পাঠাইয়াছিলেন, কিন্তু ওয়াজিদ আলি চরদিগকে অথ দিয়া, এরূপ পরিতোষিত করেন যে, তাহার। মোলবীকে প্রকৃত সংবাদ জানাইতে নিরস্ত থাকে। যে দিন সেনাপতি হাবেলক ও আউট্রাম লগোতে উপস্থিত হয়েন, সেই দিন মোলবীর আদেশে উনিশ জন ইংরেজের প্রাণনাশ হয়। জাক্সন্ সাহেবের যে ভগিনী পথে তাঁহার ভ্রাতা হইতে বিচ্ছিন্ন হইয়া পড়িয়াছিলেন, তিনি ইহাদের মধ্যে ছিলেন। * ওয়াজিদ আলি এবং রাজা মানসিংহ ইহাদের প্রাণরক্ষার জন্ত গোপনে চেষ্টা করিয়াছিলেন, কিন্তু মোলবী এবং তাহার অধীন সিপাহীদিগের (ইহারা দিল্লী হইতে আসিয়াছিল) জন্ত কৃতকার্য হইতে পারেন নাই। ওয়াজিদ আলির উপর মোলবার সন্দেহ জন্মিয়াছিল। * ওয়াজিদ আলি প্রকাশ্য ভাবে চেষ্টা করিলে নিঃসন্দেহ তাঁহার প্রাণ যাইত।

২৬শে অক্টোবর হইতে ১৬ই নবেম্বর পর্যন্ত মম্মু খাঁ প্রায়ই কয়েদীদিগের সহিত দেখা করিতেন। তাঁহার উদ্দেশ্য ছিল, কাপ্তেন অর্ বাবা তিনি সেনাপতি আউট্রামের নিকটে এই ভাবে পত্র লিখাইবেন যে, যদি ইংরেজেরা এক বারে অযোধ্যা পরিত্যাগ করেন, তাহা হইলে দরবার কয়েদীদিগকে ছাড়িয়া দিবেন। জাক্সন্ সাহেব এবং কাপ্তেন অর্, উভয়েই এই ভাবে পত্র লিখিতে অসম্মত হয়েন। পরে মম্মু খাঁ ইহাদিগকে রেসিডেন্সের অবরোধকারী সিপাহীদিগের অধিনায়ক হইতে বলেন। আফিসরেরা যুগ্ম ও বিরক্তির সহিত এই প্রস্তাবেও অসম্মতি প্রকাশ করেন। উভয় প্রস্তাব অগ্রাহ্য হইল দেখিয়া, মম্মু খাঁ কয়েদীদিগের নিকট হইতে চণিয়া গেলেন। কয়েদীরা ভাবিলেন যে, তাঁহাদের অন্তিম কাল নিকটবর্তী হইয়াছে।

পরিশেষে তাঁহারা বাহা ভাবিতেছিলেন, বাহার জন্ত অস্থির হইয়াছিলেন, ভগবানের উপর নির্ভর করিয়া, ধীরভাবে বাহার আলিঙ্গনে প্রস্তুত ছিলেন, তাহা তাঁহাদের নিকটবর্তী হইল। ১৪ই নবেম্বর কয়েদীরা দূরে কামানের গভীর গর্জন শুনিতে পাইলেন। তাঁহারা বুঝিতে পারিলেন যে, প্রধান সেনাপতি স্যার কোলিন্ কাম্পবেল লঙ্কোর উদ্ধারার্থে আসিতেছেন। পর দিন

* বলা বাহুল্য যে, ইহারা কাচিয়ানির অবরুদ্ধ ইংরেজ মহেন।

দুশ্চিন্তায় অভিযাহিত হইল। এই দুই দিন কৈশরবাগে একুণ গোলযোগ ঘটিল যে, দূরবর্তী কামানের শব্দিনি অবরুদ্ধদিগের প্রতিপ্রতি হইল না। ১৬ই নবেম্বর বেলা নয়টার সময় ৭১ সংখ্যক দলের কতকগুলি সিপাহী অস্ত্র-মিতে সজ্জিত হইয়া, নাহেবদিগকে ঠানাস্তরে লইয়া যাইতে আসিল। ইহাদের উদ্দেশ্য বুঝিতে কাহারও বিলম্ব হইল না। পুরুষেরা ধীরতার বিসর্জন দিলেন না। কাপ্তেন অরু, সংসারে যাহা তাঁহার প্রিয়তম, যাহা তাঁহার পরমস্নেহান্বিত, তাহার নিকটে সজলনয়নে বিদায় লইলেন।

কিয়ৎক্ষণ পরে দূরে বন্দুকের শব্দ শুনা গেল। রক্ষকগণ অবরুদ্ধ মহিলাদিগকে বুঝাইল যে, কয়েকটি এতদৈশীয় কয়েদীকে গুলি করা হইতেছে। কিন্তু শেষে সময় প্রকাশ পাইল। মহিলাগণ রক্ষকশূন্য হইলেন। স্বামী, ভ্রাতা ও অভিভাবকেরা ঘাতকের অস্ত্রাঘাতে দেহত্যাগ করিলেন। এই ঘটনার পর যোগে একটি বালিকার মৃত্যু হয়। প্রহরীদিগের এক ব্যক্তি দয়া করিয়া, এবং অপর ব্যক্তি টাকা পাইয়া, রাত্রির অন্ধকারের মধ্যে কোনরূপে বালিকাটির সমাধি দেয়। এখন দুইটি মহিলা, একটি বালিকা অবশিষ্ট থাকে।

এই সময়ে লক্ষ্মীবাসিনী একটি দয়াশীলা নারী বালিকার জীবনরক্ষার জন্য বহুবতী হইয়া উঠে। অশ্রুসঙ্কুত স্নেহে আকৃষ্ট হইয়া, এই অবলা আর্তপরিজ্ঞান রূপ পবিত্র কর্ম সম্পাদনের জন্য ওয়াজিদ আলির সহিত সন্মিলিত হয়। ওয়াজিদ আলি ইহাকে অবরুদ্ধ মহিলাদিগের কর্মে নিযুক্ত করেন।

দরবারের হাকিম সদয়প্রকৃতি ও পরোপকারী ছিলেন। অবরুদ্ধ কুলনারী দুইটির অবস্থা দেখিয়া, তিনি সান্তিশয় হুঃখিত করেন। ওয়াজিদ আলির মন্ত্রণায় তিনি দরবারের কর্তৃপক্ষকে কহেন যে, কয়েদীদিগের বালিকাটি একান্ত পীড়িত হইয়াছে। হাকিম প্রত্যাহ এই সংবাদ দরবারের গোচর করিতে থাকেন। প্রত্যাহ দরবারের প্রধান কর্মচারীরা হাকিমের নিকটে অবগত করেন যে, বালিকাটির অবস্থা ক্রমেই মন্দ হইতেছে। কিন্তু এ সময়ে হাকিমের জায় প্রহরীদিগের অধ্যক্ষকেও বশীভূত করা আবশ্যক হইরাছিল। নচেৎ ওয়াজিদ আলির সমস্ত প্রকাশিত হইয়া পড়িত। ইহার মধ্যে দরবারের আদেশে প্রহরীদিগের অধিনায়ক অস্ত্র কর্মে নিয়োজিত হইল। ইহার স্থানে যে ব্যক্তি আসিল, ওয়াজিদ আলি তাহাকে এবং তাহার লোকদিগকে অর্থ দ্বারা বশীভূত

করিলেন। এই সময়ে পূর্বোক্ত হাকিম দরবারে জানাইলেন যে, বালিকাটির মৃত্যু হইয়াছে। এখন লক্ষ্মীর উক্ত নারী বালিকার উদ্ধারে উদ্ভূত হইল। সে উহার গায়ে রঙ মাখাইয়া দিল, উহাকে কাপড়ে সম্পূর্ণরূপে আচ্ছাদিত করিল, পরে উহাকে লইয়া, এই ভাবে রোমন করিতে করিতে বাইতে লাগিল যে, সে যেন আপনার মৃত শিশুসন্তানকে সমাধি দিবার জন্য লইয়া যাইতেছে। এইরূপে উক্ত দয়াবতী নারী প্রহরাদিগের হস্ত হইতে নিষ্কৃতি পাইয়া, আপনার স্নেহময় বহনীয় পদার্থ রাজা মানসিংহের গৃহে লইয়া যায়। কিছু দিন পরে বালিকাটি নিরাপদে আলমবাগের ইংরেজশিবিরে সমানীত হয়।

ইহার পর পূর্বোক্ত অপরূদ্ধ মহিলা দুইটি আপনাদের পরিত্রাণের উপায় দেখিতে থাকেন। এ সময়ে যদিও চারি দিকে ইংরেজের জয়লাভ হইতে ছিল, তথাপি লক্ষ্মী সহরে এবং উহার প্রান্তভাগে উত্তেজিত সিপাহীগণ দলবদ্ধ ছিল। কিন্তু ওয়াজিদ আলি মহিলা দুইটিকে রক্ষা করিতে উদ্যমী ছিলেন না। তিনি পাকীতে করিয়া ইহাদিগকে অনেক কষ্টে কৈশরবাগের অন্তর্গত লইয়া যান। এই সময়ে প্রহরীরা এরূপ সাবধান হইয়াছিল যে, ওয়াজিদ আলিকে ছদ্মবেশে কয়েদীদিগের সহিত দেখা করিতে হইত। ওয়াজিদ আলি কয়েদীদিগকে বিমুক্ত করিতে পারিলে, সেনাপতি আউট্রাম তাঁহাকে এক লক্ষ টাকা পারিতোষিক দিতে প্রতিশ্রুত হইয়াছিলেন। ইহাতে গবর্ণমেন্টেরও সম্মতি ছিল। ওয়াজিদ আলি অপরূদ্ধ মহিলাদ্বয়ের সমক্ষে আপনার সন্তানদিগের মাথার হাত দিয়া শপথ করিয়াছিলেন যে, তিনি এ বিষয়ে যথাসক্তি চেষ্টা করিবেন। বাহা হউক, পূর্বোক্ত স্থল নিরাপদ বোধ না হওয়াতে ওয়াজিদ আলি মহিলাদ্বয়কে অন্তর্গত আনয়ন করেন। ওয়াজিদ আলির পরিবারবর্গ এই স্থানে থাকিত। মহিলারা, ওয়াজিদ আলির স্ত্রী এবং সন্তানদিগের সহিত অবস্থিতি করেন। এই স্থানে তাঁহাদের যাবতীয় অভাবের মোচন হয়। বিবি অর্ এই স্থান হইতে একখানি পত্র লিখিয়া ওয়াজিদ আলির একজন আত্মীয়ের হস্তে এই বলিয়া সমর্পণ করেন যে, প্রথমে যে ইংরেজ আফিসরকে পাওয়া যাইবে, তাঁহাকেই যেন উক্ত পত্র দেওয়া হয়। বিধাতা এ সময়ে অমুকুল হইলেন। পত্রবাহক বাড়ী হইতে বহির্গত হইয়াছেন, এমন সময়ে এক দল স্ত্রী ও দুই জন ইংরেজ আফিসরকে দেখিতে পাইলেন।

পত্র সমর্পিত হইল। আফিসরেরা স্বরিতগতিতে মহিলা দুইটির উদ্ধারে ব্যাধা করিলেন। নির্দিষ্ট স্থলে উপস্থিত হইয়া, ইঁহারা আপনাদের কুলকামিনী-দিগকে পাকীতে তুলিয়া দিলেন। বাহক উপস্থিত ছিল না। আফিসরদিগের ভৃত্য এবং কতিপয় গুর্খা বাহক হইল। আফিসরেরা সহরের সঙ্কীর্ণ পথ অতিক্রম পূর্বক উক্ত পাকী সেনাপতি মাক্গেগরের শিবিরে লইয়া গেলেন। পর দিন মহিলা দুইটি সেনাপতি আউট্রামের শিবিরে উপনীত হইলেন। যে দেশের এক শ্রেণীর লোকের ইঁহাদের হুঁসহ যাতনার কারণ হইয়াছিল, ইঁহাদিগকে প্রিয়তম আত্মীয়জন হইতে জন্মের মত বিচ্ছিন্ন করিয়াছিল, সেই দেশের অল্প শ্রেণীর লোকেরই অনন্ত করুণায় এইরূপে ইঁহাদের জীবন রক্ষা হইল। *

অযোধ্যার ভিন্ন ভিন্ন বিভাগে, ভিন্ন ভিন্ন সৈনিকদলের মধ্যে এইরূপ উত্তেজনা এবং তৎপ্রযুক্ত এইরূপ ভয়াবহ বিপ্লব ঘটাতো প্রধান কমিশনর স্তার হেনরি লরেন্স সাতিশয় উদ্ভিগ্ন হইলেন। কিন্তু উদ্বেগের আবেগে তিনি কর্তব্য-সম্পাদনে নিরস্ত থাকেন নাই। অপ্রতিবিধেয় বিপদের আশঙ্কায় তাঁহার উত্তম ও অধ্যবসায় অন্তর্হিত হয় নাই। অযোধ্যার কন্দভার গ্রহণ করার পরে তাঁহার স্বাস্থ্য ভগ্ন হইয়াছিল। তাঁহার দেহ দিন দিন ক্ষীণ হইয়া পড়িতেছিল। তাঁহার দৃঢ়তাব্যঞ্জক প্রসন্ন মুখশ্রী দিন দিন পরিম্লান হইয়া যাইতেছিল, তথাপি তিনি কর্তব্যকর্ত্তমসম্পাদনে পরিশ্রম করিতে বিরত হয়েন নাই। ১১ই জুন পর্যন্ত সমগ্র উত্তরপশ্চিম প্রদেশের মধ্যে অযোধ্যার রাজধানী এবং কাণপুর, এই দুই স্থান ইংরেজের অধিকারে ছিল। ১১ই জুনের পর হইতে লক্ষৌ রক্ষার জন্য স্তার হেনরি লরেন্সের অধিকতর উত্তমের নিদর্শন পরিদৃষ্ট হয়। রাত্রিতে প্রায়ই তাঁহার নিদ্রা ছিল না। তিনি প্রায়ই ছদ্মবেশে নগরের নানাভাগ পরিদর্শন করিতেন। সময়ে সময়ে কামানের পার্শ্বে শয্যা পাতিয়া গোলন্দাজ সৈনিকদিগের সহিত অবস্থিতি করিতেন। কিন্তু এ শয্যাও তাঁহার নিদ্রার জন্য প্রস্তুত হইত না। তিনি শয্যার থাকিয়া, নগররক্ষার প্রণালী অবধারণ করিতেন। কিরূপে আত্মবলের বৃদ্ধি ও বিপক্ষবলের ক্ষয় করিতে হইবে, তাহার নির্ধারণের জন্য গভীর চিন্তায়

নিযুক্ত থাকিতেন। সংক্ষেপে আপনার রক্ষণীয় মগরে তিনি সর্ব্ববাণী ছিলেন। সকল স্থানেই তাঁহাকে দেখা বাইত।*

নগরে সামরিক আইন অমুসারে লোকের দণ্ডবিধান হইতেছিল। মজি-ভবনের পার্শ্বে কতকগুলি কঁাসি কাষ্ট স্থাপিত হইয়াছিল। যাহারা ব্রিটিশ গবর্ণমেন্টের বিরুদ্ধাচারী বলিয়া ধৃত হইত, এই স্থানে তাহাদের যাবতীয় বাসনার পরিসমাপ্তি ঘটিত। স্যার হেনরি লরেন্স নরহত্যার একান্ত বিরোধী ছিলেন। যাহাতে লোকের জীবনরক্ষা হয়, তৎপ্রতি তাঁহার সবিশেষ দৃষ্টি ছিল। দুর্ঘটনার গুরুত্ব বাধ্য হইয়া, তিনি নিরতিশয় মনঃকষ্টের সহিত এইরূপ দণ্ডের অমুমোদন করিতে লাগিলেন। সৈনিক গ্রহরিগণ ইউরোপীয় অধিনায়কদিগের অধীনে থাকিয়া শাস্তি রক্ষা করিতে লাগিল। ইউরোপীয়গণ নিয়মিতরূপে আপনাদের দৈনন্দিন কর্ম্ম নির্বাহ করিতে লাগিলেন। কিন্তু এ দিকে যাহার উপর যাবতীয় গুরুতর কর্ম্মের ভার সমর্পিত হইয়াছিল, যিনি প্রবলবাত্যাভিহিত মহাসমুদ্রে তরলীর একমাত্র কর্ণধার ছিলেন, তাঁহার স্বাস্থ্যের কোনরূপ উন্নতি হইল না। স্যার হেনরি লরেন্স ক্রমেই ক্ষীণ—ক্রমেই অবসন্ন হইয়া পড়িতে লাগিলেন। সুতরাং প্রয়োজনীয় কর্ম্ম সম্পাদনের ক্ষমতা একটি সমিতি প্রতিষ্ঠিত হইল। গাবিল্ সাহেব এই সমিতির অধ্যক্ষ হইলেন। তিন দিন মাত্র সমিতির অধিবেশন হইল। কিন্তু এই তিন দিনেই বিপদ গুরুতর হইয়া উঠিল।

৩০ শে মের ঘটনার পর গাবিল্ সাহেব সমগ্র সিপাহীদলের নিরস্ত্রীকরণে কৃতসঙ্কল্প হইয়াছিলেন। কিন্তু প্রধান কমিশনার এ বিষয়ে তাহার একান্ত বিরোধী ছিলেন। এ সময়ে তিনি ভারতবাসীর সকলকেই শত্রুভাবে দেখিতে ইচ্ছা করেন নাই। ক্রমবর্ধ অপরাপর ইংরেজের ভয়ের কারণ হইলেও, স্যার হেনরিয় পক্ষে উহা অনেক সময়ে সাহসের আশ্রয়, আশায় অবলম্বন এবং বিপত্তিনিবারণের প্রধান উপায় স্বরূপ ছিল। তিনি ভারতবাসীর প্রভুত্বভুক্তিতে বিশ্বাস করিতেন। ঘটনাচক্রে পড়িয়া, সিপাহীরা তাঁহাদের বিরুদ্ধে অস্ত্র পরিগ্রহ করিলেও তিনি মনে করিতেন যে, ঐ সিপাহীদিগের মধ্যেও প্রভুত্বক লোকের অভাব নাই। এই বিশ্বাসপ্রযুক্ত তিনি সমুদয় সিপাহীকে সৈনিকদল হইতে

* Rees, siege of Lucknow, p. 39.

নিষ্কাশিত করিতে চাহেন নাই । কিন্তু গাবিন্স্ সাহেব করেক দিনের জন্ত শাসনসমিতির অধ্যক্ষ হইয়া, আপনায় সঙ্কল্প অনুসারে কার্য্য করিতে লাগিলেন । তাঁহার কথায় ভিন্ন ভিন্ন দলের অধিনায়ক সিপাহীদিগকে অস্ত্রশস্ত্র হইতে বিচূত করিলেন, এবং তাহাদিগকে নবেম্বর মাস পর্য্যন্ত বিদায় দিয়া, আপন আপন বাটীতে বাইতে কহিলেন । এই বিষয় অবিলম্বে স্তার হেন্ৰি লরেন্সের গোঁচর হইল । স্তার হেন্ৰি অমনি রোগশয্যা হইতে গাত্রোত্থান করিলেন । মুহূর্ত্তমধ্যে কৃষ্ণশরীরে সৈন্যাদ্যাক্ষের কার্য্যভার গ্রহণ পূৰ্ব্বক সমিতির অচ্যুত রহিত করিয়া ফেলিলেন । তাঁহার আদেশে সিপাহীদিগকে ফিরাইয়া আনিবার জন্ত লোক প্রেরিত হইল । প্রায় ৫০০ পাঁচ শত নিরস্ত্র সিপাহী প্রফুল্লভাবে—সহস্ত-বদনে ফিরিয়া আসিয়া, আপনাদের চিরান্তত সৈনিকত্বত গ্রহণ করিল । ইহারা অবরোধের সময়ে প্রভুভক্তির সবিশেষ পরিচয় দিয়াছিল । * রেসিডেন্সি-রক্ষার জন্ত ইংরেজদিগের পর্য্যাপ্তপরিমাণে সৈন্য ছিল না । বিখ্যস্ত সিপাহীগণ প্রত্যাবৃত্ত ও সামরিক পরিচ্ছদে পুনরায় সজ্জিত হইলেও, স্তার হেন্ৰি লরেন্সের বলবৃদ্ধি হয় নাই । এই জন্ত স্তার হেন্ৰি অস্ত্ররূপ ব্যবস্থা করিতে উদ্ধত হইলেন । এই ব্যবস্থাতেও তাঁহার কৃষ্ণবর্ণের প্রতি অপরিদীর্ঘ প্রীতি ও বিশ্বাসের পরিচয় পাওয়া গেল । যে সকল সিপাহী দীর্ঘকাল কোম্পানির কর্ম করিয়া আপনাদের আবাসপল্লীতে পেন্সন ভোগ করিতেছিল, তাহাদিগকে আত্মান করা হইল । প্রধান কমিশনরের সাদর আহ্বানে প্রায় পাঁচ শত জরাগ্রস্ত সিপাহী লক্ষ্মীতে আসিল । স্তার হেন্ৰি ইহাদের বথোচিত আদর ও অভ্যর্থনা করিলেন । ইহাদের অনেকে কোম্পানির কার্য্যসাধনের জন্ত সময়ক্কেই প্রতিপক্ষের অস্ত্রাঘাতে বিকলাঙ্গ হইয়াছিল । কাহারও চক্ষু গিয়াছিল, কাহারও হস্ত নষ্ট হইয়াছিল, কেহ কেহ বার্ককাগ্রযুক্ত হীনবল হইয়া পড়িয়াছিল । তথাপি ইহারা, এক সময়ে বাহাদুর প্রদত্ত সামরিক ভূষণে শোভিত ছিল, বাহাদুরের নিকটে রণকৌশল শিখিয়া, বীরেন্দ্রবর্গের বরণীয় হইয়াছিল, বাহাদুরের জন্ত সময়ক্কেই দেহপাতেও উদ্ধত ছিল, উপস্থিত বিপত্তিকালে আবার তাহাদেরই জন্ত এই বার্ককাকালে—এইরূপ বিকলাঙ্গলহে লক্ষ্যেতে

* Kaye, Sepoy War. Vol. III. p. 499.

সমাগত হইল। স্যার হেনরি লরেন্স এই প্রভুতত্ত্ব ও বিশ্বস্ত সিপাহীদিগের মধ্যে ১৭০ জনকে বাছিয়া লইলেন। ইতঃপূর্বে বিভিন্ন দল হইতে শিখসৈনিক-দিগকে একত্র করা হইয়াছিল। এইরূপে প্রায় ৮০০ এতদৈশীয় সৈনিকপুত্রব লক্ষ্যোৎসাহের জন্ত সংগৃহীত হইল।

১২ই জুন বিপদের সূচনা হইল। যে সৈনিকদল পুলিশের কৰ্মে নিয়োজিত ছিল, তাহার পদাতিগণ ১১ই জুন গবর্ণমেণ্টের বিরোধী হইয়া উঠিল। পর দিন অম্বারোহিণী ইহাদের পথে পদার্পণ করিল। ইহারা জুলতানপুরের অভিমুখে যাত্রা করিল। একজন ইংরেজ সেনানায়ক কতিপয় সৈন্য লইয়া, ইহাদের পশ্চাদ্ধাবিত হইলেন। ইহাদের অধিনায়কও ইহাদিগকে বুঝাইতে গেলেন। অধিনায়ক উপস্থিত হইয়া, আপনার লোকদিগকে বুঝাইতে চাহিলেন। কিন্তু কেহ তাঁহার কথা শুনিতে চাহিল না। এই সময়ে যে ব্যক্তি তাহাদের পরিচালক হইয়াছিল, সে নিকোষিত তরবারির আকালন করিতে করিতে ইহাতে বাধা জন্মাইতে লাগিল। এক জন সিপাহী আপনাদের ইংরেজ সেনানায়ককে মারিবার জন্ত বন্দুক ঠিক করিল। অমনি এই বন্দুক ফেলিয়া দিতে আর বারটি বন্দুক উত্তোলিত হইল। বার জনে বন্দুক তুলিয়া, সন্ধানকারীকে বাধা দিয়া কহিল, “কে এইরূপ সাহসিক ব্যক্তির প্রাণ সংহার করে?”* অধিনায়ক অক্ষতশরীরে ফিরিয়া গেলেন।

এই সময়ে সেনাপতি স্যার হিউ হইলার মাতিশয় বিপন্ন হইয়া পড়িয়াছিলেন। বিপদ হইতে মুক্তিলাভের আশায় তিনি স্যার হেনরি লরেন্সের নিকটে সাহায্য প্রার্থনা করেন। গাবিন্স সাহেব কাণপুরের উদ্ধারের জন্ত সৈন্য প্রেরণ করিতে চাহিয়াছিলেন। কিন্তু ইহাতে অপর কেহ সম্মতি প্রকাশ করেন নাই। স্যার হেনরি লরেন্সও ইহাতে অমত প্রকাশ করেন। তাঁহার সৈনিকবল অল্প ছিল। ঈদৃশ বিপত্তির সময়ে তিনি নিজেই আত্মবলের অল্পতায় চিন্তিত হইয়াছিলেন। অধিকন্তু গঙ্গার তটভাগে বহুসংখ্যক সিপাহী অবস্থিতি করিতে-ছিল। স্তত্রাং গঙ্গা পার হওয়া অসাধ্য হইয়া উঠিয়াছিল। অল্পমাত্র সৈন্য গঙ্গা পার হইয়া, সিপাহীদিগের বিপুল শ্রেণী ভেদ করিয়া যাইতে পারে, এমন

* Rees, *Siege of Lucknow*, p. 61.

সম্ভাবনা ছিল না। এই হেতু স্ভার্ হেন্ৰি লরেস্ নিরতিশয় ক্ষোভের সহিত কাণপুরের সেনাপতির প্রার্থনাপূরণে অসম্মত হয়েন। ইহারা বর্তমান সময়ের অবস্থার পর্যালোচনা করিয়াছেন, তাঁহারা এ বিষয়ে স্ভার্ হেন্ৰি লরেস্‌র দয়া বা সমবেদনার অভাব দেখিতে পাইবেন না। তিনি যে যুক্তি দেখাইয়াছিলেন, কেহই উহার খণ্ডন করিতে পারেন নাই। এ সময়ে প্রায় সকল স্থানেই ইংরেজদিগকে অল্পমাত্র সৈন্তের উপর নির্ভর করিতে হইয়াছিল। এক স্থান নিরাপদ করিতে হইলে, অত্র স্থানের বলক্ষয় হইত। গন্তব্য পথ বিষয়সমূহ ছিল। স্ভার্ হেন্ৰি লরেস্ স্পষ্ট বুদ্ধিতে পারিয়াছিলেন যে, তিনি কাণপুরের সেনাপতির সাহায্যার্থে অল্পসংখ্যক সৈন্ত পাঠাইলে বহুসংখ্যক সিপাহী গঙ্গা পার হইয়া আসিবে। অধিকন্তু তাঁহার নিজেরও বলক্ষয় হইবে। ইহা ভাবিয়া, তিনি গভীর চুংখের আবেগে কাণপুরের বিপন্ন সজাতির প্রভু দীর্ঘ নিশ্বাস পরিত্যাগ করিলেন, এবং দীর্ঘ নিশ্বাসের সহিত ঘোরতর বিপত্তির মধ্যে আপনাব রক্ষণীয় স্থানের স্ববন্দোবস্ত করিতে লাগিলেন। তাঁহার উদারতা ও সমবেদনা, এ সময়ে তদীয় বিপক্ষদলের স্বদেশ-বাসীদিগেরও দয়া আকর্ষণ করিয়াছিল। তাঁহার সমবেদনা প্রযুক্ত লক্ষ্মী কাণপুর হইতে পারে নাই। ভারতবাসিগণের অনেকে এ সময়ে বিস্মৃত-ভাবে স্ভার্ হেন্ৰি লরেস্‌র পক্ষসমর্থনে উদ্বৃত হইয়াছিল। যখন অযোধ্যা অধিকৃত হয়, তখন নবাবসরকারের কয়েক শত গোলন্দাজ ব্রিটিশ কোম্পানির চাকরী করিতে সম্মত হয় নাই। এখন ইহারা ইচ্ছা পূর্বক আপনাদের অধিনায়ক মীর ফরজান্দ আলীর সহিত ইংরেজের দৈনিকশ্রেণীতে প্রবেশ করিবার জন্য উপস্থিত হয়। ইহাদের প্রার্থনা অগ্রাহ হয় নাই। অবরোধের সময়ে ইহারা আপনাদের বিস্মৃতির সবিশেষ পরিচয় দিয়াছিল। ইহারা ইংরেজের পক্ষসমর্থনের জন্য দেহবিসর্জনে কাতর হয় নাই। উত্তেজিত সিপাহীরা ফরজান্দ আলীর গৃহস্থিত বহুমূল্য সামগ্রী লুণ্ঠন করিয়াছিল। গবর্ণমেণ্ট ক্ষতি-পূরণ না করিলে ফরজান্দ আলী আপনাব অপরিমিত প্রভুভক্তির বিনিময়ে কোন ফল লাভ করিতে পারিতেন না।”*

* Gubbins, Mutinies in Oudh, p. 190.